

CURSUS THEOLOGICUS AD USUM TYRONUM...

Domenico Viva, Josè
Maria Fonseca de Evora



CURSUS
THEOLOGICUS

A D

*Usum Tyronum elucubratus, & in
quotidianis Prælectionibus*

A R. P. DOMINICO VIVA
S. J. SACRÆ THEOLOGIÆ
PROFESSORE

Suis Auditoribus traditus

In Palæstra Collegii Neapolitani ejusdem
Societatis Cupientibus, atque instantibus
Theologiæ Candidatis.

IN LUCEM PUBLICAM EDITUS

A D. IGNATIO VIVA
AUCTORIS NEPOTE.

PARS SECUNDA
De Beatitudine, de Angelis,
Ac de Actibus Humanis.



COLONIÆ AGRIPPINÆ

Sumptibus WILHELMI METTERNICH, Bibliop.
Sub signo Gryphi. Anno M. D. CC. XV.
Cum Permissu Superiorum ac Privilegio.



FACULTAS

R. P. PROVINCIALIS.



Go infra-scriptus Societatis JESU per Provinciam Rheni inferioris Præpositus Provincialis, potestate mihi ab Adm. Rev. P. nostro Michaële Angelo Tamburino præposito Generali ad id factâ, concedo Domino WILHELMO METTERNICH Bibliopolæ Colonienſi facultatem ad decennium recudendi Librum, cui titulus: *Cursus Theologicus* in octo Tomulos diviſus Authore P. Dominica Viri. Item Meditationes P. Ludov. de Ponte in ſex Partibus idiomate latino. Eidemque Jus Cæſarei Privilegii uſurpandi eatenus indulgeo, ut dictos Libros nemo alius intra decennium recudere, nemo intra S. R. Imperii fines & Hæreditarias S. C. Majeſtatis Provincias importare, aut venum exponere audeat. In cujus rei fidem has litteras manu propria ſubſcriptas, & officii ſigillo munitas dedi, Colonia 1714. 6ta Julii.

PETRUS SCHMITMAN S. J.
mp.

INDEX

QUÆSTIONUM

De Beatitudine , de Angelis , ac de Actibus Humanis.

DISPUTATIO I.

DE Beatitudine formali.

QUÆSTIO I.

Utrum formalis Beatitudo consistat in actu , an in habitu ?

QUÆST. II. Utrum formalis Beatitudo consistat in Visione Dei, an in Amore ?

QUÆST. III. Num saltem inadæquatè Actus voluntatis Beatitudinem constituat ?

QUÆST. IV. Sitne perfectior Dei visio, quàm amor beatificus ; & intellectus, quàm voluntas ?

QUÆST. V. Num Beatus ad amorem beatificum necessitetur quoad exercitium ? Et quid si præcipiatur, ut cesset ab amore ?

ART. I. Num possit visio Dei ab amore sejungi ; & vice-versa amor à visione ?

ART. II. Num videns Deum possit illum odisse, si sciat se ab illo puniendum in æternum ?

ART. III. Num possit Beato præceptum imponi, ne Deum amet ?

QUÆST. VI. Num possit cum Dei visione componi potentia ad peccandum, & ipsum peccatum ?

ART. I. Num possit cum Dei visione componi potentia ad peccandum pro eodem instanti peccato impeditivo visionis ?

ART. II.

QUÆSTIONUM.

ART. II. Num possit cum Dei visione componi potentia ad peccandum pro instanti sequenti peccato destructivo visionis?

ART. III. Num possit cum Dei visione componi peccatum habituale?

ART. IV. Num etiam mortale actuale coherere possit cum Dei visione?

QUÆST. VII. Num possit aliquis beari per ipsam increatam Dei visionem; aut per Visionem creatam à solo Deo productam?

ART. I. An possit visio Increata esse nostra formalis Beatitudo?

ART. II. Num possit formalis nostra Beatitudo à solo Deo produci?

QUÆST. VIII. Utrum Beatitudo formalis sit essentialiter perpetua, & cognoscens suam perpetuitatem?

QUÆST. IX. An visio Dei ex natura sua sit indestruibilis?

QUÆST. X. Num repugnet visio Dei essentialiter indestruibilis?

QUÆST. XI. Utrum formalis beatitudo metaphysicè considerata consistat in sola visione essentia divina absque visione personalitatum, & attributorum?

DISPUTATIO II.

DE Beatitudine Objectiva?

QUÆSTIO I.

QUid & quotuplex sit finis, & quanam ejus causalitas?

QUÆST. II. Num detur, & in quonam consistat beatitudo objectiva Creaturae rationalis?

QUÆST. III. Utrum possit quasi à priori demonstrari existentia beatitudinis objectivæ ex conceptu cumuli omnium bonorum?

QUÆST. IV. De appetitu hominis erga beatitatem.

INDEX

DISPUTATIO III.

DE Angelis quoad eorum Naturam.

QUÆSTIO I.

Utrum certa sit certitudine naturali Angelorum existētia?

QUÆST. II. Num sit possibilis Angelus compositus ex materia spirituali, & formâ Angelicâ?

QUÆST. III. Utrum Angeli sint incorruptibiles, & inamphibiles ab intrinseco?

QUÆST. IV. Num detur multiplicitas specifica Angelorum?

QUÆST. V. Num detur pariter numerica Angelorum multiplicitas?

QUÆSTIO VI. Num possit Angelus naturaliter esse in locis disjunctis; & ab extremo ad extremum transire sine medio?

DISPUTATIO IV.

DE iis, quæ spectant ad intellectum Angelorum.

QUÆSTIO I.

Utrum sit possibilis species impressa universalissima representans in actu primo clarè, & distinctè omnia possibilia?

ART. I. Præmittuntur selectiora de speciebus impressis Angelorum.

ART. II. Ostenditur repugnare speciem impressam universalissimam.

QUÆST. II. Num possit Angelus naturaliter cognoscere futura libera, arcana cordium, & objecta supernaturalia?

QUÆST. III. De modo, & proprietatibus Angelicæ cognitionis?

QUÆST.

Q U Æ S T I O N U M.

QUÆST. IV. *Quomodo Angeli loqui, & mentiri possint
& quonam pacto alios illuminent?*

QUÆST. V. *An possit intellectus Angelicus cum propriis
actibus identificari?*

D I S P U T A T I O V.

DE iis, quæ spectant ad voluntatem Angelorum.

Q U Æ S T I O I.

Utrum Angeli peccare potuerint in primo suæ creationis
instanti? Et quomodo se habuerint in via?

QUÆST. II. *An sit possibilis creatura rationalis impec-
cabilis?*

QUÆST. III. *Undenam proveniat demonum obstinatio?*

QUÆST. IV. *Quomodo, & ubinam demones ab igne cru-
cientur?*

D I S P U T A T I O VI.

DE Actibus humanis, in quantum voluntariis, & liberis.

Q U Æ S T I O I.

Quid sit voluntarium, involuntarium, violentum, & co-
actum?

QUÆST. II. *An metus, concupiscentia, & ignorantia
causent involuntarium?*

QUÆST. III. *In quonam consistat libertas arbitrii?*

QUÆST. IV. *Utrum libertas sit actui essentialis, & in-
trinsæca, an verò accidentalis, & extrinsæca?*

QUÆST. V. *An sit possibilis pura omisio libera?*

QUÆST. VI. *Utrum voluntas libertatem actualem ex-
erceat pro instanti, quo operatur, an pro sequenti?*

QUÆST. VII. *An possit voluntas eligere bonum minus
præ majori, etiam efficacius proposito?*

QUÆST. VIII. *An voluntas possit liberè amare malum,
ut malum?*

QUÆST.

INDEX QUÆSTIONUM.

QUÆST. IX. *Utrum dari possit actus pura fuga erga malum?*

QUÆST. X. *Utrum ad amandum liberè objectum prærequiratur iudicium de ejus bonitate, an verò sufficiat simplex apprehensio?*

DISPUTATIO VII.

DE actibus humanis in quantum honestis, & moralibus.

QUÆSTIO I.

Vtrum prima regula actionum moralium sit Lex aeterna Dei, an verò natura rationalis;

QUÆST. II. *Utrum honestas, & inhonestas sit essentialis, & intrinseca actibus moralibus?*

QUÆST. III. *Utrum sit possibilis actus moralis indifferens in specie, vel in individuo?*

QUÆST. IV. *Utrum actus imperati, & actus externi habeant specialem bonitatem, aut malitiam moralem, necnon meritum aut demeritum?*

QUÆST. V. *Utrum possit actus bonus supernaturalis imperari ab actu saltem leviter malo?*



CUR.



CURSUS THEOLOGICUS

Ad Usū Tyronum elucubratus,

PARS SECUNDA.

DE BEATITUDINE,
DE ANGELIS,

AC

DE ACTIBUS HUMANIS.

PROOEMIUM.



Um DEUS sit Alpha & Omega ,
Principium & Finis , postquam
Theologia lumine Superno illum
contemplata est , prout est in se ,
Unum, & Trinum; nec non prout

est Principium Substantiarum Intellectualium ,
pergit eundem contemplari prout est Noster ulti-
mus Finis, *Non qui consumit , sed qui consum-
mat , quia nostra perfectio est ad illum pervenire ,
ad quem cum pervenerimus nihil ultra desidera-
mus , ut loquitur Augustinus.* Verum quia cō-
tendere nullatenus possumus , nisi per humanos
actus, hoc est liberos, & moraliter bonos, idcirco
Theologia cum Angelico , primā secundæ , co-

Pars II.

A

fundem

2 *Pars II. Disp. I. De Beatitudine, &c.*

rundem naturam considerat, voluntarietatem; libertatem, & moralitatem, honestatem videlicet, & inhonestatem. Nos ut difficilioribus primo impetu occurramus, Tutelaris Angeli patrocinio suffulti præmittimus quæstiones ad DEUM spectantes, prout nostrum ultimum Finem, seu prout est nostra Beatitudo. Deinde inspiciendo Deum ut Principium substantiarum Intellectuum descendemus ad Angelos considerandos, qui inter Creaturas à Deo conditas, & inter Naturas à Deo beatificabiles principem obtinent locum. Ac demum disceptabimus de Actibus Humanis.

In prima itaque Disputatione agemus de Formali Beatitudine. In secunda de Beatitudine Objectiva. In tertia de Angelis, tanquam de primo subiecto beatificabili, inspiciendo, quæ spectant ad eorum naturam. In quarta de iis, quæ spectant ad Intellectum Angelorum. In quinta de iis, quæ spectant ad eorundem Voluntatem. In sexta de Actibus Humanis, quibus assequimur beatitudinem, in quantum voluntariis, & liberis. Et in septima de iisdem in quantum moraliter bonis, aut malis.

DISPUTATIO I.

De Beatitudine Formali.

Noster ultimus Finis non est interitus, sed felicitas humanis actibus assequenda: &, ut loquitur Augustinus l. 2. de Civit. c. 1.
Non est id, quo homo consumitur, ut non sit, sed

sed quo perficitur ut sit. Hunc de facto dari, natura ipsa proclamat; Cùm quilibet ad felicitatem anhelet. Quia tamen nullum bonum potest hominem beare, nisi possideatur, & in bono pos-
 sesso duo sunt consideranda, videlicet bonum, quod possidetur, & ipsa boni possessio; idcirco duplicem Theologi, ac Philosophi omnem distinguunt Beatitudinem, alteram Formalem, quã scilicet homo dicitur possidere Objectum Beatificum, alteram Objectivam, quæ est ipsum bonum possessum, atque adeo est terminus Beatitudinis formalis, beatificans per modum objecti. Incipimus à consideratione Beatitudinis formalis; de qua plurima inquiremus. Et primò quidem: Num consistat in actu, an in Habitu? Secundò: Num in actu intellectûs, an Voluntatis? Tertio: Num saltem inadæquatè ab actu voluntatis constituatur? Quarto: Sitne perfectior Dei Visio, an Amor? Quintò: Num Beatus ad amorem beatificum necessitetur quoad exercitium? Et quid si præcipiatur, ut cesset ab amore? Sextò: Num possit cum Dei Visione conjungi potentia ad peccandum, & ipsum peccatum? Septimò: Utrum possit aliquis beari per ipsam Increatam Dei Visionem; aut per Visionem creatam à solo Deo productam? Octavò: Utrum Beatitudo formalis sit essentialiter perpetua, & cognoscens suam perpetuitatem? Nonò: An Visio Dei ex natura sua sit indestruibilis? Decimò: Num repugnet Visio Dei essentialiter indestruibilis? Denique Utrum formalis Beatitudo metaphysicè considerata consistat in sola Visione essentiæ Divinæ, circumscriptâ Visione Personalitatum, & Attributorum:

QUÆSTIO I.

*Utrum Formalis Beatitudo consistat
in Actu, an in Ha-
bitu?*

I. **C**Um formalis Beatitudo consistat in conjunctione creaturæ intellectualis cum summo Bono, & hujusmodi conjunctio duplex esse possit, habitualis, & actualis, merito quæritur, Utra illam constituat? Henricus, & Bonav. in 4. dist. 49. docent, principaliter consistere in habituali conjunctione animæ cum bono increato, minùs principaliter verò in actuali operatione ejusdem animæ: Habitualement verò conjunctionem Henricus explicat per intimum illapsum, & circumfessionem Divinitatis in anima, eo modo, quo ignis profundè in ferrum se se insinuat; unde ferrum totum candet, & ardet; adeo ut nihil in ferro appareat, nisi ignis. Hoc autem in anima efficitur per habitum de genere qualitatis, qui sit principium operationis, per quem ultimò, licet minùs principaliter, completur nostra beatitudo. Communis tamen sententia cum D. Thoma 1. 2. quæst. 3. art. 2. Beatitudinem collocat in sola operatione.

II. Dico equidem 1. Nostra formalis beatitudo consistere nequit adæquatè in habituali conjunctione cum bono Increato.

PROB. Illa conjunctio animæ cum summo bono dicitur nostra essentialis beatitudo, quâ
ob-

Qu. I. Numin actū, an in habitu, &c. 5

obtentā , rationalis appetitus quiescit ; nulla autem habitualis conjunctio est hujusmodi ; ergo. Major constat : est enim ipsissima Beatitudinis definitio ; nam quamdiu rationalis appetitus non quiescit , non dicitur assecutus suam Beatitudinem ; quæ satiare debet , & omnino explere animæ appetitum , tollendo ab eo omnem potentialitatem ad ulteriorem perfectionem , cuius est capax. Minor probatur , quia nulla habitualis conjunctio ultimò unit appetitum rationalem cum objecto beatifico ; cum præter illam supersit conjunctio actualis , ad quam appetitus remanet in potentia.

Confirmatur. Quia si posset haberi beatitudo absque operatione vitali , posset aliquis dormiens esse beatus , dummodo polleret habitu beatificante ; quod nemo dixerit , ut notat Philosophus 1. *Moral.* 4.

Confirmatur 2. Quia Corpus Christi Domini in triduo mortis , quamvis hypostatice unitum Verbo , non per hoc erit beatum , quia non possidebat illud possessione vitali , & intentionali propriâ creaturæ capacis beatitudinis , sed solum possessione physicâ , quæ non spectat ad beatitudinem.

III. Dico 2. Habitualis conjunctio cum objecto beatifico , ne partialiter quidem ingreditur essentiam beatitudinis formalis.

PROB. Quia formalis beatitudo essentialiter , & metaphysicè considerata consistit in assecutione ultimi finis , & perfectâ possessione Dei , quatenus objectum beatificum est ; atqui hoc totum adæquatè habetur absque ulla conjunctione habituali animæ cum Deo ; ergo.

Minor prob. Quia assëcutio ultimi finis , & formalis Dei possessio solum efficienter , & in actuprimo habetur per habitum , ac per potentiam ; in actu verò secundo , & formaliter habetur per operationes potentiarum rationalium , quandoquidem per habitum homo potest objectum beatificum possidere ; per operationem verò possidet ; ergo independenter ab habitu (cujus vices relatè ad influxum in operationes Deus supplere potest immediatè) habetur adæquatè perfecta possessio objecti beatifici , atque adeo formalis beatitudo.

Neque dicas , beatitudinem formalem debere nos conjungere cum Deo perfectissimè ; perfectior autem est conjunctio , quæ habetur per habitum simul , & per actum , quàm quæ per solum actum ; ergo in utroque consistit.

Nam contra est , quia si requireretur perfectissima conjunctio cum objecto beatifico ad beatitudinem formalem , sequeretur , quòd solus Christus Dominus posset esse beatus , quia ille solus conjungitur perfectissimè ; videlicet per unionem hypostaticam , & per gratiam , nec non per habitum luminis gloriæ , & charitatis infusæ ; quare sicut potest essentialiter consistere adæquata formalis beatitudo absque unionem hypostaticam ; ita divinitus posset etiam absque ulla alia conjunctioe habituali animæ cum Deo. In forma distinguo majorem : debet nos conjungere cum Deo conjunctioe perfectissimâ quoad intensiorem , aut extensionem conjunctiois , nego : quoad speciem conjunctiois , quæ scilicet tollat omnem potentialitatem relatè ad ulteriorem perfectionem objectivam , cujus sit sit capax subjectum beatificabile , concedo

Qu. 1. Num in actu, an in habitu, &c. 7
cedo maiorem, & distinctâ minore, nego consequentiam.

Neque replices, beatitudinem haberi non posse absque amicitia cum Deo, atque adeo absque alia habituali conjunctione cum objecto beatifico, quæ habeatur per gratiam sanctificantem.

Nam contra est, quia, ut notat Oviedus, videns Deum, & possidens illum possessione exigente gratiam, seu jus ad amorem amicabilem, & beatitudinem potentiarum externarum, atque alia, quæ constituunt statum omnium bonorum aggregatione perfectum, adhuc esset beatus beatitudine essentiali metaphysicè consideratâ, etiam si divinitus careret iis bonis connaturaliter exigitis; Sicut Christus Dominus Deum videns erat beatus beatitudine essentiali, etiam dum pateretur. Satiatur enim appetitus rationalis videntis Deum eo ipso, ac videt in omnibus fieri voluntatem Dei summè amabilis, & amati; unde sicut de facto beatus contentissimus est, etiam si privetur visione intensiori, & unione hypostaticâ, quæ non sunt connaturaliter debita videnti Deum; ità contentissimus esset beatus, si à Deo privaretur bonis connaturaliter debitis.

IV. Ubi notandum, quòd beatitudo sumi potest vel physicè pro statu omnium bonorum aggregatione perfectò, vel metaphysicè pro primo prædicato exigente eas dotes, quibus constituitur talis status. Sicut autem homo v. g. si sit cæcus, est metaphysicè perfectus, licet non physicè: ità si quis videat, & possideat Deum, & careat bonis connaturaliter debitis videnti Deum, erit perfectè beatus beatitudine sumptâ metaphysicè, licet non sumpta physicè, ut clariùs in sequenti quæstione explicabitur.

8 *Pars II. Disp. I. De Beatitudine, &c.*

Et sanè sicut grave v. gr. absque physica violentia ascendit ad replendum vacuum in bonum naturæ universalis, ità à fortiori creatura absque ulla violentia, aut miseria caret bonis sibi connaturaliter debitis, in obsequium Numinis clarè visi; atque adeo perfectè quiesceret videntè, in hoc Divinam voluntatem adimpleri; nam sicut grave naturâ suâ ascendit ad vacuum replendum, ità creatura naturâ suâ inclinatur ad obsequendum Numini clarè viso magis, quàm ad proprias connaturales dotes obtinendas; unde si videat, Deum velle illam cruciari, ac suâ amicitiam privare, adhuc esset contentissima, & beata beatitudine sumptâ metaphysicè, dummodo tamen non videat Deum sibi positivè infensum: tunc enim videns Deum non solum esset miser per recessum à suo ultimo fine, sed etiam miserrimus miseriâ causante summam tristitiam per hoc, quòd videret, se à Deo summo bono odio haberi.

OBJIC. 1. Contra primam conclusionem, Argumentum, quod proponit Scotus in 4. *distinctione* 49. Habitus superat perfectionem actûs; ergo in habitu, non in actu consistit beatitudo formalis. Antecedens probatur, quia habitus est causa actûs; ergo est illo perfectior: consequentia videtur certa, quia beatitudo in eo ordine, in quo est beatitudo, excludit aliquid supra se perfectius; cum sit finis cæterorum in eodem ordine; ergo consistere debet in habitu, qui est perfectior actu.

Resp. 1. nego antec. Causa enim æquivoca non semper est perfectior effectu, nisi sit totalis; neque enim Sol est perfectior homine, licet sit illius causa
æqui-

Qu. I. Num in actu, an in habitu, &c. 9

æquivoca, cum Sol, & homo generent hominem: quare licet habitus sit causa actus, non per hoc est perfectior, cum sit causa æquivoca.

Respond. 2. Dupliciter posse actum, & habitum inter se comparari; primo in ratione entitativa, secundo in ratione attingente objectum, ad quod ordinantur: si primo modo considerentur, quaestio est inter Doctores, Num habitus sit perfectior actu? Aliqui cum Vasquez 1. 2. *disputation. 8. capit. 3. numer. 23.* putant, habitum esse perfectiorem propter rationem in argumento adductam: Alii cum Richardo in 2. *disp. 49. art. 2.* esse imperfectiorem propter rationem adductam in prima responsione. Si tamen secundo modo spectentur, citra controversiam est, actum esse perfectiorem, eo quod habitus attingat objectum dumtaxat in potentia; operatio verò in actu: Quare in forma *Distinguo antecedens*; habitus est perfectior in ratione entitativa, omitto; in ratione attingendi objectum, *Nego Antecedens & Consequentiam*; perfectio enim, quæ attenditur in materia beatitudinis formalis, non est entitativa; (aliter substantia animæ beatitudinem formalem constitueret, cum ea perfectior sit tam habitu, quam actu) sed perfectio in ratione attingendi, & possidendi objectum, quod se habet de formali, cum beatitudo sit possessio objecti beatifici.

VI. OBJIC. 2. Possessio objecti; quæ habetur per actum, est brevis, & transiens; quæ verò per habitum, est permanens, & perfecta; ergo non in actu, sed in habitu consistit beatitudo, utpote quæ est perfecta possessio; Unde Aristoteles 1. Eth. 2.

10 *Pars II. Disp. I. De Beatitudine, &c.*
dixit: *Sicut una Hirundo non facit Ver, ita nec unus dies hominem efficit beatum.*

Resp. Nego consequentiam; beatitudinis enim permanentia, & essentialis perpetuitas non habetur per habitum, sed per actum, quo certificatur beatus de perpetuitate suæ beatitudinis; siue idem actus in individuo, siue idem in specie in perpetuum perseveret; satis enim est, si unâ cum Divina essentia attingatur cognitione metaphysicè certa decretum Dei de non neganda beatitudine in perpetuum.

VII. OBJIC. Ultimò contra secundam conclusionem cum Henrico. Non solum potentia animæ sed ipsa etiam anima est beatificabilis per conjunctionem cum objecto Increato, ad quam ipsa etiam animæ essentia habet appetitum; ergo beatitudo completa, & perfecta non habetur solum per conjunctionem potentialium rationalium cum Deo, quod fit per operationem, sed etiam per conjunctionem animæ cum eodem objecto beatifico, quod fit per habitum, seu per illapsum Dei specialem in essentias Beatorum. Quinimmo principaliter constituitur beatitudo per habitum; tum quia per illum beatificatur animæ essentia, & per operationem beantur potentia, quæ sunt accidens animæ; tum etiam quia per habitum perfectius unitur animæ essentia Increata, quia immediatius, & intimius absque ullo medio creato, ubi potentia, media operatione, cum objecto increato conjunguntur.

Resp. Deum non illabi in essentias Beatorum distincto illapsu, ac illabatur in hac vita in essentias iustorum. Dupliciter enim in Beatos dicitur illabi Deus; Primò per conservationem, qua attingit,
&

& penetrat totum esse, quod in illis est ; Secundò per gratiam , ratione cujus dicitur in illis tamquam in proprio templo inhabitare; producendo scilicet, & conservando in illis specialem participationem suæ naturæ, & efficiendo illos proportionatum objectum suæ Amicitia: quæ omnia præstat Deus in hac vita relatè ad justos. Verum transmissò, quòd speciali illapsu penetret animas Beatorum, quatenus ratione visionis beatæ gratia in iis est inamissibilis, adhuc talis illapsus non pertinet ad formalem beatitudinem, quæ ut ostendimus, consistit in vitali, ultima, & perfecta assecutione, & possessione objecti beatifici.

Concedimus itaque Henrico , non solum potentias animæ, sed etiam animæ essentiam beabilem esse, negamus tamen aliter beari, quàm per vitalem attigentiam summi boni. Supponimus enim ex Philosophia, quòd licèt potentia ab anima distinguerentur , adhuc ipsa anima immediatè deberet in actus vitales concurrere, ut principalis causa, & forma perceptiva objecti; atque adeò per operationem vitalem non solum potentia, sed etiam anima beatur ; & immediatè conjungitur cum objecto beatifico.

VIII. Ex dictis colliges 1. cum Vasquio 1. 2. *disp.* 8. nostram beatitudinem ex duobus integrari, videlicet ex operatione creata nobis inhaerente , & ex objecto Increato extrinsecè terminante ; Ita tamen, ut principalius in ea sit objectum , quàm actus , quia in objecto , non in actu primario , & ultimatè quiescit appetitus rationalis ; eò quòd actum appetat propter objectum , non è contra. Quare si possent ad invicem separari , potius voluntas eligeret ob-

12 Pars II. Disp. I. De Beatitudine, &c.

objectum sine actu, quàm actum sine objecto : Et ratio est , quia voluntas amat objectum beatificum amore amicitiae , & propter se , actum verò , seu beatitudinem formalem amat amore concupiscentiae , & propter aliud : suam enim beatitudinem amat beatus propter Deum , quem supra se ipsum , ac super omnia diligit.

Colliges 2. Beatitudinem formalem , ut sit satietas , & quies appetitus rationalis , debere esse ultimam , & perfectam possessionem objecti beatifici , unde non sit appetibilis ulterior , aut perfectior possessio quoad speciem suam ; nulla enim possessio cuiuscumque alterius objecti , puta divitiarum , honoris , &c. est possessio explens appetitum rationalem.

Q U Æ S T I O II.

Utrum Beatitudo Formalis consistat in Visione Dei , an in Amore ?

I. **C**ertum est , non posse in ulla operatione sensitiva consistere ; nam possessio summi boni , quæ est nostra formalis beatitudo , consistere nequit , nisi in actu , quo vitaliter ipsum summum bonum attingamus , illique jungamur ; nullus autem actus potentiae sensitivæ potest summum Bonum , nempe Deum , attingere , & vagari extra specificativum formale potentiarum sensitivarum , quod est objectum sensibile ; ergo nullus actus potentiae sensitivæ potest beatitudinem formalem constituere. Quod notavit Philosophus 1. Eth. 7. dicendo , Beatitudinem esse propriam naturæ rationalis , atque adeò consistere

NON

non posse in aliqua operatione communi cum brutis incapibus beatitudinis. Quare solum quaestio est, Num in solo actu intellectus consistat? ut communiter docent Thomistae; An in solo actu voluntatis? ut Scotistae; An in utroque actu conjunctim? ut Nominales, & communius Recentiores cum Suario *disp. 7. qn. 1.* Valentia, Molina, An in utroque Rorsim? ut Ripalda *disp. 100.* Qua in re qui docent, consistere in actu intellectus, alii requirunt actum speculativum, alii practicum; & qui in actu voluntatis, alii requirunt amorem, alii fruitionem, & gaudium; alii utrumque cum Bonav. in *4. disp. 49.* Ubi recolendum, nos hic non loqui de Beatitudine physicè sumpta quæ à Boetio *lib. 3.* de Consolatione definitur, *Status omnium bonorum aggregatione perfectus*; in quo sensu includit etiam accidentia, quæ potius faciunt ad connaturalem statum, quàm ad essentiam beatitudinis; Unde complectitur satietatem omnium potentiarum, tam rationalium, quàm sensitivarum, adeoque corporis glorificationem: Sed loqui de Beatitudine essentiali, metaphysicè sumpta, seu de illa perfectione, quæ primò, & per se constituit beatum, ac simpliciter vocatur beatitudo, seu possessio formalis summi boni complerè, ac per se satians appetitum naturæ rationalis. His positis.

II. Dico, Beatitudinem formalem consistere in operatione potentiae intellectivæ, seu in cognitione perfecta objecti beatifici, ad quam connaturaliter sequatur amor, & fructio ejusdem. Ita Divus Thomas 1. parte, *quest. 26. art. 2.* ubi

ubi hæc habet: *Quod est perfectissimum in qualibet intellectuali natura, est intellectualis operatio, secundum quam capit quodammodo omnia; unde cujuslibet intellectualis natura beatitudo consistit in intelligendo.*

PROB. 1. Autoritate Scripturæ explicantis beatitudinem per Dei visionem. Nam Joan. 17. dicitur: *Hæc est vita æterna, ut cognoscant te verum Deum*: Matth. 10. *Beati mundo corde, quoniam ipsi Deum videbunt*: Jo. 14. *Ostende nobis Patrem, & sufficit nobis*: 1. Jo. 3. *Cum apparuerit, similes ei erimus* [hoc est erimus beati] *quia videbimus eum, sicuti est.* Quamvis autem aliquando explicetur in Scripturis Beatitudo per gaudium, ut cum dicitur Matth. 25. *Intra in gaudium Domini tui*; tunc vel sermo est de Beatitudine physice sumpta; vel de gaudio, quod ipsamet potentia intellectiva percipit videndo tantum objectum. Si enim sensus ipsi delectantur percipiendo objectum proportionatum, à fortiori intellectus videndo Deum. Unde Scotus distinguens Beatitudinem naturæ intellectualis à beatitudine potentiarum rationalium [cum quælibet potentia sit beatificabilis proprio actu perfectissimo] docet, beatitudinem potentiarum rationalium, intellectus scilicet, & voluntatis, haberi per actum utriusque potentie; beatitudinem verò naturæ rationalis haberi per solum actum præstantissimum, quem ipse putat esse amorem, nos verò cognitionem objecti beatifici, ut mox ostendemus. Quare loca Scripturæ explicantia beatitudinem per gaudium possunt habere aptam interpretationem; secus verò quæ illam explicant intellectualem conjunctionem cum objecto beatifico.

Con-

Confirm. Authoritate Patrum; nam Aug. lib. 1. de Trinitate, & alibi sæpè habet, *Tota merces nostra visio est.* Irenæus lib. 4. ep. 37. *Vita aterna unicuique evenit ex his, quòd videat Deum;* & Hieronymus in illud psal. *Ibunt de virtute in virtutem, videbitur Deus Deorum Sion,* hæc habet: *Videre Deum infinita corona est, & magna felicitas.*

III. PROB. 2. Conclusio ratione, quia beatitudo formalis consistit in perfecta possessione summi boni, seu finis ultimi; hæc autem habetur per operationem potentia intellectiva; ergo in hac consistit beatitudo formalis. Major est certa, & constat tum ex illo Matt. 25. *Venite Benedicti Patris mei, possidete Regnum;* & ex 1. ad Timoth. 6. *Apprehende vitam aeternam;* tum etiam quia operatio nostra tunc dicitur conjungere nos perfectè alicui bono, quando per illam Bonum sit perfectè nostrum, & à nobis perfectè possessum; nullum enim bonum beare potest, nisi perfectè possideatur, proinde si per impossibile beatitudo objectiva consisteret in pecuniis, tunc beatitudo formalis consisteret in perfecta possessione pecuniarum.

Minor itaque probatur primò, quia sola potentia intellectiva est apprehensiva, & possessiva objecti sui; potentia verò volitiva est tantum appetitiva; nec potest aliter in objectum ferri, quàm vel per desiderium, vel per amorem, vel per gaudium; nullus autem ex his actibus dicitur possidere objectum: Nam desiderium tendit in objectum prout absens; Amor fertur in bonum secundum se, prout præscindit à præsentia, vel absentia, atque adeò præscindit amor à possessione, vel à non pos-

16 Pars II. Disp. I. De Beatitudine, &c.

possessione objecti : Gaudium , fruitio , & delectatio sunt de objecto jam possesso , seu cujus possessio jam præsupponitur : Unde D. Thom. 1. 2. *quest. 1. art. 4.* habet, *Sicut delectatio causatur per hoc quòd appetitus requiescit in bono jam adepto ; ita perfecta delectatio causatur ex hoc , quòd bonum perfectè , & adequatè possideatur.*

Neque dicas , Objectum per amorem esse præsens affectivè , & possideri. Nam si sola conjunctio affectiva satis esset ad objectum possidendum , sequeretur , quòd etiam possideretur per Desiderium , quòd pariter est affectiva conjunctio cum illo. Adde , amorem objecti stare posse absque ejus possessione ; Deum enim in via amamus , quin possideamus. Solus itaque intellectus , qui intelligendo fit omnia [videlicet similitudinariè] dicitur tenere , & possidere objectum rapiendo illud ad se , ac eo fruendo ; ubi è contra voluntas per amorem rapitur ab objecto , & in illud transformatur ; Unde possidetur potius , quàm possideat.

PROB. 2. Eadem minor à priori. Perfecta possessio objecti consistit in potestate , seu actu primo proximo percipiendi ab objecto omne possibile commodum , & lucrum , quin consistat in actuali perceptione ; ergo summum bonum tunc perfectè possidetur à nobis ; seu fit nostrum , quando ità nobis conjungitur , ut possimus ex eo percipere omne commodum , seu omne gaudium , quin consistat in ipsa fruitione , & gaudio : atqui per solam operationem potentie intellectivæ , puta per visionem in statu elevationis ; hoc pacto Deus nobis conjungitur ; ergo per visionem perfectè possidetur. Major ,

jor, in qua solum potest esse difficultas, probatur tum inductione; nam tunc dicimur possidere v.g. divitias, libertatem, agrum, &c. quando ex iis percipere possumus omne commodum, non quando iis utimur, ac fruimur: tum etiam à priori ex definitione possessionis, quæ à Juristis dicitur esse *Rei corporalis detentio, corporis, animi, jurisque adminiculo*. (hoc est animo habendi illam ut suam, & jure non reluctante;) A Theologis verò, qui non considerant res ut corporeas, definitur possessio, quòd sit *Detentio rei tanquam suæ, & propria*. Dicitur autem res esse propria illius, relatè ad quem competit definitio proprii, hoc est, relatè ad quem habetur dominium, & jus proprietatis; quod definitur, ut dicemus in de Justitia, & Jure, *Potestas legitima percipiendi omne commodum libertatis suæ ex usu alicujus rei*; ergo is dicitur possidere perfectè objectum beatificum, qui habet illud, tanquam proprium, atque adeo potest ex illo percipere omne commodum libertatis suæ; ita ut actualis perceptio commodi non spectat ad constituendam proprietatem, ac perfectissimam possessionem, quæ unicè consummatur in actu primo, seu in potestate illud percipiendi.

IV. Ubi adverte, idcirco Deum à nobis perfectè possessum per visionem non dici nobis *Proprium*, sed haberi à nobis tanquàm *Proprium*, quia proprietatis in rigore fert superioritatem, quam relatè ad Deum habere non possumus, ut possumus habere v. g. relatè ad mancipiū; unde mancipium possessum est verè propriū Domini; Deus verò possessus à Beato est solū illi appropriatus, & quasi proprius, per hoc,

Pars II.

B

quod

quod possit inde Beatus omne commodum propriæ naturæ, & meritis consentaneum reportare.

Confirm. demum, Quia universim bona objectiva possidentur per actus experimentales, perceptivos illorum, non verò per actus appetitus; ergo Deus possidetur per operationem intellectûs, non voluntatis, Antecedens constat inductione; Pulchrum enim objectum possidetur per visionem, Conventus per auditionem, Odor per olfactum; & sic de aliis, quæ possidentur perceptione vitali, quin delectatio, quæ in appetitu sensitivo consequitur, possessionem constituat, sed supponat; cum delectatio ex natura sua sit de bono jam possesso. Unde si per impossibile lapis delectari posset actu elicitò de centro à se possesso, delectatio ista supponeret, non constitueret perfectam centri possessionem habitam præcisè per ubicationem, qua centrum tenet, illique perfecte conjungitur.

V. Objic. 1. Beatitudo formalis consistit in satietate naturæ rationalis, seu in possessione Dei satiativa & ultima; atqui hæc non præsupponitur, sed constituitur per fruitionem; ergo in fruitione, non in Visione consistit formalis beatitudo. Major constat, quia beatitudo formalis uniuscujusque est id, in quo dicitur quiescere is, qui appellatur felix; non enim est felix, qui non quiescit, sed est in potentia ad ulteriorem perfectionem, quam anxie possit desiderare.

Resp. distingo majorem; Beatitudo consistit in satietate formali potentiæ præcipuæ naturæ rationalis, quæ simul sit satietas radicalis reliquarum po-
ten-

tentiarum, etiam sensitivarum, concedo maiorem; in satietate formali omnium potentiarum naturæ rationalis, nego maiorem, & distinguo minorem; satietas, seu possessio objecti satiatiua radicaliter omnium potentiarum naturæ rationalis non præsupponitur ad fruitionem, nego; satiatiua formaliter, concedo minorem, & nego consequentiam. Ut habeatur in natura rationali satietas propria felicitatis, satiæ est, quod natura possideat perfectè objectum beatificum per operationem potentiæ, qua possit illud perfectissimo modo possideri; qua possessione posita, formaliter satiatur potentia possidens tale objectum, & radicaliter cæteræ potentiæ etiam sensitivæ. Diximus enim ex Scotto, quod sicut oculus v.g. satiatur, & suo modo beatificatur aspectu pulchri, ita satiatur intellectus visione Dei; qua posita satietate in intellectu, consequitur satietas in voluntate, & in aliis potentiis. Quia tamen ad satietatem potentiæ intellectivæ consequitur satietas in voluntate, & non è contra, ideo illa satietas beatitudinem constituit, tanquam primum prædicatum, ad quod reliqua consequuntur. Sicut enim communius dicimus, essentiam Dei constitui physicè per cumulum omnium perfectionum, metaphysicè verò per perfectionem illam, ad quam intelliguntur subsequi reliquæ; ita dicimus, essentiam physicam beatitudinis formalis integrari per satietatem formalem omnium potentiarum; metaphysicè vero constitui per satietatem formalem illius potentiæ ad quam reliquæ satietates consequuntur.

Quod dicitur in Argumento, videlicet non ha-

B 2

beri

beri felicitatem, & quietem, si possit natura ulteriorem perfectionem exoptare, & ad eam moveri, distinguendum est; Si sit in potentia remota conceditur, si in proxima negatur; anxietas enim habetur, quando habetur impedimentum, & potentia solum remota ad aliquid assequendum; qui tamen potest proximè habere quod cupiat, non dicitur esse anxius, sed felicissimus.

VI. Objic. 2. Beatitudo formalis consistit in actu, ad quem ceteri ordinantur; sed ad delectationem ordinantur ceteri actus, qui circa beatitudinem objectivam versantur; ergo consistit in delectatione. Major probatur ex Philosopho 10. Eth. 2. & 6. ubi docet, beatitudinem formalem consistere in eo, quod non est propter aliud, sed ad quod reliqua. Et ratio ulterior est, quia beatitudo est ultimus finis; ultimus autem finis est id, ad quod reliqua, ipsum verò non ordinatur ulterius. Minor etiam probatur, quia quando delectamur objecto cognito, ut præsente, & amato, jam cognitio, & amor ultimat ad delectationem ordinantur.

Confirm. quia beatitudo, quæ est ultimus finis, in eo actu debet consistere, qui est appetibilior, cum ultimus finis sit maximè appetibilis; sed appetibilior est amor, quàm cognitio summi boni; ergo in actu voluntatis consistit beatitudo: Minor probatur tum quia ex Anselmo quæst. 4. *Debemus intelligere, ut amemus, non verò amare, ut intelligamus*; atque adeo cognitio amatur in ordine ad aliud, amor verò propter se: tum etiam quia voluntas appetitu innato magis appetit perfectionem propriam, quàm intellectus; atque adeo magis amorem,

rem, quàm visionem objecti beatifici; sed appetitus elicitus secundum rectam rationem conformari debet cum appetitu innato, qui cum sit ab Author naturæ, est rectus; ergo amor appetibilior est visioni objecti Beatifici.

Resp. 1. Retorquendo argumentum: Beatitudo consistit in actu, ad quem ceteri ordinantur; sed delectatio ordinatur ad actus prævios; ergo non consistit in delectatione. Minor patet, quia delectatio est actus, quo homo complacet sibi in objecto antecedenter possessio; ergo ordinatur ad bonum antecedenter possessum, & ad actum prævium possessivum talis boni; quandoquidem bonum possessum in quantum tale, duo dicit, & objectum, & possessionem.

Resp. 2. Dupliciter posse unum ad aliud ordinari, primò tanquam ad finem, secundò tanquam ad effectum. Delectatio ordinatur ad actus prævios, tanquam ad finem, sicut omnes proprietates ad suam essentiam; actus vero prævii cognitionis, & amoris ordinantur ad gaudium, ut causa ad effectus. Philosophus docuit, beatitudinem consistere in eo, quod non est propter aliud, tanquam finem, nonverò tanquam effectum consequentem. Neque dicas, quod est ultimum in executione, ut est delectatio, esse primum in intentione, & habere rationem finis. Nam hinc sequeretur, accidentia, & proprietates esse primum in intentione in composito substantiali, & ad illa, tanquam ad finem ordinari formam substantialem, eo quod sint ultimum in executione. Quare axioma hoc non est intelligendum de ultime in executione, quod

quod se habet ut effectus, vel proprietas, sed quod se habet ut radix reliquorum.

Ad confirm. nego, amorem, & delectationem de summo bono esse appetibilem ejusdem cognitione perfecta, eos actus causante. Ad primam probationem dico cum Cajetano prima secundæ q. 3. art. 4. in via debere nos intelligere, ut amemus, quia amor est meritorius vitæ æternæ, atque adeo perfectior, & appetibilior. Sed amor viæ appetibilis est propter visionem beatam; visio autem beata est per se appetibilis non in ordine ad amorem patriæ, nisi tanquam ad proprietatem consequentem, eo modo, quo v. g. accendimus ignem propter lucem inde consequentem. Et ratio à priori est, quia, ut diximus finis ultimus noster non est Deus tantum, sed Deus possessus; atque adeo possessio, seu visio est pars, licet minus principalis, ultimi finis, quem appetimus. Ex quo sequitur, immerito Scotum assumere, quod amor sit propinquior ultimo fini, quam visio, cum hæc sit pars illius.

Ad secundam probationem, nego, voluntatem appetitu innato magis appetere actum proprium, quo ipsa immediate perficitur, quam actum intellectus; appetitu enim innato appetit primam perfectionem totius hominis, quæ est visio Dei; videmus enim, ductu naturæ membrum, v. g. brachium, exponere se ictui, ne percutiatur caput, quia pars intendit potius perfectionem totius hominis, quam propriam; & ideo grave naturaliter ascendit ad vacuum replendum; ergo eodem modo voluntas magis debet appetitu innato appetere cognitionem obiecti beatifici, quæ totum hominem perfectius perficit,

ficat, quàm amorem, aut delectationem, seu perfectionem propriam ipsiusmet voluntatis.

Accedit, quòd natura, ut norat D. Thom. hic q. 4. art. 2. non instituit operationes praesertim vitales ut iis delectemur, sed fecit illas delectabiles, ut operaremur; ex, gr. noluit, quòd Animal comederet propter delectationem, sed fecit delectabilem comestionem, ut comederet; ergo non vult, ut nos Deum cognoscamus propter delectationem, & in morem, sed fecit cognitionem Dei delectabilem, ut illum cognoscamus, & possideamus; ergo naturali impetu magis natura fertur in Dei visionem, & in alias huiusmodi operationes vitales, quàm in delectationem appetitus sive naturalis, sive rationalis ex iis actibus promanantem.

VII. Obijc. 3. Nullum bonum extrinsecum possidetur per cognitionem; Deus enim non dicitur Angelos possidere per hoc praecise, quòd illos comprehendat; & daemones habentes perfectam cognitionem Dei naturalem non dicuntur Deum possidere, & habere beatitudinem naturalem; nec dives possidet divitias per illarum cognitionem, sed per actum voluntatis, quo vult illas retinere, & eisque frui; ergo ut supra.

Confirm. quia nullum malum extrinsecum possidetur per cognitionem, sed per dolorem; ergo neque bonum possidetur, nisi per amorem. Antecedens probatur, quia peccatum non est malum possessum à Deo, sed à creatura, quae per peccatum evadit misera, quamvis perfectius cognoscat peccatum Deus, quàm Creatura.

Confirm. 2. Quia Damnatorum miseria non consistit

sistit in cognitione, & odio poenæ damni, & sensus, (sic enim quilibet illas cognoscens esset miser) sed in tristitia, quæ ex illis reportatur; ergo ut prius.

Resp. distinguo antecedens; nullum bonum extrinsecum possidetur per cognitionem quamcumque, concedo; per cognitionem experimentalem trahentem natura sua delectationem, & commodum, quod ab eo bono reportari potest usque ad animum quietandum, ac explendum in ordine ad illud, nego antecedens, & consequentiam. Sic Gustus possidet bonum saporem per hoc, quod experimentaliter percipiat eorum suavitatem, ad quam consequitur in appetitu sensitivo delectatio. Quare universim tunc dicitur perfectè possideri res, quando ex illa percipi possunt omnia commoda; quod quia non semper habetur per cognitionem, ideo Deus v. gr. non dicitur Angelos possidere per hoc, quod illos comprehendat, sed quia ratione dominij potest de illis ad nutum disponere; nec dives possidet divitias per cognitionem, sed quia potest eis uti; nec Dæmones habent beatitudinem naturalem attingendo perfectè Deum cognitione naturali, quia cum cognoscant illum sibi insensum, non possunt ex tali objecto commoda reportare. Adde, argumentum solvendum ab Adversariis; nam nec Deus possidet Angelos per amorem, aut delectationem; nec Dæmones Deum possiderent, si illum amarent amore naturali, prout physicè possunt, licet non moraliter, ut suo loco dicemus.

Ad primam confirmationem, dicendum pariformiter de malo, videlicet illam cognitionem esse possessionem mali perfectam, quæ trahit tristitiam,
in

in qua Adversarii miseriam formalem reponunt ; quia illa solum cognitio ita malum detinet, ut possit ex eo omne incommodum reportari. Et ideo Deus cognoscens peccatum, non est miser; nec peccator est miser, nisi tantum in actu primo, & remotè, si suum peccatum, ac malum non cognoscat; eodem modo, quo esset tantum remotè Beatus qui perfectissime conjungeretur (puta per unionem hypostaticam) cum summo bono, nec tale suum bonum cognosceret.

VIII. Objic. 4. Præciso actu voluntatis non habetur perfecta possessio objecti; ergo nec felicitas. Antecedens probatur; possessio enim per illum actum habetur, per quem objectum fit nostrum, seu proprium; hoc autem habetur per amorem, per quem bona amici fiunt nostra, & ipse amicus fit alter ego; ergo

Confirm. Quia beatitudo formalis debet attingere objectum, in quantum beatificum est; quod fit per actum voluntatis; nam solus actus voluntatis attingit objectum sub ratione boni, & intellectus sub ratione veri; Deus autem est objectum beatificum dumtaxat sub ratione boni, quia sub ratione ultimi finis, quæ per se ab operatione voluntatis respicitur.

Rēsp. Nego antecedens; Ad cujus probationem nego minorem: possessio enim cum sit detentio rei tanquam propriæ, per illum actum habetur, per quem objectum detinetur detentione illud appropriante; quod fit per actum intellectus. Proinde Philosophus in Problematis sect. 13. probl. 4. Non voluntatem, sed intellectum comparat manui, **quod**

quod intellectus apprehendat, ac teneat objectum incorporeum, non secus ac manus res corporeas. Quare per operationem intellectus objectum beatificum fit perfectè nostrum, antecedenter ad amorem, quia intellectus intelligendo fit omnia, atque adeo fit ipsum objectum, ita ut possit ex illo omnia commoda reportare: voluntas vero amando non fit objectum, sed potius objecti; quandoquidem qui amat, donando amico jus ad amorem, & ad propria bona, transfert se in ejus dominium, & dum similiter redamatur, accipit jus in bona amici; unde bona amici non fiunt propria per amorem, sed per jus ad amorem, quod accipitur ab amico redamante (suppono enim ex dicendis in de Gratia, amicitiam non consistere in mutuo amore, sed in jure mutuo ad amorem, non enim peccator fit Dei amicus præcisè per hoc, quod amet Deum, à qua redamatur,) Quia tamen in creatura jus ad amorem Dei habetur unicè per gratiam, quæ non est ultima possessio, sed jus ad illam, constituendo hominem amicum, & hæredem; ideo bona Dei non fiunt perfectè nostra per gratiam, sed per Dei visionem, ad quam per gratiam habetur jus.

Ad confirmationem; quamvis actus voluntatis attingat objectum sub ratione boni, seu amando; nihilominus etiam intellectus attingit bonum, licet sub ratione veri, seu cognoscendo: unde bene potest intellectus attingere objectum, in quantum beatificum, seu in quantum bonum est, & ultimus finis noster, licet has rationes attingat sub ratione veri: experimentaliter enim hanc veritatem attingit, quod Deus sit summum bonum, & per hujusmodi
cogni-

cognitionem totus homo formaliter beatur beatitudine essentiali metaphysicè perfectâ.

Neque dicas, intellectum non posse sub ratione boni objectum attingere. Nam contra est, quia quælibet potentia attingere potest objectum sub ratione formali, sub qua est objectum talis potentiae, & sub rationibus contentis sub tali ratione formali, ex. gr. oculus attingit albedinem non solum sub ratione formali coloris, sub qua est objectum talis potentiae, sed etiam sub ratione albedinis, & talis albedinis; ergo intellectus attingendo bonum, non solum attingit illud sub ratione formali veri, sed etiam sub ratione formali boni, seu talis veri; cum bonum sit tale verum, eo modo, quo albedo est talis color; Unde intellectus cognoscendo tale verum, nempe bonum, beatur.

IX. Objic. ultimò: etiamsi concedatur, actum intellectus esse præstantiorem actu voluntatis, tamen delectatio in ordine ad appetibilitatem est principalior; ergo in ea consistit beatitudo, quæ est terminus appetitus rationalis. Antecedens probatur primo, quia obtentâ delectatione; nihil amplius homo desiderat, sed quiescit; contra verò, obtenta visione, ac amore objecti beatifici adhuc appetit delectationem; atqui illud est magis appetibile, quod sariat appetitum, & in quo quiescit; ergo. Secundò quia omnes operationes appetuntur propter delectationem, delectatio verò appetitur propter se, non propter aliud; ergo delectatio in ratione appetibilis est principalior. Prima pars hujus antecedentis patet ex ordine naturæ, qui maxime relucet in brutis, semper ex inclinatione natura

tura

turæ operantibus, quæ omnia ordinant ad delectationem. Secunda pars probatur ex Philosopho 10. Eth. 2. ubi: *Neminem, inquit, interroges, cujus rei gratia capiat voluptatem, quia per se ipsam appetibilis est ipsa voluptas.*

Resp. nego antecedens. Si enim delectatio est de bono jam possessio per visionem, ad hanc tamquam ad finem ordinatur; unde visio est principalior in ordine appetibilis; illud enim, de quo est quies, & delectatio, procul dubio præstantior, & appetibilior est ipsa delectatione; cum quies sit ex illo, & propter illud; unde illud maxime appetitur, quia propter quod unumquodque tale, & illud magis.

Ad primam probationem antecedentis, diximus, illud esse magis appetibile, in quo quiescit appetitus tamquam in fine, & radice primaria proprietatum consequentium, non verò tamquam in effectu, & proprietate; Sicut relatè ad appetitum innatum in materia, forma substantialis est magis appetibilis, quàm hujus proprietates, quia in illa, tamquam in radice istarum quiescit. Quare visio Dei, quæ satiat appetitum radicaliter, est appetibilior delectatione, quæ satiat formaliter, & tamquam proprietas, & effectus visionis. Et sane quis neget, appetibiliorem esse Dei visionem absque delectatione ad obsequendum Numini clare viso, immo etiam cruciatibus, quos Christus Dominus in Cruce patiebatur, quàm delectationem sine visione?

Ad secundam probationem nego utramque partem illius accedentis. Ad probationem primæ partis, dico, bruta appetere bona propter delectationem.

delectationem, non quia appetunt alia bona propter illam, sed quia appetunt solum delectabile; bruta enim non appetunt unum propter aliud, cum hic modus operandi sit proprius agentium eum electione, & propter finem; unde ex appetitu brutorum non inferitur præcellentia delectationis; cum bruta non appetant aliqua bona. Ad probationem secundæ partis, dico, duplicem esse voluptatem, objectivam scilicet, quæ est ipsum objectum delectabile, & formalem, quæ est actus, qui versatur circa delectabile. Philosophus docens, voluptatem esse propter se appetibilem, loquitur de voluptate objectiva, quæ habet rationem finis, non de formali, quæ habet rationem appetibilis ultimate propter se; in omnium enim sententia ordinatè appetitur delectatio propter objectum, circa quod versatur.

X. Ex quibus omnibus colliges, beatitudinem non posse in delectatione consistere, primò quia cum delectatio importet quietem in bono jam adeptò, & perfectè possessò, præsupponit, non constituit possessionem, & felicitatem. Secundò quia felicitas creata habet rationem ultimi finis, & non ejus, quod est propter finem; delectatio autem secundum ordinem naturæ (qui rectus est, cum sit ab Auctore naturæ) appetibilis est propter operationem, tamquam propter finem, non verò operatio propter delectationem: constat enim, quod natura operationibus magis necessariis animalium ad conservationem individui, & speciei majorem posuit delectationem, ut magis allicerentur, & vi delectationis illas non negligerent. Tertiò quia incongruum

gruum est dicere, quod finis ultimus inclinationis voluntatis sit delectatio, seu quies, non verò operatio, ad quam quies consequatur; sicut incongruum est dicere, quod finis inclinationis lapidis ad centrum sit quies in centro, non vero ubicatio in centro, ad quam sequatur quies naturalis inclinationis, seu cessatio à tendentia ad aliū locum. Consistit ergo beatitudo in operatione intellectus, & quidem speculativi; nam, ut videre est apud D. Th. 1. 2. quæst. 3. art. 5. Summum bonum non est objectum practici intellectus.

Q U Æ S T I O III.

Num saltem inadæquatè actus voluntatis beatitudinem constituat?

I. **R**espondeo dicendum, ne inadæquatè quidem ingredi constitutionem beatitudinis formalis amorem sive amicitiae, sive concupiscentiae, aut fruitionem ad objectum beatificum terminatam. Ita D. Thom. Vasquez, & alii communius.

Conclusio constat ex dictis articulo superiore. Sed ulterius probatur, quia in illo essentialiter, & adæquatè consistit beatitudo, per quod primo distinguitur beatus à non beato, & comprehensor à viatore; atqui per solum actum intellectus id habetur; ergo ne inadæquatè quidem actus voluntatis beatitudinem constituit. Major constat, quia universum quod est primo distinctivum, est constitutivum essentielle; ut est rationale in homine,

mine, quod non solum distinguit, ut risibile, sed etiam primo distinguit à non homine. Minor probatur, quia beatus à non beato distinguitur, etenim beatus habet visionem intuitivam Dei: Viator vero cognitionem Dei ænigmaticam: nullatenus vero distinguitur per amorem; quia juxta multorum probabilem sententiam cum Vasquio 1. 2. disp. 3. cap. 4. est ejusdem speciei in via, & in patria. Sed dato, quod amor Dei in patria, utpote necessarius intrinsecè differat ab amore in via, atque adeo etiam distinguat beatum à non beato, saltem non primò distinguit, cum ad visionem consequatur; ergo prædicatum primo distinctivum beati à non beato habetur per actum intellectus.

II. Objic. 1. Qui Deum videret, & non amaret, nec eo frueretur, non esset beatus; ergo. Secundò beatitudo naturalis, si daretur, non consisteret in sola cognitione Dei abstractiva, sed etiam in amore. Tertiò; ut possimus ex objecto beatifico omne commodum reportare, debet illud videri simul, & amari, quia debemus de ejus felicitate gaudere; nemo autem gaudet de alicujus felicitate, nisi illum amet. Ultimò quia Benedictus XII. in quadam Extravaganti aperte dicit, animas sanctorum ante diem judicii beatas esse, Deum videndo, ac eo fruendo; ergo etiam actus voluntatis beatitudinem constituit.

Resp. ad primum; qui Deum videret, & non amaret, adhuc esset beatus beatitudine essentiali, quæ totam naturam bearet beando potentiam præcipuam formaliter, & reliquas potentias radicaliter; intellectus enim summè gauderet tali visione, ut oculus

culus delectatur pulchro aspectu, & animus quiesceret, videndo erga se Divinam voluntatem adimpleri; in quo consistit nostra felicitas, eo quod magis appetere debeamus bonum Dei, quam proprium, & ejus beneplacitum adimpleri. Adde, quod si transmittatur, hunc non fore beatum, id non oriretur ex eo, quod careret amore, ac fruitione Dei, sed quia careret possessione perfectâ objecti beatifici; ex qua reportare posset à Deo omnes fructus, & omne commodum, quod animum satiaret; caret quippe cognitione Dei volentis concurrere ad amorem, & fruitionem connaturaliter consequentes ad visionem: Sic dæmones carent naturali beatitudine, quamvis Deus cognoscat perfectissimâ cognitione naturali, quia scilicet non perfectè possident, dum vident illum sibi infensum, nec possunt ex tali objecto commodum habere.

III. Ad secundum: suppono ex Ethicis, naturalem beatitudinem consistere in sola cognitione Dei abstractiva necessitante moraliter ad amorem, & ad quiescendum in illo; dummodo Beatus cognoscat perpetuitatem talis felicitatis, seu sit de sua felicitate securus, ut loquitur August. 11. de Trin. cap. 12.

IV. Dubitatur tamen apud Doctores, Num beatitudo naturalis sit possibilis? Negat Vasquez 1. 2. disp. 12. c. 3. cum Cano, & aliis, quia quælibet creatura rationalis non videns Deum, peccabilis est, atque adeo subire potest summam miseriam peccati, nec Deus abstractivè cognitus videtur satiare posse animum, cum in Psalmo 26. dicatur, *Satiabor, cum apparuerit gloria tua.*

Sed

Sed communis sententia tum D. Th. Scot., Bellar. Molina, beatitudinem naturalem admittunt possibilem. Quod probatur primò ratione naturali, quia naturaliter homo in felicitatem inclinatur; naturalis autem instinctus non potest esse frustraneus, seu ad terminum naturaliter impossibilem; ergo beatitudo naturalis est possibilis. Et fuisset de facto, si Deus hominem, & Angelum ad finem supernaturalem non elevallet. Immo de facto Angelos, & protoparentes nostros in beatitudine naturali creatos fuisse docet D. Thom. 1. p. *quest.* 62. *art.* 1. cum Scoto, & aliis. Probatur secundò ratione morali, quia si homo non esset naturâ suâ ordinatus ad felicitatem post mortem obtinendam, non posset à natura obligari ad eos actus virtutis, quos natura non posset præmiare; v. gr. ad defendendam patriam, & fidem, etiam cum vitæ jactura.

Neque obstat quòd quævis creatura rationalis non videns Deum naturâ suâ sit peccabilis: Hoc enim transmissio (quod Nominales negant cum Ripalda *disp.* 23. solum sequitur, quòd pro statu viæ creatura rationalis non posset habere beatitudinem perfectam; secus verò in termino viæ. Tunc enim deceret Deum eam reddere ab extrinseco suis auxiliis inpeccabilem, & de hoc illam certificare, Ad id, quod additur de psalmis, dicendum, solum in præsentis ordine satietatem haberi non posse, nisi cum apparuerit gloria Dei, quia positâ elevatione, est possibilis, ac debita homini bene operanti Dei visio; unde si eam non obtineat, caret bono debito, atque adeo est misera; carentia enim boni debiti malum est, & miseria. Quòd si Deus naturam rationalem non elevallet ad finem supernaturalem, visio Dei non esset debita, unde ejus carentia non impediret beatitudinem.

V. Ad tertium dico, non spectare ad beatitudinem formalem gaudium de Dei felicitate, sed cognitionem perfectam, qua experimentaliter percipiatur felicitas

Dei, & ita possideatur, ut necessitetur animus ad ejus amorem, & ad gaudendum de ejus beatitudine.

Ad ultimum, Benedictus XII. loquitur de beatitudine, quatenus est status omnium bonorum aggregatione perfectus, dum dicit, Animas beari visione, ac fruitione Dei, ubi advertit Vasquez 1. 2. disp. 11. c. 3. in hac questione nihil solidi evinci posse auctoritate Scripturarum, & Patrum, qui præscindunt à difficultate Scholastica.

Q U Æ S T I O I V.

*Sit ne perfectior Visio Dei, quàm Amor beatificus ;
& Intellectus, quàm Voluntas?*

I. **D**ico equidem cum D. Th. 1. 2. quæst. 3. art. 4. & quæst. 6. art. 2. Visionem in patria esse perfectiorem amore, atque adeo potentiam intellectivam esse præstantiorem volitivam. Ita sentiunt non solum, qui cum Thomistis reponunt beatitudinem in visione, sed etiam qui cum Suario reponunt illam in utroque actu, contra Scotistas.

Conclusio videtur sequi ex eo præcisè, quod visio sit perfecta possessio summi boni, & adæquata nostra beatitudo; hæc enim in actu præstantissimo reponenda videtur. Sed probatur ulterius, primo, quia ut advertit D. Tho. terminus appetitionis, inclinationis, & tendentiæ, cum habeat rationem finis, & perfectior est ipsa appetitione, & tendentiæ, quæ habet rationem mediæ; atqui inclinatio voluntatis, seu amor non est ad ipsam inclinationem, ut patet, sed ad terminum distinctum ab ipsa inclinatione, videlicet ad Dei possessionem, quæ habetur per actum intellectûs; ergo actus potentie intellectivæ possidens Deum perfectior est actu volitivæ.

Neque dicas, per amorem viæ tendere nos in amorem patriæ, sicut imperfectum tendit ad perfectum; per

amoro-

amorem verò in patria non tendere nos in ullum alium actum, sed in ipsum objectum.

Nam contra est, quia amor tam in via, quàm in patria attingens Deum tendit immediatè in ipsum objectum non nudè sumptum, sed ut possidendum, aut possessum; amantes enim in patria ita quiescunt in Deo possesso, ut simul appetant ipsum videre, ac possidere, juxta illud 1. Petri 1. *In quem desiderant Angeli prospicere*. Quare Dei visio, seu possessio, non Dei amor, est terminus nostri appetitus, & appetitionis: Sicut enima nulla cognitio est primum cognitum, ut notat Angelicus, ita nullus amor est primum volitum.

II. PROB. 2. quia potentia intellectiva est immaterialior, quàm volitiva; quandoquidem intellectiva reddit objectum intentionaliter immateriale, & volitiva solum fertur in objectum redditum immateriale ab intellectione prævia; atqui quod est immaterialius est perfectius est; ergo potentia intellectiva est perfectior volitiva. Hinc substantiæ separatae dicuntur intellectuales, non volitivæ, sumptâ denominatione à potentia principaliore.

Confirm. quia in Divinis Verbum procedens per intellectum præcedit origine amori, seu Spiritui Sancto, qui à Verbo spiratur, & procedit per voluntatem; quæ autem in Divinis præcedunt origine, in creatis præcedunt causalitate, & dignitate. Præterea ex Philosopho in Ethicis, Virtutes intellectuales sunt nobiliores moralibus, & inter morales perfectior est Prudentia, quæ subjectivè est in intellectu, quàm Justitia, & reliquæ, quæ sunt in voluntate. Denique Visio est perfectissima participatio Dei; utpote quæ illi nos assimilât dicente Joan. 3. *Similes ei erimus, quia videbimus eum sicuti est.*

III. OBJIC. 1. cum Scotistis: Potentia volitiva est li-

bera, & dominativa supra actus suos; ergo est perfectior potentia intellectiva.

Confirm. 1. Quia habitus spectans ad voluntatem, qui est Charitas, perfectior est Fide, & quovis alio habitu intellectuali? Nam ex 1. ad Corinth. 13. *Major horum est Charitas.*

Confirm. 2. Quia objectum voluntatis est bonum, intellectus est verum; præstantius autem est bonum, quam verum; ergo voluntas præstat intellectui. Probat minor; tum quia præstantius est, quod omnes appetunt, quam quod non omnes; bonum autem ex Philosopho est, quod omnes appetunt: Tum etiam quia melius est quod est bonum per se, quam quod est bonum propter aliud; bonum autem est bonum per se, verum est bonum per accidens, quatenus induit rationem boni; ergo.

Confirm. 3. Ex Scot. in 4. dist. 29. quia odium Dei est deterius quolibet actu intellectus, v. g. errore circa Deum, infidelitate, &c. ergo ex opposito amor Dei præstat visioni.

Resp. Tam intellectum necessitari in ordine ad prima principia, quam voluntatem in ordine ad appetendam felicitatem, & finem ultimum; & tam intellectum esse liberum in probabilibus, quam voluntatem relatè ad bonum particulare. Verum quidem est, libertatem esse formaliter in voluntate; sed in intellectu est radicaliter, & ideo perfectiori modo; sicut perfectiori modo forma auri v. gr. est in Sole, in quo est causaliter, quam in auro, in quo est formaliter. Et ratio est, quia libertas importat indifferentiam ortam ex eo, quod proponatur ab intellectu voluntati objectum indifferenter ut bonum; nam in brutis, in quibus non habetur iudicium indifferens, non habetur libertas. Præterea voluntas utitur quidem intellectibus ad arbitrium, & dominatur erga omnes alias

alias potentias ; at non proinde est perfectior intellectu, quia cum sit potentia caeca, indiget intellectu, à quo dirigatur, dum applicat potentias ad actus suos: Nobilius autem est dirigere, & regulare, quàm dirigi, ac regulare. Præterquamquòd, cum voluntas utatur actibus intellectus in bonum ipsius intellectus [ut scilicet tandem aliquando Deum possideat] praefert erga intellectum servitutem potius, quàm dominium.

Adde, quòd licet concedatur, potentiam volitivam in aliquo prædicato præcisè spectato excedere intellectivam, putà in libertate, non proinde sequitur, voluntatem esse perfectiorem intellectu; nisi constet, prædicatum illud perfectius fundari in prædicato antecedente etiam perfectiori. Sic materia prima, licet in prædicato incorruptibilitatis sit perfectior formà, non proinde est illa perfectior; nec lapis est perfectior Angelo, quamvis in prædicato impeccabilitatis sit perfectior forma, non proinde est illa perfectior; nec lapis est perfectior Angelo, quamvis in prædicato impeccabilitatis præcisè spectato sit perfectior; quia scilicet incorruptibilitas in materia fundatur in prædicato præcipuo imperfectissimo primæ potentiae; & impeccabilitas in lapide in incapacitate ad intelligendum, & proponendum objectum sub iudicio indifferenti; ergo pariformiter libertas voluntatis non reddit voluntatem absolute perfectiorem intellectu; quia fundatur in cæcitate potentiae volitivæ, & indigentia intellectivæ, à qua proponatur objectum sub indifferentiā. Denique, ut notat Vasquez, actus intellectus cum possit esse ex modo tendendi possessivus objecti beatifici [quod non competit actui voluntatis, quantumvis libero] sequitur, præstantiorem esse ex modo tendendi actum intellectus, quamvis actus voluntatis in prædicato libertatis illi præemineat.

Ad r. *Confirm.* concedo, amorem in via esse præstantiorem fide, nego tamen amorem in patria esse præstantiorem

C ;

tiorom

tiorem visione Dei. Disparitas est, quia amore via amamus Deum propter se ipsum; credimus verò Deum, & cognoscimus illum dumtaxat abstractivè, & per creaturas. At in patria videmus Deum, & cognoscimus illum immediatè, & per se ipsum; Unde amor non debet esse perfectior visione. Adde, quod licet amor in via sit præstantior, quàm fides, non tamen est præstantior quovis alio actu intellectus: nam ex Philosopho 10. Eth. 7. contemplatio naturalis Dei, (in qua per ipsum consistit felicitas naturalis) perfectior est actu voluntatis, & Sapientia, quæ est virtus intellectus, perfectior est quolibet actu voluntatis; ergo pariter visio Dei præstat amori beatifico, cum sit radix, & origo illius.

Ex quibus sequitur, actus intellectus esse quidem ex genere perfectiores actibus voluntatis, sed non ex toto genere. Tunc dicitur A esse perfectius B ex toto genere, quando quælibet species contenta sub A, excedit species contentas sub B; sic actus intellectus ex toto genere præstat actibus sensuum: quando vero genus superius nempe A, excedit B, seu inferius in ratione generica tantum, v. gr. excessu ut tria, & una species generis inferioris excedit aliam speciem generis superioris excessu v. gr. ut septem, tunc major perfectio generis superioris dicitur excedere genus inferius solum ex genere, non ex toto genere; Sic v. gr. actus scientiæ ex genere excedunt actus fidei, non tamen ex toto genere, cum præstet habere fidem v. gr. de Deo, quàm scientiam de Formica. Falsum proinde existimo, quod habet Vasquez hic disp. 1. n. 48. omnes scilicet species contentas sub genere perfectiori esse perfectiores speciebus contentis sub genere inferiori; atq; adeo bene stat, fidem esse minus perfectam Charitate in via, & universim actus intellectus esse ex suo genere, licet non ex toto genere, perfectiores actibus voluntatis.

Ad 2. Confirm. Est quidem dignius, & præstantius obje-

objectum voluntatis, sed non idcirco voluntas est perfectior, quia non tendit in bonum perfectiori modo, quam intellectus in verum; hic enim attingit verum, & quidem sub ratione talis veri, nempe boni, possidendo illud; voluntas verò attingit bonum qua bonum, supponendo ejus possessionem.

Ad ultimam, falsum est universim, illud esse melius, cujus oppositum est pejus; nam bona valetudo v. gr. melior est, quam sanitas, & tamen mala valetudo non est pejor, quam ægritudo: Sic etiam unio hypostatica, vel gratia melior est, quam carentia peccati venialis, & tamen carentia Unionis, vel gratiæ, non est pejor veniali; ergo potest visio Dei esse perfectior amore, licet odium Dei sit pejus errore circa Deum; etenim quæ opponuntur, non semper commensurantur.

IV. OBJIC. 2. Per amorem Beati transformantur in Deum, testante D. Dionysio, quod amor transformat amantem in amatum; contra verò per visionem transformant Deum in se, illumque ad se trahunt; atqui præstat transformari in melius, quam transformare in se quod est melius; ergo præstat amor visioni Dei.

Confirm. 1. Quia ex doctrina ejusdem Dionysii. D. Thom. & Patrum, Seraphim, qui præminent in amore, sunt perfectiores Cherubim, qui in sciëntia; ergo ut prius.

Confirm. 2. Per amorem homo fit melior, quam per cognitionem Dei in via; ergo etiam in patria.

Resp. falsum esse, quod Beati per visionem transformant in se Deum, quin etiam in Deum transformentur, & quidem perfectiori modo, quam per amorem. Nam ex Philosopho 3. de Anim. tex. 18. *Anima intelligendo fit quodammodo res intellecta.* Quare Beatus videndo Deum, fit quodammodo Deus, & in illum transformatur; ita ut fiat Deo similis, ut loquitur Joan. 3. dicens: *Similes ei erimus, quia videbimus eum*, quod non habetur per amorem.

Ad 1. Confirm. Ideo supremum ordinem Angelorum nempe Seraphim, denominamus ab amore, quia in via præstantior est amor, quàm cognitio Dei; ita ut præter amor Dei intensior, quàm cognitio perfectior; cum amor attingat Deum propter se, & sit meritorius vitæ æternæ; cognitio verò Dei ænigmatica attingat Deum in Creaturis. Hinc Anselmus lib. 2. *Cur Deus homo*: dixit, *Perversus ordo est amare ut intelligas, rectissimus vero intelligere, ut ames.* Quoniam autem Seraphim tempore viæ suæ excellentiores fuerunt in Charitate, & in merito, idcirco nunc in termino præcellunt in visione Dei, & amore beatifico, atque adeo supra Cherubim ordinem constituent; isti enim in viâ excelluerunt quidem in scientia, sed non in amore, ac merito, & proinde nunc in patria minus præmium habent, & remissiorē visionē.

Ad 2. Recurrit eadem disparitas, cur in viâ meliores simus per amorem, quàm per cognitionem Dei, unde amorem principalius appetere debemus; secus verò in patria, ubi principalius debemus velle visionem Dei faciliorem, quàm amorem beatificum, illa enim, & est causa hujus, & reddit nos Deo similes.

Q U Æ S T I O V.

Num Beatus ad amorem beatificum necessitetur quoad exercitium? & quid si præcipiatur, ut cesset ab amore?

EXaminabimus primò, An possit Beatus de potentia live absoluta, siue ordinaria, videre Deum, & non amare, aut è contra amare, & non videre? Secundò, Num possit videre, & odio habere Deum in hypothèsi, quod sciret, se ab illo torquendum in æternum? Tertiò, Num præcipi beato possit, ne Deum amet, ità ut obedire teneatur?

ARTI.

A R T I C U L U S I.

Num possit visio Dei ab amore sejungi? Et vice versa Amor à Visione?

I. **S**COTUS in 1. dist. 1. qu. 4. cum Nominalibus apud Amicum putat, posse de potentia ordinaria, seu naturaliter videntem Deum cellare ab amore. Henricus, & Aegidius putant, ne divinitus quidem id posse contingere. Communis, & verior sententia docet, de potentia Dei absoluta posse visionem ab amore sejungi, non tamen naturaliter. Ita D. Thom. Vasquez, & alii apud eundem.

Dico equidem 1. cum hac tertia sententia, Posse divinitus videntem Deum carere amore beatifico.

PROB. Potest Deus liberè velle coagere cum intellectu beati ad visionem, & non coagere cum voluntate ad amorem; ergo potest divinitus visio ab amore sejungi. Antecedens probatur, quia visio est prior amore, & independens ab illo; ergo non est caput, cur Deus nequeat ad illam concurrere, non ad istum.

Neque dicas cum Henrico, visionem, & amorem pendere ab eodem objecto beatifico, necessariò causante utrumque actum, atque adeò esse inseparabiles; non secus ac unum relativum est inseparabile à correlativo; posito, quòd relatio, & correlatio ab iisdem terminis causetur. Nam contra est, quia licèt duo causentur ab eadem causa necessariò necessitate physicà, ut lux, & calor à Sole, non proinde sunt divinitus inseparabiles. Paritas correlativorum non est ad rem; nam unum relativum specificativè sumptum potest ab alio separari, v. gr. pater à filio; at reduplicativè sumptum separari non potest, quia constituitur per correlativum.

II. Dico 2. Non potest naturaliter Dei visio ab amore beatifico separari; atque adeo beatus necessitatur physicè ad amorem, necessitate etià quoad exercitiũ.

Præp.

PROB. Beatus in visione, & amore beatifico apprehendit omnem rationem boni, & integram suam felicitatem; nullam verò rationem boni in celsatione ab amore; ergo non potest liberè velle ab amore cessare; quandoquidem nihil voluntas velle potest, quod non representetur sub ratione boni; cum essentialiter sit appetitus boni. *Prob. antecedens*, quia sicut in beatitudine objectiva includitur omnis ratio objectivè boni, ita in beatitudine formali includi debet omnis ratio boni formaliter; atqui beatitudo formalis, quamvis essentialiter constitutur per visionem, completur tamen, & integratur ab amore; ergo in visione, & amore omnem rationem boni apprehendit beatus, atque adeo in ommissione amoris nullam rationem boni, sed boni carentiam videt.

Confirm. 1. Quia voluntas, ut possit liberè ab amore cessare, debet superare vim motivam objecti beatifici, summè allicientem ad amorem; illam tamen superare non potest; tum quia vis alliciens ad amorem est ipsa vis Dei infinita, quæ quamvis finito modo representetur, allicit tamen magis, quam quodvis bonum creatum perfectius, & perfectius in infinitum quacunque cognitione propositum, atque adeo allicit summè, vis verò resistiva in voluntate est finita: tum etiam quia inductione constat, omnes potentias necessitari ad suum objectum prosequendum, quoties apparet depuratum à contrario; ergo voluntas necessitabitur, ad Deum amandum,posito, quod per visionem clarè cognoscat, in tali objecto esse purum bonum.

Confirm. 2. Quia in motibus primo primis experimur, voluntatem necessitari ad prosequendum bonum delectabile, etsi finitum, præcisè per hoc, quia representatur tunc absque ulla advertentia ad malum, quod secum habet admixtum; ergo à fortiori voluntas necessitabitur ad prosequendum bonum infinitum nullatenus admixtum malo.

III. OBJIC. ex Scoto. In via non necessitatur homo ad Deum diligendum, etsi cognoscat, illum esse omne bonum; ergo neque in patria; cum utrobique idem sit objectum, & eadem causa amoris, nempe voluntas, & habitus charitatis, visio verò sit mera conditio.

Resp. Quod sicut diversa approximatio agentis ad passum diversum inducit effectum, quamvis approximatio sit mera conditio; ita quamvis visio dicatur mera conditio, quia tamen veluti intimè approximatur objectum voluntati, inducit necessitatem ad amorem, quæ non habetur in via ex pura representatione summi boni, quod non in se ipso, sed in alio, & abstractivè attingitur. Quapropter in via ipsa cessatio ab amore potest representari bona, & commoda amanti; secus in patria, ubi manifestè apparet, omnem rationem boni inesse in beatitudine nostra, objectivè quidem in beatitudine objectiva, formaliter in formali.

IV. Utrum autem sicut potest divinitus visio Dei ab amore sejungi, ita pariter possit amor, vel fruitio separari à visione? Affirmant Argentina, & Rubionensis.

Censeo equidem cum communissima negandum. *Prob.* Quia nihil volitum, quin præcognitum; ergo nequit voluntas amare amore beatifico Deum, quin videat. Antecedens constat tum ex Aug. lib. 10. de Trinitate ratione, quia voluntas non amat, nisi attracta à bonitate objecti; objectum autem non allicit, nisi ut cognitum, & vitaliter representatum.

Confirm. Quia nulla potentia potest operari, nisi circa suum objectum; voluntatis autem objectum non est bonum quomodocumque, sed bonum ut cognitum, & intentionaliter præsens, cum enim voluntas sit operativa solum immanenter, non potest circa suum objectum operari, nisi illud fiat præsens, & immediatum intentionaliter per cognitionem; sicut agens non potest operari transeunter, nisi sit immediatum passio, saltem immedia-

Non

tione virtutis , ut communius docent in Philosophia.

Confirm. 2. Potentia intellectiva judicare nequit de objecto incognito, quia ad iudicium non inclinatur ab objecto secundum se, sed in quantum apprehenso; ergo nec voluntas amare potest objectum incognitum; quia nec fertur in bonum secundum se, sed ut apprehensum. Et ratio ulterior est, quia voluntarium ex D. Tho. 1. 2. qua. 6. art. 1. est quod procedit à principio intrinseco cum cognitione finis; atqui omnis actus voluntatis est voluntarius; ergo essentialiter procedere debet ex cognitione; unde amor beatificus ne divinitus quidem separari potest à visione.

V. Objic. 1. ex Oviedo *cont. 3. de Anima pun. 3.* Cognitio non influit in amorem, sed est mera conditio; ergo potest Deus independenter à tali conditione determinare voluntatem ad amandum, ut in multorum sententia potest determinare ignem ad agendum in passum distans; cognitio enim requiritur solum, ut voluntas alliciatur, & sic determinetur ad amorem boni: quare si ad id determinetur ab Omnipotentia extrinseca, exhibente illi concursum determinatum ad unum, poterit absque prævia cognitione amare. Quemadmodum enim cæcus, dū ab alio manuducitur, non indiget luce, quæ viā demonstrat, ita voluntas, quæ est potentia cæca, non eget cognitione præviā ad assequendum bonum, quando ab Omnipotentia veluti manuducitur. Adde, quòd licet dicatur cognitio non esse mera conditio, sed physicè influere ad appetitionem, non secus ac species objecti ad visionem, adhuc recurrit difficultas; nam sicut potest Deus determinare oculum ad videndum sine specie, supplendo extrinsecè ejus influxum, ita poterit determinare voluntatem ad appetendum sine prævia cognitione objecti.

Resp. transmissio antecedente, nego consequentiam; non enim potest Deus defectum cujuscumque conditionis

nis

nis supplere, quando præsertim conditio requiritur tanquam causa formalis, ut producat effectus. Et sane quamvis vera esset opinio Scoti, & Recentiorum contra Thomistas, quod possit agens divinitus agere in passum distans, supplente Deo defectum talis conditionis; nihilominus nequit divinitus agens agere, quin sit in loco, & tempore determinato, etiam si ubicatio, & duratio sint meræ conditiones ad agendum; sunt enim conditiones essentialis, & ideo insupplebiles; ergo cum essentialiter etiam requiratur cognitio objecti ad amorem (ut etiam prærequiritur ad judicandum de illo) nequit Deus has conditiones supplere. Et sicut non potest Deus ponere actum desiderii in voluntate creata, nisi bonum desideratum sit absens, quia absentia objecti est conditio objectiva spectans ad definitionem desiderii, atque adeo essentialis, (ut præsentia boni spectat ad definitionem gaudii) ita nequit Deus ponere amorem in voluntate creata sine prævia cognitione, quia huiusmodi cognitio est conditio objectiva spectans ad definitionem amoris, qui ex sua ratione est prosecutio boni apprehensi. Et eadem ratione dicemus *quest. 7.* non posse Deum ponere visionem beatificantem absque concursu intellectus, quia de ratione actus vitalis est, quod sit motus ab intrinseco; beatitudo autem debet esse actus vitalis, ut proinde dicatur in Scripturis esse Vita æterna.

VI. Quod si quæras, quare approximatō ignis v. g. ad comburendum non sit conditio essentialis, & insupplebilis? secus verò cognitio relatæ ad amorem? Dico, disparitatem esse, quia ignis operando transeunter ponit, non præsupponit, existentiam realem termini, nec debet operari attractus à passio; at voluntas amando operatur immanenter circa objectum, cujus intentionalem præsentiam essentialiter præsupponit, quia operatur ut attracta ab illo.

Dixi in responsione, antecedens transmitti: quia ad quæ-

questionem præsentem parum refert, num cognitio sit conditio, an causa amoris. Cæterum probabilius censeo cum Molina *p. p. quæ. 27. art. 3.* contra Vasquium, Oviædum, Arriagam *disp. 7. sect. 4. num. 50.* cognitionem non esse meram causam formalem illuminativam, sed etiam efficienter influere in amorem, ut dicitur communius de præmissis relatè ad Conclusionem, nec non de apprehensione relatè ad iudicium, & de specie relatè ad apprehensionem objecti. Ratio est, quia causa finalis in omnium sententia est vera causa relatè ad effectum suum, videlicet relatè ad amorem finis; atqui non esset vera causa, nisi cognitio boni, seu finis influeret physicè in amorem illius; ergo cognitio boni physicè influit in illius amorem. *Prob. min.* quia nisi physicè influeret, causaret tantum proponendo bonum; ergo quoties proponeretur bonum voluntati, toties deberet amor illius causari; hoc tamen est falsum, cum voluntas, utpote libera, possit non amare bonum ab intellectu propositum; ergo ut causetur amor finis, seu boni propositi, præter propositionem objecti requiritur influxus physicus ejusdem ad amorem.

Neque dicas, tunc causari amorem, quando præter propositionem objecti voluntas physicè influit liberè in amorem. Nam in tali casu amor esset quidem effectus voluntatis causantis, non tamen esset effectus causæ finalis, seu boni, prout in mente existentis, ergo cum detur præter causam efficientem etiam causa finalis, quæ amorem boni causat, dari debet præter influxum physicum voluntatis etiam influxus physicus cognitionis in amorem; aliter non causante voluntate amorem, hic re vera à causa finali causaretur præcisè per propositionem boni, quod est falsum.

VII. OBJIC. secundò: potest Deus conservare amorem: destructâ cognitione prævia; ergo potest etiam amor sine prævia cognitione à Deo produci; quandoquidem

dem conservatio est secunda productio, & quæ non spectant ad conservationem, nec spectant ad primam rei productionem.

Respond. primò per instantiam; potest Deus conservare actum vitalem sine subjecto; ergo potest etiam sine subjecto illum producere; quod videtur esse contra rationem actus vitalis, qui debet esse ab hoc, & in hoc, seu procedere ab intrinseco.

Respond. secundò, *dist. antec.* potest Deus conservare, & consequenter primò producere amorem sine cognitione prævia, & actum vitalem sine subjecto, ita tamen, ut tunc amor non possit denominare voluntatem amantem, sed habentem amorem; sicut cognitio in lapide non denominat lapidem cognoscentem, sed habentem cognitionem, *concedo antecedens*; seu verius omitte, [potest enim supponi, quod actus vitalis pendeat essentialiter à subjecto capaci denominationis instar modorum] secus, *nego antecedens*, & *distinguo eodem modo consequens*. Admitto itaque, posse Deum extra subjectum producere se solo actum vitalem; qui tamen esset vitalis, quatenus exigeret esse ab intrinseco, sed non quatenus posset denominare subjectum vitaliter operans: Et eodem modo admitto, posse amorem produci sine prævia cognitione, nec non actum iudicii absque prævia apprehensione; in quo casu amor exigeret esse à cognitione, & iudicium ab apprehensione: At talis amor positus in voluntate non denominaret illam amantem, sed habentem amorem: ad eum modum, quo gratia accidentalis posita in Christo Domino non denominat adoptivum, sed habentem adoptionem ex incapacitate subjecti. Sicut autem Christus Dominus nequit denominari adoptivus, & extraneus, quia est filius Dei naturalis; ita nec voluntas habens amorem, sine prævia cognitione Dei, denominari potest amans, seu beata, quia subjectum capax talis denominationis non est sola voluntas
sed

sed voluntas prædita cognitione boni, quod amatur. Quare amor beatificus (de quo præsens questio instituitur) cum debeat denominare voluntatem vitaliter operantem, & amantem, ne divinitus quidem potest à Visione Dei separari.

ARTICULUS II.

Num videns Deum possit illum odisse, si sciat se ab illo puniendum in æternum?

VIII. **D**ico equidem eum communi contra Ochamum, Gabrielem, & alios apud Amicum : Quamvis divinitus possit videns Deum non amare, non potest tamen illum odio habere; etiamsi videat in eo decretum, quo velit ipsum visione Dei privare, ac torquere in æternum : Quicquid sit, an esset beatus qui sic videret Deum ad tempus, puta per horam; quod examinabimus quæst. octavâ.

PROB. Repugnat bonum sub ratione boni odio haberi; sed beatus videns Deum, & huiusmodi decretum, videret in illo omne bonum, & nullam rationem mali; ergo non potest illum odio habere. Major patet, quia nulla potentia potest divinitus vagari extra suum objectum formale: cum autem objectum formale voluntatis sit bonum, non potest odio haberi bonum, in quo nulla apparet ratio mali; sicut nequit intellectus negare verum cognitum ut verum, aut affirmare falsum cognitum ut falsum. Minor itaque probatur; nam videns Deum videt illum clarè prout est in se, non ænigmaticè; in se autem, & secundum omnes actus suos secummet identificatos Deus est omne bonum, & nullum malum etiam sub ratione illa punitoris; ergo videns Deum, & huiusmodi decretum videret in illo omne bonum, & nullum malum.

Confirm. primò, quia ipsa ratio ultoris, & punientis aliquem ex amore iustitiæ est aliqua perfectio, & bonum ipsius

ipsius Dei non minus, quàm sit ratio præmiantis; ergo quàmvis ratio Punientis à vidente Deum apprehendatur, ut mala sibi, aut alteri, apprehenditur tamen ut bona Deo, sed beatus videns clarè Deum plus diligit Deum, quàm seipsum; ergo non potest sub ea ratione odio habere Deum; aliter plus diligeret se, quàm Deum: Sicuti qui odit Judicem eo, quòd puniat eum, plus diligit eum, quàm Judicem.

Confirm. secundò apertiùs, quia, ut diximus in prima quæstione, Christus Dominus in cruciatibus videns, quòd à Deo torqueretur, non poterat illum odisse: quini-
mo amore intensissimo, ac beatifico illum prosequabatur, quia scilicet magis inclinabatur ad obsequendum Numi-
ni clarè viso, quàm ad bonum proprium, ut aqua magis inclinatur ad ascensum, ut repleat vacuum in bonum na-
turæ universalis, quàm ad descensum in bonum propri-
um, ergo etiam in casu nostro.

IX. OBJIC. ex Ochamo: videns in Deo decretum, quo velit se innocentem torquere, eo ipso apprehendit Deum ut sibi malum, & incommodum, quàmvis sit in se bonus; ergo potest illum odisse: non secus ac Dæmones possunt Deum odisse, quia licet cognoscant, Deum esse intrinsecè & in se bonum, apprehendunt tamen illum, ut malum ex-
trinsecè, quatenus causat ipsis malum.

Respond. Absolutè loquendo videri mihi absurdissi-
mum dicere, quòd Deus possit velle innocentem in æter-
num torquere, sicut enim repugnat metaphysicè, Deum
esse mendacem, infidelem, &c. ita etiam esse crudelem,
& injustum: potest solum ad tempus innocentem torque-
re in ejusdem bonum, ut possit scilicet deinde majus præ-
mium reportare. Sed transmissò, quòd Deus ratione sur-
premi domini id possit; vel fingamus, quòd possit Pe-
trum justè torquere in æternum ob peccatum præteri-
tum, quod solum remissum sit quoad reatum odii, non
quoad reatum pænæ æternæ; (quod fieri posse de po-

tentia Dei absoluta, propugnabimus in de Pœnitentia *disputatione 3. quæst. 6.* ubi dicemus, posse peccata remitti divisibiliter quoad reatus odii, & pœnæ) dico, quòd si Petrus simul videret in Deo decretum de tali sua pœna æterna, illum non posset odio habere, quamvis apprehenderet ut malum, & incommodum sibi: sicut non poterat Christus Dominus in cruce Deum odisse. Ratio est eadem, quia Beatus diligit Deum plus quàm se ipsum; ergo potius diligit rationem punitoris in Deo, in quantum est perfectio ipsius Dei infinita, quàm illum odio habeat in quantum sibi malum, & incommodum: Sicuti qui plus diligit Judicem, quàm reum, non potest odisse Judicem ex eo, quòd justè puniat reum. Ideò damnati possunt Deum odisse, & nos Deum contemnere peccando, quia licèt à nobis Deus cognoscat ut summum bonum, cognoscimus tamen ænigmaticè, apprehendendo illum, ut malum nobis, quin à visione necessitemur ad amandum. Verùm qui Deum ut malum sibi apprehendunt, vel quia causat malum, vel quia prohibet bonum delectabile, procul dubio errant, juxta illud Proverb. 14. *Errant qui operantur iniquitatem.* Cùm autem hujusmodi error in vidente Deum esse non possit, ideo videns Deum etiamsi videat se torquendum in æternum, non poterit Deum odisse; quinimò necessitabitur ad illum amandum.

A R T I C U L U S III.

Num possit Beato imponi præceptum, ne Deum amet.

Okamus putat, imponi posse beato præceptum, non solum, ne amet, sed etiam ut odio habeat Deum; Hoc secundum de odio communiter censetur absolum, etiamsi transmittatur, posse Deum à beato odio haberi: Deus enim præcipuè nequit, quod est ab intrinseco malum, putà mendacium, blasphemiam; sed maximè omnium est malum intrinsecè odium Dei; ergo illud præcipere

pere non potest. Quare solum dubitatur; An possit beato præcipi, ut suspendat amorem sive concupiscentiæ, quo Deum diligit ut bonum suum, sive amicitia; quo Deum diligit propter se? Negat Vasq. *p. 2. disp. 16.* Affirmat Amicus hic. *disp. 2. sect. 11.*

Dico equidem primò. Potest beato præceptum imponi, ne Deum diligit amore concupiscentiæ.

PROB. Quia videns Deum necessitatur ad diligendum magis Deum, quam seipsum, suamque beatitudinem: ergo magis amat bonum, & gloriam Dei, quam bonum proprium; atqui si præcipiatur, ut cesset ab amando Deum amore concupiscentiæ, & tanquam bonum proprium, talis cessatio redundaret in gloriam Dei, ergo teneretur ab amore cessare; ergo potest tale præceptum imponi: universum enim præceptum, quod licite impleri potest, potest à Deo imponi.

Neque dicas, hinc sequi, posse Deum beato præcipere, ut se ipsum odio habeat, quia in tali casu redundaret etiam in gloriam, & bonum Dei odium, & malum proprium, unde posset, & teneretur beatus se odisse, seu sibi met ipsi malum velle, ut redundans in Dei gloriam, sequela autem videretur absurda, quia quodlibet inclinatur ad amorem sui: ergo repugnat, quod possit beatus semet odisse, & nolit propriam felicitatem.

Nam contra est, quia sequela, ut advertit Amicus, nullam continet absurditatem, atque adeo transmittenda; quamvis enim quilibet amore innato inclinatur ad semet amandum, ac magis inclinatur ad amorem summi boni; ergo posito præcepto, quod beatus seipsum odio habeat, seu sibi met malum velit, odio habendo propriam felicitatem, cum appareat odium sui, seu propriæ felicitatis esse promotivum gloriæ divinæ, posset, ac teneretur beatus amore elicitò odium sui prosequi, & semet, ac suam beatitudinem tanquam impeditivam majoris boni, & gloriæ divinæ odisse.

Instabis. Non potest voluntas odisse bonum deputatum ab omni malo ; hujusmodi autem est propria felicitas ; ergo non potest odisse propriam felicitatem, atque adeo non potest beato præceptum imponi, ut semetipsum, & propriam felicitatem odio habeat in obsequium Dei.

Respond. Quòd propria felicitas eo ipso, quòd appareat impeditiva gloriæ divinæ, apparet immixta alicui malo, unde possit beatus illam odisse : Sicut in via potest homo odisse Deum, quem scit esse summum bonum deputatum ab omni malo : cùm enim apprehendat aliquam molestiam, seu aliquod malum in observantia mandatorum divinorum, idcirco potest nolle ea servare, & sic Deum summum bonum contemnere, ac odisse. Potest itaque Beato imponi præceptum, ut seipsum, & propriam felicitatem odio habeat, quando carentia propriæ felicitatis cedit in Dei obsequium.

XI. Dico secundo : probabiliter potest etiam beato præceptum imponi, ne Deum diligit amore amicitiae.

PROB. Præceptum, quod potest licitè impleri, potest à Deo imponi ; sed præceptum de cessando ab amore amicitiae erga Deum potest licitè à beato impleri : ergo potest illi imponi. *Minor probatur*, potest enim, ac tenetur beatus ponere quicquid apparet magis Deo obsequiosum ; sed cessatio ab amore in hypothesi, quod Deus nolit, ac prohibeat illam, esset Deo magis obsequiosa : ergo posito præcepto, posset, ac teneretur à tali amore cessare ; & consequenter posset licitè tale præceptum implere. Rubio putat, quòd beatus, posito tali præcepto, liberè ab amore cessaret. Equidem cum Amico censeo, quod cessaret necessariò, sicut necessariò beatus Deum diligit, circumscripto præcepto de cessando ab amore.

Neque dicas, quòd si cessaret ab amore, ut se conformet divinæ voluntati illum prohibenti, eo ipso summè amaret, sicuti si Deus præcipiat beato, ne obediat sibi, eo ipso, ac nollet obedire, obediret. Nam contra est, quia in tali

tali casu cessatio ab amore non esset amor formaliter, sed ad summum virtualiter: sicuti quando alicui à superiore imponitur, ut cesset ab actibus amoris Dei, (ut fertur de Beato Aloysio) ne obsint valetudini, tunc cessatio ab amore non esset formaliter amor: unde non sequeretur inconueniens adductum in paritate de obedientia.

XII. OBJIC. primò. Deus clarè visus summè allicit voluntatem beati ad amorem, ità ut non possit vi suâ limitatâ resistere; ergo tale praeceptum non posset impleri, & consequenter nec imponi; sicut imponi nequit homini praeceptum, nè videat apertis oculis.

Confirm. Quia in cessatione ab amore nulla apparet ratio boni; atqui nihil potest voluntas velle, in quo non appareat ratio boni, ut nec odisse, nisi appareat ratio mali; ergo nequit velle cessationem ab amore.

Respond. distingo antecedens: Deus summè allicit voluntatem beati ad amorem, non posito praecepto, *concedo*; posito eo praecepto, *nego antecedens*, & *consequentiam*: in tantum enim Deus allicit ad amorem suum, in quantum id conforme est bonitati, ac voluntati suae, cui beatus tenetur se conformare: posita autem prohibitione, ne amet, non est conformis voluntati divinae amor; ergo tunc Deus non allicit ad amorem. Quicquid sit, Utrum beatus teneatur tunc actu positivo ex motivo obedientiae velle hujusmodi cessationem, an solum purè omit-tendo? In tantum nequit imponi praeceptum homini, nè videat apertis oculis, quia praeceptum hoc non est immutativum objecti, videlicet colorati, quod de se necessitat oculum ad visionem; At praeceptum impositum videnti Deum, ne illum diligit, est immutativum objecti, adeo ut objectum sub illo decreto exigit non amari, etiamsi contineat in se omne bonum; ergo hujusmodi praeceptum potest imponi.

Ad confirmationem distingo pariter majorem: in cessatione amoris nulla apparet ratio boni, non posito

D ;

præ-

præcepto, *concedo*: posito præcepto, *nego majorem, & consequentiam*; posito enim præcepto, majus DEI obsequium est ab amore cessare, atque adeo in cessatione ab amore apparet ratio boni, & in amore ratio mali, nempe impedimentum majoris obsequii divini; neque enim necesse est, ut in Deo appareat ratio mali, ne ametur; satis est, ut appareat ratio mali in amore Dei, ne ametur Dei amor, imò talis amor odio habeatur, atque adeò ne Deus ametur.

XIII. OBJIC. secundò. Videns Deum habet judicium practicum, quòd Deus sit diligendus, quin possit tale judicium suspendere, & ponere judicium oppositum, quòd Deus non sit diligendus; ergo non potest ab amore cessare, cum non possit contra ultimum judicium practicum operari, & peccare; ergo non potest tale præceptum imponi, cum non possit impleri. Antecedens quoad secundam partem prob., quia non potest voluntas imperare intellectui, ut judicium evidens suspendat, & inducat judicium oppositum evidenter falsum; sed judicium, quòd Deus sit diligendus, est evidens; ergo non potest voluntas illum tollere, & inducere aliud falsum, quòd Deus non sit diligendus.

Respond. distinguo primam partem antecedentis: non positâ prohibitionem amoris, habetur illud judicium, quòd Deus sit diligendus, *concedo*; positâ prohibitionem amoris, *nego antecedens, & consequentiam*. Variato objecto, variatur judicium: Deus sub illa prohibitionem est aliud objectum, inducens necessitatem ad cessandum ab amore; & judicium practicum evidens, quòd Deus non lens amari non sit diligendus, ut sic magis voluntati divinæ beatus se conformet; ergo nil mirum, quòd varietur pariter judicium illud, quòd Deus sit diligendus.

Ratio à priori est, quia voluntas divina est prima regula honestatis, cui conformandò se creatura rationalis, rectè, & honestè operatur. Quare si reluceat beato divina

voluntas, quod velit, ipsum ab amore cessare, necessitabitur ad conformandum se huic divinæ voluntati, atque adeo cessandum ab amore. In tantum enim non positâ prohibitione, videns Deum necessitatur ad amandum, quia & objectum est purum bonum, & nullum malum apparet in amore; at positâ prohibitione apparet in prosecutione amoris malum mortale, quod est difformare se primæ regulæ honestatis, seu divinæ voluntari, ergo positâ prohibitione necessitatur voluntas ad non amandum; non secus ac in via, posito præcepto Superioris de non eligendo hic, & nunc actu amoris Dei, tenemur ab eo abstinere. Et ratio ulterior est, quia amare est velle bonum; ergo repugnat, quod beatus, qui necessitatur ad Deum amandum, atque adeo ad volendum illi bonum, possit velle amorem Dei, pro quando hujusmodi amor apparet prohibitus, inhonestus, & ipsi Deo malus. Quare non solum moraliter, & physicè, sed etiam metaphysicè hujusmodi amor repugnaret; esset quippe, & non esset amor. Sicuti si nobis à Deo præcipiatur, quod hic, & nunc abstineamus ab actu amoris Dei, qui vellet Deum amare, transgrediendo hoc præceptum, amaret simul, & non amaret.

Q U Æ S T I O VI.

Num possit cum Dei visione componi potentia ad peccandum, & ipsum peccatum?

ID Ei Visio de facto est impossibilis cum peccato, nec potest per peccatum deperdi; sicut per peccatum deperditur gratia: datur quippe in præsentī providentia inamissibiliter, atque adeo absque ulla dependentia ab actu libero voluntatis creatæ; quæ à visione ita dirigitur, ut nunquam à recto deviet, ut habet Aug. 2. de Gen. cap. 36. Proinde certum est apud Catholicos contra Origenem, Beatos nunquam peccaturos; Et quamvis

Scotus, Gabriel, Okam putent, id oriri ex extrinseco Dei decreto; Verius tamen D. Th. *prima parte quest. 72. art. 8.* Suarius, Valentia, Vasquez, & alii communiter docent, impotentiam peccandi in Beatis oriri unice ex visione, quia, ut ostendimus, necessitat ad Deum summum bonum amandum: Unde etiam si beatus cessaret ab amore, non proinde peccare posset; quidquid in contrarium dicant Scotus, & Ægidius, docentes, visionem medio amore reddere beatos impotentes ad peccandum. Quod controvertitur, est, Utrum in alio ordine componi posset cum visione potentia ad peccandum, vel ipsum peccatum sive habituale, sive actuale?

II. Circa potentiam autem ad peccandum duplex instituitur questio. Prima, An possit cum visione coherere potentia ad ponendum peccatum pro eodem instanti in sensu diviso? secunda, an etiam potentia ad peccandum pro instanti sequenti peccato destructivo visionis? Utrumque seorsim inquiremus, ac deinde videbimus, an possit cum Dei visione coherere peccatum habituale, aut etiam actuale?

ARTICULUS I.

Num possit cum Dei Visione componi potentia ad peccandum pro eodem instanti peccato destructivo Visionis?

III. S'Uppono, videntem Deum posse simul habere cognitionem abstractivam tum Dei, tum aliorum objectorum, & posse elicere tum actus directos ab ipsa visione se habente pro priori ad illos, tum directos ab aliis cognitionibus, independentes à visione: ita ut visio possit se habere vel disparatè, vel pro posteriori ad tales actus. Ad hanc basim firmandam multa dicemus in disp. ut. de Spe, *quest. 2.* & de Incarnatione *disp. 2. qu. 4.* Interim id constare poterit ex eo, quod de facto Christus Dominus in horto ad actus trahentes mœstitiā, pavorem,

&

& tædium non regulabatur à visione beata: & universim Christus Dominus ad actus suos liberos eliciendos non dirigebatur à visione prout respiciente in Verbo illos actus liberos à se ponendos, aliter non daretur relatè ad eos actus principium indifferens, & compossibile cum eorum ommissione, unde non essent liberi; & eodem pacto voluntas nostra non regulatur, seu dirigitur ad ponendos actus liberos à cognitione experimentalì, quam in eodem instanti habet de illis; quippe quæ est in posteriori natura ad illos à quibus causatur.

IV. Dico nunc: Cum Dei visione beatifica quamvis non possit peccatum conjungi, potest tamen in alio ordine pro eodem instanti conjungi potentia proxima ad ponendum peccatum in sensu diviso, quod esset impeditivum talis visionis.

PROB. Simul, & explicatur. In eo instanti, quo quis liberè ponit actum meritorium, puta spei, potest à Deo obtinere præmium, ut de facto obtinetur in præmium augmentum gratiæ; ergo potest etiam pro eodem instanti obtinere in præmium visionem Dei exigitam à gratia, atqui si fingamus, actum illum spei liberè positum præcipi sub gravi, ut potest præcipi, jam pro eodem instanti haberetur potentia proxima ad omittendam spem præceptam, atque adeo ad peccandum, & simul haberetur actus spei præceptus, ejusque præmium, nempe augmentum gratiæ, & visio Dei; ergo pro eodem instanti potest cum visione, coherere potentia proxima ad ponendum peccatum in sensu diviso à visione, seu quod impediret collationem visionis Dei in præmium actus spei, si voluntas expedita ad ponendam spem præceptam, & ejus ommissionem peccaminosam, non poneret actum spei, ad quem consequeretur gratia, & Dei visio in præmium, sed spem omitteret, seu peccaret, unde nec gratiam haberet, nec Dei visionem.

Confirm. Non minus est impossibilis gratia cum

mortali, quàm visio Dei; atqui cum gratia stare potest de facto in eodem instanti potentia ad peccandum in sensu diviso; ergo etiam cum visione beata. Prob. *min.* quia si in instanti A obligetur peccator sub gravi ad contritionem, & illam ponat, habet pro eo instanti potentiam proximam ad omittendam contritionem præceptam atque adeo ad peccandum, & simul habet gratiam, quæ consequitur in præsentis ordine ad contritionem.

Ne tamen conclusio admirationem pariat, adverto; plurimos Doctores docere, quòd de facto Angeli in eodem primo instanti creationis fuerint viatores, & comprehensores; ita ut pro primò signo naturæ habuerint potentiam expeditam ad ponendum actum meritorium, & ad peccandum; in secundo signo naturæ habuerint actum meritorium, in tertio visionem claram Dei in præmium illius actus. Multi etiam cum Suario *disp. 40. de Incarn.* docent, Christum Dominum de facto probabiliter meruisse, & communiter cum D. Thoma docent, potuisse mereri sibi gloriam essentialem, nempe visionem Dei per actus liberos procedentes à scientia infusa, puta per actus amoris Dei; ita ut huiusmodi actus, quamvis coexistiterint pro eodem instanti cum visione, non fuerint tamen ab ea directi, sed fuerint naturâ priores ipsâ visione; in quo casu in primo signo intelligeretur potentia proxima ad ponendum, vel non ponendum actum amoris Dei directum à scientia infusa; in secundo signo actus amoris liber, & meritorius; in tertio visio Dei in præmium; in quarto demum amor Dei necessarius directus à visione Dei.

V. OBJIC. 1. Visio Dei ex sua natura determinat, & necessitat voluntatem ad conformitatem cum divina voluntate, atque adeo ponit impotentiam ad peccandum: ergo componi non potest cum potentia ad peccandum. Neque obstat, quòd potentia ad peccandum sit in priori signo naturæ, visio verò, seu impotentia ad peccandum sit

sit in signo posteriori; nam duo invicem opposita non possunt esse pro eodem instanti reali, quamvis pro diversis signis naturæ.

Confirm. via, & terminus opponuntur: ergo repugnat, ut aliquis pro eodem instanti habeat indifferentiam ad peccandum, vel merendum, atque adeo sit in via, & simul habeat visionem Dei, atque adeo sit in termino viæ: Aliter posset etiam pro diversis signis naturæ dari assensus, & dissensus, amor, & odium, forma, & privatio, & alia hujusmodi impossibilia, quod nemo dixerit.

Resp. Argumentum magnam speciem præferre, non magnam vim. Nam ab omnibus admitti debet, quod pro diversis naturæ signis, atque adeo ratione diversorum constitutivorum componi possint in eodem subjecto duo prædicata secundum se opposita, absque ulla tamen oppositione, quia contradictio cadit relatè ad diversa, & sic declinatur. Certè habere indifferentiam ad odium, & non habere hanc indifferentiam, secundum se sunt opposita; & tamen potentia libera in priori ad amorem habet indifferentiam ad odium, quam non habet ut componens cum amore; & in sententia laudata D. Th. quod potuerit Christus D. mereri sibi gloriam essentialem, seu Dei visionem, per actum amoris v. g. procedentem à scientia infusa, in priori ad amorem hunc meritorem daretur indifferentia ad omittendum talem amorem, in posteriori verò ad talem amorem, & ad visionem Dei collatam in præmium non daretur indifferentia ad amorem Dei omittendum, quia ad Visionem necessariò consequitur Dei amor: ergo pariter poterit homo in priori ad actum spei præceptum habere indifferentiam ad peccandum; secus verò in posteriori ad actum spei, & Dei visionem collatam in præmium talis actus spei præceptæ. Sicuti etiam in casu adducto, qui potest liberè contritionem præceptam, in priori ad contritionem habet potentiam pro-

xiam

ximam ad illam omittendam, atque ideo ad peccandum, in posteriori verò ad contritionem, & gratiam consequentem, hanc indifferentiam, & compossibilitatem cum peccato non habet, aliter posset gratia, & peccatum componi: & eodem modo quando quis advertenter ponit actum liberum, in posteriori ad talem actum est determinatus ad illum intuendum, quam determinationem non habet in priori; Et qui liberè ponit actum impetran-tem, necessitantem ad actum imperatum, in priori ad actum imperantem habet indifferentiam ad carendum etiam actu imperato; secus verò in posteriori ad illum actum imperantem: in quibus omnibus declinatur contradictio, quia potentia, & impotentia, indifferentia, & necessitas non cadunt relatè ad idem, sed relatè ad diversa.

Ad Confirm. Quamvis nulla via sit terminus; potest tamen aliquis esse in eodem instanti in via, ratione unius formæ, & in termino ratione alterius, si huiusmodi formæ simpliciter non opponantur: sic actio generativa, quæ est via ad formam genitam coexistit cum illa, & actus meritorius, qui est veluti via ad augmentum gratiæ, cum eo coexistit. Cum autem non opponantur, ut ostendimus, potentia ad peccandum, & Dei Visio, poterit homo divinitus simul esse viator per potentiam ad peccandum, & comprehensor per Dei visionem: Sicut in multorum sententia Angeli de facto pro primo instanti suæ creationis fuerunt simul viatores, & comprehensores; atque adeo in via simul, & in termino. Tunc esse in via, & esse in termino opponuntur, quando esse in via est moveri localiter, & esse in termino fert non moveri, sed quiescere: quamvis positâ replicatione possit etiam aliquis simul esse v. g. Romæ, & simul moveri Romam versùs.

Ad id, quod additur, quòd possent simul esse pro diversis signis naturæ assensus, & dissensus, sequela est nul-

si supponantur hi duo actus virtualiter contradictorii, dissensus sit virtualiter negatio assensus; hoc enim
sup-

supposito, si in eodem intellectu assensus, & dissensus componerentur, idem intellectus assentiretur simul, & non assentiretur; unde non declinaretur contradictio ratione diversorum, ut declinatur in casu nostro; in quo indifferentia ad peccandum est indifferentia ad ponendum peccatum directum à cognitione Dei ænigmatica, quòd sit in priori ad visionem, & illam impediatur; necessitas verò ad non peccandum, quæ habetur per visionem, non est necessitas ad non ponendum peccatum pro illo priori, sed est necessitas ad non peccandum in posteriori ad Dei visionem, seu est necessitas ad non ponendum peccatum directum à Dei visione; quæ duo non repugnant.

VI. Noto tamen ad eruditionem, non deesse qui sustineant, posse assensum, & dissensum simul esse in eodem intellectu pro diversis naturæ signis: potest enim quis v. g. judicare invincibiliter aliquid falsum, v. g. mentiendum esse propter utilitatem proximi, unde mentiatur, & in præmium habere gratiam, & visionem Dei, quâ simul evidenter judicet non esse mentiendum propter proximi utilitatem; in quo casu pro eodem instanti darentur ea judicia opposita pro diversis signis. Docent enim hujusmodi authores, in tantum præcisè pugnare assensum, & dissensum, in quantum non potest intellectus falso cognito ut falso, assentiri; quòd haberetur, si quis pro eodem signo naturæ diceret, utramque partem contradictionis esse veram, videlicet mentiendum esse, & non esse mentiendum: hoc autem non haberetur, si hujusmodi judicia sint pro diversis signis; nam in primo signo per errorem appareret verum, quòd mentiendum sit; in secundo, positâ visione Dei, evidenter appareret, esse falsum, quòd sit mentiendum; unde in neutro signo intellectus assentiretur falso cognito ut falso.

Adde etiam ad eruditionem, Oviedum controversia 6. de Anima, punct. tertio putare, quòd possint divinitus

tus etiam pro eodem signo naturæ componi assensus, & dissensus; amor, & odium, ut componi possunt calor, & frigus in summo: quod tamen non admiserim propter rationem adductam, quia scilicet falso cognito ut falso intellectus assentiretur, dum admittit utramque partem contradictionis per assensum, & dissensum relatè ad idem.

VII. OBJIC. 2. Ut homo habeat potentiam proximam ad peccandum, carere debet omni impedimento peccatum; atqui Dei visio est impedimentum ad peccatum, quippe quæ necessitat ad amorem: ergo non potest cum Dei visione componi potentia ad peccandum. Aliter prædeterminatio physica necessitans v. g. ad Dei amorem, componi posset cum potentia proxima ad odium.

Resp. Distinguo min. visio Dei dirigens ad actum est impedimentum ad peccatum, concedo; visio Dei non directiva actûs, sed in posteriori ad actum est impedimentum ad peccatum, subdistinguo; est impedimentum ad peccatum ponendum pro signo posteriori, concedo; ponendum pro priori ad ipsam, nego minorem, & consequentiam. Hoc apparet, si instetur in actibus liberis Christi Domini; relatè ad quos visio eorum in Verbo est, impossibilis, atque adeo impedimentum ad eorum omissionem, quin tamen tale impedimentum destruat libertatem, seu potentiam proximam ad omissionem pro priori ad talem visionem, quatenus si omitterentur, tunc visio illorum non daretur.

Ad id, quod additur, dico, eodem modo discurrendum de visione Dei, ac de prædeterminatione necessitante ad amorem; nam si prædeterminatio ad amorem daretur in posteriori ad alium actum libera præceptum, puta spei (ut in casu nostro datur visio) pariter cum prædeterminatione ad Dei amorem daretur in priori potentia libera ad omittendum actum spei præceptum, atque adeo ad peccandum peccato impeditivo illius prædetermina-

minationis ad amorem; prædeterminatio tamen si detur ad ponendum ipsum actum, cum sit in priori ad talem actum, non stat cum indifferentia ad illum ponendum, vel omittendum; sicut visio Dei dirigens ad actum amoris non stat cum indifferentia ad illum omittendum; unde nequit ea componi cum potentia ad peccatum subsequens talem visionem.

Instabis. Quoties intellectus illuminatur à Dei visione, voluntas necessitatur ad amandum Deum, atque adeo non potest peccare; atqui siue visio detur in præmium actus meritorii, puta spei, siue detur in priori ad talem actum, semper intellectus illuminatur à Dei visione pro toto illo instanti; ergo pro illo instanti necessitatur ad Deum amandum, & non potest peccare; atque adeo chimericum est illud systema, quod in primo signo naturæ detur potentia ad omittendum actum spei præceptum seu potentia ad peccandum, in secundo signo detur actus spei præceptus, & in tertio visio Dei trahens amorem necessarium.

Resp. Argumentum probare, quod nec posset in Deo dari in eodem instanti actus amoris Dei liber directus, & causatus à scientia infusa, & actus amoris necessarius directus, & causatus à Dei visione. Quare sicut in eodem instanti Christus Dominus habet potentiam ad omittendum amorem directum à scientia infusa, & necessitatur ad amorem directum à Dei visione; ita in casu nostro in eodem instanti potest aliquis omittere actum spei v. g. præceptum directum à cognitione Dei ænigmatica, unde habeat potentiam ad peccandum, & simul habere necessitatem ad ponendum amorem directum à Dei visione, quæ detur in præmium actus spei præceptæ. Et ratio à priori est, quia potest Dei visio pro instanti A illuminare intellectum, & necessitare ad amandum Deum, quin tamen necessario dirigat ad omnes actus voluntatis pro eodem instanti. Sicut cognitio experimentalis, quam

quam habemus de nostris actibus liberis, quia ad illos consequitur ad illos non dirigit, quamvis ea sit in eodem instanti cum iisdem actibus liberis. Quare in forma distinguo maiorem. Pro eo instanti, quo intellectus illuminatur à Dei visione, voluntas necessitatur ad amorem directum à tali visione, concedo; ad amorem, aut alium actum præceptum directum, & causatum à cognitione Dei ænigmatica, nego maiorem; & concessã minore, distinguo consequens; necessitatur ad amorem, & non potest peccare peccato consequente ad Dei visionem, concedo; peccato consequente ad cognitionem Dei ænigmaticam, & impeditivo visionis, nego consequentiam.

Itaque, A, & B esse in eodem instanti, & pro diversis naturæ signis fert, A esse causam, aut esse effectum relatè ad B; sic sol est in priori naturæ signo ad lucem, quia sol est causa lucis. In casu nostro cognitio Dei ænigmatica causaret liberè actum spei præceptum; actus spei utpote meritorius causaret moraliter Dei visionem; & Dei visio causaret physicè amorem Dei necessarium; & ideo in priori signo naturæ intelligeretur cognitio Dei ænigmatica cum potentia ad omittendum actum spei præceptum, atque adeo cum potentia ad peccandum peccato consequente ad cognitionem ænigmaticam Dei, non verò peccato consequente ad Dei visionem: In secundo signo intelligeretur actus spei præceptus, & meritorius: In tertio Dei visio meritorie causata ab actu spei; & in quarto signo amor Dei necessarius cum impotentia ad peccandum peccato consequente ad Dei visionem. Sicut autem in Christo Domino non pugnant hæc duo, quòd scilicet possit omittere amorem Dei directum à scientia infusa, & quòd non possit omittere amorem Dei directum à visione Dei; ita in casu nostro non pugnant hæc duo, quòd aliquis possit peccare peccato consequente ad cognitionem Dei ænigmaticam, omittendo actum spei præceptum, & quòd simul non possit peccare peccato conse-

consequente ad Dei visionem, cum Incessiatur à visione ad Deum amandum. Sicut enim pro instanti A, quando præcipitur peccatori contritio, & in præmium contritionis præceptæ datur gratia sanctificans, in priori signo intelligitur potentia ad omittendum contritionem præceptam, atque adeo potentia ad peccandum, in secundo signo intelligitur contritio, & in tertio intelligitur gratia causata moraliter à contritione, ut proinde ea non destruat potentiam præsuppositam ad peccandum; quam tamen destrueret, si gratia deberet physicè influere in illum actum contritionis; ita visio Dei in casu nostro non destruit potentiam præsuppositam ad omittendum actum spei præceptum, atque adeo ad peccandum; quam tamen destrueret, si visio deberet dirigere, & esse in priori ad illum actum spei.

ARTICULUS II.

Num possit cum Dei visione componi potentia ad peccandum pro instanti sequenti peccato destructivo visionis?

VIII. **R** Esp. affirmativè. Conclusio est contra Rhodes disp. 1. de actibus humanis. quest. 3. sec. 2. Est tamen communis eorum, qui docent, posse in alio ordine Humanitatem assumptam peccare peccato destructivo unionis hypostaticæ.

PROB. & explicatur. Decernat Deus v. g. se daturum Petro gratis unionem Dei per duo instantia A, & B, & in tertio instanti C daturum illi cognitionem Dei abstractivam, sub qua voluntas est indifferens ad peccandum, vel non peccandum, & quæ sit directiva operationis: Hoc posito, pro eodem instanti illo tertio C præcipiat Petro Deus sub gravi actum liberum v. gr. spei, sub conditione, quod si eliciat actum spei præceptum, conservabitur in præmium visio etiam pro instanti C, secus carebit visione: in tali casu (qui non videtur repugnare) Petrus pro

instanti B diceretur habere visionem simul, & potentiam ad peccandum pro instanti sequenti C, peccato destructivo visionis; ergo potest hujusmodi potentia ad peccandum cum visione componi; non quidem in præsentī ordine, in quo visio est directiva actuum voluntatis, nec conservatur dependenter ab ullo actu libero, sed in alio ordine, quod solum contendit conclusio. Consequentia sequitur, Antecedens patet; nam primò non repugnat, Deum velle conservare visionem pro instanti C, dependenter ab actu libero creaturæ; si enim potest simpliciter visionem destruere, vel conservare, poterit pariter velle illam conservare sub hac conditione. Deinde quòd Petrus in hoc casu dicatur habere in instanti B potentiam ad peccandum pro instanti C, peccato destructivo visionis, non videtur cadere in dubitationem; sicut enim quiescens per instans A, & B tantum, & ambulans in C, dicitur in instanti B habere simul quietem, & potentiam ad motum pro instanti C, ita prorsus habens visionem in instanti A, & B, si possit pro instanti C peccare, dicitur in instanti B habere cum visione potentiam ad ponendum peccatum pro instanti C. Quare lis posset esse tantum de voce, non de re, si concedatur, posse Petrum carere per peccatum conservatione visionis pro instanti C.

IX. OBJEC. I. cum Rhodes: eo ipso ac visio est prior tempore, est pariter prior naturâ ad actum voluntatis consequentem; ergo impossibile est, quòd in instanti B detur visio, & quòd actus voluntatis in instanti C non procedat directus à visione; & consequenter impossibile est, videntem Deum posse peccare pro instanti sequenti, peccato destructivo visionis. Consequentia sequitur, antecedens probatur, quia aliter videns Deum non esset magis impeccabilis, quàm viator habens gratiam; quandoquidem uterque posset pro instanti sequenti peccare peccato destructivo, ille Visionis, hic Gratia.

Resp. nego antecedens; non enim major est ratio, cur
in

in primo instanti possit visio poni dependenter ab actu meritorio præcepto, & sic componi cum potentia ad peccandum peccato impeditivo visionis [quod Rhodes admittit] & non possit pariter in secundo, vel tertio instanti conservari dependenter ab actu meritorio præcepto & in posteriori natura ad illam, unde componatur cum potentia ad peccandum peccato visionis destructivo. Ad probationem nego sequelam, nam ut beatus dicatur, & sit de facto impeccabilis per Visionem, satis est, quod de facto, & connaturaliter Visio sit directiva actuum voluntatis; unde per visionem necessitatur ad Deum amandum etiam pro instanti sequenti: est enim dogma fidei contra Origenem, Beatos nunquam esse peccaturos; nam, ut habetur Apocalypsis 21. *Non intrabit in eam aliquid sordidum, aut abominationem faciens, & mendacium.* Quod autem de facto accidit, dicendum est, connaturaliter accidere, nisi constet oppositum, juxta doctrinam in Physicis receptissimam; siquidem Deus, ut dicitur Sapientiae 8. *Attingit omnia à fine usque ad finem fortiter, & disponit suaviter;* hoc est cum inclinatione naturæ, & juxta rerum connaturalitatem: Contra verò Gratia justificans non est in priori ad actus voluntatis positos à justo, & ideo justus carens Dei visione, est peccabilis peccato gratiæ destructivo.

X. OBJIC. 2. In systemate Conclusionis deberent componi in eodem instanti C, pro eodem secundo signo naturæ visio Dei, & peccatum; Sequela non admittitur (nam cum supponatur, tale peccatum esse destructivum visionis, debet esse cum illa impossibile) ergo nec id, unde sequitur. Probatur sequela, quia in instanti C non destruitur visio, nisi ad exigentiam peccati, quod existit in secundo signo naturæ; nam in primo signo naturæ intelligitur potentia ad peccatum, in secundo ipsum peccatum, in tertio expulsio visionis; ergo in secundo signo naturæ, in quo est peccatum, habetur etiam visio. Probatur con-

sequentia, quia visio perseverat, donec expellatur per peccatum; atqui pro tertio signo naturæ intelligitur expelli; ergo perseverat usque ad secundum signum naturæ, & sic componitur cum peccato.

Resp. Objectionem esse puerilem, & in physicis dilucidari: Est manifesta instantia de gratia, quæ perseverat in iusto, donec per peccatum expellatur, nec tamen pro eodem signo naturæ, nec pro eodem instanti datur simul gratia, & peccatum: Sic forma ligni perseverat, quousque expellatur à forma ignis, & tenebræ perseverant, donec expellantur à luce, nec proinde coexistunt. Quare nego sequelam; ad probationem nego consequentiam, ad cuius probationem distinguo maiorem, visio perseverat, quousque expellatur per peccatum, hoc est, usque ad illud instans C exclusivè, quo ponitur peccatum, *concedo*; usque ad illud secundum signum naturæ, quo ponitur peccatum, *nego maiorem, & consequentiam*: etenim quoties pro signo naturæ posteriori est unum impossibile, non potest pro signo priori esse, aut intelligi aliud impossibile; sic quia lux est in posteriori signo ad Solem, non potest pro primo signo esse, aut intelligi carentia lucis; Unde tunc habetur præcisio, ita ut pro primo signo nec lux, nec tenebræ intelligantur, sed præcisio ab utroque; quod pariter dicas in casu nostro.

A R T I C U L U S III.

Num possit cum Visione Dei componi peccatum habituale?

XI **C**ertum est, visionem Dei, quæ sit in actu secundo beatitudo, componi non posse cum peccato habituali. Quamvis autem Suarius hinc *disp. 10. sect. 2.* putet, videntem Deum cum peccato habituali posse dici beatum quoad essentiam, non verò quoad Stratum, & Perfectionem beatitudinis; Verius tamen censeo, ne quoad essentiam quidem beatitudinis posse dici beatum,

tum; videre enim Deum sibi aversum, & cum jure ad odium non est perfecte possidere summum bonum, & posso ex illo percipere omnia commoda, sed potius est pati miseriam deteriorem miseriam damnatorum; nam quo clarius videtur summum bonum, eò magis displicet ab illo odio haberi; & licet sic videns Deum necessitaretur ad ejus amorem, & ad gaudendum de ejus felicitate, non posset tamen non summe tristari de tanto malo proprio.

Neque dicas, quod si innocens videat in Deo, se torquendum in æternum, non posset tristari; ergo neque peccator, qui videt, se justè odio haberi. Antecedens probatur, quia Christus Dominus in horto, ut notat Suzzius *tom. 2. in 3. partem*, non nisi miraculose tristitiam passus est avocando animum ab iis, à quibus poterat consolari; quia scilicet videndo in Deo, ab ipso cruciari, tristari non poterat naturaliter.

Sed omisso antecedente, nego consequentiam. Disparitas est, quia in primo casu videns Deum inclinatur ad conformandum se voluntati Divinæ, & ad amandum magis obsequium, & bonum Dei, quam proprium; quare cum ex voluntate Dei torqueatur, in hoc ipso summe gaudet, quod adimpleatur Divina voluntas: At in casu nostro reatus odii in peccatore non habetur ex voluntate Divina, sed ex propria culpa, nec redundat in obsequium, sed in contemptum Dei. Unde videns Deum in mortali, non deberet inclinari ad amandum talem reatum, tanquam conformem voluntati Divinæ, sed potius ad odio habendum, tanquam disformem, & sic de malo proprio deberet summe tristari. Et ratio à priori est, quia solum carentia boni debiti mali nomen accepit ex Augustino; non est autem debitum creaturæ carere cruciatibus contra voluntatem Dei, & ideo crux à Domino volita non est mala creaturæ; unde nec potest de ea tristari. Contra vero debitum est homini carere reatu odii Divini, & non esse Dei inimicum; unde qui in Deo talem reatum vi-

deret, inspiciendo proprium malum, summè triftaretur.

Neque replices, quòd possit Deus videnti se in mortali non revelare suum peccatum, & sic non efflet miser, sed beatus. Nam contra est, quia sicut non est felix, qui putat, aut somniat, se esse felicem, ità nec qui ignorat proprium peccatum, quod est summum malum, & miseria.

XII. Dico nunc cum Suario 1. 2. *disp.* 10. *sect.* 1. n. 23. Med. , Salas, Tannero, Hurtado contra Valquium *disp.* 11. c. 10. Becanum, Granadum, Turrianum. Potest divinitus aliquis in sensu composito peccati lethalis habitualis Deum videre.

PROB. Visio Dei non est ipsa expulsio formalis peccati, ut supponimus; sed solum est exigentia connaturalis, ut conjungatur cum gratia prævía, formaliter. expulsiva peccati; non secus ac calor est solum exigentia connaturalis expulsionis frigoris; atqui Deus potest exigentias naturales frustrari, ergo sicut potest divinitus componi calor, & frigus in summo in eodem subjecto, ità pariter visio Dei, & peccatum habituale.

XIII. Confirm. Quia in hac conjunctione peccati cum visione nulla apparet repugnantia neque moralis, neque physica. Non habetur primò repugnantia moralis, quatenus scilicet indecens sit Deo, tantum donum peccatori concedere. Nam hoc non esset donum, & præmium, sed pœna, cum per hanc visionem terminatam ad Deum sibi aversum, peccator evaderet miserrimus. Deinde præscindendo, an hic haberet beatitudinem quoad essentiam, ut loquitur Suarius, non quoad statum, & perfectionem beatitudinis, nulla esset indecentia in Deo, quòd sicuti tot dona supernaturalia concedit peccatoribus, ità etiam contra exigentiam naturalem concedat Visionem sui.

Neque secundò habetur repugnantia physica, quatenus scilicet visio per se ipsam constituit hominem formaliter sanctum, participantem naturam Divinam perfectioni modo, quàm participetur per gratiam. Nam vel sup-

poni

poni potest, visionem non esse de se formam sanctificantem, ut dicemus in de Gratia disp. 4. qu. 8. cum communiore contra Oviedum, & alios; Vel supponi potest cum Suario lib. 7. de gratia c. 20. quod forma sanctificans non constituat hominem sanctum, donec intelligatur cum suo effectu secundario, qui est expulsio peccati, quam expulsionem exigit connaturaliter, ut calor exigit expulsionem frigoris; ita tamen, ut possit divinitus non expellere.

Neque repugnat demum, quia visio Dei conjungitur cum amore perfectissimo, qui formaliter peccatum expellit. Nam primò potest divinitus stare visio, quin Deus velit ad amorem concurrere, ut ostendimus quest. 5. Deinde dato, quod conjungatur cum amore perfectissimo, supponendum cum communissima contra Vasquez, amorem hunc non esse formam sanctificantem, atque adeò non expellere peccatum habituale formaliter, ut dicemus in eadem quaestione de Gratia.

ARTICULUS IV.

An etiam mortale actuale coherere possit cum Dei visione?

XIV. **C**Enseo, de potentia absoluta etiam peccatum mortale actuale componi posse cum Dei visione, dummodo hæc sit in posteriori natura ad illud. Dixi de potentia absoluta, quia visio de facto, atque adeò connaturaliter est directiva actuum voluntatis, & in priori ad illos, unde cum necessitet ad Dei amorem, conjungi nequit cum mortali actuali. Ità Ovied. cont. 3. p. 4.

PROB. & explicatur conclusio. Si Deus decernat sive in præmium, sive saltem sub conditione actionis alicujus externæ bonæ, puta eleemosynæ infundere visionem Dei, etiam si tunc erogans eleemosynam committat aliud peccatum mortale, puta vindictæ, hujusmodi visio data in præmium, aut sub conditione eleemosynæ, conjungetur cum peccato actuali vindictæ absque ullò incon-

venienti: ergo peccatum actuale, & visio Dei de potentia absoluta conjungi possunt. Antecedens probatur, evacuando inconvenientia, quæ opponuntur.

XV. Neque enim primò sequeretur inconveniens ul-
lum, ortum ex effectibus formalibus moralibus peccati,
& visionis. Ratio est, quia eisdem effectus formales mo-
rales præstat peccatum actuale, & peccatum habituale,
ergo cum ostenderimus articulo superiore, effectus for-
males morales peccati habitualis non pugnare cum effe-
ctibus formalibus visionis, neque peccatum actuale pug-
nabit cum visione ex hoc capite.

Neque sequeretur secundo inconveniens ortum ex eo,
quòd visio destruat libertatem ad peccandum, quam sup-
ponit peccatum habituale; Nam etiam si visio necessitet
ad non peccandum peccato consequente ad ipsam visio-
nem, relinquit tamen potentiam liberam ad peccatum
non directum à visione, ut ostendimus articulo primo;
Unde potest in posteriori ad peccatum consurgere visio.

Neque repugnat tertio ex eo, quòd peccatum stet
cum summa miseria, nempe cum reatu odii divini; unde
consistere non potest cum visione, quæ est felicitas. Nam,
ut diximus articulo superiore, visio Dei data peccatori
non esset felicitas, & præmium, sed pœna. Adde, posse hîc
supponi ex tractatu de Pœnitentia, quòd peccatum re-
mitteri possit in instanti, quo fit, unde sive formaliter per
visionem, sive per gratiam sanctificantem, à peccato a-
ctuali tolleretur macula juris, remanente macula facti, ac
proinde visio conjungeretur cum lethali actuali absque
reatu odii Divini.

Neque repugnat ultimo, quia visio necessitat ad a-
ctum amoris, unde conjungerentur simul peccatum actu-
ale, & amor Dei, quæ sunt impossibilia. Nam præ-
scindendo ab ea opinione Oviedi, de qua diximus articu-
lo primo, quòd possint divinitus saltem pro diversis
naturæ signis amor, & odium, assensus, & dissensus;

Resp.

Respondeo, quod posito peccato actuali non impediretur pro eodem instanti existentia visionis, sed impediretur amor naturâ suâ consequens ad visionem; quamvis enim visio sit causa necessaria amoris, non debet tamen illum causare, quando datur impedimentum, quod esset peccatum existens in priori ad visionem; nullus enim effectus produci potest, nisi sublati impedimenti: Ad eum modum, quo actus scientiæ si coexisteret cum actu opinionis, impediret actualem formidinem, cum qua opponitur scientia; quamvis non impediret actum ipsum opinionis, cum quo scientia non opponitur: Sic etiam paries v. gr. impedit, ne protendatur lux solis, cum qua opponitur opacitas; sed non impedit, ne protendatur calor, cui opacitas non opponitur. Pariter si in intellectu detur iudicium probabiliter falsum, ex gr. quod Berta sit mortua, & Deus in posteriori ad hunc actum, infunderet speciem evidentem de ejus vita, talis species causaret tantum simplicem apprehensionem de vita Bertæ, non verò iudicio opposito, quod vivat. Denique si in præmium desiderii de beatitudine conferat Deus Petro visionem beatam, ad hanc non consequeretur gaudium, quod opponitur cum desiderio prævio. Idem dicas in casu nostro.

Q U Æ S T I O VII.

Num possit aliquis beari formaliter per ipsam Visionem increatam Dei, aut per Visionem creatam à solo Deo productam?

DOcuerunt nonnulli apud Oviedum, & apud Lumbier de Incarnatione, *num.* 138. Beatos omnes videre de facto Deum per ipsam Dei Increatam visionem: sicut humanitas Christi Domini est formaliter subsistens, & sancta per ipsam Verbi subsistentiam, & sanctitatem.

quam habemus de nostris actibus liberis , quia ad illos consequitur ad illos non dirigit, quamvis ea sit in eodem instanti cum iisdem actibus liberis. Quare in forma distinguo maiorem. Pro eo instanti , quo intellectus illuminatur à Dei visione , voluntas necessitatur ad amorem directum à tali visione, concedo ; ad amorem, aut alium actum præceptum directum , & causatum à cognitione Dei ænigmatica, nego maiorem; & concessâ minore, distinguo consequens; necessitatur ad amorem , & non potest peccare peccato consequente ad Dei visionem, concedo; peccato consequente ad cognitionem Dei ænigmaticam, & impeditivo visionis, nego consequentiam.

Itaque , A , & B esse in eodem instanti , & pro diversis naturæ signis fert, A esse causam , aut esse effectum relatè ad B ; sic sol est in priori naturæ signo ad lucem , quia sol est causa lucis. In casu nostro cognitio Dei ænigmatica causaret liberè actum spei præceptum; actus spei utpote meritorius causaret moraliter Dei visionem ; & Dei visio causaret physicè amorem Dei necessarium ; & ideo in priori signo naturæ intelligeretur cognitio Dei ænigmatica cum potentia ad omittendum actum spei præceptum, atque adeo cum potentia ad peccandum peccato consequente ad cognitionem ænigmaticam Dei , non verò peccato consequente ad Dei visionem : In secundo signo intelligeretur actus spei præceptus, & meritorius : In tertio Dei visio meritorie causata ab actu spei ; & in quarto signo amor Dei necessarius cum impotentia ad peccandum peccato consequente ad Dei visionem. Sicut autem in Christo Domino non pugnant hæc duo , quòd scilicet possit omittere amorem Dei directum à scientia infusa , & quòd non possit omittere amorem Dei directum à visione Dei ; ita in casu nostro non pugnant hæc duo , quòd aliquis possit peccare peccato consequente ad cognitionem Dei ænigmaticam, omittendo actum spei præceptum , & quòd simul non possit peccare peccato conse-

consequente ad Dei visionem, cum Incesssetur à visione ad Deum amandum. Sicut enim pro instanti A, quando præcipitur peccatori contritio, & in præmium contritionis præceptæ datur gratia sanctificans, in priori signo intelligitur potentia ad omittendum contritionem præceptam, atque adeo potentia ad peccandum, in secundo signo intelligitur contritio, & in tertio intelligitur gratia causata moraliter à contritione, ut proinde ea non destruat potentiam præsuppositam ad peccandum; quam tamen destrueret, si gratia deberet physicè influere in illum actum contritionis; ità visio Dei in casu nostro non destruit potentiam præsuppositam ad omittendum actum spei præceptum, atque adeo ad peccandum; quam tamen destrueret, si visio deberet dirigere, & esse in priori ad illum actum spei.

ARTICULUS II.

Num possit cum Dei visione componi potentia ad peccandum pro instanti sequenti peccato destructivo visionis?

VIII. **R** Esp. affirmativè. Conclusio est contra Rhodes *disp. 1. de actibus humanis. quest. 3. sec. 2.* Est tamen communis eorum, qui docent, posse in alio ordine Humanitatem assumptam peccare peccato destructivo unionis hypostaticæ.

PROB. & explicatur. Decernat Deus v. g. se daturum Petro gratis unionem Dei per duo instantia A, & B, & in tertio instanti C daturum illi cognitionem Dei abstractivam, sub qua voluntas est indifferens ad peccandum, vel non peccandum, & quæ sit directiva operationis: Hoc posito, pro eodem instanti illo tertio C præcipiat Petro Deus sub gravi actum liberum v. gr. spei, sub conditione, quòd si eliciat actum spei præceptum, conservabitur in præmium visio etiam pro instanti C, secus carebit visione: in tali casu (qui non videtur repugnare) Petrus pro

instanti B diceretur habere visionem simul, & potentiam ad peccandum pro instanti sequenti C, peccato destructivo visionis; ergo potest hujusmodi potentia ad peccandum cum visione componi; non quidem in præsentī ordine, in quo visio est directiva actuum voluntatis, nec conservatur dependenter ab ullo actu libero, sed in alio ordine, quod solum contendit conclusio. Consequentia sequitur, Antecedens patet; nam primò non repugnat, Deum velle conservare visionem pro instanti C, dependenter ab actu libero creaturæ; si enim potest simpliciter visionem destruere, vel conservare, poterit pariter velle illam conservare sub hac conditione. Deinde quòd Petrus in hoc casu dicatur habere in instanti B potentiam ad peccandum pro instanti C, peccato destructivo visionis, non videtur cadere in dubitationem; sicut enim quiescens per instans A, & B tantum, & ambulans in C, dicitur in instanti B habere simul quietem, & potentiam ad motum pro instanti C, ita prorsus habens visionem in instanti A, & B, si possit pro instanti C peccare, dicitur in instanti B habere cum visione potentiam ad ponendum peccatum pro instanti C. Quare lis posset esse tantum de voce, non de re, si concedatur, posse Petrum carere per peccatum conservatione visionis pro instanti C.

IX. OBJEC. I. cum Rhodes: eo ipso ac visio est prior tempore, est pariter prior naturā ad actum voluntatis consequentem; ergo impossibile est, quòd in instanti B detur visio, & quòd actus voluntatis in instanti C non procedat directus à visione; & consequenter impossibile est, videntem Deum posse peccare pro instanti sequenti, peccato destructivo visionis. Consequentia sequitur, antecedens probatur, quia aliter videns Deum non esset magis impeccabilis, quam viator habens gratiam; quandoquidem uterque posset pro instanti sequenti peccare peccato destructivo, ille Visionis, hic Gratia.

Resp. nego antecedens; non enim major est ratio, cur
in

in primo instanti possit visio poni dependenter ab actu meritorio præcepto, & sic componi cum potentia ad peccandum peccato impeditivo visionis [quod Rhodes admittit] & non possit pariter in secundo, vel tertio instanti conservari dependenter ab actu meritorio præcepto & in posteriori natura ad illam, unde componatur cum potentia ad peccandum peccato visionis destructivo. Ad probationem nego sequelam, nam ut beatus dicatur, & sit de facto impeccabilis per Visionem, satis est, quod de facto, & connaturaliter Visio sit directiva actuum voluntatis; unde per visionem necessitatur ad Deum amandum etiam pro instanti sequenti: est enim dogma fidei contra Origenem, Beatos nunquam esse peccaturos; nam, ut habetur Apocalypsis 21. *Non intrabit in eam aliquid sordidum, aut abominationem faciens, & mendacium.* Quod autem de facto accidit, dicendum est, connaturaliter accidere, nisi constet oppositum, juxta doctrinam in Physicis receptissimam; siquidem Deus, ut dicitur Sapientie 8. *Attingit omnia à fine usque ad finem fortiter, & disponit suaviter;* hoc est cum inclinatione naturæ, & juxta rerum connaturalitatem: Contra verò Gratia justificans non est in priori ad actus voluntatis posita à justo, & ideo iustus carens Dei visione, est peccabilis peccato gratiæ destructivo.

X. OBJIC. 2. In systemate Conclusionis deberent componi in eodem instanti C, pro eodem secundo signo naturæ visio Dei, & peccatum; Sequela non admittitur (nam cum supponatur, tale peccatum esse destructivum visionis, debet esse cum illa impossibile) ergo nec id, unde sequitur. Probatur sequela, quia in instanti C non destruitur visio, nisi ad exigentiam peccati, quod existit in secundo signo naturæ; nam in primo signo naturæ intelligitur potentia ad peccatum, in secundo ipsum peccatum, in tertio expulsio visionis; ergo in secundo signo naturæ, in quo est peccatum, habetur etiam visio. Probatur con-

sequentia, quia visio perseverat, donec expellatur per peccatum; atqui pro tertio signo naturæ intelligitur expelli; ergo perseverat usque ad secundum signum naturæ, & sic componitur cum peccato.

Resp. Objectionem esse puerilem, & in physicis dilucidari: Est manifesta instantia de gratia, quæ perseverat in iusto, donec per peccatum expellatur, nec tamen pro eodem signo naturæ, nec pro eodem instanti datur simul gratia, & peccatum: Sic forma ligni perseverat, quousque expellatur à forma ignis, & tenebræ perseverant, donec expellantur à luce, nec proinde coexistunt. Quare nego sequelam; ad probationem nego consequentiam, ad cuius probationem distinguo maiorem, visio perseverat, quousque expellatur per peccatum, hoc est, usque ad illud instans C exclusivè, quo ponitur peccatum, *concedo*; usque ad illud secundum signum naturæ, quo ponitur peccatum, *nego maiorem, & consequentiam*: etenim quoties pro signo naturæ posteriori est unum impossibile, non potest pro signo priori esse, aut intelligi aliud impossibile; sic quia lux est in posteriori signo ad Solem, non potest pro primo signo esse, aut intelligi carentia lucis; Unde tunc habetur præcisio, ita ut pro primo signo nec lux, nec tenebræ intelligantur, sed præcisio ab utroque; quod pariter dicas in casu nostro.

A R T I C U L U S III.

Num possit cum Visione Dei componi peccatum habituale?

XI **C**ertum est, visionem Dei, quæ sit in actu secundo beatitudo, componi non posse cum peccato habituali. Quamvis autem Suarez hic *disp. 10. sect. 2.* putet, videntem Deum cum peccato habituali posse dici beatum quoad essentiam, non verò quoad Statum, & Perfectionem beatitudinis; Verius tamen censeo, ne quoad essentiam quidem beatitudinis posse dici beatum,

um; videre enim Deum sibi aversum, & cum jure ad odium non est perfecte possidere summum bonum, & posse ex illo percipere omnia commoda, sed potius est pati miseriam deteriorē miseriam damnatorum; nam quo clarius videtur summum bonum, eò magis displicet ab illo odio haberi; & licet sic videns Deum necessitaretur ad ejus amorem, & ad gaudendum de ejus felicitate, non posset tamen non summe tristari de tanto malo proprio.

Neque dicas, quod si innocens videat in Deo, se torquendum in æternum, non posset tristari; ergo neque peccator, qui videt, se justè odio haberi. Antecedens probatur, quia Christus Dominus in horto, ut notat Suarez tom. 2. in 3. partem, non nisi miraculose tristitiam passus est avocando animum ab iis, à quibus poterat consolari; quia scilicet videndo in Deo, ab ipso cruciari, tristari non poterat naturaliter.

Sed omisso antecedente, nego consequentiam. Disparitas est, quia in primo casu videns Deum inclinatur ad conformandum se voluntati Divinæ, & ad amandum magis obsequium, & bonum Dei, quam proprium; quare cum ex voluntate Dei torqueatur, in hoc ipso summe gaudet, quod adimpleatur Divina voluntas: At in casu nostro reatus odii in peccatore non habetur ex voluntate Divina, sed ex propria culpa, nec redundat in obsequium, sed in contemptum Dei. Unde videns Deum in mortali, non deberet inclinari ad amandum talem reatum, tanquam conformem voluntati Divinæ, sed potius ad odio habendum, tanquam disformem, & sic de malo proprio deberet summe tristari. Et ratio à priori est, quia solum carentia boni debet mali nomen accepit ex Augustino; non est autem debitum creaturæ carere cruciatibus contra voluntatem Dei, & ideo crux à Domino volita non est mala creaturæ; unde nec potest de ea tristari. Contra vero debitum est homini carere reatu odii Divini, & non esse Dei inimicum; unde qui in Deo talem reatum vi-

deret, inspiciendo proprium malum, summè triftaretur.

Neque replices, quòd possit Deus videnti se in mortali non revelare suum peccatum, & sic non efflet miser, sed beatus. Nam contra est, quia sicut non est felix, qui putat, aut somniat, se esse felicem, ità nec qui ignorat proprium peccatum, quod est summum malum, & miseria.

XII. Dico nunc cum Suario 1. 2. *disp. 10. sect. 1. n. 23.* Med., Salas, Tannero, Hurtado contra Valquium *disp. 11. c. 10.* Becanum, Granadum, Turrianum. Potest divinitus aliquis in sensu composito peccati lethalis habitualis Deum videre.

PROB. Visio Dei non est ipsa expulsio formalis peccati, ut supponimus; sed solum est exigentia connaturalis, ut conjungatur cum gratia prævía, formaliter expulsiva peccati; non secus ac calor est solum exigentia connaturalis expulsionis frigoris; atqui Deus potest exigentias naturales frustrari, ergo sicut potest divinitus componi calor, & frigus in summo in eodem subjecto, ità pariter visio Dei, & peccatum habituale.

XIII. Confirm. Quia in hac conjunctione peccati cum visione nulla apparet repugnantia neque moralis, neque physica. Non habetur primò repugnantia moralis, quatenus scilicet indecens sit Deo, tantum donum peccatori concedere. Nam hoc non esset donum, & prævium, sed poena, cum per hanc visionem terminatam ad Deum sibi aversum, peccator evaderet miserrimus. Deinde prævindendo, an hic haberet beatitudinem quoad essentiam, ut loquitur Suarius, non quoad statum, & perfectionem beatitudinis, nulla esset indecentia in Deo, quòd sicuti tot dona supernaturalia concedit peccatoribus, ità etiam contra exigentiam naturalem concedat Visionem sui.

Neque secundò habetur repugnantia physica, quatenus scilicet visio per se ipsam constituit hominem formaliter sanctum, participantem naturam Divinam perfectiori modo, quàm participetur per gratiam. Nam vel supponi

poni potest, visionem non esse de se formam sanctificantem, ut dicemus in de Gratia *disp. 4. qu. 8.* cum communiore contra Oviedum, & alios; Vel supponi potest cum Suario *lib. 7. de gratia c. 20.* quod forma sanctificans non constituat hominem sanctum, donec intelligatur cum suo effectu secundo, qui est expulsio peccati, quam expulsionem exigit connaturaliter, ut calor exigit expulsionem frigoris; ita tamen, ut possit divinitus non expellere.

Neque repugnat demum, quia visio Dei conjungitur cum amore perfectissimo, qui formaliter peccatum expellit. Nam primo potest divinitus stare visio, quin Deus velit ad amorem concurrere, ut ostendimus *quest. 5.* Deinde dato, quod conjungatur cum amore perfectissimo, supponendum cum communissima contra Vasquez, amorem hunc non esse formam sanctificantem, atque adeo non expellere peccatum habituale formaliter, ut dicemus in eadem quaestione de Gratia.

ARTICULUS IV.

An etiam mortale actuale coherere possit cum Dei visione?

XIV. **C**Enseo, de potentia absoluta etiam peccatum mortale actuale componi posse cum Dei visione, dummodo hæc sit in posteriori natura ad illud. Dixi de potentia absoluta, quia visio de facto, atque adeo connaturaliter est directiva actuum voluntatis, & in priori ad illos, unde cum necessitet ad Dei amorem, conjungi nequit cum mortali actuale. Ita Ovied. *cont. 3. p. 4.*

PROB. & explicatur conclusio. Si Deus decernat sive in præmium, sive saltem sub conditione actionis alicujus externæ bonæ, puta eleemosynæ infundere visionem Dei, etiamsi tunc erogans eleemosynam committat aliud peccatum mortale, puta vindictæ, hujusmodi visio data in præmium, aut sub conditione eleemosynæ, conjungetur cum peccato actuale vindictæ absque ullo incon-

venienti: ergo peccatum actuale, & visio Dei de potentia absoluta conjungi possunt. Antecedens probatur, evacuando inconvenientia, quæ opponuntur.

XV. Neque enim primò sequeretur inconveniens ullum, ortum ex effectibus formalibus moralibus peccati, & visionis. Ratio est, quia eosdem effectus formales morales præstat peccatum actuale, & peccatum habituale, ergo cum ostenderimus articulo superiore, effectus formales morales peccati habitualis non pugnare cum effectibus formalibus visionis, neque peccatum actuale pugnet cum visione ex hoc capite.

Neque sequeretur secundo inconveniens ortum ex eo, quòd visio destruat libertatem ad peccandum, quam supponit peccatum habituale; Nam etiamsi visio necessitet ad non peccandum peccato consequente ad ipsam visionem, relinquit tamen potentiam liberam ad peccatum non directum à visione, ut ostendimus articulo primo; Unde potest in posteriori ad peccatum consurgere visio.

Neque repugnat tertio ex eo, quòd peccatum stet cum summa miseria, nempe cum reatu odii divini; unde consistere non potest cum visione, quæ est felicitas. Nam, ut diximus articulo superiore, visio Dei data peccatori non esset felicitas, & præmium, sed pœna. Adde, posse hîc supponi extractatu de Pœnitentia, quòd peccatum remitti possit in instanti, quo fit, unde sive formaliter per visionem, sive per gratiam sanctificantem, à peccato actuali tolleretur macula juris, remanente maculâ facti, ac proinde visio conjungeretur cum lethali actuali absque reatu odii Divini.

Neque repugnat ultimò, quia visio necessitat ad actum amoris, unde conjungerentur simul peccatum actuale, & amor Dei, quæ sunt impossibilia. Nam præscindendo ab ea opinione Oviedi, de qua diximus articulo primo, quòd possint divinitus saltem pro diversis naturæ signis amor, & odium, assensus, & dissensus;

Resp.

Respondeo, quod posito peccato actuali non impediretur pro eodem instanti existentia visionis, sed impediretur amor naturâ suâ consequens ad visionem; quamvis enim visio sit causa necessaria amoris, non debet tamen illum causare, quando datur impedimentum, quod esset peccatum existens in priori ad visionem; nullus enim effectus produci potest, nisi sublati impedimenti: Ad eum modum, quo actus scientiæ si coexisteret cum actu opinionis, impediret actualem formidinem, cum qua opponitur scientia; quamvis non impediret actum ipsum opinionis, cum quo scientia non opponitur: Sic etiam paries v. gr. impedit, ne protendatur lux solis, cum qua opponitur opacitas; sed non impedit, ne protendatur calor, cui opacitas non opponitur. Pariter si in intellectu detur iudicium probabiliter falsum, ex gr. quod Berta sit mortua, & Deus in posteriori ad hunc actum, infunderet speciem evidentem de ejus vita, talis species causaret tantum simplicem apprehensionem de vita Bertæ, non verò iudicio opposito, quod vivat. Demum si in præmium desiderii de beatitudine conferat Deus Petro visionem beatam, ad hanc non consequeretur gaudium, quod opponitur cum desiderio prævio. Idem dicas in casu nostro.

Q U Æ S T I O VII.

Num possit aliquis beari formaliter per ipsam Visionem increatam Dei, aut per Visionem creatam à solo Deo productam?

DOcuerunt nonnulli apud Oviedum, & apud Lumbier de Incarnatione, *num.* 138. Beatos omnes videre de facto Deum per ipsam Dei Increatam visionem: sicut humanitas Christi Domini est formaliter subsistens, & sancta per ipsam Verbi subsistentiam, & sanctitatem.

E 5

Alii

Alii cum Okamo, Gabriele, Paludano apud Amicum *disp. 2. sect. 5.* putarunt, actus vitales beatificos de facto in Beatis à solo Deo produci. Utrumque tamen etiam de possibili communiter à Doctoribus negatur. Quod nobis examinandum in hac quæstione, quæ concernit operosam illam difficultatem de actibus vitalibus; an scilicet in sua ratione formali includant actualem dependentiam à principio vitæ, tam in genere causæ efficientis, quam sustentantis? Si enim includant, apertum est, beatum non posse vitaliter operari, ac vivere in actu secundo, atque adeo nec formaliter beari per Increatam Dei visionem, cum non possit hæc ullatenus ab intellectu creato produci: Immo nec posset beari per Visionem creatam à solo Deo productam citra concursum potentix intellectivæ.

ARTICULUS I.

Num possit Visio Increata esse nostra formalis beatitudo?

I *R*esp. *Negative.* Ita communiter contra Patrem Bonæ spei, tom. 1. *disp. 4.* & alios Recentiores.

PROB. Beatitudo formalis in Beato est perfectio quædam per modum actûs secundi vitalis, & immanentis; sed impossibile est, visionem Increatam communicari intellectui creato per modum actûs secundi vitalis; ergo impossibile est, visionem increatam esse nostram formalem beatitudinem. Major constat ex Scripturis, Symbolo fidei, Conciliis, & Patribus, explicantibus beatitudinem sub ratione & nomine Vitæ æternæ; quod etiam docuit Philosophus in Ethicis; ut proinde Theologi admitcentes etiam in via aliquam beatitudinem supernaturalem in iustis, quamvis inchoatam, & incompletam, illam reponant in actibus vitalibus supernaturalibus meritoriis, maxime virtutum Theologalium. Et ratio à priori est

est, quia nemo censetur felix, nisi vivat etiam in actu secundo, & percipiat vitaliter, se possidere summum bonum possessione perfectissimâ, non quidem intensivè, sed quoad speciem sui, quatenus est perfectissima, tum ratione objecti præstantissimi, tum ratione modi tendendi; cum debeat ita objectum sibi appropriare, ut sit in potentia proxima ad percipienda ex illo omnia commoda naturæ, & meritis consentanea. Unde ex Philosopho diximus, dormientem felicem esse non posse, quodcumque bonum possideat, cum non vivat in actu secundo, nec percipiat vitaliter objecti possessionem.

Minor itaque probatur, quia quod se habet per modum actûs secundi vitalis, si non identificatur cum principio vitæ (ut identificatur in Deo) debet à principio vitæ procedere, ab eo dependere, atque illud informare; Visio autem increata nequit ab intellectu creato dependere, nec illum informare; ergo non potest habere rationem actûs secundi vitalis relatè ad intellectum creatum. Major probatur; quia si actus vitalis non procedat à principio vitæ, nec illud informet, sed merè assistat, tunc Vivens non dicitur formaliter percipere objectum, nec vivere in actu secundo; Sicut aqua non dicitur formaliter calefacere, sed merè denominativè, si virtus calefactiva non informet aquam, & ab ea procedat, sed merè illi uniatur. Et ratio à priori est, quia sicut Vivens definitur, *Principium motûs ab intrinseco*; ita actus vitalis definitur, *Motus ab intrinseco*, adeo ut debeat esse ab hoc, & in hoc, seu debeat procedere ab eo subjecto, in quo est, quod clarius fiet articulo sequenti.

Confirm. Ab absurdo, quia Intellectio Divina non solum est visio, sed etiam comprehensio Dei; ergo si intellectus creatus unitus Intellectioni divinæ posset denominari videns Deum, & beatus, posset pariter denominari comprehendens Deum; quod nemo dixerit, cum de fide sit, Deum esse à Creatura incomprehensibile. Præterquam

quam quòd omnes beati æqualiter viderent Deum, si eādem visione increatā illum viderent: Sicuti omnes homines, & Angeli essent æquè beati, si unirentur hypostaticè Deo, & sanctificarentur sanctitate Increatā.

II. OBJIC. 1. Tanta unio requiritur inter subsistentiam divinam, & humanitatem, ut illa reddat hanc in actu subsistendi, quanta inter intellectiōem Divinam & intellectum creatum, ut illa reddat hunc in actu intelligendi; sed in primo casu non requiritur unio per identitatem, neque per informationem propriè dictā, quæ fert complere subjectum, & ab eo compleri; ergo neque in secundo casu.

Confirm. Humanitas Christi Domini sicuti redditur subsistens per subsistentiam Verbi, ita per ejusdem Sanctitatem substantialem, & infinitam redditur infinite sancta, quin Sanctitas Increata informet informatione propriè dictā Humanitatem; ergo idem potest dici de Intellectiōe increata respectu intellectūs creati.

Resp. 1. Si paritas curreret, omnes Beati essent æqualiter beati: Sicut omnes Humanitates assumptæ debent esse æquè sanctæ, & subsistentes. Resp. 2. per instantiam: subsistentia, & Sanctitas Verbi unita Humanitati reddunt illam formaliter subsistentem, & sanctam: ergo pariter Omnipotentia, Immensitas, Æternitas Verbi unita humanitati reddunt istam Omnipotentem, Immensam Æternam; quod nemo dixerit. Et ratio disparitatis est, quia Humanitas ratione suæ limitationis est incapax, ut denominetur Immensa, Omnipotens; capax verò, ut denominetur Subsistens, Sancta; ergo etiam si Immensitas, & Omnipotentia possent uniri per modum formæ Humanitati, non per hoc ista denominaretur immensa, & omnipotens: Sicut Christus Dominus non denominatur Filius adoptivus, quamvis informetur gratiā accidentali, quæ est adoptio, eo quòd detur in Christo D. incapacitas ad talem denominationem. Intellectus autem Beati est quidem

quidem capax, ut denominetur videns Deum, sed nequit hanc denominationem habere ab intellectu Increata tanquam à forma, quia eo ipso deberet esse infinite intelligens, sicut Humanitas à sanctitate increata redditur infinite sancta.

Ratio à priori, quæ facit ad rem nostram, est, quia prædicata divina illa tantum denominationes tribuere possunt creaturæ, quæ tribui possunt citra imperfectionem; huiusmodi autem sunt denominationes subsistentis, & sancti, non verò Immensi; Omnipotentis, Intelligentis; ergo &c. *Min.* Prob. quia, ut Humanitas Christi Domini reddatur subsistens, satis est, quod innitatur subsistentiæ Divinæ, terminetur, & compleatur ab illa in ratione subsistentiæ; ad quod præstandum satis est, quod subsistentia Divina se habeat per modum termini completis, & perficientis, non verò per modum formæ, quæ simul compleatur, & perficiatur ab Humanitate; quod enim sustentat ex suo conceptu non debet perfici ab eo, quod sustentatur. Pariformiter sanctitas ex suo conceptu formali fert munditiam, & elongationem à peccato, amabilitatem, & æstimabilitatem, fundantem jus ad dona supernaturalia; per hoc autem præcisè, quod Humanitas innitatur sanctitati increatæ, habet huiusmodi prædicata in summo gradu, & ideo sanctitas Increata reddit Humanitatem formaliter [seu verius suppositaliter] infinite sanctam, quin eatenus debeat illam informare informatione propriè dictâ, quæ trahat imperfectionem in sanctitatem divinam: Contra verò ut creatura dicatur Immensa, & sit ubique, non satis est, quod uniatur Immensitati increatæ existenti ubique [sicut non satis est, quod intellectio creata uniatur animæ existenti etiam in pede, ut intellectio dicatur esse etiam in pede] sed requireretur, quod Immensitas esset accidens informans Humanitatem, sicut ubicatio informat subiectum ubicatum. Idemque dicas de omnipotentia, & æ-

termi-

ternitate, & potiori jure de intellectione increata. Nam, ut ostendimus, non satis est, intellectiōem uniri intellectui, ut denominet intellectum intelligentem, sed præterea requiritur, quod pendeat ab intellectu in genere causæ efficientis, & sustentantis; quod cum sonet imperfectionem, intellectiōi increatæ competere non potest.

In forma itaque *Dist. Majorem*: tanta requiritur unio in utroque casu, si fiat sensus, quod æqualis est distantia extremorum inter subsistentiam, & Humanitatem, ac inter intellectiōem increatam, & intellectum creatum, *concedo majorem*: si fiat sensus, quod ejusdem rationis debeat esse unio, *Nego majorem, & Consequentiam*; subsistentia enim Verbi non debet uniri Humanitati per modum formæ, quæ de naturâ suâ perficit, & perficitur; sed per modum simplicis termini completis, ac sustentantis, qui de natura sua perficit, quin perficiatur: contra verò intellectiō, ut denominet intellectum intelligentem, uniri debet per modum formæ, quæ ab intellectu pendeat. Et per hæc patet ad confirmationem.

III. OBJIC. 2. Deus est essentialiter sua intellectiō increata, & est intimè conjunctus intellectui Beatorum; ergo red. sit illum formaliter intelligentem, & beatum. Prob. *Conseq.* Quia si Deus esset formaliter calor, & uniretur subjecto capaci talis denominationis, redderet illud formaliter calidum; ergo cum sit formaliter intellectiō, si uniatur intellectui, qui potest denominari intelligens, reddit illum formaliter intelligentem.

Resp. nego conseq. Sicut Immenfitas increata, & æternitas non reddunt Humanitatem formaliter immensam, & æternam, esto posset esse ubique, & ab æterno, ac in æternum. Ad probationem, si supponatur, quod Deus sit formaliter calor, & sit accidens potens informare subjectum, *concedo, secus, Nego Antecedens, & Consequentiam.*

ARTICULUS II.

*Num possit formalis nostra Beatitudo à solo Deo
produci?*

IV. **R**espondeo, neque posse intellectum Beati formaliter beari visione creatâ à solo Deo productâ, absque influxu ejusdem intellectûs. Ita communiter apud Amicum hîc *disp. 2. sect. 5.* contra Okamum, Gabrielem, Paludanum, & alios.

PROB. Ex dictis, quia felicitas est operatio vitalis, seu vita in actu secundo; sed operatio vitalis non solum debet informare subjectum, & ab eo sustentari, sed etiam debet effectivè procedere ab intrinseco, seu ab ipso principio vitæ; ergo si absque influxu intellectûs visio Dei producat à solo Deo, & intellectui uniatur, non poterit intellectum denominare videntem, seu vitaliter operantem; & consequenter nec beatum. Utraque præmissa probata est articulo superiore; diximus enim, operationem vitalem essentialiter esse motum ab intrinseco, nec posse intelligi, quomodo vivens percipiat objectum vitaliter, si non producat actum vitalem; sicuti aqua non calefacit formaliter passum, sed solum denominativè quia non producit in se ipsa calorem, à quo illud calefiat.

Confirm. 1. Quia implicat, motum localem hominis ex gr. esse ab extrinseco, & esse vitalem; ergo pariter implicat, motum intellectualem, seu intellectionem esse vitalem, & esse ab extrinseco. Consequentia probatur, quia sicut motus localis per hoc præcisè definit esse vitalis; quia est ab extrinseco sine influxu mobilis; ita etiam motus intentionalis definit esse, & denominari vitalis, sublatâ dependentiâ ab intrinseco principio vitæ.

Confirm. 2. A posteriori, quia tunc aliquid dicimus incipere, aut desinere vivere, cum incipit, aut desinit moveri

moveri, non, non quidem ab alio (cùm etiam cadavera ab alio moveantur) sed à se, seu ab intrinseco; ergo si intellectus non moveatur à se ad intellectionem, illamque immediatè producat, non poterit dici, quòd per illam vivat, unde nec poterit per illam beari.

Confirm. Demum à priori, quia in eo dicendum consistere actionem vitæ in actu secundo, quòd ita convenit omnibus viventibus in communi, ut quo perfectius ab aliquo participatur, eo perfectius illud dicatur vivere; atqui ratio motûs ab intrinseco convenit omnibus viventibus, & quo magis aliquid participat hanc rationem movendi se ab intrinseco, eo perfectius dicitur vivere; ergo vita in actu secundo est motus ab intrinseco, seu actus productus à principio intrinseco. Minor constat inductione; nam plantæ sunt in infimo gradu viventium, & movent se solum ab intrinseco in ordine ad operationes vegetativas; animalia etiam ad sensitivas; homo etiam ad rationales; Angeli ad vitam longè perfectiorem intelligendi; & Deus, qui est perfectissima vita in actu secundo, illam habet à se, unde dicitur moveri ab intrinseco improprie, quatenus non ab alio habet operationes suas vitales intelligendi, & volendi. Hoc autem quòd est moveri ab intrinseco, ita omnibus viventibus convenit, ut non competat non viventibus, seu inanimatis; quorum actiones vel sunt transeuntes in extraneum subjectum, ut cùm ignis producit ignem, vel si terminantur ad intra, ut quando aqua recuperat pristinum frigus, aut lapis centrum, tunc vel habentur ejusmodi effectus per resultantiam, vel producuntur à forma inanimata tanquam ab instrumento generantis, quod sicut dat esse, ita dat consequentia ad esse, nempe proprietates phycas; atque adeo operationes omnes inanimatorum sunt motus ab extrinseco: Ubi è contra animata moventur ab intrinseco, quia determinatio ad motum non habetur à generante extrinseco pro instanti generationis, sed ab ipso genito secun-

secundum opportunitatem objecti sibi, repositi ; unde moveri possit ad suam perfectionem , etiam prout existens in statu sibi naturali; ut fusiùs explicatur in libris de Anima.

V.OBJIC. I. Salvari potest vitalitas actus per hoc, quod subjectum sit vivens, seu Vita in actu primo , & recipiat formam aptam denominare tale subjectum , puta intellectiōem , & quod unio tantum hujus intellectiōis cum intellectu, non verò ipsa intellectiō, procedat ab intrinseco, seu producatur à vivente ; sic enim subjectum, quod denominaretur intelligens , seu videns Deum, activè concurreret ad hujusmodi denominationem, atque adeò moveretur ab intrinseco, & viveret vita in actu secundo ; ergo salvari potest, quod beatus videat Deum, & sit felix per visionem à solo Deo productam : Sicut ignis denominaretur formaliter calidus, etiamsi calor à solo Deo produceretur ; & homo denominatur iustus, etiamsi à solo Deo gratia producatur.

Resp. nego antecedens : Sicut enim non diceretur mereri homo, si actus meritorius producatur à Deo , & ipse tantum producat unionem cum tali actu meritorio, quia ipse non moveret se ab intrinseco ad talem actum ; unde talis actus non esset vitalis : ita in casu nostro. Et ratio est ; quia vita in actu secundo est ipse actus vitalis procedens ab intrinseco, non verò unio cum actu vitali ; unio enim est vitalis ut quo, non ut quod ; sicut unio cum albedine est tantum alba, ut quo : Universim enim unioni, & cuiusvis modo ea tantum prædicata competunt , quæ spectant ad indifferentiam tollendam , non verò quæ competunt termino unito; ergo ratio vitalitatis, seu motus ab intrinseco, quæ convenit actui, non competit unioni : Sicut vitalitas in actu primo, quæ competit animæ , non competit unioni, quâ anima unitur corpori ; ergo non satis est , unionem intellectiōis esse ab intrinseco, ut intellectus habeat vitam in actu secundo, ac beatitudinem formalem.

Neque valet paritas adducta de calore, & de gratia. Nam cum istæ formæ non sint vitales, satis est, quod uniantur subiecto, ut denominent, etiam si non procedant ab intrinseco.

VI. OBJEC. 2. In Ps. 83. dicitur, *Gratiam & gloriam dabit Dominus*: ergo sicut gratia, ita & visio beata, quæ est gloria, à solo Deo producitur: Aliter si intellectus etiam beatorum illam produceret, beatus semetipsum bearet, & beatitudo non esset donum Dei.

Confirm. 1. Quia prima sancta cogitatio intellectus, & pia affectio voluntatis sunt actus vitales, & tamen ex Aug. & Concilio Arausicano II. illas Deus operatur in nobis tamen nobis.

Confirm. 2. Quia habitus supernaturales producuntur à solo Deo; ergo à fortiori Visio beatifica, quæ est forma supernaturalis omnium perfectissima. Præsertim quia videtur producenda per Creationem, cum non contineatur intra potentiam subiectivam animæ: quod autem creatur, à solo Deo producitur.

Resp. Gratiam à solo Deo produci, non verò gloriam; cum gloria, seu visio beatifica sit actus vitalis, ad quem debet potentia vitalis activè concurrere; & ideò communiter dicimus contra Thomistas, lumen gloriæ non esse totam rationem agendi relatè ad visionem beatam, eò quod debeat etiam intellectus ad illam concurrere ratione suæ vitalitatis. Esto autem, lumen gloriæ esset tota ratio agendi, adhuc visio diceretur esse ab intrinseco, quatenus esset à lumine intrinseco, ratione cujus intellectus est potentia in ordine ad effectum supernaturalem. Dicitur autè gloria à Deo nobis dari, quia ad ipsam principaliter Deus concurrat, medio lumine supernaturali; unde etiam dicitur esse Dei donum; & ob eandem rationem nos dicimur à Deo beari, non à nobismet ipsis, quamvis etiam activè concurramus ad Visionem beatificam.

Ad 1. confirm. Actus illi supernaturales vitales dicuntur

tur fieri in nobis sine nobis, hoc est sine nobis liberè concurrentibus, non verò absque nostro physico influxu in illos; ut communiter docent; & eruitur ex Trident. sess. 6. can. 4. ubi loquens de libero arbitrio circa actus supernaturales damnat eos, qui dicunt, liberum arbitrium *Velut inanime quoddam nihil omnino agere, merèque passivè se habere.*

Ad 2. Licet visio sit perfectior habitibus supernaturalibus, non per hoc debet esse unicè à Deo: cum enim sit vitalis, non potest esse sine concursu intellectus; secus verò habitus, qui non sunt vitales. Immo non alia de causa visio dicitur vitalis, non verò habitus, quamvis uterque sit in potentia vitali; quia scilicet visio est motus ab intrinseco & essentialiter pendet, tum effectivè, tum sustentativè à principio vitali; habitus verò solum pendet ab intellectu, tanquam à sustentante. Continetur autem visio intra potentiam subjectivam animæ obedientialem, & ideo non creatur, sed educitur; quod etiam dici debet de quovis actu meritorio supernaturali.

VII. Objic. ult. Potest Deus in genere efficientis supplere quicquid potest agens creatum; ergo poterit solus Deus producere cognitionem, quam potest simul cum intellectu; quo posito, non est, cur non denominetur intellectus cognoscens, si à tali cognitione informetur; cum subjectum sit aptum ad talem denominationem suscipiendā.

Resp. Si argumentum probaret, evinceret, posse etiam à solo Deo produci in anima actum meritorium, & sic animam mereri absque propria operatione. Concedo equidem, quod Deus possit se solo producere cognitionē, in quantum qualitas est, juxta sententiam Thomistarum apud Amicum *loc. cit.* non tamen in quantum est actus vitalis, seu cognitio potens denominare intellectum vitaliter operantem, & cognoscentem; unde si intellectui uni-
retur cognitio à solo Deo producta, denominaret intellectum dumtaxat habentem cognitionem, non secus ac, si

cognitio esset in lapide, juxta dicta *quest. 5. art. 1.* quare nego consequentiam.

Adde, id verum esse in hypothese, quòd cognitio procedat ab intellectu per actionem distinctam, in qua tantum hypothese eadem esset cognitio, in quantum qualitas est, sive à solo Deo producat, sive cum concursu intellectus; si autem supponatur cum nonnullis apud Vasquez 1. 2. *disp. 9. c. 4.* Actus vitales non produci, nec uniri actione, & unione distincta, sed esse instar modorum, tunc nullatenus posset à solo Deo produci cognitio, sicut nec alius modus.

VIII. Ex dictis ad eruditionem colliges, quòd esto, vera esset sententia nonnullorum apud Platel. *de Incarn. cap. 1. n. 7.* quòd scilicet possit Deus suam Immensitatem supplere defectum ubicationis creaturæ; ita ut creatura formaliter ubicetur Immensitate secundum virtualitatem illam, quâ Deus eminenter est hæc ubicatio; eo modo, quo creatura subsistit subsistentiâ Divinâ; non proinde posset intellectus creatus intelligere intellectione Increatâ; quandoquidem intellectio, quâ creatura intelligit, non solum debet esse forma informans, ut est ubicatio creata, sed etiam debet ab intrinseco prodire.

Q U Æ S T I O VIII.

Utrum Beatitudo formalis sit essentialiter perpetua, & cognoscens suam perpetuitatem?

I. **S**upernaturalem beatitudinem de facto esse perpetuam, est de fide; dicitur enim Sap. 2. *Iusti autem in perpetuum vivent;* & beatos de facto certos esse de perpetuitate suæ beatitudinis, communissimè docent Patres cum Augustino *lib. 11. de Civ. cap. 11.* ubi hæc habet: *Angelos Sanctos de sua superna felicitate securos, & certos esse, nemo ambigat.* Dubium tamen est, Utrum perpetuitas, & perpetuitatis certitudo competant beatitudini tantum connaturaliter, ut docent Scot.

Du-

Durandus, Okam, Granad. tr. 3. disp. 3. sec. 2. & alii apud Amicum hinc disp. 2. sec. 9. An essentialiter, ut docent D Thom. 1. 2. quest. 5. art. 4. Suarez, Vasquez, Lugo, & alii apud Amicum, & Oviedum? Ubi adverte, non esse quæstionem, Utrum ipsa visio, in quantum visio Dei est, sit essentialiter, an naturaliter perpetua, & indestruibilis? quod infra examinabimus; sed An beatitudo, in quantum beatitudo est metaphysicè accepta, sit perpetua essentialiter; unde videns Deum, ut sit beatus, debeat in perpetuum habere aliquam Dei visionem, & de hoc certificari, etiamsi posset divinitus hæc numero visio destrui. Dixi, quæstionem procedere de beatitudine metaphysicè accepta; nam ad beatitudinem formalem physicè completam utrumque hoc spectare, non videtur dubitandum; quomodo enim esset in statu omnium bonorum aggregatione perfecto, qui sciret, aut dubitaret, se aliquando de sua felicitate deturbandum? Unde Philosophus 1. Eth. 2. dixit, *Ver nec una facit hirundo, nec unus dies, & beatum hominem eodem modo nec una dies, nec breve ullum efficit tempus*; & Aug. loc. cit. habet, *Vera, perfectèque beata vita nonnisi æterna est.*

II. Prima conclusio: Beatitudo nostra formalis, præscindendo à naturali, vel supernaturali, debet esse saltem connaturaliter æterna.

PROB. Tum argumentis physicis, quia aliter non plenè satiaretur appetitum, nisi saltem exigeret perpetuitatem; tum argumentis moralibus ex Pallavicino, quia Omne, quod est temporaneum, potest sine imprudentia contemni; virtus autem cum suo præmio, quod est felicitas, non potest sine imprudentia contemni; ergo felicitas non est temporanea, sed saltem connaturaliter æterna. Major constat tum ex verbis Christi D. Lucæ 5. *Ne terreamini ab his qui occidunt corpus, & post hæc non habent amplius quid faciant*; tum etiam quia temporanea felicitas comparata cum eo infinito tempore, quo non erit, se habet

ut instans; (finiti enim ad infinitum nulla proportio) atque adeò meritò est contemptibilis. Minor verò videtur ex terminis clara ; aliter quo virtus esset præstantior , esset magis exposita contemptui ob suam majorem arduitatem ; quod nemo dixerit.

Confirm. Quia plures sunt actus virtutis, ad quos natura obligat, & quos in hac vita præmiare non potest, ut sunt occumbere pro fide, pro virtute, pro patria ; absolum autem est dicere, quòd natura nolit, aut non possit hujusmodi actus virtutis præstantissimos præmiare ; quamvis enim ipsa sibi pretium sit virtus, debuit tamen à natura distinctum habere præmium, ut homines ad eam allicerentur; aliter Deus, qui est Natura naturans , non disponderet omnia suaviter, nec esset liberalis, & justus in retribuendo; ergo post mortem expectandum præmium, & felicitas. Quod si semel admittatur, animam rationalem post hanc vitam aliquamdiu durare, ac beatè vivere, inepetè omninò, inopinabiliter negatur animæ rationalis, & felicitatis æternitas, ut advertit hìc Haunoldus.

III. Secunda Conclusio. Probabilius est, beatitudinem formalem esse essentialiter æternam, & cognoscere ut quo seu attingere suam perpetuitatem, certificando beatum de illa : Ità D. Thom. Suarius, Vasquez contra Scotum, & alios suprà laudatos.

PROB. 1. ex communi sensu Philosophorum, Theologorum, & Patrum, dicentium cum Aug. *lib. 5. de Civ. cap. 3. Beatorum vita beatissima esse non potest, nisi de sua fuerit æternitate certissima*; & infra additur, *Non enim beata eris, nisi segura.* ubi notat Suarius *disp. 14. cap. 3.* non esse recedendum à communi sensu, dum agitur de definitione rei : cùm autem omnes cum Augustino, & Aristotele *loc. cit.* doceant, Vitam non esse beatam, nisi sit segura, dicendum, ad conceptum essentialem beatitudinis pertinere hujusmodi securitatem ; atque adeò non esse proprietatem beatitudinis.

Ne-

Neque dici potest, quòd illi loquantur de beatitudine physicè completa. Nam non negarent, dari posse beatitudinem sinè securitate, si securitas non spectaret ad metaphysicam essentiam beatitudinis; sicuti quia brachium v. g. non spectat ad essentiam hominis metaphysicam, sed ad ellentiam physicè completam, nequit dici, quòd sinè brachio non detur homo.

PROB. 1. Ratione, quia beatitudo est perfecta possessio summi boni; atqui ad perfectam possessionem spectat securitas de perpetuitate talis possessionis; ergo. *Prob. minor*, quia ad perfectam possessionem summi boni spectat depellere omnem anxietatem, etiam radicalem; qui autem non possidet bonum stabiliter, & cum securitate, non potest non esse anxius de ejus amissione; ut qui possidet v. gr. divitias tantum per horam. Quare potest divinitus esse quis essentialiter beatus sinè fruitione Dei, aut etiam cum cruciatibus, hic & nunc, prout erat Christus Dominus in Cruce, quia fruitio, & carentia cruciatuum consequuntur naturaliter ad beatitudinem; Non potest tamen esse quis essentialiter beatus absque securitate de perpetuitate beatitudinis, quia cognitio perpetuitatis spectat ad conceptum beatitudinis, de cujus ratione est depellere anxietatem.

IV. Neque dicas 1. cum Scoto, non posse esse de essentia beatitudinis, quod beatitudinem supponit; atqui cognitio de perpetuitate beatitudinis beatitudinem præsupponit, ut quævis cognitio præsupponit suum objectum; ergo &c. Negatur enim minor: quandoquidem qui cognoscit perpetuitatem suæ beatitudinis, non cognoscit beatitudinem actu distincto reflexo; sed eodem actu, quo Deum cognoscit, attingit in Deo decretum de conservanda eadem, vel simili visione in perpetuum. Unde neque sequitur, quòd beatitudo objectiva præter bonum increatum includat bonum creatum, nempe perpetuitatē visionis beatæ: Nam objectum beatitudinis est solus Deus

in quantum decernens beatitudinem in perpetuum conservare.

Neque dicas 2. visionem, & contemplationem Dei eandem esse, live duret per horam, sive per annum, sive in perpetuum; ergo eadem erit beatitudo, posito, quod beatitudo consistat in visione. Nam licet visio Dei in ratione attingentis Deum, eadem sit, quantumcumque duret; non tamen in ratione beatitudinis; ad quam essentialiter requiritur, ut cognoscatur etiam perpetuitas felicitatis, seu ut cognoscatur decretum Dei cum ipso Deo identificatum de conservanda in perpetuum aliqua visione.

Neque dicas 3. esse etiam beatum illum, qui errore deceptus putaret, suam beatitudinem fore æternam, quamvis revera non esset futura in æternum. Nam beatitudo, ut docet D. Thom. 1. 2. *quest. 5. art. 4.* nullum admittit malum; est autem malum maximum naturæ rationalis error intellectus; atque adeò sic errans non esset beatus. Unde optimè Aug. *lib. 11. de Civit. cap. 11.* dixit: *Non minus nescientes error, quam scientes timor beatos esse non finit.*

Neque dicas 4. cum Vasquio *loc. cit.* esse beatum, qui errore deceptus putaret, temporaneam fore beatitudinem quæ revera in æternum esset conservanda. Nam hic ex duplici capite deficeret à conceptu beatitudinis, tum quia erraret, tum etiam quia anxius esset de amissione suæ beatitudinis.

Neque dicas 5. satis esse, ut beatus non advertat ad perpetuitatem suæ visionis. Nam eo ipso non haberet visionem adeò perfectam, ut requiritur ad conceptum beatitudinis; Non enim beata erit, ex Aug. nisi & secunda. Quare non satis est, beatum non esse anxiū ex inadvertentia, aut ignorantia, sed debet anxietatem excludere ex perfectione visionis; Sicut enim caret scientiâ, seu possessione veri perfectâ, qui habet scientiam putatam, aut qui non advertit, rem ita esse, ut possit aliter esse, unde excludatur ab intellectu

Et ut etiam formido radicalis; ita caret beatitudine, seu possessione summi boni perfectâ, qui beatitudinem habet putatam, quæ non expellat anxietatem etiam radicalem.

Neque dicas 6. satis esse, quod beatitudo sit connaturaliter perpetua, ut excludat omnem anxietatem: sic nemo est anxius, ne lædatur à leone mortuo, per hoc, non possit ab illo naturaliter lædi, estò possit ab eo lædi miraculosè. Nam quamvis quando bonum non est summum, nemo sit anxius de eo amittendo, si non possit illud naturaliter amittere; & ideo nemo est anxius, ne lædatur v. g. à leone mortuo; At quando bonum est summum, ut est felicitas, ipsa possibilitas mali, seu amissionis reddit nos prudenter anxios, & sollicitos. Et ratio est, quia summum bonum, seu felicitas debet parere summum gaudium, atque adeo certitudinem metaphysicam de ejus inamissibilitate; & ideo beatitudo debet esse æterna essentialiter.

V. OBJIC. Christus Dominus erat essentialiter beatus in cruciatibus, quamvis in appetitu sensitivo tristaretur; quia in obsequium Numinis eos cruciatus patiebatur; ergo qui videret Deum, & in Deo decretum de deneganda perpetuitate beatitudinis, adhuc esset essentialiter beatus, & citra anxietatem, quia pariter in obsequium Numinis clarè visi, & sumamè amati carentiam beatitudinis in posterum subiret.

Resp. Nego Conseq. Disparitas est manifesta; nam sicut possidenti ingentes divitias non ingerit anxietatem jactura unius oboli, secus verò jactura omnium divitiarum; sic quando Jacob apprehendit filium Joseph esse Regem Ægyptiorum non poterat tristari, si nunc audiret jacturam alicujus ovis; secus si audisset ipsius Josephi mortem; ita videns Deum non est anxius, si aliquod bonum connaturaliter debitum sibi denegetur ad tempus; secus verò si ipsa beatitudo denegetur in æternum. Tenerur quidem voluntas etiam sui destructionem appetere, si id conferat in obsequium Numinis; at non proinde esset sine anxietate;

si id contingeret, cum talis anxietas naturaliter suboritur. Et juxta hanc doctrinam procedit, quod transmissimus *quæst. 3. ad 1.* non fore scilicet beatum, ne essentialiter quidem, qui videret Deum, & careret amore fructivo Dei, quia scilicet careret bono ingenti proprio naturæ rationalis qua talis, atque adeo non possideret Deum possessione perfectâ, attingendo in eo decretum de non concurrento ad tantum bonum.

VI. Tertia Conclusio : quamvis beatitudo ex suo conceptu sit essentialiter æterna, beatitudini tamen supernaturali quâ tali, non repugnat temporaneitas; atque adeo si beatus videret in Deo decretum de destruenda visione supernaturali post annum, adhuc esset beatus, dummodò tamen certus esset, nunquam sibi defuturam beatitudinem naturalem, debitam, & exigitam.

PROB. Non minuit beatitudinem caréntia alicujus boni indebiti, puta Unionis hypostaticæ, Visionis intensioris &c. dummodò habeatur perfectâ possessio summi boni juxta mensuram propriæ dispositionis, & capacitatis ad illam, nec non certitudo de perpetuitate talis possessionis; Atqui totum hoc haberet, qui elevaretur ad beatitudinem supernaturalem per annum dumtaxat possidendam, cum securitate, quod non sit sibi defutura in æternum beatitudo naturalis debita, & exigita; ergo habens beatitudinem supernaturalem ad tempus, esset perfectè beatus.

Confirm. 1. Quia si Deus Angelo habenti de facto beatitudinem intensam ut trita, perpetuam, velit per horam dare beatitudinem intensam ut quatuor, non esset dicendus minus felix, quàm sit nunc; quandoquidem additio novi boni, videlicet beatitudinis intensioris per horam, non minuit, sed auget felicitatem; ergo etiâ in casu conclusionis.

Confirm. 2. Quia procul dubio esset beatus beatitudine naturali, qui sciret, se fore beatum eâ beatitudine solum per annum & post annum fore in æternum beatum
beati-

beatitudine supernaturali; ergo erit etiam beatus beatitudine supernaturali, qui sciret, se fore beatum eâ beatitudine solum per annum, & post annum fore beatum beatitudine naturali in æternum. Etenim bonum illud beatitudinis supernaturalis ad aliquod tempus, quod superadditur æternitati beatitudinis exigitur, auget potius, quàm minuat felicitatem.

VII. OBJIC. 1. Quod repugnat generi, non potest non repugnare speciei; sed temporaneitas repugnat beatitudini ut sic, juxta dicta in secunda Conclusionem; ergo etiam beatitudini supernaturali.

Resp. distingo minorem: repugnat beatitudini ut sic temporaneitas simpliciter, seu cujusvis beatitudinis, *concedo*; temporaneitas alicujus determinatæ beatitudinis, *negō minorem*, & *distinguo consequens*: repugnat beatitudini supernaturali temporaneitas cujuscunque beatitudinis, *concedo* temporaneitas beatitudinis supernaturalis, quæ stet cum perpetuitate beatitudinis naturalis, *negō consequ.* Ad eum modum, quo creaturæ v. gr. repugnat carentia simpliciter cujusvis ubicationis; at creaturæ in quantum ubicatæ Neapoli, non repugnat carentia ubicationis Neapolitanæ, dummodò illi succedat alia ubicatio, qua ubicetur.

VIII. OBJIC. 2. Beatitudo essentialiter debet esse æterna in eo gradu, & mensura, quam quisque, spectatâ propriâ capacitate, & meritis, obtinere potest; sed positâ elevatione hominis ad finem supernaturalem, potest homo, spectatâ propriâ capacitate, & meritis, obtinere beatitudinem supernaturalem; ergo supernaturalis beatitudo debet esse æterna.

Confirm. Quia si posset esse temporanea, posset etiam esse instantanea, & in transitu; sed hoc repugnat conceptui beatitudinis, quæ est Status omnium bonorum aggregatione perfectus, atque adeo fert permanentiam; ergo.

Resp.

Resp. Dupliciter elevari posse creaturam rationalem ad finem supernaturalem obtinendum; primò in perpetuum, secundò ad tempus, puta per annum; cum enim talis beatitudo sit indebita, sicut gratis dari potest in perpetuum, ita etiam ad tempus. Quare si elevatio sit ad finem supernaturalem obtinendum in perpetuum, non potest beatitudo supernaturalis esse temporanea; quia eo ipso, ac deficit bonum debitum, habetur malum, & miseria; atque adeo carentia beatitudinis: positâ autem elevatione in perpetuum, beatitudo supernaturalis est debita in perpetuum; ergo si esset temporanea, deficeret à conceptu beatitudinis: contra verò si elevatio sit ad tempus, poterit beatitudo supernaturalis esse temporanea, quia carentia boni indebiti non potest reddere miserum, aut minuere felicitatem. In forma itaque *dist. maj.* beatitudo debet esse æterna in eo gradu, in quo quilibet est capax illam obtinere, si sit capax naturaliter, *concedo*; si sit capax per elevationem ad finem supernaturalem, *subdistinguo*: si talis elevatio sit ad finem supernaturalem obtinendum in perpetuum, *concedo*; si obtinendum ad tempus, *nego maj.* *Et Distinguo min.* positâ elevatione ad finem supernaturalem obtinendum in perpetuum, pro ut est de facto, potest homo illam obtinere in perpetuum, *concedo*; positâ elevatione ad tempus, pro ut contingere potest in alio ordine, *nego minorem Et consequentiam.*

Ad confirmationem, *concedo sequelam, Et nego minorem*: beatitudo enim est status, & debet esse permanens, in quantum est beatitudo, & possessio boni exigiti, non verò in quantum est beatitudo supernaturalis, & possessio boni non exigiti, & indebiti. Quare D. Paulus raptus ad tertium Cælum etiam tunc beatus fuisset beatitudine supernaturali per visionem Dei in transitu, si vidisset decretum de danda sibi post mortem beatitudine æterna saltem naturali, etiam si ad obsequendum Numi-

ni iterum ærumnas hujus Mundi esset passurus: Quicquid sit. an verè D. Paulus Deum videt aliqui enim apud Amic. *disp.* 9. de Deo *sect.* 26. admittunt, non solum D. Paulum, & Moysen Deum vidisse in hac vita, sed etiam Adamum, Job, Isaiam, Petrum, & Joannem, D. Hieronymum, D. Benedictum, & alios. Negant verò alii hoc universaliter de omnibus. Nam Exod. 33. dicitur. *Non videbit me homo, & vivet; & 1. ad Tim. Deum nullus homo videt; sed nec videre potest.* Suarius tamen, & Vasquez uni B. Virgini hoc privilegium concessum putant, interpretantes loca Scripturæ adducta, vel quòd ita accadat juxta communem providentiam, non ex privilegio speciali, vel, ut habet Aug. *lib.* 12. in Genesim, *cap.* 27. quòd videns Deum debeat quodammodo mori, & ita à carnalibus sensibus alienari, ut nesciat, utrum in corpore, an extra corpus sit, dum in illam rapitur visionem.

Q U Æ S T I O IX.

An visio beatifica ex natura sit Indestructibilis?

I. **Q**Uæstione præcedenti locuti sumus de visione, in quantum est beatitudo, nunc loquimur de visione secundum se, in quantum est talis entitas, quæ nunquam destruetur, inquirendo, num sit indestructibilis solum ex libero Dei decreto, ut docet Vasquez, an verò etiam connaturaliter, & ex sua intrinseca exigentia divinitus frustrabili, ut putat Suarius *disp.* 14. *lex* 2. an deum essentialiter juxta sententiam Cardinalis de Lugo, & Esparfæ, unde illam Deus destruere nullatenus possit? Non esse essentialiter indestructibilem, dicemus quæst. sequenti, ostendentes repugnare essentialem indestructibilitatem creaturæ; nunc solum quærimus, An citra miraculum destrui possit? quod etiam in tractatu de Angelis inquiri solet, num scilicet Angeli ex natura sua, & ab in-

trin-

trinfeco ſint inannihilabiles, an ſolùm ex libero Dei decreto? in quo pariter contrarii ſunt Vaſquius, & Sua-
rius.

II. Prima conclusio: visio Dei ex ſua natura eſt indeſtruibilis relatè ad cauſas ſecundas, non ſecus ac Angeli, & anima rationalis; quatenus ſcilicet à nulla cauſa creata deſtrui poteſt: ita communiter apud Ovie-
dum hìc.

PROB. Quia visio beata habet ſubjectum de ſe per-
petuum, nullum habet contrarium, non produci-
tur, neque conſervatur dependenter ab imperio volun-
tatis; ergo relatè ad cauſas ſecundas eſt naturaliter in-
deſtruibilis. Conſequentia ſequitur, quia quodcumque
naturaliter deſtrui poteſt relatè ad cauſas ſecundas, vel
deſtruitur quia deficit ejus ſubjectum, à quo dependet,
ut deficiunt accidentia totius compositi, pereunte com-
posito ſubſtantiali; vel quia deficit cauſa creata conſer-
vans illud, ut deficit lumen, deficiente ſole; vel quia
expellitur à contrario adveniente eidem ſubjecto, ut ex-
pellitur frigus ab aqua, adveniente calore; Et conſe-
quenter ſi nullo ex his modis visio Dei deſtrui poteſt, ſe-
quitur, quòd ſit indeſtruibilis naturaliter relatè ad cau-
ſas ſecundas; non ſecus ac Angeli, ac anima rationalis,
qui ſaltem in hoc ſenſu dicuntur naturaliter immortales.
Antec. itaque prob. & quidem quòd ſubjectum viſio-
nis ſit incorruptibile, non dubitatur inter Catholicos:
quòd verò visio Dei nullum habeat contrarium, patet,
quia peccatum, à quo poſſet expelli, non poteſt ſubſe-
qui Dei viſionem: & quamvis juxta dicta *quaest. 5.*
poſſit Divinitus videns Deum pro inſtanti ſequenti pec-
care peccato deſtructivo viſionis, non poteſt tamen
naturaliter, quia ex natura ſua visio dirigit ad omnes a-
ctus voluntatis, ut ibi oſtendimus. Denique quòd vi-
ſio non conſervetur liberè, ſeu dependenter ab impe-
rio voluntatis, prob. tum quia non poteſt beatus nolle
beati-

beatitudinem formalem, sed ad illam amandam necessitatur, quia sicut in objecto beatifico omnis ratio boni re-
lucet objectivè, ita in beatitudine formali formaliter; tum
etiam quia dato, quòd posset voluntas nolle beatitudinem
suam, non per hoc cessaret visio Dei; ut communiter do-
cent contra Hurtadum; cum enim illa non producat
cum influxu voluntatis, sed solum à Deo, & intellectu,
non potest voluntas impedire, ne existat, universim enim
quicumque actus producit ab intellectu, aut aliis po-
tentiis, secluso voluntatis imperio, non potest per imperi-
um voluntatis immediatè deficere.

III. OBJIC. cum Curiele: Visio pendet à lumine glo-
riæ; sed intellectui non debetur luminis gloriæ perpetui-
tas; cum nihil supernaturale possit esse debitum; ergo
lumen gloriæ potest naturaliter deficere; ergo naturaliter
etiam deficere potest visio ex defectu luminis; atque adeo
non est naturaliter indestruibilis relatè ad causas crea-
tas.

Resp. Nego I. Conseq. quamvis enim non debeatur
intellectui perpetuitas luminis gloriæ, debetur tamen ipsi
lumini perpetuitas propter easdem rationes, quia scili-
cet est qualitas naturæ suæ permanens, habens subiectum
de se perpetuum, carens contrario, & à solo Deo depen-
dens; hac enim ratione probamus, species intentiona-
les in anima rationali nunquam destrui, & solum destrui
cognitiones; pendent enim cognitiones à speciebus
debitè applicatis, & quia non semper species debitè ap-
plicantur ad producendam, vel conservandam cogniti-
onem, ideo cognitiones destrüuntur ex defectu causæ
conservantis.

IV. Secunda conclusio: visio Dei est, etiam relatè ad
primam causam, naturaliter indestruibilis; ut etiam di-
cemus de Angelis suo loco; atque adeo non nisi superna-
turaliter destrui potest. Ita Suarius, & alii communiter
contra Vasquez.

PROB.

PROB. Unumquodque naturaliter appetit, & exigit sui conservationem, & refugit à corruptione tanquam à potissimo malo suo; ergo visio Dei, quæ relatè ad causas secundas est naturaliter indestruibilis, contra exigentiam naturalem destrueretur à causa prima; ergo etiam relatè ad causam primam est naturaliter indestruibilis, & consequenter non nisi supernaturaliter, & miraculosè destrui potest, *ante.* constat experienciâ; calor enim v. g. naturaliter, & consequenter juxta exigentiam suam perseverat etiam in aqua, quousque à frigore expellatur.

Ratio à priori est, quia juxta philosophicum axioma: *Natura uti agitur, ita nata est agi?* seu quodcumque accidit in natura, ex inclinatione naturæ accidit, cum Deus suaviter, atque adeo cum inclinatione naturæ disponat omnia; aliter scire non possemus, an ignis naturaliter exigit calorem, Sol lucem, &c. atqui visio Dei nunquam destruitur; ergo ex exigentia, & inclinatione naturali non destruitur; atque adeo non nisi supernaturaliter destrui potest.

Confirm. Illud dicitur supernaturaliter evenire, quod per nullam causam naturalem evenire potest, nec per ipsum Deum operantem ut Auctorem naturæ; atqui destructio visionis vi causæ naturalis evenire non potest, ut ostendimus in prima conclusione; Nec per ipsum Deum ut Auctorem naturæ; cum Deus ut auctor naturæ inclinetur ad secundandas rerum exigentias, & ad conservandum quod exigit conservari, ut exigit Dei visio; ergo si destrueretur, ejus destructio esset supernaturalis.

V. OBJIC. 1. Si Dei visio exigeret semper durare, exigeret durationem æternam, hoc autem repugnat: essentia enim finita non potest exigere proprietatem infinitam, ut nec ubicationem immensam; ergo Dei visio non exigit in æternum durare, & consequenter relatè ad causam primam est naturaliter indestruibilis.

Resp.

Resp. Visionem non posse proprietatem actu infinitam exigere, puta ubicationem immensam; sicut nec durationem æternam, quæ scilicet sit tota actu, ut est duratio æterna Dei, quæ definitur à Boetio *Interminabilis vita tota simul, & perfecta possessio*: potest tamen Dei visio, ut Angeli, & anima rationalis exigere durationem in æternum, quia quatenus existens in instanti A, exigit durationem pro instanti B, & quatenus est in B, exigit durationem pro instanti C, & sic semper exigit durationem finitam in infinitum: eo pacto, quo Sol v. g. si in æternum dureret, exigit lucem in æternum, quin exigit lucem infinitam; & peccatum mortale in hypothesi, quod sit finitæ gravitatis, exigit durationem pœnæ in æternum, non tamen infinitam: quare in forma *distinguo maj.* exigeret durationem æternam totam simul, *nego*; successive, seu durationem in æternum, *concedo majorem*; & *distinctâ minore nego consequentiam*.

VI. OBJIC. 2. Tam visio Dei, quàm quodcumque corruptibile refugit à proprio malo, & à corruptione, appetitque conservari; & tamen forma materialis corruptibilis non destruitur supernaturaliter, sed naturaliter, ergo quamvis visio Dei appetat conservari in perpetuum, adhuc potest ejus destructio non esse supernaturalis, & contra exigentiam naturæ, etiamsi non esset naturalis, & juxta naturæ exigentiam.

Confirm. Quia species soni non sunt naturaliter, indestruibiles, & tamen nec deficit earum subjectum, nec causa conservans, nec habent contrarium; ergo idem dici potest de Dei visione.

Resp. *Nego consequentiam*; ideo enim forma corruptibilis naturaliter destruitur, quia quamvis ipsa exigit conservari, tota tamen natura exigit ejus destructionem, ne otiosum quid sit in Universo; sicut licet grave exigit centrum, tamen quia tota natura postulat, ut grave ascendat ad replendum vacuum, ideo naturaliter ascendit:

contra verò visio Dei exigit conservari, nec datur in tota natura exigentia, ut destruat; ergo ejus destructio non posset dici naturalis, sed simpliciter supernaturalis.

Ad confirm. Si paritas urgeret, evinceret, quòd sicuti non nisi miraculosè possunt perpetuò conservari species soni, ita non nisi miraculosè posset conservari visio Dei, Angeli, &c. quod nemo dixerit. Quare supponendum ex lib. de anima, species soni (idemque dicas de ipso sono, de impetu impresso, & aliis hujusmodi qualitatibus) deficere eo pacto, quo diximus deficere in intellectu cognitionis, ex defectu scilicet causæ non amplius dispositæ ad illas conservandas.

VII. OBJIC. 3. Homo appetit nunquam mori, & bruta ductu naturæ refugunt à morte, & tamen naturaliter homo, & bruta moriuntur; ergo quavis visio Dei, & Angeli appetant sui conservationem, adhuc possunt destrui naturaliter à causa prima.

Confirm. Deus liberè concedit visionem beatam citra exigentiam in natura; cum ea sit qualitas supernaturalis, & indebita; ergo potest etiam liberè eam concedere, v.g. ad annum, unde si post annum destrueret, non destrueret contra exigentiam naturæ, & supernaturaliter.

Resp. Nego consequentiam: homo enim non appetit appetu innato nunquam mori, seu nunquam animam separari à corpore [esto appetat, animam semper vivere juxta propriam immortalitatem] quia daretur in natura appetitus naturalis naturaliter inexplibilis, qui repugnat; tum quia esset frustraneus; tum quia daretur ad torturam potius, quàm in bonum appetentis. Quare homo, & bruta appetunt conservationem vitæ, non in perpetuum, sed solum quantum fieri potest juxta cuiusdam causarum secundarum; sicut lapis exigit centrum, quantum causæ secundæ permittunt, & ideo etiam naturaliter, licet violenter, caret centro: Contra verò visio Dei, ut dicitur de anima rationali, ac de Angelis, appetit sui conservationem

nem in perpetuam, cum à nulla causa secunda ejus destructio exigatur, & ideo supernaturaliter tantum destrui potest.

Ad confirm. Idem dici posset de Angelo A, puta de Michaële; quamvis enim datur in natura exigentia, ut sint Angeli, nulla tamen fuit exigentia, ut crearetur Michaël; & tamen quamvis liberè Deus, & citra exigentiam creaverit Michaëlem, non per hoc potuit concedere Michaëli existentiam solum per annum, & deinde naturaliter destruere: similiter ratiocinandum de visione Dei. Et ratio est, quia unumquodque, posito quod existit, exigit conservari, nisi à tota natura ejus destructio exigatur; unde contra exigentiam naturæ, & supernaturaliter Dei visio, & Angeli destrui possunt.

VIII. Tertia conclusio. Quamvis Dei visio (idemque dicas de Angelis, & anima rationali) non exigeret sui perpetuitatem, sed permissivè se haberet ad conservari, & destrui, adhuc ejus destructio dici deberet aliquā ratione supernaturalis, non quidem respectu propriæ naturæ, sed respectu cursûs, & ordinis naturalis de facto à Deo instituti. Ità communiter, nec discrepat Vasquez.

Probat, quia communis rerum cursûs, & ordo postulat, ut nihil Deus tanquam Auctor naturæ destruat sine exigentia causarum secundarum, ut constat inductione; atqui nulla datur causa creata, quæ exigit visionis beatæ destructionem, cum in nulla virtute naturali contineatur; ergo juxta cursum communem visio Dei est indestruibilis, etiam relatè ad causam primam, & ejus destructio est aliquatenus supernaturalis, etiam si non exigeret in perpetuum conservari.

Q U Æ S T I O X.

Num repugnet visio Dei essentialiter indestruibilis?

I. **Q**uestioni dedit ansam Lego, qui *disp. 8. sect. 1.*
G 2 de

de Pœn. putat, probari facile posse possibilitatem peccati essentialiter irremissibilis, non quidem ex magnitudine culpæ, sed ex sola connexionione intentionali cum decreto Dei de non remittendo ullo peccato. Et sanè si discursus Lugonis esset efficax, evinceret pariter possibilitatem visionis beatæ essentialiter indestruibilis, non quidem ex magnitudine perfectionis, sed ex simili connexionione intentionali cum decreto Dei de non destruenda ulla visione. Quòd si huiusmodi visio essentialiter indestruibilis non repugnaret, probabiliter de facto huiusmodi essent visiones Beatorum, ut docent Recentiores; quia de facto datur decretum de perpetuandis visionibus Beatorum, & huiusmodi decretum Beatis innotescit. Esparza tamen hinc *quest. 3. art. 10.* diversimodè procedens putat, de facto quamcunque visionem beatam esse essentialiter indestruibilem, non quia proximam indestruibilitatem hauriat ex connexionione cum decreto de non destruenda ulla visione, juxta discursum Lugonis; sed quia videt decretum de suimet conservatione in æternum (ut Esparzam interpreta-
tur Haunoldus) Nam cum impossibile sit, dari visionem terminatam ad tale decretum sine existentia talis decreti, & impossibile sit, Divinum decretum decernens perpetuam conservationem visionis frustrari, sequitur, impossibile esse, quòd visio isthæc ad hoc decretum terminata destruatur.]

II. Dico 1. Repugnat simpliciter visio, & quæcumque alia creatura essentialiter & ab intrinseco indestruibilis.

PROB. Huiusmodi creatura derogat perfectissimo Dei dominio; ergo repugnat. *Prob. antec.* Ad perfectissimum Dei dominium spectat, posse potentiâ antecedente quamcumque creaturam ad arbitrium destruere: quod ostenditur primò auctoritate Scripturarum, Patrum, & Theologorum, apud quos hæc doctrina est usque adeò recepta, ut Vasquez *1. p. disp. 182. num. 9.* dixerit, oppositam erroris notam mereri; & Suarius *lib. 1. de Aug. cum*

Tan-

Tannero 1. p. disp. 5. quaest. 1. putaverit, illam esse de fide. Dicitur enim 2. Machab. 8. *Qui potest universum Mundum uno nutu delere*; & Sap. 11. dicitur: *Quomodo aliquid posset manere, nisi Tu voluisses*? Ostenditur etiam ratione, quia Conservatio nihil aliud est, quam secunda, & continuata productio; sed pugnat cum pei. factis. si vero Dei dominio creatura ex intrinseco praedicato exigens produci; ergo etiam quae exigit conservari infructuabiliter; huiusmodi enim creatura adversus Creatorem pugnaret, & in statione perseverans ab eo nunquam vinci, & destrui posset. Ratio denum a priori est, quia debemus tribuere Deo dominium, quo perfectius excogitari non potest; sed perfectius est dominium, quo posset ad nutum creaturas omnes tum producere, tum conservare, quam quo posset liberè tantum producere, sed non liberè conservare; ergo huiusmodi dominium tribuendum est Deo; atque adeò repugnat creatura essentialiter indestruibilis, quae tali se subtrahit dominio; non secus ac dicimus, repugnare Creaturam Durandi, quae causet effectum absque Dei concursu; atque adeò subtrahat illum à dominio immediato Dei.

III. Dico 2. Repugnat speciali titulo visio Dei essentialiter indestruibilis, juxta sententiam Esparæ, qu. 3. art. 10 quae scilicet indestruibilitatem hauriret ex connexionione intentionali cum decreto de nunquam illa destruenda, juxta interpretationem Haunoldi.

PROB. Quia decretum hoc Divinum, cum quo dicitur visio beata essentialiter connecti, neque posset dici liberum, neque necessarium; ergo repugnat huiusmodi decretum, & consequenter speciali titulo repugnat visio essentialiter indestruibilis ex connexionione cum hoc decreto. Antecedens probatur: non enim potest dici liberum decretum, quando decernitur perpetua conservatio visioni indestruibili; cum enim dicatur esse visio essentialiter, & ex intrinseco praedicato indestruibilis; eo ipso necessario

conservari debet ; ergo decretum liberum de ejus conservatione esset supervacaneum , & indignum Deo ; non secus ac decretum liberum de ponendo animali rationali , posito homine , vel de tollendo dissensu , posito assensu . Neque potest decretum illud esse necessarium ; quia si decretum de conservanda Visione esset necessarium , sequeretur , quod ratione sui visio esset indestruibilis , non ratione connexionis cum tali decreto : Sicut enim quia posito decreto de ponendo homine , datur necessario decretum de ponendo risibili , ista essentialis connexio inter hominem , & risibilem , non habetur ratione illius decreti , sed ab intrinseca essentia hominis ; ita quia posita hac DEI Visione , datur per Adversarios necessario decretum de conservanda illa in perpetuum , ista essentialis connexio inter Visionem , & indestruibilitatem non hauritur à decreto , sed habetur ex ipsa natura visionis .

Confirmatur . Nunquam Deus necessario decernit prædicatum aliquod ulli Creaturæ , nisi illud necessario comperat tali creaturæ in priori ad quodcumque decretum , Ex. gr. non potest necessario decernere homini risibilitatem , nisi hæc comperat homini necessario in priori ad quodcumque decretum ; ergo non potest Deus necessario decernere conservationem talis Visionis , nisi ea in priori ad quodcumque decretum esset naturâ suâ necessario conservanda , & indestruibilis ; atque adeo indestruibilitatem non hauriret ex connexionione cum ullo decreto , sed haberet illam ex intrinsecis suis , unde pugnaret cum Divino dominio ; non secus ac quæcumque Creatura essentialiter indestruibilis ex magnitudine suæ perfectionis , & non ex connexionione intentionali cum decreto Divino decernente ejus conservationem .

Breviter ; Visio isthæc non posset cum decreto libero Dei connecti intentionaliter (seu non posset respicere decretum liberum de non destruenda ipsa) quia repu-

gnat decretum liberum de praedicatis necessariis. Neque posset connecti cum decreto necessario de nunquam destruenda hac visione, quia connexio ista intentionalis fundaretur in connexione reali talis decreti cum visione antecedenter ex essentia sua indestruibili. Ex quo fieret, quod si admitteretur possibilitas hujus visionis essentialiter indestruibilis, non posset deinde negari possibilitas Angeli, v. gr. essentialiter indestruibilis, seu realiter connexi cum decreto necessario DEI de nunquam ipso destruendo.

IV. OBJIC. De facto beati vident decretum de conservanda in perpetuum visione beatifica; aliter non essent certi de perpetuitate beatitudinis; ergo de facto visio beata essentialiter connectitur cum decreto de non destruenda ipsa, atque adeo est essentialiter indestruibilis.

Resp. Beatos esse certos de perpetuitate beatitudinis, vel per hoc, quod eadem visione attingant Deum, & decretum, quod non sit defutura ipsis aliqua Dei visio vage, vel hæc, vel illa; vel per hoc, quod visione A attingant Deum, & visione B distincta attingant decretum de non destruenda in perpetuum visione A beatifica; non verò per hoc, quod attingant eadem visione A decretum, quod ipsa non sit destruenda, quia hujusmodi decretum neque liberum posset esse, neque necessarium, ut ostendimus; ergo ex certitudine de perpetuitate beatitudinis non inferatur indestruibilitas visionis.

Instabis; Non potest intelligi, quomodo beatitudo sit essentialiter perpetua, & visio A sit beatitudo, & tamen visio A non sit perpetua essentialiter, & indestruibilis.

Resp. Posse optimè intelligi, si advertatur, beatitudinem esse essentialiter perpetuam nihil aliud significare, quam quod beatitudo sit cognitio decreti de non defutura aliqua visione Dei, atque adeo sit cognitio inferens vel eandem, vel alias, & alias visiones in æternum: Bene autem stare potest, quod visio A trahat visiones in

æternum, & ipsa sit destruibilis; quia visiones in æternum trahit solum ratione decreti, cum quo connectitur, de non defutura Beatis in æternum aliqua visione.

V. Dico 3. Repugnat pariter speciali titulo visio Dei essentialiter indestruibilis ex connexionione intentionali cum decreto libero de non destruenda ulla visione in perpetuum, juxta sententiam Cardinalis de Lugo.

Explicatur. In hoc differt ratiocinatio Lugonis ab Esparza, quod hic doceat, visionem A respicere decretum de non destruenda ipsa; Lugo verò doceat, visionem A respicere decretum liberum; non quidem de non destruenda ipsa [quod conclusionem præcedenti ostendimus repugnare] sed de non destruenda ulla visione in perpetuum. Quod autem hujusmodi visio sit essentialiter indestruibilis sic ostenditur à de Lugo. Si visio A attingens evidenter decretum de non destruenda ulla visione in perpetuum esset destruibilis, eo ipso vel non præsupponeret decretum de non destruenda ulla visione, vel hujusmodi decretum præsuppositum posset frustrari; atqui visio evidenter attingens tale decretum non potest illud non præsupponere, & decretum Dei est essentialiter infrustrabile; ergo impossibile est, ut ea visio destruat, atque adeò est essentialiter indestruibilis. Et eadem ratiocinationem contendit, possibile esse peccatum essentialiter irremissibile, quod nos in de Pœnitentia *disp. 2. q. 1.* dicemus pariter repugnare.

PROB. Nunc conclusio primò ab absurdis. Si esset possibile hujusmodi visio essentialiter indestruibilis, non ex magnitudine perfectionis, sed ex connexionione intentionali cum decreto libero de nulla visione destruenda, esset pariter possibilis visio essentialiter independens immediatè à Deo, seu ad quam Deus non concurreret immediatè, ratione consimilis connexionionis intentionalis cum decreto de non concurrente immediatè ad ullam visionem creatam. Præterea, sicut dicitur possibile peccatū essentialiter irre-

irremissibile, ratione connexionis cum decreto de nullo peccato remittendo, esset pariter possibile peccatum impermissibile à Deo, ratione consimilis connexionis de nullo peccato permittendo. Possemus etiam somnari possibile peccatum essentialiter remissum, aut impunibile ratione connexionis cum decreto de nullo peccato puniendo, & quovis remittendo. Eilet etiam possibilis actus bonus essentialiter impræmiabilis, Visio Dei essentialiter immultiplicabilis aut in specie, aut in individuo, & quæ per tempus determinatum, aut in loco determinato essentialiter existeret, confingendo consimilia decreta; quæ tamen omnia nullatenus videntur admittenda.

Prob. Secundò speciali titulo repugnantia hujus visionis intentionaliter connexæ cum decreto de non destruenda ulla visione in perpetuum. Nam vel hujusmodi decretum esset de non destruenda ulla visione simpliciter [inclusâ etiam ipsâ visione A, quæ dicitur essentialiter indestruibilis] & hujusmodi decretum liberum, utpote liberè disponens de prædicatis essentialibus; repugna; vel decretum esset de non destruenda ulla visione distinctâ à visione A, & sic visio A nullatenus esset indestruibilis, ne ab extrinseco quidem. Probatur quia non potest visio A esse ullatenus indestruibilis, præcisè per hoc, quòd attingat decretum de non destruendo B, ut patet, sic si Deus decernat, se non destructurum visiones Pauli, & ostendat Petro hoc decretum, visio Petri non potest esse ullatenus indestruibilis per hoc, quòd intentionaliter connectatur, seu respiciat decretum de non destruendis visionibus Pauli.

VI. Neque dicas, quòd in tantum visio Petri respiciens decretum de non destruendis visionibus Pauli non esset essentialiter, aut accidentaliter indestruibilis ex connectione intentionalis cum tali decreto, quia si ea visio Petri destrueretur, nulla sequeretur contradictio; atqui in casu nostro, si destrueretur visio A Sortis terminata ad de-

cretum de non destruenda ulla visione ejusdem sortis; aut de non destruenda ulla visione simpliciter, sequeretur contradictio: ergo hæc visio Sortis, non illa Petri est essentialiter indestruibilis. Probatur minor, quia in tali casu Deus ex una parte nullam visionem vellet destruere juxta decretum præsuppositum; ex altera parte vellet aliquam destruere eo ipso, quod destrueret visionem Sortis; atqui nullam velle destruere, & velle destruere aliquam fert contradictionem: ergo si destrueretur hæc visio Sortis, sequeretur contradictio.

Nam contra est, quia ut sequatur hæc contradictio, deberet decretum Dei esse de non destruenda ulla visione, inclusâ ipsâ visione A Sortis, quæ essentialiter connectitur cum tali decreto, & dicitur, essentialiter indestruibilis; aliter quænam contradictio est, quod ea possit destitui, si Deus decernat, se non destructurum aliâ ab ipsa? Quod si dicas, Deum decernere, se non destructurum ullam visionem destruibilem, atque adeò etiam hanc Sortis, si ea esset destruibilis: Contra est, quia Deus non attingit objecta obscure, & in confuso, sed clarè, & distinctè; atque adeò cum dicit, Nolo ullam visionem destruere, attingit singulas in individuo; vel ergo attingit etiam hanc visionem A Sortis, ut destruibilem, & quomodo potest dici, quod sit essentialiter indestruibilis? an potest Deus decipi, & cognoscere ut destruibile quod est indestruibile? an potest decretum illud liberum mutare essentiam talis visionis præcognitæ à Deo, ut destruibilis? Si verò cognoscatur à Deo visio A Sortis, ut essentialiter indestruibilis, decretum illud liberum de non destruenda ulla visione, non respiceret illam, ne dicatur esse factum, ac Deo indignum, liberè decernendo de prædictis necessariis; ergo nullatenus sequeretur contradictio, si ea posset destitui.

Verum quidem est, quod si supponatur decretum de non destruenda simpliciter ulla visione destruibili, & detur

detur visio A Sortis attingens hoc decretum, utraque pars contradictionis sequeretur, si ea posset destrui; esset enim destruibilis ut supponitur, & esset indestruibilis, quia frustraretur decretum divinum de illa non destruenda, si ea destrueretur. Hinc tamen non sequitur, quod visio talis decreti sit essentialiter indestruibilis, sed solum sequitur, quod sit impossibilis, seu quod non possit tale decretum videri; Ad eum modum, quo si Deus decernat, se nihil producturum, aut non concursurum immediate ad ullam visionem creatam, non inferitur, quod sit possibilis visio respiciens hæc decreta, sed quod sit impossibilis; sicut enim essentialiter quod producit, esse debet à Deo immediate concurrente, ita essentialiter qualibet creatura est à Deo destruibilis, ut ostendit ratio supremi dominii divini, & auctoritas Scripturarum, Patrum, & Theologorum omnium; ergo sicut non potest dici, quod posito decreto divino de non concurrento cum ullo actu creaturæ, sit possibilis visio talis decreti, quæ essentialiter producat sine concursu Dei, non ex magnitudine perfectionis, sed ex connexionione intèntionali cum eo decreto, sed dicimus, repugnare omnino visionem talis decreti; ita pariter in casu nostro. Unde sequitur, decreta huiusmodi esse quidem possibilia, sed irrevelabilia; non secus ac decretum de nihil producendo, de non concurrento ad ullum actum creaturæ, & decretum de non revelando ullo decreto.

VII. Replicant Adversarii dicendo; posse videri decretum de non destruenda ulla visione destruibili, quia huiusmodi decretum terminari posset etiam ad visionem A essentialiter indestruibilem, quamvis tantum conditionatè, si scilicet ea esset destruibilis, quod satis est, ut ea hauriat indestruibilitatem essentialem ex connexionione intèntionali cum tali decreto, & non derogat divino dominio.

Resp. tamen primò per instantiam: Etiam decretum
de

de non destruenda ulla visione Pauli, quòd videretur à visione Petri, terminaretur ad visionem ipsius Petri eodem modo conditionatè, quatenus si esset Pauli, non esset destruenda, & tamen visio Petri attingens decretum de non destruendis visionibus Pauli, non per hoc est essentialiter indestruibilis; ergo neque in casu nostro visio A Sortis dici debet indestruibilis essentialiter, per hoc, quòd videat decretum de non destruenda ulla visione destruibili, quòd conditione decernat conservationem ipsius visionis indestruibilis, si scilicet esset destruibilis.

Resp. Secundo directè, *nego Antecedens*; nam hoc ipsum decretum liberum conditionatum de non destruenda visione A essentialiter indestruibili, si ea esset destruibilis, est decretum indignum Deo, & superfluum; non secus ac decretum liberum absolutum de prædicatis necessariis; tamen enim repugnat e. g. quod Deus de creto libero absoluto dicat, Nolo producere chymeram, quàm quòd decreto conditionato dicat, Producerem chymeram, si esset possibilis. Præterquam quòd decretum illud conditionatum supponeret in Visione A, non induceret essentialem indestruibilitatem, ut patet.

Colligo breviter. Visio indestruibilis ex connexionè cum decreto de non destruenda ulla visione repugnat; tum quia subtraheret se dominio Dei, quoad destrui; tum etiam titulo speciali, quia decretum liberum, quod ab hac visione attingeretur, vel esset de non destruenda etiam ipsa, & sic esset decretum chymericum, utpote liberè decernens de prædicatis necessariis, vel esset de non destruendis aliis visionibus, distinctis ab ipsa; & sic ipsa, ne per accidens quidem, esset indestruibilis. Ex quibus positivè ostenditur, decretum de non destruenda ulla omnino visione destruibili posse quidem dari, sed non posse revelari. Non secus ac decretum de nihil producendo, aut decretum de nihil revelando, aut decretum de non concurrente ad ullam cognitionem creatam. Quare negando,

do, posse decretum aliquod revelari, nihil dicimus dissonum decretis; plura enim sunt irrevelabilia, ut ostendimus; admittendo verò possibilitatem creaturæ indestruibilis, dicimus, quod conditioni creaturæ repugnat.

VIII. OBJIC. Primò: promissio divina, seu revelatio facta de danda gloria Beatis in æternum, quamvis inferat indestruibilitatem gloriæ, non per hoc derogat divino dominio; ergo neque indestruibilitas talis visionis; Probatur consequentia: ideò primum, quia indestruibilitas gloriæ oritur ex exercitio libero divini domini liberè decernentis æternam gloriæ conservationem; sed etiam indestruibilitas intrinseca talis visionis oritur ex libero exercitio divini domini, quo Deus decerneret, se nullam visionem esse destructurum; ergo indestruibilitas intrinseca, & essentialis talis visionis non derogat dominio divino.

Resp. Nego Consequentiam; in primò enim casu gloria est indestruibilis per accidens, & ratione decreti liberi nolentis eam destruere; in secundo casu visio esset indestruibilis per se, & essentialiter, & ideò derogat divino dominio. Præterquam quòd visio ista, quæ dicitur essentialiter indestruibilis, ex illo decreto de non destruenda ulla Visione nullam haurit indestruibilitatem, ne extrinsecam quidem, si decretum sit de non destruenda ulla visione distincta ab ipsa; si verò sit de non destruenda ulla visione destruibili, etiam ipsa inclusa, decretum esset chymericum, quia liberè decerneret de prædicatis necessariis; liberè enim decerneret conservationem talis visionis, quæ debet necessariò conservari, cum ex ratiocinatione Adversariorum debeat esse essentialiter indestruibilis.

IV. OBJIC. Secundò Non obstat divino Dominio, quòd Deus non possit uti creaturis ad usus impossibiles, v. g. quòd non possit elevare lapidem ad cognoscendum: ergo neque obstat, quòd non possit destruere visionem A, si ea ostendatur esse essentialiter indestruibilis; atqui

ex

ex discursu Cardinalis deLugo ostenditur essentialis indestruibilitas talis visionis ergo citra præjudiciū divini domini est indestruibilis.

Respond Argumentum probare nimis, atque adeò nihil: probat enim possibilitatem Creaturæ indestruibilis independentem ab intentionali connexionē cum ullo Dei decreto, puta possibilitatem Angeli essentialiter indestruibilis, quod nemo Theologorum admisit. Præterea probat possibilitatem visionis, ad quam Deus non concurrat immediatè; possibilitatem peccati essentialiter impermissibilis, applicata his actibus ratiocinatione Adversariorum: probat etiam possibilitatem Creaturæ Durandi, creaturæ essentialiter producendæ impeccabilis, inconvertibilis, & alia hujusmodi; quia juxta Adversarios non derogat divino dominio, quòd non possit Deus uti creaturis ad usus impossibiles; His autem creaturis sic positis, impossibiles essent illi usus cæteroqui debiti. Quare universim dicendum, repugnare Creaturam, quæ primà facie videtur extendere limites Omnipotentiae, re tamen verà subtrahit se dominio perfectissimo Dei, relatè ad usus consentaneos creaturæ; & ideò universim quæcumque creatura essentialiter indestruibilis repugnat. In dubio tamen, an sit possibilis aliqua creatura, quæ Deus ad aliquos usus uti non possit (ut nequit uti lapide v. g. ad cognoscendum) tunc pro ea parte dubium decidendū est, quæ potius faveat dominio Dei supra creaturas, quàm quæ faveat Omnipotentiae: E. g. si dubitetur, An sit possibilis creatura Durandi, creatura inmultiplicabilis, indestruibilis &c. dicendum potius, eas repugnare, ut faveamus dominio Dei, quàm eas esse possibiles, ut aliquatenus extendamus limites Omnipotentiae; quia juxta sanam Philosophiam, & Theologiam extendendū potius divinū dominium, quod est attributū ex suo conceptu præstantius, quàm Omnipotentia; Contrà verò quoties positivè constat, creaturas aliquas esse possibiles, & non esse destinabiles

biles ad aliquos usus, ut lapis ad cognoscendum, tunc dicendum, hoc ipsum spectare ad dominium Dei perfectissimum, non posse creaturis uti ad usus chymericos, & iis dissentaneos. Hæc de causa dicimus v. g. corpus immobile repugnare, quia per hoc prædicatum immobilitatis subtraheret se à perfectissimo Dei dominio quoad moveri: contra verò dicimus, Ubicationem esse essentialiter immobilem, & hoc non derogare Divino dominio; quia positivè demonstratur, quòd ubicatio debeat esse essentialiter immobilis, ne requiratur Ubicatio ubicationis in infinitum.

In forma distinguo antecedens: non derogat Divino dominio, quòd non possit uti creaturis ad usus impossibiles; si constet eos usus debere esse impossibiles, *concedo* si id non constet positivè, sed potius præsumendum sit esse possibiles, *nego antecedens, & concessa prima consequentia, nego minorem subsumptam*: ostendimus enim, ratiocinationem Lugonis non evincere indestruibilitatem illius visionis, sed impossibilitatem; non posset enim assignari, quodnam decretum attingeret.

X. Concludo. Decretum liberum de non destruenda ulla visione, tam destruibili, quàm indestruibili, si hæc esset possibilis, est chymæricum, cùm decernat liberè conservationem necessariam visionis indestruibilis; decretum verò de non destruendis omnibus visionibus destruibilibus potest dari, sed revelari non potest (revelatione scilicet per visionem, esto posset aliter revelari) Ratio est, quia tale decretum esset, & non esset de iis non destruendis; esset, ut supponitur; non esset verò, quia vel terminaretur etiam ad visionem A, quâ ipsum videretur, & jam terminaretur etiam ad visionem indestruibilem, & non ad solas destruibiles; visio enim A, ut ostendit Lugo, deberet esse indestruibilis; Vel non terminaretur ad istam visionem A, & jam non terminaretur ad omnes destruibiles, cùm

cum non terminetur ad Visionem A, quæ est destruibilis, neque enim potest haurire indestruibilitatem ullam neque essentialem, neque accidentalem per hoc, quod respiciat decretum de non destruendis aliis ab ipsa; sicut visio, quæ est in Petro, non potest esse indestruibilis per hoc, quod respiciat decretum de non destruendis visionibus, quæ sunt in Paulo, quamvis ab hoc decreto illa habeat proximam possibilitatem. Quare esto transmittatur possibilitas alicujus creaturæ naturæ suæ essentialiter indestruibilis, nulla tamen visio Dei potest esse indestruibilis ratione connexionis intentionalis cum ullo Dei decreto, quod erat ostendendum.

Instabis. Consonat Divino Dominio immobilitas v. g. Ubicationis, & inconfervabilitas durationis, quia aliter non posset condere substantiam mobilem, & confervabilem; ergo etiam consonat divino dominio visio essentialiter indestruibilis ex connexione cum decreto de nulla creatura destruenda, quia similiter non posset aliter liberè nolle ullam creaturam destruere. Probatur consequentia, quia si potest Deus ponere hoc decretum, Nullam creaturam destruam, eo ipso visio talis decreti debet esse essentialiter indestruibilis; Sicuti si ponat hoc aliud decretum, Nihil producibile producam; eo ipso visio talis decreti est essentialiter improducibilis. Neq; dicas quod visio illius decreti, Nihil destruam, sit non solum indestruibilis, sed etiam impossibilis, nam solum repugnat, quod destruitur, non verò quod ponatur: Ad eum modum quo hoc decretum, Nihil revelabo, est solum irrevelabile; non impossibile; solum enim repugnat, quod reveletur (eò quod frustraretur decretum ipsum de nihil revelando) non repugnat tamen, quod ponatur.

Respondeo Nego Consequentiam. Ad probationem dico, quod decretum istud, Nullam creaturam destruam, addat visionem talis decreti non solum essentialiter indestruibilem, sed etiam impossibilem. Et ratio est, quia vel tale

tale decretum loqueretur de tali visione, & esset fatuum, vel non loqueretur de illa, & sic nullam haberet indestruibilitatem; atque adeo esset indestruibilis essentialiter ob rationem Adversariorum, & non esset indestruibilis, ne per accidens quidem, ob hanc nostram rationem; unde esset impossibilis. Ad id quod additur de illo decreto, Nihil revelabo; concedo, esse possibile, & esse essentialiter irrevocabile; ita tamen ut ista essentialis irrevocabilitas competat illi ex natura sua, non verò ex connexionem cum alio decreto; spectat enim ad libertatem divinam posse nolle quicquam revelare; & ideo hoc decretum, Nihil revelabo, debet esse naturâ suâ essentialiter irrevocabile. Quod si irrevocabilitatem haberet ex connexionem cum alio decreto; (sicut in casu nostro visio attingens decretum de nihil destruendo, haurit per Adversarios suam essentialem indestruibilitatem ex connexionem essentiali cum tali decreto) pariter decretum illud ob eandem nostram rationem repugnaret. Quare disparitas, cur tale decretum de nihil revelando, sit possibile simul, & irrevocabile; visio verò attingens decretum de nihil revelando sit indestruibilis simul, & impossibilis, est, quia decretum illud habet irrevocabilitatem ex natura sua consonam libertati divinæ; visio verò ista haberet & non haberet indestruibilitatem ex connexionem cum illo decreto de nihil destruendo.

Q U Æ S T I O X I.

Utrum formalis Beatitudo supernaturalis metaphysicè considerata consistat in sola visione essentia Divinæ, absque visione Personarum, & attributorum.

I. **C**ertum est, de facto ad beatitudinem physicè completam pertinere visionem non solum essentia Divinæ, sed etiam Personarum, & attributorum, atq; adeo integrum, & adæquatum objectum beatitudinis

Part II.

H

esse

esse Deum, etiam ut Trinum; quod eruitur tum ex illis verbis primæ Jo. 3, *Videbimus eum sicuti est*, tum ex decreto Eugenii IV. de unione Latinorum, & Græcorum, ubi dicuntur animæ à peccatis purgatæ in Cælum recipi, & intueri clarè Deum Trinum, & Unum sicuti est. Difficultas itaq; est, An beatitudo metaphysicè considerata, quatenus possessio perfecta summi boni consistat in sola visione Essentiæ Divinæ; atque adeò, Num personalitates, & attributa pertineant etiam ad objectum essentiale beatitudinis, adeo ut non esset dicendus beatus, qui Deum videret, iis non visis? quod fieri posse, supponendum hic est ex 1. parte.

II. Censeo equidem ad objectum beatitudinis essentiale pertinere solam divinam essentiam, non verò personarum, & attributa: Ità Sua. *disp. 5. sect. 3.* cum Scoto; Licheto contra Vasquez *p. 2. disp. 13. cap. 2.* Granadum, Okamum apud Amic. *disp. 2. sect. 7.*

Probatur: Essentiale objectum beatitudinis est summum bonum; sola autem divina essentia est summum bonum, ergo sola essentia pertinet ad objectum essentiale beatitudinis. Major patet, quia impossibile est perfectè possidere summum bonum, & non esse felicem; appetitus enim non potest non quiescere, quando perfectè possidet illud unum bonum, in quo continentur omnia bona; atque adeò, eo obtento, non potest remanere in potentia ad ulterius bonum obtinendum. Minor itaque probatur sola essentia à Personalitatibus præcisa continet in se omnem perfectionem, vel formaliter, ut continet perfectiones simpliciter simplices, vel eminenter, ut continet perfectiones simplices; ergo sola essentia continet, seu est omne bonum, nam relationes divinæ vel non dicunt formaliter perfectionem, vel si dicunt, ea eminenter continentur in essentia, à qua relationes resultant; Aliter essentia divina aliquam perfectionem reciperet à relationibus non contentam in ipsa; unde non diceret perfectionem infinitam excurrentem ad omnes perfectiones.

Con-

Confirm. primò, quia in pura natura beatitudo naturalis consisteret in cognitione Dei, non in cognitione Trinitatis; quæ est cognitio supernaturalis, & indebita; ergo etiam in statu elevationis potest haberi beatitudo essentialis per visionem essentia, non personarum; & eadem est ratio de attributis; Quare sicut beatus est perfectè beatus, quamvis careat visione intensiori, Unione hypostatica, &c. quia hæc non sunt bona debita; ita poterit in alia providentia esse perfectè beatus per visionem essentia, quamvis careat visione personarum, & attributorum; cum nec visio istorum sit debita.

Confirm. secundò, quia ad perfectam beatitudinem, & possessionem summi boni non est necesse videre Divinam essentiam omnibus modis, quibus est visibilis; ergo neque illam videre sub triplici hypostasi relativa, aut cum suis attributis. Antec. patet, quia nullus beatus videt Deum sub omnibus attributis partialibus clarè, & distinctè: v. g. non videt Deum, ut productivum hominis, Leonis, equi, & sic percurrendo per omnes creaturas possibiles; aliter quilibet beatus videret in Deo omnes creaturas possibiles, quod non admititur. Consequentia sequitur, quia sicut non est debita cognitio attributorum partialium, quia ea præcisa, adhuc habetur perfecta possessio summi boni; ita pariter nec est debita cognitio personalitatum, & attributorum totalium.

Adde ad eruditionem, non deesse, qui probabiliter existiment, posse aliquem plenè, & supernaturaliter beari visione unius dumtaxat attributi divini, puta, omnipotentia, vel Immensitatis, non visâ essentia, puta, Aseitate, quia scilicet quodvis divinum attributum perfectionem infinitam vel continet, vel supponit. Nec desunt, qui putent, posse hominem supernaturaliter beari per solam cognitionem abstractivam, & ænigmaticam Dei, sed indebitam, & superantem reliquias, quæ viribus naturæ obtineri possent.

III. OBJIC. I. cum Amico hîc. Beatitudo est affectio Dei, prout in seipso existentis, seu prout est in se; est autem in se Trinus, & Unus; ergo nisi attingatur etiam prout Trinus, non poterit haberi beatitudo; atque adeo ad objectum essentiale beatitudinis pertinent etiam Divinæ Relationes. Major probatur, quia beatitudo est quietativa appetitus rationalis; hic autem non quiescit, donec clarè, & distinctè videat Deum prout est in se Trinum, & unum; nam maneret in potentia ad ulteriorem perfectionem Dei substantialem cognoscendam, non cognitis relationibus; Unde quiescere non posset.

Confirm. Quia si una tantum persona in Deo esset, rationalis appetitus non quiesceret, visâ naturâ Divinâ absque personalitate; Sicut si beatitudo hominis consisteret in videnda Christi humanitate, nunquam appetitus, visâ humanitate, quiesceret, donec personalitatem videret; ergo à fortiori nunc beatus videns Divinam essentiam, cupit videre subsistentias, quandoquidem altiori modo subsistit, quàm si unam tantum haberet hypostasim; & ideo majus desiderium excitatur ad videndum hunc ineffabilem modum subsistendi.

Resp. Argumentum probare, quòd debeat Deus à beatis secundum omnia sua partialia Attributa videri, v. gr. ut productivus hominis, Angeli, &c. & sic omnes creaturas de facto à beatis videri, quia aliter non videretur Deus clarè, & distinctè prout est in se. Quare *distingo majorem*: Beatitudo est affectio Dei, prout est in se, hoc est non aliter ac est in se, *concedo*; hoc est clarè, & distinctè secundum omnes suas perfectiones, *nego majorem*; & *consequentiam*. Ad probationem majoris, *nego*, appetitum rationalem non quiescere, viso Deo, non visis personis, aut attributis; eo enim tantum viso, adhuc summum, & omne bonum possideret; Potentia autem illa ad cognoscendam ulteriorem Dei substantialem perfectionem non staret cum anxietate appetitus rationalis, à quo
non

non tolleretur perfectum gaudium ; Sicut non tollit perfectum gaudium carentia visionis perfectioris , utpote indebita. Imò si non tollit de facto perfectum gaudium ab animabus separatis carentia actualis glorificationis proprii corporis , quæ connaturaliter ad beatitudinem consequitur , à fortiori nullam avertit molestiam carentia beatitudinis extensivè perfectæ , quâ personalitates etiam , & attributa videantur ; Cum talis visio adæquata , & extensivè perfecta non sit debita.

Ad confirmationem, Si una tantum persona esset in Divinitate, adhuc haberetur beatitudo essentialis ex visione solius naturæ Divinæ ; Si verò beatitudo hominis consisteret in videnda Humanitate Christi Domini , vel supponimus , quòd in hac hypothese impossibili Visio talis humanitatis esset perfecta possessio summi boni , sicuti est Visio Divinitatis ; & in tali casu appetitus non esset anxius ex carentia visionis terminatæ ad subsistentiam ; vel id non supponitur , & est manifesta disparitas. Quare , ut loquitur Suarius *loc. cit.* , Sicut perfectiones relativæ , & attributa non constituunt Divinam essentiam metaphysicè acceptam , sed solum physicè ; ita cognitio relationum , & attributorum non constituit essentiam beatitudinis metaphysicè acceptam , sed solum beatitudinem physicè completam.

IV. OBJIC. 2. cum eodem Amico. Quantò magis quis diligitur , eò magis consurgit desiderium cognoscendi omnia , quæ sunt propria talis personæ ; præsertim personalitatem , & proprietates illius ; sed videns naturam Divinam summè illam amaret ; ergo summè cuperet videre modum admirabilem , quo subsistit , & ejus attributa ; ergo appetitus remaneret anxius , & beatitudo non esset essentialiter perfecta , positâ visione præcisivâ solius essentiae Divinæ.

Confirm. Quia fœcunditas , & communicabilitas est de essentia Divina ; ergo videns essentiam Divinam

deberet etiam videre fecunditatem, atque adeo personas: Sicut videns hominem qua talem, debet videre animal rationale; Visâ autem fecunditate, non posset beatus rationabiliter non appetere videre modum, ac terminos talis fecunditatis; ergo non posset quiescere in sola visione essentiae præcisa à Personalitatibus.

Resp. Eo modo, quo beati amantes summè Deum desiderant, illum intensius amare, desiderio tamen, non affectu anxietatem, nec minuentem felicitatem; ità videns essentiam simili desiderio cuperet videre personas, & attributa.

Ad confirm. Beatus visâ essentiâ, videret solum fecunditate in radicalem, ratione cuius exigit Deus se communicare ad intra, non videret tamen ipsam fecunditatem, seu communicationem formalem, nec personas. Admitto, quòd cuperet illas videre, sed desiderio non minuentem felicitatem, quia esset desiderium conditionatum, si scilicet ità Deus disponderet: absolute tamen beati nullatenus cupiunt à voluntate Dei in hoc discedere; sicut absolute non cupiunt visionem perfectiorem, & amorem intensiorem, ad quem non sunt destinati.

V. OBJIC. 3. Si satis esset ad beatitudinem essentialem videre Deum, ut ens perfectissimum, non visis personis, & attributis, satis etiam esset videre unum Dei attributum, non visâ essentiâ; cum quodvis attributum Divinum sit ens perfectissimum, & bonum summum; Unde etiam sequeretur, quòd satis esset videre Deum sub conceptu v. gr. Substantiæ; hoc autem non videtur admittendum; ergo.

Resp. Certum esse primò, quòd, si Deus attingatur secundum prædicatum, in quo convenit cum creatura, puta secundum prædicatum substantiæ, sicut videri posse, docet Ripalda, non habeatur beatitudo, quia non habetur possessio summi boni formaliter. Certum videtur secundò, quòd si Deus attingatur secundum prædicatum ali-

quod

quod, in quo disconvenit à Creatura, non tamen evidenter apparet disconvenire, ut esset prædicatum Æternitatis, Immensitatis, &c. nec habeatur beatitudo, cum neq; habeatur possessio summi boni formaliter, seu in quantum summi, & præstantissimi: At si attingatur secundum prædicatum proprium Dei, in quo apparet Deus discriminari à creatura, seu à bono non summo, ut est prædicatum Omnipotentiae, eo ipso attingitur Deus, ut summum bonum formaliter, quia ens summum, est bonum summum; & sic probabiliter per visionem solius Omnipotentiae habetur beatitudo essentialis, etiamsi non integra, nec extensivè perfecta; ab hac tamen quaestione nos præscindimus: Unde ad argumentum responderi potest hypoteticè *distinguo sequelam*, si non sequatur specialis repugnantia, *concedo*; si sequatur, *nego*.

VI. OBJIC. ultimò, Cui debetur cognitio alicujus essentiae, debetur cognitio proprietatum; ergo cum creaturae rationali debeat felicitas, seu cognitio Divinae essentiae, debetur etiam cognitio Attributorum, ergo sine cognitione Attributorum non stat beatitudo: Probat hanc consequentiam quia non stat beatitudo cum carentia alicujus boni debiti, hujusmodi enim carentia est malum, & trahit aliqualem miseriam impossibilem cum beatitudine.

Confirm. Quia Beatitudo est possessio Dei perfecta: atqui non esset perfecta, nisi esset extensivè perfecta, attingens omnia prædicata, seu attributa Dei, ergo.

Resp. Argumentum probare, quod debeat homini etiam cognitio Trinitatis, & attributorum partialium. Quare *nego* universaliter *majorem*, cui enim non debetur comprehensio objecti, nec debetur cognitio prædicatorum omnium talis objecti, atque adeò cognitio Dei potest esse possessio summi boni perfecta, etiamsi non sit perfecta aut extensivè, aut intensivè quantum perfici potest.

Ad confirm. dico, beatitudinem debere esse possessionem perfectam, relatè ad subiectum, non perfectam

relatè ad objectum ; debet enim possideri summum bonum possessione trahente in subjectum omne commodum consentaneum naturæ, & meritis illius ; sed non debet esse ea possessio perfecta relatè ad objectum : ità ut attingatur aut extensivè, aut intensivè, quantum attingi potest. Quare esto ad beatitudinem physicè completam pertineat cognitio objecti extensivè perfecta relatè ad attributa totalia ; quia connaturaliter cognosci debet objectum juxta suam dignitatem , quæ secundum quodvis suum prædicatum posset animam beare ; ad beatitudinem tamen essentialem ea cognitio non pertinet ; sicut nec cognitio Trinitatis. Et sanè si Petro v. g. habenti naturam, & merita ut quinque , unde ei debeatur visio ut quinque, detur tamen à Deo visio ut centum. sed ità , ut unum tantum Dei attributum, puta Immensitatem non videat, procul dubio hic esset magis beatus , quàm si haberet visionem exigitam ut quinque, terminatam ad omnia attributa ; ergo visio extensivè perfecta non est debita, adeo ut ejus carentia miseriam inducat ; quare sicut connaturaliter tantum ad essentialiam consequuntur proprietates, ità connaturaliter tantum ad visionem Dei beatificam consequitur visio personalitatum , & attributorum.

Possit ulterius hinc inquiri, An possit positivè demonstrari possibilitas formalis Beatitudinis supernaturalis ? Utrum Beatitudinis formalis inæqualitas unice oriatur ab inæqualitate luminis gloriæ, an etiam ab inæqualitate intellectuuum ? An repugnet substantia supernaturalis , cui sit connaturaliter debita Beatitudo per Dei intuitionem ? Verùm de his, aliisque id genus plurimis abundè anno superiore disputavimus, cum de Visione Dei.



DISPUTATIO II.

De Beatitudine Objectiva.

COincidit objectiva beatitudo cum fine ultimo actuum humanorum, qui aliquando acquisitus, & possessus nos in æternum beat; idcirco nonnulla hæc discutit D. Thomas 1. 2. quæst. 1. tum de fine in genere, tum de fine ultimo in specie. Et primò quidem docet, omnes humanas actiones [quæ scilicet per rationem, ac voluntatem fiunt, atque ex ratione deliberata procedunt] esse propter finem; quia operationes, quæ ab aliqua potentia procedunt, causantur ab illa secundum rationem sui objecti; objectum autem voluntatis est finis, & bonum; ergo actiones humanæ sunt propter finem, seu bonum. Secundò cum omnia agentia agant propter finem, qui sit primum movens, docet Angelicus, proprium esse naturæ rationalis, ut tendat in finem, quasi se agens, & movens; proprium verò esse naturarum irrationalium ad finem agi, ac duci ab alio; sive in finem apprehensum, ut bruta, sive in finem non apprehensum, ut alia, quæ cognitione carent. Tertiò docet, necesse esse dari aliquem ultimum finem humanæ vitæ, qui sit primum movens; quandoquidem sicut in causis efficientibus, sublato primo motore, cessaret omnis motus, & omnis effectus; sic in causis intentionalibus, sublato ultimo fine, qui sit primum movens appetitum in ordine intentionis, cessaret omnis actio appetitus; quandoquidem non haberet, in quo quiesceret intentio, & ad quod actio terminaretur. Quartò voluntatem non posse appetere simul plures ultimos fines, quia ultimus finis debet satiare appetitum rationalem, atque adeò debet omne bonum complecti; unde dari non potest duplex ultimus finis. Quintò hominem quicquid appetit, appetere propter ultimum finem, tum

H 5

quia

quia illud appetit vel sub ratione boni, & perfecti simpliciter, qui est ultimus finis; vel sub ratione tendentis ad bonum perfectum, tum etiam quia sicuti causæ secundæ non movent, nisi secundum quod moventur à primo motore, ita secundo appetibilia, & bona imperfecta non movent appetitum, nisi in ordine ad primum appetibile, quod est ultimus finis. Sextò unum, eundemque esse ultimum finem creaturæ rationalis, & aliarum creaturarum irrationalium, nempe Deum; differre tamen rationales ab irrationalibus quoad ejus assecutionem; rationales enim illum assequuntur cognoscendo, & amando; irracionales verò illum assequuntur, in quantum participant aliquam Dei similitudinem, secundum quod sunt, vel vivunt, aut etiam cognoscunt, & sentiunt. Hæc & alia D. Thomas. Nos hîc solùm inquirimus Primò quid, & quotuplex sit finis, & quænam ejus causalitas? Secundò, Num detur, & in quonam consistat Beatitudo objectiva? Tertiò, Num ejus existentia demonstrari possit quasi à priori ex conceptu cumuli omnium bonorum? Denique quinam sit hominis appetitus erga hanc Beatitudinem?

Q U Æ S T I O I.

Quid, & quotuplex sit finis, & quænam ejus Causalitas?

1. **P**hilosophus 2. Met. 2. Finem sumptum pro causâ finali definit, *Quod non est alterius gratia, sed cujus causa cætera*; id est quod ratione sui appetitur, & cujus causâ cætera appetuntur. Ex qua definitione sequitur primo, ad rationem finis duo requiri; videlicet, & quod sit causâ, cur alia appetantur, & quod ipse non appetatur propter aliud, sed propter se, id est ratione suæ bonitatis, & amabilitatis, unde terminet, ac finiat motum voluntatis. Propterea Philosophus dividens Bonum in Honestum, delectabile, & Utile, dicit, Hone-
stum

stum, & delectabile habere rationem finis, quia propter se appetuntur; secus verò Utile, quia non propter se, sed propter aliud appetitur.

Sequitur 2. Fines intermedios non habere rationem causæ finalis strictè sumptæ, puta si quis studeat ut doctrinam allequatur, & per doctrinam promovere possit gloriam Divinam; doctrina enim, quæ est finis intermedius, non amatur propter se, sed in ordine ad gloriam Dei, atque adeò non participat perfectè rationem finis, sed solum imperfectè, quatenus propter doctrinam amatur studium; & ideò D. Thomas fines intermedios vocat, Quodammodo fines.

Sequitur 3. Idem posse esse Finem, & Medium, sed diversâ intentione; puta si quis bonum honestum, aut jucundum amet ratione sui, ut in casu adducto doctrinam & deinde quia utile est ad obtinendum aliud bonum v.g. gloriam Dei, referat ad illud. Sufficit enim, ut doctrina sit amabilis ratione sui, & sistat intentionem in ea serie, citra considerationem conducentiæ ad gloriam Dei, ut habeat rationem finis præse dicti; quamvis per alium actum, sive realiter, sive ratione distinctum instituat alia series, per quam ad Dei gloriam referatur.

Sequitur 4. Finem dividi in Finem Qui, seu Cujus gratia, & in Finem Cui, Finis Qui, seu Cujus gratia dicitur ille, cujus intuitu media assumuntur; sicut intuitu sanitatis sumuntur pharmaca: Finis Cui est ille, in cujus commodum cedit finis Qui, v.gr. ægrotus, cui exoptatur sanitas. Ex his autem duobus finibus partialibus integratur unus Finis totalis; quandoquidem non amatur sanitas nisi ut conferenda ægrotò.

Sequitur 5. Finem dividi etiam in finem Qui, & Quo; seu in finem objectivum, & formalem; ille est res ipsa quæ intenditur, ut Deus dicitur Finis ultimus Qui; finis verò Quo est ratio, qua finis intentus applicatur finis Cui,

Cui, & possidetur; & ideo nostra Beatitudo formalis dicitur finis Quo.

Sequitur 6. Rectè etiam finem dividi in Finem Operis, & Finem Operantis; Finis Operis est finis, qui Operi naturâ suâ deberur, & ad quem ex se tendit; Finis Operantis est ille, quem sibi præstituit Operans per suam intentionem. Rursus datur Finis principalis, & finis secundarius: sic potest quis recitare Horas tum propter cultum Dei tanquam ob finem primum, tum propter fructus Beneficii tanquam ob finem secundarium. Dividitur etiam Finis in naturalem, & supernaturalem; in totalem, & partialem; in proximum, seu intermedium, & ultimum: & finis ultimus subdividitur in finem ultimum positivè & simpliciter, ut est Deus; ac in finem ultimum negativè, qui est ultimus per hoc quod non referatur ad alium, non per hoc quod non mereatur referri; ut qui studet ultimè propter doctrinam, non referendo illam ad Deum.

II. Circa vim causativam, & causalitatem finis dicendum primò, Vim causativam, seu rationem causandi in fine, esse bonitatem cognitam. Ratio est, quia finis est objectum voluntatis, voluntas autem non movetur ad prosequendum objectum nisi ex bonitate illius cognita; ita tamen ut cognitio sit solum conditio, non ratio formalis causandi; ut approximatio in igne est solum conditio, non ratio formalis comburendi. Et ratio est, quia solum bonum est, quod omnia appetunt; cognitio autem boni non venit in quantum bona in ordine ad movendam voluntatem ad amorem, & ideo est solum conditio.

III. Dicendum 2. Causalitatem finis esse realem, & indistinctam à causalitate causæ efficientis ortam ex bono alliciente voluntatem. Et sanè quod causalitas finis sit realis, constat, quia terminatur ad effectum realem. Quod verò sit indistincta à causalitate efficientis, probatur, quia nulla potest alia causalitas assignari. Nec repugnat eandem

dem causalitatem esse diversarum causarum ; ut patet in causalitate Ideæ , quæ est simul causalitas efficientis ; siquidem eadem causalitas , quæ ponitur Artefactum , prout est ab Artifice , dicitur esse causalitas efficientis , & prout est ab Idea dirigente Artificem ad Artefactum , dicitur esse causalitas Ideæ ; Et eodem modo causalitas , quæ prout est à voluntate , dicitur esse causalitas efficientis , prout est à bono , seu fine alliciente voluntatem ad sui prosecutionem , dicitur esse causalitas finis , quæ dicitur *Motio metaphorica* , non quia non sit causalitas realis , sed quia non est causalitas propria cæterarum causarum.

IV. Neque dicas primò , idcirco causalitatem Ideæ reduci ad causalitatem efficientis , quia causa Idealis reducitur ad causam efficientem , nec constituit diversum genus cauſandi ; at causa finalis constituit diversum genus cauſandi à causa efficiente ; ergo causalitas causæ finalis non potest esse indistincta à causalitate efficientis.

Nam contra est , quia poterant Philosophi velle , quòd Idea constitueret quintum genus causarum , & poterant etiam velle , quòd sicut idea reducitur ad genus causæ efficientis , ita reduceretur causa finalis : unde solum daretur triplex genus causarum , videlicet causæ materialis , formalis , & efficientis. Consultò tamen causam Idealem reduxerunt ad genus causæ efficientis , non verò causam finalem , ob maiorem diversitatem , quam habet in cauſando finis ab efficiente , quàm Idea ; tum quia causa finalis causat movendo voluntatem ad effectum causa verò Idealis dirigendo intellectum ad opus efficiendum ; atque adeo Idea requirit tantum operationem intellectûs , finis verò operationem voluntatis simul , & intellectûs ; cum non possit operatio voluntatis consistere sine prævia operatione intellectûs ; tum etiam quia Idea non potest idealiter effectum causare , nisi actu influat in illum ; seu nisi actu agens intellectuale ab Idea dirigatur , aspiciendo ad illam , ut instar illius opus efformet ; contra verò causa
fina.

finalis potest effectum producere, etiam si non actu influat seu quamvis Agens intellectuale actu non moveatur à Fine, dummodò fuerit à Fine ante prænotum.

Neque dicas 1. Finem non esse causam realem; ergo ejus causalitas non potest esse realis, & indistincta à causalitate efficientis. Antecedens probatur, quia finis habet tantum esse intentionale in intellectu; ergo non est causa realis.

Confirm. Quia sæpè causa finalis est aliquid impossibile, ut quando desideratur impossibile, apprehensum ut possibile, v. g. dum damnati cupiunt Deum non existere; implicat autem quòd impossibile causet effectum realem, ergo.

Resp. Enim *Nego antecedens*, Ad probationem, *nego Consequentiam*. Finis causat effectus reales, quatenus ratione suæ bonitatis intentionaliter existentis movet voluntatem ad sui asssecutionem, cum non possit voluntas ferri nisi in præcognitum; quare finis intentionaliter existens ita allicit voluntatem; ut cognitio sit mera conditio, & bonitas ipsa finis causet effectus reales, qui à voluntate ab eo allestra ponuntur: Quicquid sit, an etiam cum voluntate effectivè concurrat ipsa cognitio ad actus voluntatis; quòd communius negant cum D. Tho. Scoto, Suárez, apud Amictum hìc *disp. 4. sect. 5.* contra Greg. Heræum, & alios.

Ad confirm. *Distinguo minorem*: implicat quòd impossibile cognitum ut impossibile, atque adeò ut malum, moveat ad sui amorem, & causet effectus reales, *concedo* impossibile apprehensum ut possibile, atque adeò ut bonum, *nego minorem & consequentiam*: respectu enim voluntatis perinde se habet bonitas apprehensa ad illam movendam, sive talis bonitas sit vera, & realis, sive impossibilis, & apparens.

V. Dubitatur hìc primò: Utri potius ratio finis conveniat, Fini Cui ne, an Fini Qui? Negant aliqui Finem Qui

Qui

Qui habere strictam rationem finis, quia amatur in ordine ad alium, nempe in ordine ad finem Cui, ut amatur media in ordine ad finem. Alii verò putant, solum Finem Qui habere rationem finis; aliter dum homo amat sibi Beatitudinem, ipse esset sibi finis ultimus, non Beatitudo, seu Deus, quia amaret Deum ut finem Qui, seipsum ut finem Cui. Communiter tamen Doctores apud Amicum docent, utrique fini competere strictam rationem finis, quandoquidem uterque intenditur per modum unius integri finis; nam Medicus v. gr. non intendit solam formam sanitatis, aut solum subjectum, nempe ægrotum, sed intendit formam sanitatis, in ægroto, atque adeo uterque finis voluntatem mover. Quamvis autem finis Cui sit magis ultimatus (cum finis Qui in ordine ad ipsum intendatur) immo etiam eminentiorem habeat vim in movendo voluntatem, nihilominus dicendum rationem finis principalius competere Fini Qui, quam finis Cui: Et ratio est, quia nomen finis convenit ei, quod terminat inquisitionem voluntatis; hæc autem non inquirat subjectum, seu finem Cui, quem jam possidet, sed finem Qui; Quod ex eo patet, quia voluntas solum obtento fine Qui, quiescit; Contra verò obtento fine Cui adhuc est in motu; nam semper v. gr. conquiruntur media, & pharmaca, donec sanitas obtineatur Amico.

VI. Neque obstat primò ratio adducta pro prima sententia; quod scilicet finis Qui ametur in ordine ad Finem Cui, ut media ad Finem. Nam Finis Qui amatur in ordine ad Finem Cui; ut perfectio illius, & ideo eo obtento cessat motus in appetitu, & in Fine Qui habetur vera ratio Finis: Contra verò media appetuntur in ordine ad Finem tanquam ratio assequendi Finem, & ideo non terminant motum appetitus, nec habent rationem Finis.

Neq; obstat secundò ratio pro secunda sententia, quod
scilicet

scilicet homo amans Beatitudinem esset sibi suus ultimus finis: Esset enim sibi suus ultimus finis Cui, non Qui; non est autem contra rationem ultimi finis Qui, nempe Dei, quod ametur propter Creaturam, tanquam propter finem, Cui, & tanquam bonum, & perfectivum ipsius; sed solum est contra rationem finis ultimi Qui, quod ametur propter Creaturam tanquam propter finem Qui; nam sic amaretur tanquam medium ad obtinendum bonum perfectius, quod repugnat ultimò fini.

Adde, quod licet Creatura amet Deum sibi tanquam propter finem Cui, non per hoc Deus ordinatur ad Creaturam tanquam ad finem Cui, per intrinsecum ordinem Dei ad Creaturam, sed per ordinem Creaturæ ad Deum. Sicuti Deus per suam Omnipotentiam dicitur ordinari ad Creaturas possibles, non per ordinem intrinsecum Omnipotentiae ad Creaturas possibles, sed per ordinem istarum ad Omnipotentiam à qua essentialiter dependent. Quemadmodum autem Creaturæ pendent in esse à Deo ut Omnipotente, ita in perfici pendent à Deo ut Summo Bono, atque adeo ut ultimo fine; & ideo Creatura respicit Deum non solum ut finem Qui perfectivum ipsius Creaturæ, sed etiam ut finem Cui, non quem perficiat, sed cujus perfectionem manifestet: etenim Creatura comparatur ad Deum ut medium manifestativum bonitatis, & gloriæ Divinæ; unde Prover. 16. dicitur: *Universa propter semetipsum operatus est Dominus.*

VII. Hinc fit perspicuum adversus Hæreticos, bene posse Deum amari amore concupiscentiæ, & sperari ipsum tanquam summum Bonum nobis, & posse nos intuitu talis mercedis operari, ut videre est in expositione thesium decimæ, ac decimæ tertiæ ab Alex. VIII. confixarum: Cum hoc non importet ordinem intrinsecum Dei ad Creaturas, sed Creaturarum ad Deum, à quo dumtaxat istæ possunt completè perfici, ac satiari, & hoc ipsum ad manifestationem Divinæ gloriæ conducat. Unde
ita

itā Deus est finis ultimus Qui, & Creatura finis ultimus Cui Deus appetitur, ut hoc ipsum, quod est Deum perficere Creaturam, ultimā ad Deum, & ad ejus gloriam reflexe tanquam in finem Cui referatur per amorem amicitiae. Quare itā se habet amor concupiscentiae terminatus ad Deum ad amorem amicitiae, sicuti se habet attritio ad contritionem. Dicimus autem communiter adversus Hæreticos (ut videre est in expositione thesīs 15. ab eodem Pontifice profligatae) Attritionem, quā odio habemus culpam propter poenas, esse honestam, quamvis tali actu magis odio habeamus poenas, quā culpam; Nam propter quod unumquodque tale, & illud magis; quia cum hoc actu minùs perfectō, quo culpam propter poenas odio habemus, & consequenter plus poenas odio habemus, quā culpam, bene potest consistere actus perfectior contritionis, quo magis odio habeamus culpam, quā poenas. Similiter dum Deum amamus nobis amore concupiscentiae, non inordinatè, sed honestè illum amamus, quia quamvis hoc actu magis amemus nosmetipsos quā Deum (finis enim Qui amatur propter finem Cui, & propter quod unumquodque tale & illud magis) nihilominus cum tali actu minùs perfectō coherere potest actus perfectior amicitiae, amando Deum propter seipsum, & ordinando ultimā nostram ipsam Beatitudinem ad gloriam Dei; quinimò perfectiùs amatur Deus utroque actu concupiscentiae simul, & amicitiae, quā solo actu amicitiae, & ideo uterque actus competit Beatis.

Et ratio ulterior est, quia sicut in peccato duplex datur malitia, & odibilitas, altera quia est offensa Dei, altera quia est inductivum poenarum, & nos honestè possumus odisse peccatum propter secundam odibilitatem præscindendo à prima, quia præscindentium non est mendacium in actibus intellectus, nec malitia in actibus voluntatis; itā in Deo duplex attendi potest amabilitas, altera ratione sui, altera quia bonum nostrum est, & nostra beati-

tudo; unde pariter honestè possumus illum amare amore concupiscentiæ ob secundam amabilitatem præscindendo à prima. Quòd si amor concupiscentiæ connectatur deinde amor amicitiae, habetur amor perfectior attingens Deum sub utraque amabilitate; sicuti si attritioni annexatur contritio, habetur dolor perfectior odio habens culpam ob utramque ejus odibilitatem. Quia tamen beati in Deo clarè attingunt utramque hanc amabilitatem, ideo eodem simul actu, qui utramque formalitatem continet, concupiscentiæ, & amicitiae Deum prosequuntur. Unde fit, amorem concupiscentiæ in Beatis nec positivam imperfectionem dicere, nec negativam, sed solum præcisivam, cum non excludat actum perfectiorem amicitiae, sed ab eo in sua ratione formali præscindat; quod pariter dicendum, si quis eodem actu, qui simul attritionis, & contritionis esset, utramque peccati odibilitatem detestaretur. Quare amor Dei propter Creaturas tunc esset inordinatus, Quando Deus amaretur propter Creaturas, ut medium ad Finem præstantiorem, ordinando Deum ad Creaturas, tamquam ad Finem Qui; non verò quando Deus amatur propter Creaturas, ut Finis Qui ad Finem Cui: quamvis tali actu magis amaretur Creatura, quàm Deus, eo pacto quo actu attritionis magis odio habetur poena, quàm culpa.

VIII. Dubitatur 2. An possit idem esse Finis Qui, & Finis Cui? Ad quod dicendum, hos Fines debere saltem ratione distingui. Ratio est, quia amor naturâ suâ tendens in Finem Qui quâ talem, prosequitur tale bonum in ordine ad aliud, videlicet ad Finem Cui; ordinat enim Finem Qui ad Finem Cui; ergo supponit cognitionem comparativam unius cum alio, atque adeò aliquam distinctionem præsupponit, saltem rationis.

Confirm. Quia Finis Cui ita movet voluntatem ad amorem ratione sui, ut ex tali amore consurgat amor Finis Qui; ergo non poterit idem esse Finis Cui, & Qui; aliter amor

amor Finis Qui esset repetitio amoris antecederet terminati ad eundem Finem Cui.

Dices, Possumus Deo amare suam Æternitatem, Omnipotentiam, ac reliqua attributa, cum autem Deus cum suis Attributis identificetur, idem erit Finis Qui, & Cui.

Resp. Ut quis Deo amet sua Attributa, debet præsupponere aliquam distinctionem rationis, saltem secundum explicitum, & implicitum, inter Deum & Attributa; aliter non posset Deus induere rationem Finis Cui, & Attributa rationem Finis Qui, ut ostendimus. Hinc quia Deus perfectissimè seipsum cognoscit, quin possit ullatenus Deus à suis attributis distingui, ne ratione quidem relatè ad intellectum Divinum, ideo non potest sibi velle sua Attributa, ità ut habeatur vera ratio Finis Cui, & Finis Qui, comparando unum alteri; sed solum potest Deus de suis Attributis gaudere, & habere complacentiam, non verò ea sibi amare,

IX. Dubitatur ultimò, Num in Finibus dari possit processus in infinitum, saltem si sint per accidens subordinati ex arbitrio creaturæ, v. gr. si quis velit ambulationem propter sanitatem, hanc ut studeat, studium propter Doctrinam, & sic in infinitum: Sicut in causis efficientibus per accidens subordinatis est abire in infinitum, in sententia admittentium possibilitatem infiniti Categorematici, & Seriei generationum ab æterno?

Resp. cum Philos. 2. Met. 12. & 1. Eth. 2. hujusmodi processum in Finibus repugnare. Ratio est, quia in tali casu omnes Fines essent Fines intermedii, atque adeò haberent rationem medii, non Finis strictè dicti; atqui citra Finem strictè dictum voluntas moveri non potest ad amorem mediorum; ergo non potest dari processus in infinitum in causis finalibus, etiamsi per accidens subordinatis. Probat minor, quia absque Fine strictè dicto, qui sit Primum movens voluntatem ad amorem, non potest amari medium ut medium, quandoquidem omnis electio

medii supponit intentionem finis; ergo absque fine strictè dicto nullus dari posset amor erga illa infinita media, seu fines intermedios: Sicut nullus potest dari motus intentionalis, seu discursus, quin dentur prima principia, unde motus incipiat.

X. Confirm. Quia in causis efficientibus debet dari Primum movens, ergo etiam in causis finalibus. Consequentia sequitur vi paritatis. Antecedens demonstratur adversus Atheos, quia vel Atheus fingeret processum in infinitum sine Primo Motore in causis per se subordinatis ità ut v. gr. effectus, qui nunc producitur, non possit esse absque influxu suæ causæ immediatæ, neque hæc causa sine influxu alterius, à qua essentialiter etiam dependeat, & sic in infinitum; & hoc censetur ab omnibus inopinabile; unde nemo somniavit processum in infinitum in causis per se subordinatis, ità ut non possit aliquis effectus esse sine actuali influxu infinitarum causarum essentialiter subordinatarum: Vel fingit Atheus processum in infinitum in causis per accidens subordinatis, ità scilicet ut non requiratur essentialiter influxus iste infinitarum causarum sed influant per accidens; & jam dari debet causa Prima, seu Primus Motor, qui disponat ad sui arbitrium istas infinitas causas per accidens: positâ autem causâ primâ, necessario sequitur, quòd immediatè in omnes & singulos effectus influat, ergo non potest dari in causis efficientibus processus in infinitum absque prima Causa Efficiente. Hinc retorquetur paritas adducta ab Adversariis putantibus, quòd sicut potest dari processus in infinitum in causis per accidens subordinatis, juxta sententiam admittentium possibilem esse seriem generationum ab æterno, ità dari possit in finibus; transmissio enim antecedente, sequitur consequentia opposita. Nam etiam dato processu in infinitum in efficientibus per accidens subordinatis, adhuc dari debet Causa Prima, quæ collectionem illarum infinitarum causarum per accidens ad sui arbitrium dispo-

disponat, & cum quibus immediatè influat : unde etiam datâ illâ serie causarum adhuc dari debet Primum Movens efficienter ; ergo etiam in finibus dari debet Primum Movens intentionaliter, seu Ultimus finis.

Q U Æ S T I O II.

Num detur, & in quonam consistat Beatitudo objectiva creaturæ rationalis.

I. **N**omine objectivæ Beatitudinis venit apud omnes Bonum illud itâ sufficiens explere appetitum hominis, ut eo dumtaxat possessio, hic plenè sit contentus propter ipsam boni sufficientiam ; unde fit, hujusmodi bonum debere esse permanens, stabile, & continens omnia bona à nobis desiderabilia, aptum constituere statum omnium bonorum aggregatione perfectum. Hinc Aug. lib. 13. de Trin. cap. 4. dicit : *Beatus est, qui habet omnia, quæ vult, & nihil malè vult* : nisi enim habeat omnia, quæ naturali, & rationali appetitu desiderat, contentus esse non potest. Non debet tamen aliquid malè velle, eò quòd malitia voluntatis impediat potius, quàm promoveat beatitudinem. His positis

II. Dico 1. Datur ultimus Finis, & beatitudo objectiva creaturæ rationalis.

Conclusio est Fide certissima, & Prob. 1. ex omnium etiam Gentilium Philosophorum consensu, qui quamvis erraverint in ea constituenda ; Alii enim in divitiis beatitudinem reposuerunt, Alii in voluptatibus, in honoribus, in fama, & gloria, in internis, & externis animi bonis ; omnes tamen conveniebant, dari ultimum Finem ; quo appetitus expleatur. Secundò ratione, quia omnes naturaliter beatitudinem appetunt ; naturalis autem appetitus frustraneus esse non potest ; ergo dari debet beatitudo, quæ naturaliter appetitur, & quæ finè objectiva beatitudine dari non potest.

Confirm. Quia quælibet res habet suum Finem, ad quem ex inclinatione naturæ tendit suis operationibus; ergo etiam Creatura rationalis quâ talis habere debet suum Finem, ad quem naturæ ductu dirigatur per suas operationes à ratione directas, & quo obtento, quiescat. Alioquin deterioris conditionis esset creatura rationalis, quàm reliquæ res creatæ; ea quippe careret suo ultimo Fine, qui est summa rei perfectio, in qua tanquam in optimo requiescit: ergo datur ultimus Finis creaturæ rationalis.

III. Quæritur hîc, An possit homo liberâ suâ operatione constituere sibi plures Fines ultimos simpliciter? Et communiter cum D. Thom. 1. 2. *quest. 1. art. 5.* negant. Nam Finis simpliciter ultimus explere debet totaliter appetitum rationalem, itâ ut nihil amplius appetendum supersit; aliter non esset simpliciter ultimus, & beatitudo objectiva satians; atqui hoc ipso quòd Fines sunt plures, eo ipso nullus illorum explere potest, & satiare appetitum; quandoquidem, uno obtento, adhuc remaneret appetitus ad alios; ergo &c. Quare quamvis peccans vellet plures habere Fines ultimos, nempe Deum, & Creaturam, seu bonum delectabile prohibitum; creatura tamen erit peccatori Finis ultimus solum negativè, quatenus non ordinaret illam ad Deum, immò Divino beneplacito, & amicitia illam præferret; non tamen erit Finis ultimus simpliciter.

IV. Difficultas fuit apud Gentiles Philosophos, In quonam consisteret Finis ultimus hominis? Celeberrima opinio apud Philosophum 1. Eth. 4. & D. Thom. 1. 2. *quest. 2.* docebat, consistere in bono aliquo creato complectente omnia bona animi, corporis, & fortunæ; & ratio istorum Philosophorum erat, quia beatitudo debet miseriam omnem excludere; si autem desint hæc omnia bona, adest miseria; ergo in eorum complexo felicitas consistit. Neque enim putabant, consistere posse in bono Increato, cum natura non videatur capax assequendi tantum

tum bonum, Catholici tamen omnes, & Theologi oppositum sentiunt.

V. Dico itaque 2. Hominis objectiva beatitudo nullatenus in bono creato aut bonorum creatorum complexo consistere potest, sed unicè in Deo Opt. Max. cumulo omnium bonorum.

PROB. In eo dumtaxat consistit beatitudo objectiva hominis, quo obtento perfectè expletur ejus appetitus; hujusmodi autem est solus Deus; ergo; Major constat ex definitione beatitudinis, quæ est bonum quietans, & satians. Minor probatur; in ejus dumtaxat boni assécutione, & perfecta possessione quiescit humanus appetitus, quod omne omninò bonum includit; hujusmodi est solus Deus; ergo. Probatur Major Illud dumtaxat bonum satiat appetitum, quod possessum non relinquit illum cum ulteriores tendentia ad possessionem alterius boni; sed nisi bonum possessum contineat omne bonum, eo ipso relinquit appetitum cum tendentia ad possessionem alterius boni; ergo bonum quietans appetitum debet omne bonum includere. Hinc Aug. 1. lib. de Conf. cap. 1. *Facti sumus ad te, & inquietum est cor nostrum, donec requiescat in te*, & Ps. 102. dicitur de solo Deo; *Qui replet in bonis desiderium tuum*.

VI. Neque dicas, humanum appetitum, utpote finitum, expleri adæquatè posse solùm à bono finito: pugnat enim subjectum esse finitum, & ejus capacitatem esse infinitam. Quod confirmatur, quia aliter neque posset satiari bono infinito possessio per actum finitum; quandoquidem etiam maneret in potentia ad actum perfectiorem.

Nam contra est, quia quamvis humanus appetitus sit entitativè, & subjectivè finitus, est tamen infinitus objectivè: sicut cognitio Dei est finita entitativè, sed terminativè infinita; & potentia intellectiva, quæ est finita, potest se extendere ad attingenda bona infinita. Quare potest appetitus entitativè finitus ferri naturæ suæ in

bonum infinitum, cuius dumtaxat possessione expleatur. Nec habetur ulla improportio inter huiusmodi potentiam appetitivam finitam, & terminum infinitum; tum quia talis terminus non possidetur nisi actu finito ad illum terminato; tum etiam quia proportio potentiae, vel actus cum suo objecto non debet esse proportio æqualitatis, & entitativa, sed adaptationis in ratione perfectibilis, etiam perfectivi, sicut punctum dicitur habere proportionem cum linea absque ulla æqualitate.

Ad confirm. *nego sequelam*: nam manere in potentia ad actum perfectiorem non tollit quietem, & satietatem; quia non est manere in potentia ad objectum perfectius, seu ad aliud bonum possidendum, cum eadem omnino bonitas objectiva ab omnibus beatis inæqualiter possideatur possessione, quoad speciem perfectā, ratione objecti summè boni, & ratione modi tendendi consentanei naturæ, & meritis uniuscuiusque.

Neque replices, beatitudinem haberi non posse absque possessione bonorum, quæ non solum animum, sed etiam corpus beent, & perficiant; ergo etiam per possessionem divitiarum, honorum, & bonorum externorum ea constitui, & compleri debet; Et ratio est, quia horum indigentia fert miseriam corporis, impossibilem cum animi felicitate.

Nam contra est, quia possidens Deum hæc omnia virtualiter possidet; cum ea omnia in bono Increato eminenter contineantur. Concedo equidem, ad beatitudinem physicè completam, & integram pertinere etiam corporis beatitudinem; cum beatitudo sit status omnium bonorum aggregatione perfectus; quare sicut corpus integrat hominem, ita beatitudo corporis integrare debet hominis beatitudinem; At ad beatitudinem essentialem satis est mera conjunctio cum summo bono, ejusque possessio, ex qua derivet, tanquā proprietas consequens, beatitudo corporis

Neq; urgeas, quòd corpus integret hominē essentialiter;
ergo

ergo beatitudo corporis debet pariter essentialiter pertinere ad hominis beatitudinem.

Negatur enim consequentia; & disparitas est quia corpus convenit cum anima in ratione partis essentialis ad constituendum compositum physicum; contra verò beatitudo objectum corporis (videlicet bona externa, & sensibilia) non conveniunt cum beatitudine objectiva animæ, nempe cum Deo in ordine ad constituendum unum objectum beatificum: quia beatificum objectum propriè dicitur respectu appetitus rationalis, quā talis; aliter, ut rectè infert Philosophus primo Eth. 9. etiam respectu brutorum daretur objectum beatificum.

VII. Ex dictis summam colligitur; quòd fusè Philosophus 1. Eth. 5. & D. Thom. hic docent de beatitudine objectiva; Et primo quidem non posse eam consistere in divitiis; quia beatitudo expetitur propter se; divitiæ verò propter alia, videlicet ut subveniatur humanis defectibus v. g. famis, nuditatis &c. Secundò nec posse in honoribus consistere; quia beatitudo debet esse in beato, & sub ejus dominio; honor autem est in honorante, non in honorato, & est in dominio honorantis, ita ut possit facilè auferre illum ab honorato. Præterquam quòd honor desideratur solum in signum excellentiæ; beatitudo autem est ipsa maxima excellentia naturæ rationalis, propter quam est honorabilis. Tertiò non consistit in potentia, seu potestate; nam possumus uti potentiā tam rectè, quàm malè; & ipsa in rectum usum ordinatur; At beatitudine non possumus malè uti, & ipsa, cum sit ultimus finis, non ordinatur ad aliud. Quartò nec potest in fama, & gloria humana consistere. Fama enim ex Aug. est *Clara alicujus notitia cum laude*, melius autem est habere bonum, propter quod naturā humana est glorificabilis, & laudabilis, quàm habere laudem; ergo non potest beatitudo in hujusmodi laude, fama, & gloria consistere, ut diximus de honore, Adde, beatitudinem in hominibus ma-

lis dari non posse, nec conjungi cum malitia peccati; fama autem, honores, divitias, & potestatem, atque alia bona sensibilia esse posse in malis hominibus, certum est.

Denique non potest in bonis corporis consistere, puta in sanitate, robore &c. quia corpus ordinatur ad animam, sicut instrumentum ad suum motorem, habetque pro fine animam; ergo bona corporis ordinari etiam debent ad bonum, & felicitatem animæ. Hinc nec potest consistere in ipsa vita animæ in actu primo, aut in unione animæ ad corpus; quia hæc etiam ordinantur ad vitam in actu secundo, hoc est ad operationes animæ præstantissimas intelligendi, & volendi. Nec potest in ulla operatione sensitiva, nec in voluptate corporea consistere, quia anima per hujusmodi operationes potest bonum dumtaxat sensibile possidere; beatitudo verò consistit in possessione cumuli omnium bonorum. Neque demum consistere potest in cumulo omnium bonorum creatorum; tum quia istorum plurima sunt impossibilia: atque adeò non potest ab iis animus satiari; tum etiam quia talis cumulus imperfectus est, utpote cumulus imperfectorum, atque adeò excludit perfectionem, ac bonum non chymæricum extra illum cumulum, nempe bonum In-creatum; in quo unè nostra beatitudo consistit.

Q U Æ S T I O III.

Num possit quasi in priori demonstrari existentia beatitudinis objectivæ ex conceptu cumuli omnium bonorum?

1. **V**alde gloriosum Numini arbitror ostendere, quomodo suâ se luce prodat inquirenti ipsum: propterea non pigeat paucis hic recolere quæ hac de re in prima parte conficere conati sumus. Quæritur itaque, an possit Adversus Atheos existentia beatitudinis objectivæ etiam

etiam quasi à priori demonstrari ex ipso conceptu entis puri, & optimi cumuli omnium bonorum, includentis omnem defectum.

Censeo equidem, demonstrari posse. Ita Perez, Esparza & alii Recentiores ex D. Anselmo apud Arriagam *disp.* 1. de Deo *sect.* 2. Demonstratio hæc ex primis, & notissimis sic procedit. Si demonstraretur possibilitas entis puri, & optimi, includentis omne bonum, seu omnem perfectionem eo ipso demonstraretur quasi à priori ejus existentia; sed de facto demonstratur entis optimi possibilitas; ergo demonstratur etiam quasi à priori ejus existentia; Major admittitur; nam cum inter perfectiones potissima sit existentia, eo ipso, quod ens purum includens omnes perfectiones esset possibile, deberet etiam hanc perfectionem includere, atque adeò deberet necessario existere; unde demonstratâ ejus possibilitate, demonstratur pariter existentia; non quidem rigorosè à priori, quia existentia non descendit à possibilitate cumuli omnium perfectionum, tanquam ejus proprietas; sed tanquam una ex perfectionibus in eo cumulo formaliter, & implicite inclusa; & ideo demonstratio dicitur esse quasi à priori, non verò rigorosè à priori seu per causam.

Minor itaque, quod scilicet ens optimum non sit chymæra; sic demonstratur: Nulla chymæra est ens purum; ergo ens optimum non est chymæra: consequentia est evidens; nam ex regula summulistica, propositio negativa universalis convertitur simpliciter; v. g. si nullus lapis est homo, tenet evidenter illatio; ergo Nullus homo est lapis: quare si nulla chymæra pro statu exercito est ens optimum; tenet evidenter illatio; ergo quod est ens optimum, pro statu exercito, non est chymæra. Antecedens autem videtur perspicuum, quod scilicet Nulla chymæra sit ens optimum pro statu exercito; si enim nulla chymæra est bonum, prout bonum convertitur cum ente reali, à fortiori nulla chymæra est summū
& pu-

& purum bonum, seu optimum, evidens enim est, quod non possit esse summè tale, quod non est tale, v. g. summè sapiens, ac lucidum, quod non est sapiens, aut lucidum.

II. Confirm. 1. Nulla chymæra, si ponatur exercitè, excludit quodcumque malum, & quamcunque imperfectionem [cùm non possit excludere se ipsam, quæ est aliquod malum, & imperfectio] ergo ex eadem regula summulistica illud ens, quod si ponatur exercitè, excludit simpliciter quodcumque malum, & quemcunque defectum, seu ens optimum, non est chymæra.

Confirm. 2. à contrario. Quia nullum ens possibile, si ponatur exercitè, excludit omne bonum, cùm non excludat se ipsum quod est aliquod bonum, ideo tenet illatio; ergo id, quod si ponatur exercitè, excludit omne bonum, non est possibile; ergo pariter quia nulla chimæra, si ponatur exercitè, excludit quodcumque malum, cùm non excludat se ipsam, quæ est aliquod malum, tenebit illatio; ergo illud ens, quod si ponatur exercitè excludit quodcumque malum, & quemcunque defectum, nempe Deus, non est chimæra.

Neque dicas induendo personam Athei, quod ens optimum, si poneretur à parte rei, & pro statu exercito, esset, & non esset optimum; excluderet, & non excluderet omne malum, & omnem defectum, ac proinde est chimæra; Non secus ac creatura optima excludens omnem defectum.

Nam contra est, quia quamvis verum sit, quod creatura optima, si poneretur exercitè, excluderet, & non excluderet omnem defectum, ut mox ostendemus; at id dici non potest de Ente optimo: evidens enim est, quod nulla chimæra sit ens illud optimum, quod si poneretur à parte rei, excluderet tantùm omnem defectum, & contradictionem, quin excluderet, & non excluderet; ergo ex illa regula summulistica ens illud optimum, quod si ponatur

natur exercitè, excludit tantum omnem contradictionem, & defectum, non est chymæra.

III. Demonstratio autem à priori ejusdem antecedentis, quod scilicet nulla chymæra sit ens purum, & optimū sic apertius procedit. Chymæra idem est, ac contradictio, seu esse, & non esse; ergo id, quod si exercitè existat, non involvit esse, & non esse, evidens est, quod non sit chymæra; atqui evidens pariter est, quod ens purum, seu ens, quod est tantum ens excludens omne non esse, seu quascumque imperfectiones ex conceptu suo, si existat exercitè prout concipitur, non involvat esse, & non esse; ergo evidens est, quod ens purum, & optimum, si existat, prout concipitur, non involvat exercitè contradictionem, atque adeò non sit chymæra; sicut enim lux, quæ est pura lux, & non involvit tenebras, si existat, prout concipitur, evidens est, quod sit pura lux, & non includat tenebras; ita ens, quod est purum ens, si existat, prout concipitur, evidens est, quod non includat esse, & non esse, atque adeò non sit chymæra.

Neque replices importune, verum esse, quod si ens purum existat exercitè, prout concipitur, non involvat esse, & non esse, nec sit chymæra; sed quomodo adversus Atheum demonstrabitur, quod hujusmodi ens purum existere possit exercitè prout concipitur? Nam contra est, quia demonstravimus jam in primo syllogismo, quod si demonstraretur, ens purum non esse chymæra, demonstraretur etiam, quod existat; quod autem ens purum non sit chymæra, evidenter demonstratur ex hoc, quod si existat exercitè prout concipitur, non involvat esse, & non esse, seu contradictionem; ergo evidenter demonstratur non solum, quod possit existere prout concipitur, sed etiam quod de facto existat.

IV. OBJIC. I. Si demonstratio adducta esset efficax, & concluderet possibilitatem, & existentiam entis optimi, eadem ratiocinatione posset evidenter demonstrari possibi-

sibili-

sibilitas, & existentia creaturæ optimæ Numeri maximi, Trinitatis individuae perfectissimæ; consequens non admittitur; ergo nec antecedens. Probatür sequela, quia pariter dici posset; Nulla chymæra est Trinitas perfectissima, aut creatura optima; ergo Trinitas perfectissima, aut creatura optima non est chymæra. Ideo autem in his casibus demonstratio non concludit, quia creatura est optima tantum *signate*, non *exercite*, seu significatur tantum esse optima, at non ponitur optima eo ipso quod ponitur esse creatura, Hoc idem dicit Atheus assumens omne ens esse limitatum, & creatum; dicit enim, ens posse esse optimum *signate*, non *exercite*, ut proinde sicut est falsum, quod Nulla chymæra sit creatura maxima, ita falsum sit quod Nulla chymæra sit ens optimum; & sicut non est evidens, quod Nulla creatura sit Trinitas optima [quamvis de fide sit, quod ea non sit chymæra] ita nec est evidens, quod Nulla chymæra sit ens optimum.

Resp. Nego sequelam. Ut autem appareat discrimen inter ens optimum, & creaturam, seu Trinitatem optimam, adverto, universim tunc eodem modo rem esse *signate*, seu prout *signatur*, & *exercite*, seu prout *ponitur*, quando prædicata rei, quæ concipiuntur, nullam dicunt inter se oppositionem; v. gr. quia prædicata hominis, videlicet animal, & rationale, non dicunt inter se oppositionem, homo prout est in statu *signato*, nempe animal rationale, est pariter in statu *exercito*; contra verò quando prædicata rei, quæ concipitur opponuntur inter se, tunc aliter se res habet *signate*, aliter *exercite*; v. g. homo hinnibilis *signatè* tantum est homo, sed *exercitè* non esset homo, quia hinnibilitas in statu *exercito* destrueret rationem hominis. Hinc fit, quod creatura optima aliter sit *signate*, & aliter *exercite*; est enim *signate* optima, quia ut optima significatur; at *exercite* non esset optima excludens omnem defectum, quia esset creatura, quæ essentialiter includit dependentiam, & defectum.

Adver-

Advertendum ulterius, prædicata alicujus rei, quæ concipitur, aliquando evidens esse, quòd non opponantur, ut apud nos evidens est, quòd prædicata hominis non opponantur inter se, & in tali casu evidens etiam est, quòd res prout est signatè, sit etiam exercitè; aliquando verò prædicata rei, quæ concipitur, evidens est, quòd inter se opponantur, ut apud nos evidens est, quòd opponantur prædicata hominis hinnibilis, Creaturæ optimæ; & in tali casu evidens est, quòd hujusmodi res aliter sit pro statu signato, aliter pro exercito. Aliquando autem certum est, sed obscurum, an prædicata alicujus rei, quæ concipitur, opponantur, nempe prædicata Trinitatis optimæ; de fide enim est, quod non opponantur: sed id non est evidens, & in tali casu certum est, sed obscurum, quod hujusmodi res eodem modo sit signatè, ac exercitè. Aliquando denum obscurum simul, & incertum est, num opponantur prædicata rei, quæ concipitur v. g. prædicata creaturæ ab æterno, substantiæ creatæ supernaturalis &c. & in tali casu incertum etiam est, an hujusmodi res eodem modo sit signatè, ac exercitè.

Ad rem nostram: Evidens omninò est, quòd prædicata entis puri, importantis tantum esse, & excludentis omne non esse, non sint prædicata opposita; cum non possit dari oppositio, seu contradictio, nisi habeatur esse simul, & non esse; ubi autem est purum esse, ibi evidens est, quòd non habetur ex conceptu suo esse, & non esse, ergo evidens est, quòd ens purum prout est in statu signato absque ulla contradictione, ita pariter sit exercitè; unde evidens est, quòd non sit chymæra. Contra verò evidens est, quòd creatura optima, & numerus maximus dicant prædicata opposita, atque adeò aliter sint signate, ac exercite; unde evidens est, quòd sint chymæra. Præterea certum, sed obscurum est, quod Trinitas optima non dicat prædicata opposita, adeo ut aliter debeat esse signate, ac exercite, unde certum, & obscurum est;

est, quòd non aliter se habeat in utroque statu. Quare solum de ente puro ex ipso suo conceptu demonstratur possibilitas, & existentia, non verò de creatura, aut de Trinitate optima: est enim ens purum ex suo conceptu ens, quòd est tantum esse, excurrens ad omne esse, prout Deus de semetipso dixit Moyse Exod. 3 *Ego sum, qui sum*; quasi diceret, in me nullum non ens, sicut nullæ tenebræ, sed pura lux; ubi autem non habetur non ens, ibi evidenter non potest haberi contradictio, seu chimera.

Breviter, Illud evidenter potest existere exercitè prout concipitur, seu prout est signatè, quòd si existat prout concipitur, non involvit contradictionem, seu esse, & non esse; atqui purum ens si existat exercitè prout concipitur, seu prout est signatè, evidenter non includit esse, & non esse; ergo purum esse evidenter potest existere exercitè, prout est signatè atque adeò evidens est, quòd non fit chymæra.

V. OBJIC. 2. Purum non ens, seu purum malum excludens omnes perfectiones, si existat, dicit exercitè utramque partem contradictionis, quamvis signatè dicat unam tantum, nempe non esse, ergo è contra purum ens seu purum bonum includens omnes perfectiones, si existat, dicit exercitè utramque partem contradictionis, quamvis signatè dicat unam tantum, nempe esse.

Respond. 1. Retorqueo paritatem: purum non ens evidenter repugnat, quòd existat, seu, si existeret, trahe-
ret utramque partem contradictionis pro statu exercito; ergo purum ens evidenter repugnat, quòd non existat. Prob. *Conseq.* ideo enim primum, quia purum non ens, seu purum malum idem est, ac ens excludens omnem omnino perfectionem, atque adeò existentiam; si autem existeret ex una parte excluderet existentiam, quia esset purum non ens: ex altera parte non excluderet quia existeret; ergo utramque partem contradictionis evidenter involveret pro statu exercito, si existeret. Atqui purum
ens

ens, & purum bonum idem est, ac ens includens omnem omnino perfectionem, atque adeo existentiam; si autem non existeret, ex una parte includeret existentiam, quia esset purum ens, ex altera parte non includeret, quia non existeret; ergo evidenter utramque partem contradictionis traheret pro statu exercitio, si non existeret, unde paritas retorquetur, & conclusionem confirmat: sicut enim purum non ens, quia excludit ex suo conceptu omnem perfectionem, debet possibilitatem etiam, & existentiam excludere, ita purum ens, cum includat omnem perfectionem, debet possibilitatem etiam, & existentiam includere.

Resp. 2. directe: *nego consequentiam*; Disparitas est, quia quamvis purum non ens signatè dicat unam tantum partem contradictionis, nempe non esse, exercitè tamen, seu, si existeret, deberet habere existentiam, quæ est perfectio; atque adeo exercitè evidenter haberet prædicatum oppositum prædicatis, quæ habet signatè. Contra verò Purum ens includens omnem perfectionem, si existat exercitè, non habet prædicatum oppositum prædicatis, quæ habet signatè, quia existentia est una ex perfectionibus, quæ evidenter non opponitur cumulo perfectionum, sed in illo imbibitur, sicut lux secundum quod lux non opponitur luci puræ, sed tantum tenebris; ergo exercitè nullam contradictionem involvit: immo evidenter contradictionem involveret, si non existeret.

VI. Concludo, demonstrari posse beatitudinis objectivæ existentiam non quidem rigorosè à priori, seu per causam, quod negat unicè D. Thomas, & alii apud Hauldum, cum Deus quavis causâ careat, sed quasi à priori ex ejus possibilitate; quod affirmat D. Anselmus apud Arriagam *dist. 1. de Deo sect. 2.* inferens Dei existentiam ex eo, quod sit Id, quo melius excogitari non potest. Ratio, cur hæc demonstratio dicatur esse quasi à priori, est quia cum apud nos prius sit rem, puta Antichristum,

esse possibilem, quàm existere, dicitur esse aliquo modo à priori demonstratio existentiae Dei, deducta ex ejus possibilitate. In qua tamen demonstratione nunquam assumitur, quod est demonstrandum, videlicet Deum existere, quod immeritò obijciunt Adversarii. Neque dicat Haunoldus, quòd dum dicimus ens purum, si significamus ens reale, assumimus quod est demonstrandum, si verò ens præscindens à reali, vel chymærico, jam conciperetur aliquid præscindens à bono, & malo: nam sicut dum quæritur V. gr. An sit chymæra, visio indestruibilis, Creatura ab æterno &c. concipitur aliquid, quod præscindit ab ente reali, & chymærico; non quidem præcisione rigorosâ (attingendo prædicatum, quod sit compossibile tum cum ente reali, tum cum chymærico) sed præcisione minùs rigorosâ, quatenus non discernitur ex ipsis terminis, num visio indestruibilis sit ens reale, an chymæricum; ità cum dicimus, Nulla chymæra est ens purum, ex parte solius prædicati attingimus ens purum, non discernendo, Sitne chymæra, nec ne? quod deinde conferendo cum prædicatis chymæra, affirmamus evidens esse, quòd non sit chymæra ex suo conceptu, cum careat non ente, quod est unum ex constitutivis chymæra.

Q U Æ S T I O IV.

De Appetitu Hominis erga Beatitudinem.

I. **N**onnullis quæsitis perstringemus ea, quæ passim inquiri solent circa hominis appetitum erga Beatitudinem.

Quæritur itaque I. Num appetitus noster erga beatitudinem sit innatus, an elicitus?

Resp. Esse innatum, & ex hoc innato appetitu nos per modum naturæ determinari etiam ad appetitum elicitum. Quòd sit innatus, probatur, quia omnis natura habet appetitum innatum erga suum perfectivum; est autem beati-

beatitudo, summa, & ultima perfectio naturæ rationalis ; ergo ad illam homo tendit appetitu innato. Quod autem ex hoc ductu naturæ determinemur ad appetitum elicitum beatitudinis, constat experientiâ, ut advertit Augustinus *lib. 13. de Civitate cap. 3.* ubi refert historiam cujusdam Mimi, qui cum promississet in theatro se divinaturum, quid omnes vellet, dixisse perhibetur : *Vili vultis emere, & caro vendere.* Sed ostendit Aug. dictum Mimi fuisse falsum; fortè enim nonnulli volebant justo pretio vendere, ac emere; Unde subdit, *At si dixisset Mimus, Omnes beati esse vultis, miseri esse non vultis, dixisset aliquid, quod nullus in sua non agnosceret voluntate; quicquid enim aliud quisquam latenter velit ab hac voluntate, quæ omnibus sat nota est, non recedit.*

Ex hoc autem, quod appetitus erga beatitudinem sit innatus, atque adeo naturaliter sit debita beatitudo, sequitur, quod eâ obtentâ secundum sui essentialia, appetitus conquiescat, nec possit non esse essentialiter Beatus, qui illam possidet; quamvis aliquando non sit physicè, & integraliter completa beatitudo, si leve aliquod bonum illi desit. Propterea in disputatione antecedenti *quest. 8.* diximus, quod si videns Deum videat se privandum ad tempus non solum auctore fructivo, sed etiam ipsâ Dei visione, immò ad tempus fore cruciandum, dummodo videat non defuturam sibi beatitudinem saltem naturalem in perpetuum, adhuc esset essentialiter beatus, quia scilicet carentia illa boni debiti levis, vel non causat tristitiam, eò quod animus absorbeatur ab ingenti voluptate; Ex Philosopho enim *lib. 6. Eth. 14. Voluptas vehemens pellit dolorem*; vel si causaret aliquam mœstitiolam, hæc impediret solum beatitudinem physicè integram, non essentialem, ut patet in Christo Domino, qui in hortu cum mœstia conjungebat essentialem beatitudinem; Sicut carentia digiti non impedit essentialiam hominis, sed solum ejus integritatem. Est autem mœstitiola, carere

ad tempus etiam ipsâ visione beatâ, quæ possidetur, quia quodcumque longum tempus relatè ad æternitatem est veluti instans; carere autem per instans visione Dei cum certitudine, quòd ea sit habenda in perpetuum, est carere levi bono: Contra verò qui videret in Deo viso se privandum beatitudine etiam naturali in æternum, tunc, quia videret se privandum bono debito ingenti, eo ipso careret beatitudine etiam essentiali; quia quantò magis Deum visum diligeret, tantò magis tristari deberet ex amissione tanti boni in perpetuum.

Quòd si anima separata videat in Deo, se privandam in perpetuum beatitudine corporis connaturaliter debitâ, quia videtur esse carentia boni debiti levis præ bono, quod possidet ex visione, ac fruitione Dei. Quicquid sit, an beatitudinem essentiali haberet, qui videret in Deo decretum, quòd esset privandus in æternum amore fructivo, non verò visione Dei? Probabiliter enim carentia tanti boni proprii naturæ, ac potentie rationalis videtur carentia boni debiti ingentis, trahens tristitiam impossibilem cum beatitudine essentiali.

II. Quæritur 2. An quicquid homo vult præter beatitudinem, seu finem ultimum, necessario velit propter illam?

Resp. cum Vasquez *disp. 6. cap. 2.* Salas, Martino, quòd homo quicquid vult præter beatitudinem, appetat propter illam solùm interpretativè. Ratio est, quia non appetimus bona particularia propter beatitudinem formaliter, & expressè, ut constat experientiâ. Neque virtualiter, ità ut ex intentione finis ultimi præterita procedant omnes intentiones finium particularium; multa enim amamus, quin præcesserit amor ultimi finis, vel si præcesserit, non perseverat virtualiter, dum particularia bona amamus, ità ut influat, ac determinet ad istorum amorem. Nec demum habitualiter; tum quia non est necesse, quòd præcesserit intentio ultimi finis ad amorem bonorum

rum particularium, tum quia etiam si præcefferit, potuit tamen per voluntatem oppositam ejus habitualis perseverantia interrumpi; Nam qui per peccatum deserit amorem ultimi finis, non dicitur deinde alia bona appetere ex intentione ultimi finis habitualiter perseverante; cum ea sit interrupta per peccatum. Quare quicquid homo appetit præter beatitudinem, solum interpretativè appetit propter illam, confusè saltem, & abstracto cognitam; quatenus quisque particulare aliquid bonum vult, aut malum fugit, ita censetur erga illud affectus, ut bonum totale, ad quod particulare ordinatur, esset voliturus, si offerretur. Quod constat tum experientiâ, tum quia propter quod unumquodque tale, & illud magis; ergo si amamus bonum particulare, quia est pars beatitudinis, à fortiori integra beatitudo amaretur, si repræsentaretur. Hinc Aug. lib. de Epicureis cap. 4. dicit: *Qui bonus est, ideo bonus est, ut beatus sit; & qui malus est, malus non esset, nisi inde se beatum esse speraret. Pone aliquem furem; quare ab illo, cur furtum facis? Ut habeam, inquit, quod non habebam. Quare vis habere quod non habebas? quia miserum est non habere. si ergo miserum est non habere, beatum putat habere.* Hactenus Aug.

Neque dicas, hinc sequi, quod ea appetamus interpretativè propter Deum, & sic furem furari ex. g. propter Deum. Nam quamvis hoc in aliquo bono sensu admitatur à nonnullis Thomistis apud Vasquez *disp. 6. cap. 3.* Verius tamen negandum; est enim aurium offensiva hujusmodi locutio; quia appetere aliquid propter Deum, propriè significat appetere aliquid, ut placeamus Deo, quod non habetur in fure, quamvis appetat bonum inhonestum, ut bene sit per illud, & interpretativè, ut sit perfectè beatus.

III. Quæritur 3. An homo habeat appetitum naturalem etiam ad beatitudinem supernaturalem.

Prima Sententia cum Scoto, Valentia apud Amicum

disp. 2. sec. 14. affirmat. Secunda cum Ferrariensi, & Conrado docet, esse in homine naturalem appetitum videndi Deum, ut Auctorem effectivum naturalium, quia scilicet homo naturaliter ex cognitione effectuum naturalium cupit eorum causam videre. Tertia omnino negat, naturalem appetitum visionis beatæ competere Creaturæ Ità Cajet. *Suar. Vasq. disp. 22. cap. 2.* Amic. *lib. 1.* & alii.

Dico equidem cum hac tertia sententia, Nullum esse in homine naturalem appetitum ad beatitudinem supernaturalem; Neque ad videndum Deum, ut Authorem effectuum naturalium.

PROB. Implicat dari inclinationem, & appetitum naturalem ad actum quoad substantiam supernaturalem; talis est beatitudo supernaturalis, & visio Dei, etiam ut Auctoris effectuum naturalium; ergo implicat hujusmodi appetitus naturalis. Major probatur, quia inclinatio naturalis ad terminum naturaliter inaccessibilem repugnat, utpote quæ data esset à natura non solum incassum, sed etiam ad torturam: quare solum in intellectu datur capacitas, & potentia obedientialis ad visionem, non aliter ac datur in anima V. gr. capacitas ad Unionem hypostaticam citra naturalem appetitum.

Ad id, quod obijcitur pro secunda sententia, respondetur, in homine esse naturalem appetitum cognoscendi Deum Authorem effectuum naturalium eâ cognitione, quæ sibi naturaliter est possibilis, non tamen cognitione intuitivâ, quæ est supernaturalis, sicut nec comprehensivâ, quæ est impossibilis.

IV. Quæritur ultimò, Num beatitudo apprehensa necessitet in hac vita ad ejus amorem, non solum quoad specificationem, ità ut non possimus eam odisse, sed etiam quoad exercitium, ità ut non possimus actum amoris erga illam suspendere.

Resp. Probabilius esse, quòd necessitet etiam quoad exercitium. Ità Maurus quæ. 18. contra Scotum in 4. *dist.*

49. quæ. 11. Probatur: omnis potentia trahitur necessario à suo objecto, quoties apparet depuratum à contrario; v. g. oculus non potest per imperium voluntatis non videre coloratum propositum; intellectus quamvis imperio voluntatis subdatur relatè ad probabilia, at relatè ad objectum evidens communius docent, non subdi imperio voluntatis, ità ut possit actum suspendere; ergo nec voluntas circa bonum, quod apparet depuratum ab omni malo, ut est beatitudo, poterit amorem suspendere; Sicuti nec poterit suspendere odium, apprehensa miseria, ut constat experientià.

Confir. 1. Quia voluntas est potentia rationalis: ergo sicut non potest odisse bonum, eò quòd nulla in eo appareat ratio mali, unde odio habeatur, ità nec potest à Puro bono suspendere amorem, cum nulla in objecto sit ratio non amandi.

Confirm. 2. A posteriori, quia motus primò primi non sunt liberi, idque non aliunde, nisi quia eorum objectum proponitur ut bonum purum; v. g. homo, inflictà sibi alapà, statim vult sumere vindictam absque ulla libertate, & culpa, quia intellectus proponit purè bonum vindictæ, quin proponat ullum malum, & motivum abstinendi ab illa; ergo apprehensà beatitudine, voluntas neque libertatem contrarietatis, neque contradict. onis habebit erga illà

V. OBJIC. 1. Potest in beatitudine apprehendi ratio aliqua, cur non ametur, eo modo, quo apparet in Deo; nempe si ejus amor appareat incommodus, aut impossibilis cum voluptatibus vitæ præsentis; ergo potest beatitudo apprehensa in hac vità non amari.

Resp. Argumentum probare, quòd possit etiam odio haberi: Quare *nego antecedens*, quando enim beatitudinis amor apparet incommodus, tunc beatitudo non apparet ut purum bonum, quale est in se, sed ut trahens malum; & ideo nil mirum, quòd sub eo conceptu possit etiam odio haberi; sicut ex hoc capite potest etiam à peccatoribus odio haberi Deus.

VI. OBJIC. 2. Si beatitudo in univēfali, & in confufo cognita neceffitaret quoad exercitium ad fui amorem, à fortiori neceffitaret cognita in particulari, quippe quæ diffinētiùs cognofceretur; atqui vifio beatifica cognita à nobis in particulari, & ipfemet Deus non neceffitat in hac vita ad fui amorem; ergo neque beatitudo cognita confuſè, & in univēfali.

Confirm. Quia fi neceffitaret ad actum amoris, eo ipſi. neceffitaret ad actum amoris intenſiſſimum; omnis enim actus neceffarius eſt intenſus, quoad ejus fieri poteſt.

Reſp. Veram eſſe ſequelam, ſi cætera ſint paria, hoc eſt ſi tam beatitudo in univēfali, quàm in particulari repræſentetur ut purum bonum; ſecus verò ſi in particulari repræſentetur ut nobis aliquatenus mala, & incompoſſibilis cum aliis bonis; tunc enim non ſolùm non neceffitat ad amorem, ſed poſſumus illam odiſſe.

Ad confir. concedo, actum fore intenſum ea intenſione, quæ hîc, & nunc eſt poſſibilis, ut dicitur de vifione oculari, de intellectione, & de aliis actibus vitalibus neceſſariis: cæterùm ſicut voluntas poteſt intenſiorem vifionem ocularem, vel intellectionem efficere, intenſiùs applicando potentiam viſivam, vel intellectivam; ità pariter actus ſuos neceſſarios poteſt intenſiores efficere. ſi magis applicet ſe ad illos, & ſicut poteſt indirecè prohibere vifionem ocularem, & cognitionem, v. g. claudendo oculos, & applicando intellectum ad alia, ità poteſt indirecè hujusmodi actus ſuos prohibere.

DISPUTATIO III.

De Angelis

Quoad eorum naturam.

POST Diſputationes de Deo ſecundùm ſe conſiderato, quatenus unus, & Trinus eſt, incipit Angelicus diſputare de Deo reſpectivè ad creaturas, atq; adeo de creaturis

turis in ordine ad Deum. Et primo quidem de Creatura intellectuali secundum speciem nobilissima, hoc est de Angelica, quæ primum opus divini exemplaris est, increata pulchritudinis expressio, signaculum divinitatis, & divinarum perfectionum speculum lucidissimum. Nos post considerationem beatitudinis quoad ejus formam, & objectum, pergimus, ut præmisimus, eandem considerare quoad subjectum beatificabile, præsertim Angelicum; & primò quidem quæ ad Angelorum naturam spectant breviter delibabimus, inquirendo in hac disputatione eorum existentiam, simplicitatem, diversitatem specificam, ac numericam, locum, motum. In sequentibus verò, quæ spectant ad eorum intellectum, & voluntatem.

Q U Æ S T I O I.

Utrum certa sit certitudine naturali Angelorum existentia.

I. **A**ngelus ex Gregorio homil. 4. in Evang. idem sonat, ac Millus; cum enim frequenter cælestes Spiritus à Deo mittantur, idcirco Angelorum nomen sortiri sunt, unde nomen istud eorum munus explicat, non naturam. Eos de facto existere, docet Fides contra Sadducæos, & definit Concilium Lateranense dicens: *Utramque de nihilo Deus condidit creaturam, corporalem, & spiritualement, Angelicam, & mundanam.* Difficultas tamen est, an eorum existentia ratione naturali demonstrari possit? Communius cum Valentia, Amico contra Suarez docent, solum conjecturaliter, & valde probabiliter suaderi posse à posteriori, puta à motu Cælorum, ab incantationibus magicis, ab eo, quod experimur in Energumenis, qui variis linguis loquuntur; manifestant longinqua, &c. hujusmodi enim effectus non videntur refundi posse in Deum immediatè, quia indignum est

Philosopho recurrere ad primam causam, quando potest assignari causa secunda effectuum naturalium. Nec videtur posse Cælorum motus refundi in ipsorum naturam; quia cum moveantur irregulariter, præsertim Astra errantia, videntur requirere Intelligentiam à qua moveantur. Neque refundi possunt in animas separatas; quia si istæ unitæ corpore vix possunt proprium corpus movere, quomodo poterunt tantas vires exhibere, dum sunt in statu innaturali. Hæc tamen ratiocinatio communiter non reputatur demonstrativa; unde dubitatur, num aliunde demonstrari possit existentia Angelorum?

II. Dico. 1. Ratione naturali ostenditur possibilitas naturæ Angelicæ, seu substantiæ completæ omninò immaterialis. Ita communiter apud Suarez *disp. 35. metaph. sect. 1. Vasquium, & alios.*

PROB. Quia immaterialitas non pugnat cum substantia completa; ergo est possibilis substantia completa immaterialis, seu natura Angelica; Antecedens probatur tum negativè solvendo difficultates in contrarium; tum positivè, quia non pugnat immaterialitas cum substantia incompleta; anima enim rationalis de facto est substantia immaterialis, incompleta, & quasi inchoata, cujus operatio originem ducit ab entibus materialibus subministrantibus species sensibiles, & materiales; ergo neque pugnat immaterialitas cum substantia completa, & perfecta.

Confirm. Quia causa efficiens universim tendit ad assimilandum sibi effectum; ergo quo effectus est similior alicui causæ, eo est aptior, ut ab ea producat; sed natura Angelica præ aliis est simillima primæ causæ; ergo est aptissima, quæ à Deo producat; atq; adeo est possibilis.

III. Dico 2. Non solum conjecturaliter, & valde probabiliter Angelorum existentia suadet ex eorum effectibus, sed etiā certa videtur certitudine naturali. Ita Suar. *loc. cit. & lib. 2. de Deo c. 9. Elpar. Maur. q. 25. de Deo n. 28.*

qui

qui docent, Angelorum existentiam demonstrari ex D. Thom. 1. p. qu. 50. & 2. contra gentes c. 56. contra Valentiam, Amic. & alios communius.

Ostenditur autem ex pulchritudine, & perfectione Universi sic. Deus condidit Universum simpliciter optimum, seu omni perfectionum genere absolutum, prout requiritur ad Divinas perfectiones aptè exprimendas; atqui ad huiusmodi perfectionem Universi requiritur existentia Angelorum; ergo Deus condidit Angelos; atque adeo certum est certitudine naturali, eos existere. Major ab omnibus naturali instinctu admittitur; unde dicenda est propositio naturalis: Constat etiam ex eo quòd communissimè Patres, Concilia, Philosophi, ac Theologi docent, Deum scilicet, non solum optimè, sed etiam optimum semper operari, seu non solum optimum formaliter, verum etiam materialiter. D. Thom. 1. p. quæst. 47. art. 3. ex Philosopho 2. de Cælo 34. dicit: *Natura semper facit quod est optimum.* Aug. lib. 1. de lib. arb. c. 5. *Quidquid tibi vera ratione melius occurrit, hoc scias fecisse Deum, tanquam bonorum omnium conditorem;* & Concilium Francofordiense apud Muniesiam de Incarn. disp. 7. sect. 3. *Credamus, Deum omnia velle, quæ meliora sunt.* Proinde multum cum Ruiz. Mauro qu. 51. de Deo, P. Thyrso Gonzalez tom. 3. disp. 11. docent, *Deum ad optimum moraliter necessitari*: quam sententiam propugnabimus in de Incarnatione. Quare negari non potest, Universum de facto esse artefactum optimum, ad perfectum, Sapientiam, Potentiam, ac reliqua Divini Opificis attributa exprimens perfectissimo modo.

Minor itaque, quòd scilicet ad perfectionem Universi optimè constituti requiratur Angelorum existentia, prob. sic. Illud dicitur perfectum in sua ratione, quod est maximè aptum ad finem; atqui finis à Deo intentus in creatione Universi est suarum perfectionum manifestatio, & communicatio suæ bonitatis, & ad hunc finem maximè

xime spectant Intelligentiæ creatæ, ergo spectat ad perfectionem. Universi existentia Angelorum. Major est certa. Minor admittitur quoad primam partem, tum quia Prov. 14. dicitur: *Omnia propter semetipsum operatus est Deus*; tum etiam quia omne agens ponendo effectum intendit ponere realem imaginem sui, quoad ejus fieri potest perfectam; ergo à fortiori idem dicendum de Deo agente perfectissimo. Quoad secundam partem probatur. Illud maxime spectat ad finem illum à Deo intentum in creatione Universi, quod maxime divinam perfectionem exprimit, ac repræsentat; hujusmodi autem sunt intelligentiæ creatæ, utpote Deo præ cæteris creaturis simillimæ. ergo ad finem illum maxime spectant intelligentiæ creatæ.

Confirm. Ad perfectionem artefacti spectat manifestare quantum fieri potest omnem sapientiam; & perfectionem Artificis; sicut ad perfectionem effectus manifestare perfectionem suæ causæ; cum autem Deus primus artifex, & prima causa non possit unicâ creaturâ, aut uno entium genere apte exprimi, ideo oportuit Universum condere conflatum ex iis rerum ordinibus & generibus, quæ ad talem finem maxime conducirent; atqui inter gradus entium, quibus maxime manifestantur divinæ perfectiones, & bonitas comunicatur, perfectissimus est gradus naturæ intellectivæ simplicis; ergo ad hunc finem oportuit Angelos condere. Unde David invitans creaturas omnes ad Dei gloriam manifestandam incipit ab Angelis dicens: *Laudate Dominum de cælis &c. Laudate eum omnes Angeli ejus*; quod etiam habetur in Canticotrium puerorum. *Benedicite omnia opera &c. Benedicite Angeli Domini Dominum.*

IV. OBJIC. 1. Ad finem à Deo intentum in condendo Universo satis est, quod condiderit naturam humanam, quæ est in ordine intellectuali, quamvis non sit perfectissima species in tali genere; ergo nonnisi certitudine fidei certum est, dari Angelos, & solum probabiliter, & conjecturali-

Naturaliter potest eorum existentia ratione naturali suaderi.

Resp. Nego antecedens. Ratio est, quia gradus naturæ intellectivæ in homine est solum inchoatus, & valde imperfectè exprimens primam causam, & intellectivitatē divinam; ergo debuit dari gradus intellectivus perfectus, qui suum prototypum, quoad ejus fieri posset, adumbraret. Etenim sicut Universum non diceretur simpliciter perfectum, si in genere visivi daretur solum Vespertilio, aut Talpa, in genere animalis solum vermes, & zoophita, quæ sunt prope plantas; ita neque esset simpliciter perfectum, si in genere intellectivi [qui est perfectissimus gradus entium, & nullo alio compensabilis] daretur solum Anima rationalis, quæ sub tali genere se habet ut noctua ad lumen Solis, ut notat Philosophus 2. Metaph. 1. dicens, *Ut vespertilionum oculi ad lumen diei se habent, ita intellectus noster ad ea, quæ manifestissima omnium sunt*: sicut enim vis motiva corporum in homine est pene nulla præ vi motiva corporum propria Angelorum ita vis intellectiva. Præterquamquod, si præter hominem qui est gradus medius compositus ex materiali, & spirituali, datur in Universo gradus infimus pure materialis, à fortiori dari debuit gradus supremus pure immaterialis qui librum hunc Universi affabre à Deo elaboratum perlegat, & intelligat, atque ejus conditorem maxime manifestet simul, & commendet.

V. OBJIC. 2. Si esset possibilis materia Spiritualis, corpus simplex, & alia hujusmodi, nemo dixerit ea de facto dari ex hoc præcise, quod spectent ad perfectionem, & pulchritudinem Universi; ergo neque ex hoc capite dari debent Angeli.

Resp. concesso antecedente, nego Consequentiam. Regula generalis ex Suario *loc. cit.* hæc est: in creaturis, quæ genere differunt, & in quibus maxime manifestatur perfectio Conditoris, adeo ut non possit earum perfectio aliunde

esse possibilem, quàm existere, dicitur esse aliquo modo à priori demonstratio existentiae Dei, deducta ex ejus possibilitate. In qua tamen demonstratione nunquam assumitur, quod est demonstrandum, videlicet Deum existere, quod immeritò obijciunt Adversarii. Neque dicat Haunoldus, quòd dum dicimus ens purum, si significamus ens reale, assumimus quod est demonstrandum, si verò ens præscindens à reali, vel chymærico, jam conciperetur aliquid præscindens à bono, & malo: nam sicut dum quæritur V. gr. An sit chymæra, visio indestruibilis, Creatura ab æterno &c. concipitur aliquid, quod præscindit ab ente reali, & chymærico; non quidem præcisione rigorosâ (attingendo prædicatum, quod sit compossibile tum cum ente reali, tum cum chymærico) sed præcisione minùs rigorosâ, quatenus non discernitur ex ipsis terminis, num visio indestruibilis sit ens reale, an chymæricum; ità cum dicimus, Nulla chymæra est ens purum, ex parte solius prædicati attingimus ens purum, non discernendo, Sitne chymæra, nec ne? quod deinde conferendo cum prædicatis chymærae, affirmamus evidens esse, quòd non sit chymæra ex suo conceptu, cum careat non ente, quod est unum ex constitutivis chymærae.

Q U Æ S T I O IV.

De Appetitu Hominis erga Beatitudinem.

I. **N**ONnullis quæsitis perstringemus ea, quæ passim inquiri solent circa hominis appetitum erga Beatitudinem.

Quæritur itaque 1. Num appetitus noster erga beatitudinem sit innatus, an elicitus?

Resp. Esse innatum, & ex hoc innato appetitu nos per modum naturæ determinari etiam ad appetitum elicitum. Quòd sit innatus, probatur, quia omnis natura habet appetitum innatum erga suum perfectivum; est autem beati-

beatitudo, summa, & ultima perfectio naturæ rationalis ; ergo ad illam homo tendit appetitu innato. Quod autem ex hoc ductu naturæ determinemur ad appetitum elicitum beatitudinis, constat experientiâ, ut advertit Augustinus *lib. 13. de Civitate cap. 3.* ubi refert historiam cujusdam Mimi, qui cum promississet in theatro se divinaturum, quid omnes vellet, dixisse perhibetur : *Vili vultis emere, & caro vendere.* Sed ostendit Aug. dictum Mimi fuisse falsum; fortè enim nonnulli volebant justo pretio vendere, ac emere; Unde subdit, *At si dixisset Mimus, Omnes beati esse vultis, miseri esse non vultis, dixisset aliquid, quod nullus in sua non agnosceret voluntate; quicquid enim aliud quisquam latenter velit ab hac voluntate, quæ omnibus sat nota est, non recedit.*

Ex hoc autem, quod appetitus erga beatitudinem sit innatus, atque adeo naturaliter sit debita beatitudo, sequitur, quod eâ obtentâ secundum sui essentialia, appetitus conquiescat, nec possit non esse essentialiter Beatus, qui illam possidet; quamvis aliquando non sit physicè, & integraliter completa beatitudo, si leve aliquod bonum illi desit. Propterea in disputatione antecedenti *quest. 8.* diximus, quod si videns Deum videat se privandum ad tempus non solum auctore fructivo, sed etiam ipsâ Dei visione, immò ad tempus fore cruciandum, dummodo videat non defuturam sibi beatitudinem saltem naturalem in perpetuum, adhuc esset essentialiter beatus, quia scilicet carentia illa boni debiti levis, vel non causat tristitiam, eò quod animus absorbeatur ab ingenti voluptate; Ex Philosopho enim *lib. 6. Eth. 14. Voluptas vehemens pellit dolorem*; vel si causaret aliquam mœstitiolam, hæc impediret solum beatitudinem physicè integram, non essentialem, ut patet in Christo Domino, qui in hortu cum mœstitia conjungebat essentialem beatitudinem; Sicut carentia digiti non impedit essentialiam hominis, sed solum ejus integritatem. Est autem mœstitiola, carere

ad tempus etiam ipsâ visione beatâ, quæ possidetur, quia quodcumque longum tempus relatè ad æternitatem est veluti instans; carere autem per instans visione Dei cum certitudine, quòd ea sit habenda in perpetuum, est carere levi bono: Contra verò qui videret in Deo viso se privandum beatitudine etiam naturali in æternum, tunc, quia videret se privandum bono debito ingenti, eo ipso careret beatitudine etiam essentiali; quia quantò magis Deum visum diligeret, tantò magis tristari deberet ex amissione tanti boni in perpetuum.

Quòd si anima separata videat in Deo, se privandam in perpetuum beatitudine corporis connaturaliter debitâ, quia videtur esse carentia boni debiti levis præ bono, quod possidet ex visione, ac fruitione Dei. Quicquid sit, an beatitudinem essentialem haberet, qui videret in Deo decretum, quòd esset privandus in æternum amore fructivo, non verò visione Dei? Probabiliter enim carentia tanti boni proprii naturæ, ac potentie rationalis videtur carentia boni debiti ingentis, trahens tristitiam incompossibilem cum beatitudine essentiali.

II. Quæritur 2. An quicquid homo vult præter beatitudinem, seu finem ultimum, necessario velit propter illam?

Resp. cum Vasquez *disp. 6. cap. 2.* Salas, Martino, quòd homo quicquid vult præter beatitudinem, appetat propter illam solùm interpretativè. Ratio est, quia non appetimus bona particularia propter beatitudinem formaliter, & expressè, ut constat experientiâ. Neque virtualiter, ità ut ex intentione finis ultimi præterita procedant omnes intentiones finium particularium; multa enim amamus, quin præcesserit amor ultimi finis, vel si præcesserit, non perseverat virtualiter, dum particularia bona amamus, ità ut influat, ac determinet ad istorum amorem. Nec demum habitualiter; tum quia non est necesse, quòd præcesserit intentio ultimi finis ad amorem bonorum

in particularium, tum quia etiam si præcesserit, potuit
 non per voluntatem oppositam ejus habitualis perse-
 verantia interrumpi; Nam qui per peccatum deserit a-
 morem ultimi finis, non dicitur deinde alia bona appetere
 intentione ultimi finis habitualiter perseverante; cum
 sit interrupta per peccatum. Quare quicquid homo
 appetit præter beatitudinem, solum interpretativè appe-
 tet propter illam, confusè saltem, & abstracto cognitam;
 utatenus quisque particulare aliquid bonum vult, aut
 malum fugit, ita censetur erga illud affectus, ut bonum
 stabile, ad quod particulare ordinatur, esset voliturus, si
 offerretur. Quod constat tum experientiâ, tum quia pro-
 pter quod unumquodque tale, & illud magis; ergo si a-
 namus bonum particulare, quia est pars beatitudinis, à
 fortiori integra beatitudo amaretur, si repræsentaretur.
 Hinc Aug. lib. de Epicureis cap. 4. dicit: *Qui bonus est,
 ideo bonus est, ut beatus sit; & qui malus est, malus non
 esset, nisi inde se beatum esse speraret. Pone aliquem fu-
 rem; quare ab illo, cur furtum facis? Ut habeam, in-
 quiet, quod non habebam. Quare vis habere quod non
 habebas? quia miserum est non habere, si ergo miserum
 est non habere, beatum putat habere.* Hactenus Aug.

Neque dicas, hinc sequi, quod ea appetamus interpre-
 tativè propter Deum, & sic furem furari ex. g. propter
 Deum. Nam quamvis hoc in aliquo bono sensu admitta-
 tur à nonnullis Thomistis apud Vasquez disp. 6, cap. 3.
 Verius tamen negandum; est enim aurium offensiva hu-
 jusmodi locutio; quia appetere aliquid propter Deum,
 propriè significat appetere aliquid, ut placeamus Deo,
 quod non habetur in fure, quamvis appetat bonum inho-
 nestum, ut bene sit per illud, & interpretativè, ut sit per-
 fectè beatus.

III. Quæritur 3. An homo habeat appetitum natura-
 lem etiam ad beatitudinem supernaturalem.

Prima Sententia cum Scoto, Valentia apud Amicuna

disp. 2. sec. 14. affirmat. Secunda cum Ferrariensi, & Conrado docet, esse in homine naturalem appetitum videndi Deum, ut Auctorem effectivum naturalium, quia scilicet homo naturaliter ex cognitione effectuum naturalium cupit eorum causam videre. Tertia omnino negat, naturalem appetitum visionis beatæ competere Creaturæ Ità Cajet. *Suar. Vasq. disp. 22. cap. 2. Amic. lib. 1. & alii.*

Dico equidem cum hac tertia sententia, Nullum esse in homine naturalem appetitum ad beatitudinem supernaturalem; Neque ad videndum Deum, ut Authorem effectivum naturalium.

PROB. Implicat dari inclinationem, & appetitum naturalem ad actum quoad substantiam supernaturalem; talis est beatitudo supernaturalis, & visio Dei, etiam ut Auctoris effectivum naturalium; ergo implicat hujusmodi appetitus naturalis. Major probatur, quia inclinatio naturalis ad terminum naturaliter inaccessibilem repugnat, utpote quæ data esset à natura non solum incassum, sed etiam ad torturam: quare solum in intellectu datur capacitas, & potentia obedientialis ad visionem, non aliter ac datur in anima V. gr. capacitas ad Unionem hypostaticam citra naturalem appetitum.

Ad id, quod obijcitur pro secunda sententia, respondetur, in homine esse naturalem appetitum cognoscendi Deum Authorem effectivum naturalium eâ cognitione, quæ sibi naturaliter est possibilis, non tamen cognitione intuitivâ, quæ est supernaturalis, sicut nec comprehensivâ, quæ est impossibilis.

IV. Queritur ultimò, Num beatitudo apprehensa necessitet in hac vita ad ejus amorem, non solum quoad specificationem, ità ut non possimus eam odisse, sed etiam quoad exercitium, ità ut non possimus actum amoris erga illam suspendere.

Resp. Probabilius esse, quòd necessitet etiam quoad exercitium. Ità Maurus quæ. 18. contra Scotum in 4. *dist.*

9. quæ. 11. Probatur: omnis potentia trahitur necessa-
rîo à suo objecto, quoties apparet depuratum à contrario;
v.g. oculus non potest per imperium voluntatis non vi-
dere coloratum propositum; intellectus quamvis impe-
rii voluntatis subdatur relatè ad probabilia, at relatè ad
objectum evidens communius docent, non subdi imperio
voluntatis, ita ut possit actum suspendere; ergo nec vo-
luntas circa bonum, quod apparet depuratum ab omni
malo, ut est beatitudo, poterit amorem suspendere; Sicuti
et poterit suspendere odium, apprehensa miseria, ut con-
stat ex experientiâ.

Confir. 1. Quia voluntas est potentia rationalis: ergo si-
t non potest odisse bonum, eo quod nulla in eo appareat
ratio mali, unde odio habeatur, ita nec potest à Puro bono
suspendere amorem, cum nulla in objecto sit ratio non a-
mandi.

Confirm. 2. A posteriori, quia motus primi non
sunt liberi, idque non aliunde, nisi quia eorum objectum
proponitur ut bonum purum; v.g. homo, inflictâ sibi ala-
mâ, statim vult sumere vindictam absque ulla libertate, &
culpa, quia intellectus proponit purè bonum vindictæ,
quin proponat ullum malum, & motivum abstinendi ab
illa; ergo apprehensâ beatitudine, voluntas neque liberta-
tem contrarietatis, neque contradict. onis habebit erga illâ.

V. OBJIC. 1. Potest in beatitudine apprehendi ratio a-
qua, cur non ametur, eo modo, quo apparet in Deo;
sempe si ejus amor appareat incommodus, aut incom-
possibilis cum voluptatibus vitæ præsentis; ergo potest
beatitudo apprehensa in hac vitâ non amari.

Resp. Argumentum probare, quod possit etiam odio
haberi: Quare nego antecedens, quando enim beatitudinis
amor apparet incommodus, tunc beatitudo non apparet
ut purum bonum, quale est in se, sed ut trahens malum; &
deo nil mirum, quod sub eo conceptu possit etiam odio
haberi; sicut ex hoc capite potest etiam à peccatoribus o-
dio haberi Deus.

VI. OBJIC. 2. Si beatitudo in universali, & in confuso cognita necessitaret quoad exercitium ad sui amorem, à fortiori necessitaret cognita in particulari, quippe quæ distinctius cognosceretur; atqui visio beatifica cognita à nobis in particulari, & ipsemet Deus non necessitat in hac vita ad sui amorem; ergo neque beatitudo cognita confusè, & in universali.

Confirm. Quia si necessitaret ad actum amoris, eo ipso necessitaret ad actum amoris intensissimum; omnis enim actus necessarius est intensus, quoad ejus fieri potest.

Resp. Veram esse sequelam, si cætera sint paria, hoc est si tam beatitudo in universali, quàm in particulari repræsentetur ut purum bonum; secus vero si in particulari repræsentetur ut nobis aliquatenus mala, & impossibilis cum aliis bonis; tunc enim non solum non necessitat ad amorem, sed possumus illam odisse.

Ad confir. concedo, actum fore intensum ea intensione, quæ hîc, & nunc est possibilis, ut dicitur de visione oculari, de intellectione, & de aliis actibus vitalibus necessariis: cæterum sicut voluntas potest intensiorem visionem ocularem, vel intellectionem efficere, intensius applicando potentiam visivam, vel intellectivam; ita pariter actus suos necessarios potest intensiores efficere. si magis applicet se ad illos, & sicut potest indirectè prohibere visionem ocularem, & cognitionem, v. g. claudendo oculos, & applicando intellectum ad alia, ita potest indirectè hujusmodi actus suos prohibere.

DISPUTATIO III.

De Angelis

Quoad eorum naturam.

Post Disputationes de Deo secundum se considerato, quatenus unus, & Trinus est, incipit Angelicus disputare de Deo respectivè ad creaturas, atq; adeo de creaturis

turis in ordine ad Deum. Et primo quidem de Creatura intellectuali secundum speciem nobilissima, hoc est de Angelica, quæ primum opus divini exemplaris est, increata pulchritudinis expressio, signaculum divinitatis, & divinarum perfectionum speculum lucidissimum. Nos post considerationem beatitudinis quoad ejus formam, & objectum, pergimus, ut præmisimus, eandem considerare quoad subjectum beatificabile, præsertim Angelicum; & primò quidem quæ ad Angelorum naturam spectant breviter delibabimus, inquirendo in hac disputatione eorum existentiam, simplicitatem, diversitatem specificam, ac numericam, locum, motum. In sequentibus verò, quæ spectant ad eorum intellectum, & voluntatem.

Q U Æ S T I O 1.

Utrum certa sit certitudine naturali Angelorum existentia.

I. **A**ngelus ex Gregorio homil. 4. in Evang. idem sonat, ac Millus; cum enim frequenter cælestes Spiritus à Deo mittantur, idcirco Angelorum nomen sortiri sunt, unde nomen istud eorum munus explicat, non naturam. Eos de facto existere, docet Fides contra Sadducæos, & definit Concilium Lateranense dicens: *Utramque de nihilo Deus condidit creaturam, corporalem, & spiritualement, Angelicam, & mundanam.* Difficultas tamen est, an eorum existentia ratione naturali demonstrari possit? Communius cum Valentia, Amico contra Suarez docent, solum conjecturaliter, & valde probabiliter suaderi posse à posteriori, puta à motu Cælorum, ab incantationibus magicis, ab eo, quod experimur in Energumenis, qui variis linguis loquuntur, manifestant longinqua, &c. hujusmodi enim effectus non videntur refundi posse in Deum immediate, quia indignum est

Philosopho recurrere ad primam causam, quando potest assignari causa secunda effectuum naturalium. Nec videtur posse Cœlorum motus refundi in ipsorum naturam; quia cum moveantur irregulariter, præsertim Astra errantia, videntur requirere Intelligentiam à qua moveantur. Neque refundi possunt in animas separatas; quia si istæ unitæ corpore vix possunt proprium corpus movere, quomodo poterunt tantas vires exhibere, dum sunt in statu innaturali. Hæc tamen ratiocinatio communiter non reputatur demonstrativa; unde dubitatur, num aliunde demonstrari possit existentia Angelorum?

II. Dico. 1. Ratione naturali ostenditur possibilitas naturæ Angelicæ, seu substantiæ completæ omninò immaterialis. Ita communiter apud Suarez *disp. 35. metaph. sect. 1. Vasquium, & alios.*

PROB. Quia immaterialitas non pugnat cum substantia completa; ergo est possibilis substantia completa immaterialis, seu natura Angelica; Antecedens probatur tum negativè solvendo difficultates in contrarium; tum positivè, quia non pugnat immaterialitas cum substantia incompleta; anima enim rationalis de facto est substantia immaterialis, incompleta, & quasi inchoata, cujus operatio originem ducit ab entibus materialibus subministrantibus species sensibiles, & materiales; ergo neque pugnat immaterialitas cum substantia completa, & perfecta.

Confirm. Quia causa efficiens universim tendit ad assimilandum sibi effectum; ergo quo effectus est similior alicui causæ, eo est aptior, ut ab ea producat; sed natura Angelica præ aliis est simillima primæ causæ; ergo est aptissima, quæ à Deo producat; atque adeo est possibilis.

III. Dico 2. Non solum conjecturaliter, & valde probabiliter Angelorum existentia suadet ex eorum effectibus, sed etiā certa videtur certitudine naturali. Ita Suar. *loc. cit. & lib. 2. de Deo c. 9. Espar. Maur. q. 25. de Deo n. 28.*
qui

qui docent, Angelorum existentiam demonstrari ex D. Thom. 1. p. 94. 50. & 2. contra gentes c. 56. contra Valentiam, Amic. & alios communius.

Ostenditur autem ex pulchritudine, & perfectione Universi sic. Deus condidit Universum simpliciter optimum, seu omni perfectionum genere absolutum, prout requiritur ad Divinas perfectiones aptè exprimendas; atqui ad huiusmodi perfectionem Universi requiritur existentia Angelorum; ergo Deus condidit Angelos; atque adeo certum est certitudine naturali, eos existere. Major ab omnibus naturali instinctu admittitur; unde dicenda est propositio naturalis: *Constat etiam ex eo quod communissimè Patres, Concilia, Philosophi, ac Theologi docent, Deum scilicet, non solum optimè, sed etiam optimum semper operari, seu non solum optimum formaliter, verum etiam materialiter.* D. Thom. 1. p. *quest.* 47. art. 3. ex Philosopho 2. de Cælo 34. dicit: *Natura semper facit quod est optimum.* Aug. lib. 1. de lib. arb. c. 5. *Quidquid tibi vera ratione melius occurrit, hoc scias fecisse Deum, tanquam bonorum omnium conditorem;* & Concilium Francofordiense apud Muniessam de Incarn. disp. 7. sect. 3. *Credamus, Deum omnia velle, quæ meliora sunt.* Proinde multi cum Ruiz. Mauro qu. 51. de Deo, P. Thyrso Gonzalez tom. 3. disp. 11. docent, *Deum ad optimum moraliter necessitari*: quam sententiam propugnabimus in de Incarnatione. Quare negari non potest, Universum de facto esse artefactum optimum, ad perfectum, Sapientiam, Potentiam, ac reliqua Divini Opificis attributa exprimens perfectissimo modo.

Minor itaque, quod scilicet ad perfectionem Universi optimè constituti requiratur Angelorum existentia, prob. sic. Illud dicitur perfectum in sua ratione, quod est maximè aptum ad finem; atqui finis à Deo intentus in creatione Universi est suarum perfectionum manifestatio, & communicatio suæ bonitatis, & ad hunc finem maximè

Naturaliter potest eorum existentia ratione naturali suaderi.

Resp. Nego antecedens. Ratio est, quia gradus naturæ intellectivæ in homine est solum inchoatus, & valde imperfectè exprimens primam causam, & intellectivitatē divinam; ergo debuit dari gradus intellectivus perfectus, qui suum prototypum, quoad ejus fieri posset, adumbraret. Etenim sicut Universum non diceretur simpliciter perfectum, si in genere visivi daretur solum Vespertilio, aut Talpa, in genere animalis solum vermes, & zoophita, quæ sunt prope plantas; ita neque esset simpliciter perfectum, si in genere intellectivi [qui est perfectissimus gradus entium, & nullo alio compensabilis] daretur solum Anima rationalis, quæ sub tali genere se habet ut noctua ad lumen Solis, ut notat Philosophus 2. Metaph. 1. dicens, *Ut vespertilionum oculi ad lumen diei se habent, ita intellectus noster ad ea, quæ manifestissima omnium sunt*: sicut enim vis motiva corporum in homine est pene nulla præ vi motiva corporum propria Angelorum ita vis intellectiva. Præterquamquod, si præter hominem qui est gradus medius compositus ex materiali, & spirituali, datur in Universo gradus infimus pure materialis, à fortiori dari debuit gradus supremus pure immaterialis qui librum hunc Universi affabre à Deo elaboratum perlegat, & intelligat, atque ejus conditorem maxime manifestet simul, & commendet.

V. OBJIC. 2. Si esset possibilis materia Spiritualis, corpus simplex, & alia hujusmodi, nemo dixerit ea de facto dari ex hoc præcise, quod spectent ad perfectionem, & pulchritudinem Universi; ergo neque ex hoc capite dari debent Angeli.

Resp. concesso antecedente, nego Consequentiam. Regula generalis ex Suario *loc. cit.* hæc est: in creaturis, quæ genere differunt, & in quibus maxime manifestatur perfectio Conditoris, adeo ut non possit earum perfectio aliunde

aliunde compensari, tenet illatio; est possibilis hujusmodi Creatura constituens novum ordinem in Universo; ergo de facto datur: In speciebus verò, aut individuationibus creaturarum, non tenet illatio à possibilitate ad existentiam. Ratio est, quia creaturarum species, & individuationes sunt infinitæ; & in hoc ipso commendatur maximè divina potentia, quòd numquam adæquetur, numquam exhauriatur. Quare ut Universum sit simpliciter optimum, satis est, species, & individua fuisse posita in pondere, & mensura juxta dispositionem providentiæ, ita ut harmoniam conficiant. Contra verò quia gradus entium & genera, quibus creaturæ assurgunt usque ad supremum intellectivi, sunt finita, idcirco ex eorum possibilitate infertur existentia; aliter Universum esset defectuosum: præsertim si abesset supremum genus intellectivi, quod ex communi omnium sensu non habet præstantius supra se, quia in creaturis nulla perfectio major intellectivitate. Denique in speciebus subalternis, seu in generibus, quæ sunt sub genere supremo, neque valet illatio à possibilitate ad existentiam, quoties earum perfectio posset aliunde compensari: ex gr. non tenet illatio, est possibile corpus simplex; ergo datur; quia scilicet non habet aliam perfectionem supra corpus compositum, quàm simplicitatem, & incorruptibilitatem, quæ perfectiones reperiuntur in Angelis; unde ex carentia corporis simplicis non arguitur defectuosum Universum, quia ejus perfectiones aliunde compensantur. Idem dicas de Angelo composito ex materia spiritali, & forma Angelica; assurgit enim hic Angelus supra hominem per hoc, quòd intelligat, & non per species acceptas à sensibilibus; per hoc, quòd non sit corruptibilis &c. atqui hujusmodi perfectiones reperiuntur in Angelo simplici; ergo carentia Angeli compositi in Universo compensatur, & ideo non tenet illatio à possibilitate ad existentiam.

VI. Hinc sequitur 2. creaturam essentialiter indestruibilem

bilem, impeccabilem, creatricem, intelligentem per propriam substantiam absque ulla compositione, & alias huiusmodi creaturas verè ostendi, impossibiles per hoc, quòd non dentur: utpote quæ constituerent novum gradum entium per se facientem ad perfectionem Universi, & ad manifestandas divinas perfectiones, quin posset harum specialis perfectio aliunde compensari.

Sequitur 2. Ordinem gratiæ, & gloriæ debuisse in Universo dari, positâ ejus possibilitate; cum ex illo majestas conditoris maxime manifestetur. Ita Suárez *loc. cit.* contra Espar. *qua. 1. de Angelis art. ult.* Ubi notandum, ordinem gratiæ, & gloriæ constitui per ea accidentia supernaturalia, quæ à nulla natura, seu substantia creata sunt exigita; exiguntur tamen ab Universo in quantum condito ad manifestandam perfectissimo modo gloriam Conditoris; immò potius ea exiguntur ab ipsa Divina Bonitate, quæ cum summa libertate physica inclinatur ad optimum. Diversimodè igitur exiguntur in Universo Angeli, ac Ordo gratiæ & gloriæ; illi exiguntur ad complementum naturale Universi, atque adeò tanquam naturæ habentes in se principium motûs, & quietis: Ordo verò supernaturali requiritur ad perfectionem Universi supernaturalem, & tanquam quid indebitum cuiusque naturæ creatæ. Ex quo fit, difficilius probari posse ratione naturalis possibilitatem ordinis gratiæ, & gloriæ, quàm possibilitatem Angelorum; quia scilicet intellectus vi suâ naturali potest quidem rerum naturas assequi, non tamen quòd est supra naturam.

Sequitur ultimò, idem dicendum de Unione hypostatica, quæ pariter debuit existere, attento fine Universi, positâ ejus possibilitate. Debuit tamen ejus existentia non fuisse à primordiis naturæ, ut existeret modo consentaneo, & diu expectata, tanquam omninò indebita ad naturale complementum Universi.

VII. OBJIC. 3. Universum, ut possit ab omnibus dici
naturæ

160 *Pars II. Disp. III. De Angelorum Nat. &c.*
naturæ ductu perfectum, sufficit, quòd sit aptum ad su-
am causam, & Artificem manifestandum, non verò
quòd manifestet omni manifestatione possibili; ergo
quamvis circumscripta natura Angelica, non manifesta-
rentur Divinæ perfectiones perfectissimo modo, adhuc
Universum diceretur perfectum.

Confirm. Quia unumquodque Dei opus est, perfe-
ctum eo ipso, quòd est aptum ad finem à Deo intentum
in eo condendo, ergo Universum adhuc sine Angelis pos-
set esse perfectum, si Deus non intendisset per Universum
manifestare se perfectissimo modo.

Resp. Universum dici perfectum, quia est aptum ma-
nifestare Divinas perfectiones omni manifestatione possi-
bile extensive, licet non intensive: Sicut enim cognitio,
seu Visio Dei, ut sit perfecta imago intentionalis illius, sa-
tis est, quòd manifestet omnia ejus attributa, quamvis non
repræsentet omni claritate possibili; ita Universum, quod
est imago realis Dei, ut sit perfectum debet omnes perfe-
ctiones Divinas adumbrare; esto non manifestet omni
possibili perfectione intensive; eo quòd sint possibiles a-
liæ, & aliæ species creaturarum perfectiones infinitæ.
Quòd si hoc non sufficeret, & requireretur, Universum
adhuc deberet dici opus perfectum, etiamsi esset tugurio-
lum, in quo degerent duo tantum homines cæci, & clau-
di, nocturnæ, zoophita &c. quod nemo dixerit; quando-
quidem neque posset dici perfectum Universum, etiamsi
in eo darentur solum Angeli; sicut non esset pulchrum
Cælum, si in eo essent tantum sidera; nec pulchrum
corpus humanum, si in eo essent tantum oculi; dicente
Augustino lib. 9. de Civit. cap. 15. *Ordinem, seu pul-
chritudinem esse parium, dispariumque congruam dis-
positionem.*

Ad confirm. diximus, finem à Deo intentum in con-
dendo Universo fuisse manifestationem suæ gloriæ per-
fectissimo modo. Cæterum illud dicitur perfectum sim-
plici-

placiter, quod non solum est aptum ad finem suum, sed etiam est aptum ad finem optimum. Hinc media, quæ potest adhibere v. gr. Dæmon ad conferendam alicui sanitatem imperfectam, si sint apta, dicuntur quidem perfecta; non tamen simpliciter, sed secundum quid, quia non sunt apta ad inducendam sanitatem perfectam: Nec concio dicitur optima simpliciter, si collineet quidem ad finem à concionatore sibi præfixum, sed non ad finem optimum aut si non manifestet omnem concionatoris peritiam: Nec Deus diceretur posuisse Universum perfectum simpliciter, si posuisset illud tugariolum, in quo essent duo tantum homines cæci, & claudi cum noctuis, & zoophitis, quia non ordinaret illud ad finem simpliciter optimum. De facto tamen Universum naturæ instinctu dicitur optimum simpliciter; decet enim, Deum non solum ponere media aptissima ad finem sibi præstitutum, sed etiam, & quidem à fortiori, præfigere sibi finem optimum; ergo cum ad hunc finem requiratur existentia Angelorum in Universo, certum est certitudine naturali, eos existere.

VIII. Ex dictis colliges, Deum condidisse Universum non solum optimo modo (hoc est, actu optimo conformi primæ regulæ, intendendo Gloriam Divinam,) sed etiam optimum simpliciter; unde D. Tho. 1. p. quæ. 47. art. 2. dixit: *Deus fecit Universum optimum secundum modum creaturæ*; modus autem creaturæ est, ut sit optima non solum formaliter, sed etiam materialiter; ergo Deus utroque modo fecit Universum optimum. In creaturista tamen, in quibus est abire in infinitum, Deus non fecit optimum; quia in iis optimum est impossibile; solum datur in iis optimum relatè ad optimum Universi, in quo sensu Sap. 11. dicitur: *Universa in pondere, mensura, & numero disposuisti*; sicuti quamvis oculus v. gr. præstat pedes, at relatè ad corpus humanum præstat habere duos oculos, & duos pedes, quam habere quatuor oculos sine pedibus: etenim, ut loquitur Apost. 1. ad Cor. 11. *Si totum cor-*

162 *Pars II. Disp. III. De Angelorum Nat. &c.*
pus oculus, ubi auditus, ubi odoratus? quòd si omnia es-
sent unum membrum, ubi corpus? Quare in eo nume-
ro, pondere, & mensura Deus omnia condidit, quæ ad
constituendum corpus Universi maximè conferrent, &
quia sine Angelis caruisset Universum creatura perfectis-
sima, à qua præ cæteris Deus adumbraretur, ideo con-
stat, Angelos condidisse.

Q U Æ S T I O II.

Num sit possibilis Angelus compositus ex mate-
ria spirituali, & forma Angelica?

I. **C**ertum est, Angelos non esse corporeos, neque corporeitate simplici, neque compositâ ex materia corporea, & forma spirituali, ut est homo. Quare erravit Tertul. docens *Deum, Angelos, & animam rationalem esse corporeos*. Ratio est, quia in Lateranensi definitur, *Deum condidisse naturam spirituales, & corporales, Angelicam, & mundanam*; tum etiam, quia Patrum, & Scholasticorum omnium consensus id docet, unde esto non sit de fide, Angelos esse spirituales, ut communius docent, non potest tamen absque temeritate negari. Denique Angelis tribuitur posse penetrare corpora, posse Deum videre, & esse perfectiores hominibus, ergo sunt spirituales. Utrum autem constare possint materiâ spirituali non exigitivâ quantitatis, sed penetrabili cum corpore, lis est apud Doctores.

II. Dico equidem 1. Angelos non constare de facto ex materia spirituali, & forma Angelica. Ità communiter contra Alensem, Bonav. Richardum.

PROB. Tum ex communi consensu Theologorum apud Granad. contr. 3. & Patrum dicentium cum D. Dionys. de Divinis Nom. cap. 4. & 7. *Angelos esse immateriales ab omni materia solutos*: tum etiam quia, si constarent materiâ & formâ, certè talis forma esset anima, quâ moverentur, viverent, & intelligerent; si autem hu-

jus-

jusmodi animæ Angelicæ darentur, aliquando eorum facta fuisset mentio in Sacris Bibliis, ut aptè ratiocinatur Arrubal; quare cum de iis nullum vestigium habeatur, dicendum de facto non dari.

Neque dicas, dari debere propter ornatum Universi multipliciter specierum, & individuorum; ergo etiam varietatem hanc Angelorum simplicium, & compositorum. Negatur enim consequentia, pertinet quidem ad ornatum aulæ regię varietas graduum personarum, & in unoquoque gradu multitudo cum æqualitate, ut habeatur amicitia inter æquales, & debita subordinatio inferiorum superioribus, at non pertinet quicumque gradus personarum intermedius possibilis, nec quæcumque æqualium personarum multitudo, ergo quamvis ad ornatum Universi spectet multitudo specierum, & individuorum, at non idcirco dari debet omnis varietas specierum possibilis, sed ea tantum, quæ constituit novum gradum reliquis præsuppositis perfectiorem, quâ Universum longè pulchrius evadit, & aptius Divinas perfectiones exprimit.

III. Dico 2. nulla apparet convincens ratio, unde dici debeant impossibiles Angeli compositi ex materia, & forma, utraque Spirituali; Ità Derchennis *disp.* 1. c. 2. Arriaga hinc *disp.* 3. *sect.* 4. & alii ex Bonav. Aureol. Richar.

PROB. Conclusio, tum negativè, tum etiam quia potest Anima rationalis facere unum per se cum materia corporea, ergo à fortiori poterit forma Spirituality Angelica facere unum per se cum materia Spirituali, esto enim materia Spirituality non deserviret ad operationes, recipiendo species intelligibiles (quod tamen negat Arriaga) potest tamen deservire, ut forma sit in statu naturali, & completo, & connaturaliter operetur, eo pacto quo materia corporea deservit formæ materiali tam substantiali, quàm accidentali, v. gr. tam formæ ignis, quàm formæ caloris, solum ut existat, & operetur connaturaliter. non verò ut possit simpliciter operari; Nam etiam

in Eucharistia calor naturaliter calefacit, pariterque forma ignis extra subjectum naturaliter combureret; licet non existeret naturaliter, nec operaretur modo omnino connaturali.

Confirm. 1. Quia magis est spiritum à corpore perfici, quàm spiritum à spiritu, ut pater, quia Angelus nequit ab accidente corporeo perfici, potest autem ab accidente spirituali; ergo si potest forma spiritualis, nempe anima rationalis, perfici à materia corporea; à fortiori poterit forma Angelica perfici à materia spirituali; quippe magis proportionata, quàm sit forma corporea.

Confirm. 2. Quia non repugnant Angeli compositi ex natura, & subsistentia, ut communiter docent ex illis Apost. verbi; *Nunquam Deus Angelos apprehendit*; quibus significatur, potuisse Angelos assumi, atque adeo habere subsistentiam propriam amissibilem, & distinctam à natura [quam suppono contra Scotistas esse modum substantialem] ergo neque repugnant Angeli compositi ex materia, & forma spirituali. Sicut enim subsistentia deservit tantum ad complendam naturam, ut possit proximè operari, reddendo operationes juris operantis; ita potest à forma spirituali exigi materia spiritualis, præcisè ad complendam naturam, ut possit proximè operari connaturaliter, reddendo operationes compositi connaturaliter operantis. Eo modo, quo de facto exigitur ab anima separata materia corporea, ut possit connaturaliter exercere operationes intellectuales, quas cæteroqui potest etiam exercere absque suo naturali complemento. In eo autem differt materia spiritualis à subsistentia; quòd per subsistentiam natura completa in esse naturæ compleatur in esse substantiæ, ac reddatur alteri tanquam supposito incommunicabilis: contra verò per materiam spirituales compleatur forma in ratione naturæ, seu in ratione principii motus, & quietis, redditurque alteri incommunicabilis, tanquam subjecto,

IV. OBJIC. primò. Si esset possibilis materia spiritualis complens formam in esse naturæ, deberet deservire ad operationem totius compositi; atqui materia spiritualis nullatenus deservire potest ad operationes Formæ, seu compositi; ergo non haberet rationem materiæ, atque adeo esset essentialiter superflua, & impossibilis. Major est certa; nisi enim materia deserviret ad operationes, non esset seminata, complens cum altera seminata adæquatum principium motûs, & quietis, seu principium operativum. Minor probatur, quia materia spiritualis non deserviret ad operationes formæ Angelicæ, puta ad intellectiones, eo modo, quo materia corporea deservit animæ rationali ad recipiendas species materiales à sensibilibus, ut inde abstrahat species intelligibiles, siquidem species materiales non aptè recipiuntur in subjecto spirituali. Neque deserviret ad recipiendas species intelligibiles, aut operationes rationales, ut opinatur Arriaga *loc. cit.* & Alensis apud Amicum *disp. 3. sect. 4.* nam si anima separata potest species intelligibiles ad suas operationes adæquatè recipere, & sustentare, à fortiori id poterit hæc forma spiritualis, quæ in vi intellectiva præstat animæ rationali; ergo nullatenus materia spiritualis deservire posset ad operationes compositi.

Confirm. Quia materia, ut faciat unum per se cum forma, debet illam vel sustentare, ut sustentantur formæ materiales; vel recipere, ut recipitur anima rationalis, & illam aliquatenus ad operationes adjuvare; atqui materia spiritualis neque potest sustentare formam spirituales, quia forma spiritualis eo ipso ac est spiritualis, potest extra materiam operari, & existere; unde non dependet à causa sustentante; neque potest formam spirituales recipere adjuvando illam ad operandum; cum possit forma spiritualis extra materiam, atque adeo sine concursu materiæ naturaliter operari; ergo materia spiritualis non potest facere unum per se cum forma Angelica; atque adeo non habet rationem materiæ.

Resp. Concessa majore nego minorem; materia enim spiritualis multipliciter deservire potest ad operationes totius; unde potest habere rationem materiæ, seu seminaturs, concurrentis ad operationes merè passivè, & non activè: nec eo modo, quo concutrit subsistentia, quæ neque efficit, neque recipit operationes, sed solum reddit illas proprias talis suppositi.

Primò itaque dici potest cum Arriaga, quòd materia spiritualis deserviret ad recipiendas, & sustentandas species intelligibiles adæquatè, & ad sustentandas inadæquatè operationes intelligibiles; si enim anima rationalis juxta communiozem sententiam indiget materiâ corporeâ ad sustentandas inadæquatè operationes sensitivas; quas cum sint vitales, debent esse ab intrinseco, seu esse in anima, à qua procedunt; & cum sint materiales, debent esse in materia; unde inadæquatè sustentantur à materia, & inadæquatè ab anima; quid nî pariter possit dari forma spiritualis, cujus operationes spirituales inadæquatè à forma spirituali, & inadæquatè à materia spirituali sustententur?

Neque obstat, quòd si potest anima rationalis separata sustentare adæquatè suas operationes, & species intelligibiles, debeat id etiam posse forma isthæc Angelica, utpote perfectior. Nam primò non tenet hæc argumentatio; Potest materia corporea sustentare accidentia materialia; ergo etiam potest forma, quæ est perfectior, atque adeo in forma, & non in materia sustentantur; ergo neque tenet hæc alia illatio; Potest anima separata sustentare species intelligibiles; ergo etiam forma Angelica, quæ est perfectior, quandoquidem ex perfectione habetur vis sustentativa, quâ adjuvetur agens ad effectum. Et ratio utriusque est, quia non omnis perfectio, quæ reperitur in ente imperfectiori, reperiri debet in perfectiore; incorruptibilitas v. g. reperiri potest in composito cœlesti, quin reperiatur in humano, & potentia viliva perfectior est in

in Aquila, quàm in homine ; ergo potest vis sustentandi species reperiri in anima rationali , quin sit in forma Angelica , quia perfectio major formæ Angelicæ præ anima rationali consisteret tum in hoc , quod ordinaretur ad partem spirituales , tum in eo quòd posset immediate intueri spiritus , quod non potest anima conjuncta corpori , tum etiam ex eo , quòd non posset naturaliter separari à suo comprincipio spirituali , quandoquidem non daretur agens naturaliter corruptivum talis compositi , ut dicitur de formis corporum celestium , si hæc sint incorruptibilia. Quare sicut materia corporum celestium de se est indifferens ad has , vel illas formas celestes , sive numero , sive specie diversas juxta varias opiniones , adeo ut , unâ obtentâ , non possit naturaliter ad aliam transire ob cœlorum incorruptibilitatem ; ita materia spiritualis.

Adde deinde , non esse certum , omnes Angelos de facto , etiam si simplices esse perfectiores hominibus : Graues enim Auctores apud Herreram putant , multos Angelos , spectatâ eorum debili intellectivitate , esse inferiores naturâ humanâ , inter quos Dæmones , qui manserunt in aëre , dicti Lemures , & Larvæ : ergo à fortiori poterit esse imperfectior homine Angelus compositus. Et ratio est , quia potest Angelus esse perfectior homine ex genere , quamvis non sit ex toto genere ; sicut scientia ex genere est perfectior fide , non tamen ex toto genere , ut explicavimus *disp. de Beatitudine quaest. 4.* Sic incorruptibile ex genere præstat corruptibili , quamvis homo præstet Cœlis incorruptilibus. Quare etiam cum ferè communissima admittendum sit , de facto omnes Angelos esse longè præstantiores homine in vi intellectiva , quatenus intelligunt speciebus universalioribus , & clarioribus ; non videtur tamen negari posse possibilitas Angeli , sive simplicis , sive compositi , in vi intellectiva , atque adeo simpliciter inferioris homine.

Secundò ad argumentum dici potest, quòd forma Angelica non indigeat materiâ spirituali, ut in ea subjeñtentur species, & operationes; sed solùm ut ab illa causetur materialiter, seu educatur, seu sustentetur; sicut diximus de forma ignis, & de calore, qui indigent subjeñto, solùm ut ab eo sustententur, non ut operentur. Quid nñ enim dari possit forma Angelica, quæ petat educi, ut petit quævis forma materialis, & quodvis accidens tam spirituale, quàm materiale? Neque dicas cum Amico, formam Angelicam esse perfectiorem animâ rationali; ergo debet esse magis independens à materia. Nam contra est, quia potest independens à materia esse ex genere perfectius dependente, quamvis non sit ex toto genere; de facto enim forma substantialis, quæ dependet à subjeñto, est perfectior ipsâ materiâ, quæ non dependet; quare poterit forma Angelica esse perfectior, quàm sit anima, esto solùm forma Angelica educatur, & dependeat à subjeñto; quia scilicet relatè ad operationem præstantissimam, seu in ordine ad vim intelligendi, forma Angelica, quæ educitur, longè præstaret animæ rationali.

Tertiò dici etiam potest, materiam spiritualement non deservire, ut in ea sustententur species, aut quòd ex ea educatur forma Angelica: sed esse merum requisitum, ut forma connaturaliter existat, & operetur. Si enim materia corporea potest exigere formam, non ut ex illa educatur, sed ut sit in suo statu connaturali completo; quare non poterit etiam forma Angelica exigere materiam spiritualement, non ut ex illa educatur, sed ut connaturaliter sit cum illa, tanquam cum complemento essentiali? Sicut ipsa materia exigit subsistentiam, ut sit, & operetur connaturali modo, quamvis non educatur ex illa.

Ad confirmationem, *nego minor*, utraque enim pars sustineri potest, videlicet & quòd forma Angelica solùm recipiatur in materia spirituali, atque ab ea adjuvetur
ad

ad operationes aliquo ex modis explicatis; & quòd etiam educatur è sinu materiae spiritualis; atque ab ea sustentetur, ut dicitur de formis caelorum incorruptibilibus. Si enim natura Angelica, quae datur de facto, obedientialiter pendere potest influxu sustentativo à subsistentia divina, eo modo, quo pendet humanitas Christi Domini; quidni possit forma Angelica pendere ab influxu subjecti sustentantis, & quidem naturaliter, posito quòd non repugnet illi posse sustentari?

V. Quòd si quæras, quare non possit etiam anima rationalis educi è sinu materiae corporeae, & ab ea sustentari? Respondeo, animam rationalem non posse sustentari, quia debet posse extra materiam corpoream naturaliter existere, cum sit naturaliter aeterna, & immortalis; quod evincitur tum rationibus moralibus, quia scilicet habere debet præmium, vel poenam post hanc vitam; tum rationibus physicis, quia cum attingat objectum deperatum à circumstantiis materialibus loci, & temporis, habere debet esse de se aeternum, falsum enim est, non satis colligi animae immortalitatem ex operationibus intellectus. At forma Angelica adhuc esset immortalis, etiamsi sustentaretur à materia spirituali, & in ea species reciperentur; quia scilicet naturaliter ab ea separari non posset, ut potest anima rationalis à materia corporea naturaliter sejungi; ergo potest forma Angelica sustentari à materia spirituali, quamvis non possit anima sustentari à materia corporea.

Præterea potest etiam dari forma Angelica, quae solum recipiatur in materia spirituali, ut recipitur anima; indigeat tamen illa ad operationes tantum mediatae, quatenus eam indiget solum, ut sit in statu completo; quia scilicet materia esset naturale requisitum, non solum ut forma Angelica primò existat [sicut requiritur ab anima rationali] sed etiam ut conservetur citra miraculum; sicut forma substantialis est naturale requisitum, ut materia citra miraculum conservetur. Ex eo autem, quòd mate-

ria spiritualis sit naturale requisitum formæ; sequitur requiri etiam ad operationes totius, non quidem immediate, aut efficiendo; aut recipiendo illas, sed mediate; quatenus non potest aliter forma Angelica operari, nisi sit in statu completo; differret tamen à substantia, quia materia spiritualis præsupponeretur ad formam, & naturam constitueret, substantia verò ad naturam consequeretur.

Hæc ad uberiorem doctrinam. Expeditissimè tamen sustinetur Conclusio cum Arriaga dicendo, materiam spirituales deservire tum ad sustentandam formam Angelicam, tum ad sustentandas species, & inadæquate operationes; quia illa solum forma spiritualis educi, & sustentari non potest, quæ unitur materiæ dissolubiliter, ut anima rationalis; quippe quæ debet posse naturaliter extra materiam existere, & operari post naturalem separationem ab illa.

VI. OBJIC. secundò: Si esset possibilis Angelus ex materia spirituali compositus, posset alios Angelos generare; sed hoc est inopinabile; nam sic possemus fingere animam rationalem compositam generabilem, & corruptibilem; ergo non est possibilis materia spiritualis. Sequela majoris probatur. Nam sive educatur tam unio, tam forma Angelica è sinu materiæ spiritualis, sive educatur sola unio, ut in composito humano, haberetur quicquid requiritur & sufficit ad generationem; ergo posset Angelus Angelos generare.

Resp. Avicennam, & alios putasse, Angelos esse ab aliis Angelis creative productos; quòd sanè est erroneum; cum certum sit, nullam creaturam de facto creasse.

Utrum autem possit dari Angelus compositus, cui competat vis generandi alios? non vacat inquirere; videtur tamen dari non posse; quia generatio viventis non fit, nisi per decisionem partis à Generante, ut sit origo viventis à vivente principio conjuncto in similitudinem naturæ; Angeli autem necessario carent partibus integran-

grantibus, ut supponimus cum communiori contra Ariagam, & Herreram; ergo non possunt partem à se decidere. & alios generare. Quare sicut formæ cœlorum possunt intelligi compositæ ex materia, & forma, & tamen esse incorruptibiles, & ingenerabiles ab aliis corporibus cœlestibus, etiam in prima eorum productione; ita potest idem de Angelis intelligi.

VII. OBJIC. Ultimò, Forma Angelica addicta materiæ spirituali deberet esse absolutè imperfectior anima rationali; hoc non admittitur; ergo repugnat: Probatur sequela, quia illa forma dicitur perfectior, cujus operatio præcipua est perfectior; neque enim aquila est perfectior, homine, quia licet aquila videat perfectiùs, caret tamen operationibus rationalibus propriis hominis; atqui operationes animæ rationalis essent perfectiores operationibus formæ Angelicæ: ergo anima esset præstantior. Hæc minor probatur, quia anima perfectiùs intelligit, quàm intelligeret forma Angelica; quandoquidem anima est principium adæquatum tam activum, quàm passivum suæ intellectionis, & specierum requisitarum, ut proinde sit naturaliter separabilis à materia corporea: secus verò forma Angelica. Neque dici potest, quòd forma Angelica intelligeret clariùs, & perfectiùs. Nam si perfectiùs intelligeret, perfectiùs viveret, cum ipsum intelligere sit vivere; ex altera parte viveret imperfectiùs, si indigeret materia ad intelligendum; ergo non potest perfectiùs intelligere, quàm anima rationalis.

Confirm. Primò, quia forma Angelica nullatenus requirere potest materiam ad sustentandas, seu recipiendas suas intellectiones, quia vitalitas intellectionis exigit, quòd principium activum sit etiam passivum, cum sit motus ab intrinseco; ergo vitalitas perfecta, qualis est in Angelo, fert, ut forma Angelica, quæ est principium activum adæquatum, sit etiam adæquatè receptiva earundem operationum.

Con.

Confirm. secundo ; vel forma Angelica esset incapax recipiendi adæquatè suas operationes , ac species ex defectu virtutis , vel ex defectu proportionis ; non primum , quia ad recipiendum nulla virtus requiritur ; neque secundum , quia accidens spirituale habet omnem proportionem cum subiecto spirituali.

Respond. Nego sequelam : Ad probationem *nego minorem* ; ad cuius probationem , *Nego* , perfectiores esse intellectiones animæ , quàm formæ Angelicæ , etiamsi anima sit adæquatum principium activum , & passivum illarum ; nam ex multiplici capite præstarent intellectiones formæ Angelicæ intellectionibus animæ. Primò quia forma Angelica intelligens ordinatur ad compartem perfectiorem , videlicet ad materiam spirituales. Secundò quia forma Angelica ad suam compartem ordinatur indissolubiliter. Tertiò quia in omnibus suis operationibus esset independens ab organis corporeis ; ubi anima iis indiget ad operationes sensitivas. Quartò quia intellectiones formæ Angelicæ nullatenus pendent à phantasmatibus , à quibus species intelligibiles abstrahantur : unde fit , quòd forma Angelica possit spiritus intueri , etiam unita materiæ spirituali ; quod nequit anima unita corpore. Quintò quia anima etiam separata indiget speciebus intelligibilibus à Deo inditis quodam innaturali modo , cum naturaliter non nisi mediis phantasmatibus eas acquirat , ubi forma Angelica species intelligibiles habet congenitas modò sibi connaturali. Denique quia forma Angelica intelligeret per species universaliore , & clariores , quàm anima separata. Quare cum possit independens à materia esse ex genere tantum , non ex toto genere perfectius dependente , potest forma Angelica dependens à materia spirituali esse perfectior , & vivere , ac intelligere simpliciter perfectius , quàm anima rationalis , quæ non dependet à materia corporea ; Sicut forma substantialis corporea est simpliciter perfectior materiâ , quamvis for-

ma

ma dependeat à subjecto, & non dependeat ipsa materia.

Ad primam confirmationem, *nego antecedens*: sicuti enim sensationes, quamvis vitales, possunt inadæquatè sustentari in materia corporea; ita intellectiones in materia spirituali; & sicut ad perfectam vitalitatem intellecti-
onum non obstat, quò minùs cum intellectu activè concurrat, vel habitus, vel lumen gloriæ, aut quid simile; ità neque obstat, quò minùs passivè concurrat materia spiritualis.

Ad secundam confirmationem facilis est responsio ex iis, quæ hìc supponenda sunt ex Philosophia: forma enim Angelica potest esse incapax recipiendi species intelligibiles, Primò ex defectu virtutis, quia ad sustentandum requiritur virtus adjuvans agens in ordine ad effectum; unde fit, quòd major virtus agentis requiratur in producendo formam sine concursu materiæ, seu creativè, quam in educendo illam. Secundò potest esse incapax ex defectu proportionis; ut enim forma materialis est impropor-
tionata ad sustentandam quantitatem, & accidentia materialia; ita forma Angelica potest esse improporcionata ad sustentandas species intelligibiles; & sicut forma equi e. g. licèt materialis, est improporcionata ad sustentandas adæquatè sensationes, ut communissimè docent; ità forma Angelica licèt spiritualis, potest esse improporcionata ad sustentandas adæquatè intellectiones.

Q U Æ S T I O III.

Utrum Angeli sint incorruptibiles, & inannihilabiles ab intrinseco?

I. **I**Ndubitatum est, Angelos materie expertes esse essentialiter incorruptibiles, sumptâ corruptione rigorosè juxta definitionem Philos. 1. de generatione 3, ubi

ubi corruptio opposita generationi definitur, *transmutatio de ente in actum*, *in ens in potentia*: ad quod procul dubio requiritur materia, seu subjectum commune. Est pariter certum, Angelos esse corruptibiles in sensu minus presso, & rigoroso, hoc est destruibiles, & annihilabiles de potentia Dei absoluta. Dubitatur solum, Utrum annihilabiles sint de potentia Dei ordinaria, seu citra quamcunque innaturalitatem, eo quod careant exigentia naturali ad sui perpetuam conservationem?

II. Dico equidem, Angelos esse ab intrinseco inannihilabiles de potentia Dei ordinaria, seu naturaliter. Ita communius cum D. Th. prima parte *qu. 9. ar. 2.* Suar. *lib. 1. cap. 9.* Mærat. Capre. Cajet. contra Vasquez *disp. 182.* Scot. *in 4. distin. 49.* Okam, Gabriel. apud Mærat. *disp. 9. sect. 2.* docentes, Angelum ex solo Dei beneplacito esse duraturum in perpetuum, non ex naturali ejus exigentia. Hæc concl. constat ex iis, quæ diximus *disp. I. qu. 9.* ostendendo, visionem Dei esse naturaliter indestruibilem.

PROB. Iterum I. paritate animæ rationalis, quæ in Concil. Lateranensi sub Leon. X. definitur esse immortalis. Nec potest esse sensus, quod sit immortalis tantum ex mero Dei beneplacito, seu ab extrinseco, Nam Patres communiter dicunt, animam, & Angelos esse naturam suam immortales; unde Molin. hic *art. 5.* putat, errorem esse, aut errori proximum dicere, quod anima, & Angeli natura sua sint corruptibiles; ergo sunt ab intrinseco inannihilabiles de potentia Dei ordinaria.

PROB. Deinde ratione, quia Angelus, ut quodcumque aliud ens creatum, appetit naturaliter conservari; ita ut si destruaturn a causa prima, & non ad exigentiam causæ secundæ, contra naturalem ejus appetitum, & exigentiam destruaturn; ergo cum nulla detur causa secunda, quæ exigat Angeli destructionem, non nisi miraculosè potest destrui; atque adeo est ab intrinseco inannihilabilis. Antecedens

cedens patet, tum quia experimur, calorem v.g. etiam in aqua conservari, donec à contrario destruat; idque non nisi quia exigit naturaliter conservari, nec potest naturaliter destrui, nisi ad exigentiam causæ secundæ; tum etiam ex illo Axiomate, *Natura uti agitur, ita nata est agi*; seu quòd continenter fit, illud fit cum inclinatione & exigentia naturæ: Angelus autem, & quodvis aliud ens à causa prima conservatur, donec causa secunda erigat destructionem; ergo si destruat, & non ad exigentiam causæ secundæ, contra naturalem inclinationem, atque adeò miraculosè destruitur, atqui Angelus nequit destrui ad exigentiam causæ secundæ; ergo ab intrinseco est naturaliter inannihilabilis. Minor hæc probatur: in tantum enim potest naturaliter, & ad exigentiam causæ secundæ aliquid destrui, in quantum vel deficit ejus causa conservans, ut deficit lux ad absentiam Solis, vel quia deficit causa sustentans, vel quia expellitur à contrario; nullo autem ex his modis potest Angelus destrui, ut patet; ergo nequit Angelus destrui ad exigentiam causæ secundæ, atque adeò est ab intrinseco inannihilabilis.

III. OBJIC 1. Patres cum Hieronymo, & Sophronio in sexta Synodo dicunt, Angelos esse immortales, non natura, sed gratia; ergo ex mero Dei beneplacito in perpetuum conservantur.

Resp. à Patribus negari Angelis immortalitatem Dei propriam, ita ut nequeant simpliciter à causa extrinseca annihilari: dicuntur autem gratia immortales, quia nullis præcedentibus meritis, aut naturali exigentia creati sunt, & conservantur in æternum; quamvis ad exigentiam propriæ naturæ conserventur, supposita gratuita creatione, eo modo quo prædestinatio ad gloriam dicitur merum Dei donum, quamvis gloria exigatur à meritis; quia liberaliter conferuntur auxilia efficacia, ad quæ consequuntur merita. Quare Angeli gratia sunt immortales, tū in causa, quia scilicet gratis creati sunt; tum etiam quia
libere

liberè Deus non utitur potentiâ extraordinariâ ad illos destruendos.

IV. OBJIC. 2. Angelus antequam existat, non petit produci; ergo post creationem neque petit conservari, *Prob. conseq.* Quia ità se habet Angelus antequam sit relatè ad primum esse in instanti A, ac se habet dum primò est in instanti A, relatè ad secundum esse pro instanti B; atqui dum non est, non potest exigere sui existentiam pro instanti A; ergo neque dum est in instanti A, potest exigere sui existentiam pro instanti B.

Resp. nego conseq. ad probationem *nego maj.* exigentia, quam habet Angelus ad conservari, identificatur cum proprio esse; antequam sit, nullum habet esse, & ideo non exigit poni pro instanti A; at quando existit pro instanti A, tunc habens esse intrinsecum, habet pariter exigentiam ad conservari; sic ignis v. g. antequam sit, non exigit calorem; exigit verò, quando est à parte rei.

Q U Æ S T I O IV.

Num detur multiplicitas specifica Angelorum

I. **D**ico 1.^o Dari potest multiplicitas, ac diversitas specifica in Angelis. Ià communiter contra Guilielmum Parisiensem. Alber. Bonav. apud Sua. l. i. c. 12.

PROB. Tum negativè, quia non apparet repugnantia; tum paritatè entium non intellectualium, quæ sub eodem genere possunt specie multiplicari; tum etiam ex Suar., quia cum substantia Angelica finito modo participet perfectionem Dei, poterit inæqualiter illam participare, & sic haberi poterit diversitas specifica Angelorum.

Confirm. Quia aliter species Angelica esset species omnium perfectissima. Hæc autem species omnium perfectissima male audit in Philosophia. Et ratio est, quia cum supra Angelum existentem sit possibilis creatura perfectior, & perfectior in infinitum, erit pariter possibilis species creaturarum perfectior; nam vel creatura per-

fectior

perfectior Angelo existente esset intra ordinem intellectivum & Angelicum, & habemus intentum, quod possint sub genere intellectivo Angeli specie multiplicari; vel esset extra ordinem intellectivum, & hoc est impossibile, quia nulla species ordinis inferioris potest esse perfectior specie ordinis superioris, non potest v. g. species entis inanimati assurgere supra speciem alicujus viventis; unde dicimus, muscas, & vermes, cum moveantur ab intrinseco, esse perfectiores Sole: ordo autem intellectivus est supremus: ergo species illa creaturarum perfectior Angelis existentibus deberet esse in ordine inferiori ad intellectivum, quod repugnat; ergo sub genere intellectivo potest dari diversitas specifica Angelorum.

II. OBJIC. Non potest explicari, per quodnam prædicatum possent specie diversificari substantiæ omnino simplices; si enim dicatur diversificari, quia exigent potentias magis, vel minus perfectas v. g. vim intellectivam, operativam, motivam corporum inæqualem; contra est, quia magis, & minus non variant speciem, neque enim differt specie homo hebes ab homine perspicaci, quare sicut animæ rationales non possunt differre specie, ita nec Angeli.

Confirm. 1. Quia quæ conveniunt in prædicato nobilissimo, non possunt differre specie, atqui omnes Angeli conveniunt in prædicato intellectivi, quod est nobilissimum; quandoquidem nullum aliud prædicatum potest tantundem superaddere perfectionis reliquis præsuppositis, quantum superaddit prædicatum intellectivi; ergo non possunt specie differre. Major prob. quia prædicatum nobilissimum est prædicatum specificum, seu differentiale; comparatur enim genus cum differentia, sicut materia cum forma, adeoque sicut forma est pars nobilissima compositi physici, ita prædicatum differentiale est nobilissimum.

Confir. 2. Quia visiones beatæ, licet inæquales, non differunt

Pars II.

M

ferunt

ferunt specie, quia specificantur ab ipsa eadem essentia divina; ergo substantiæ intellectuales, licet inæqualiter intelligentes, non possunt specie differre, quia specificatur earum intellectus ab eodem specificativo, quod est ens, ut ens.

Resp. Ritè differentiam specificam Angelorum explicari per hoc, quòd habeant potentias per se inæquales; unde exigant per se species intelligibiles universaliiores, & clariores. Tunc magis, & minùs non variant speciem, quando id, quod superadditur, est omnino ejusdem rationis cum eo, quod præsupponitur, ut patet in magis, & minùs albo; secus verò quando est diversæ rationis, ut patet in viridi, & albo; album enim superaddit claritatem majorem diversæ rationis, ac habeat color viridis; sic vis intellectiva Archangeli continet indivisibiliter tum perfectionē intellectus Angelici inferioris, tum aliquid plus, quatenus potest comprehendere adhuc indivisibiliter tum objecta, quæ potest comprehendere intellectus inferior, tum alia objecta, & ideo specie diversificantur; non secus ac specie differunt numeri, quia scilicet ternarius indivisibiliter continet quicquid continet binarius, & aliquid plus.

Dixi tamen, Angelos diversificari specie, si habeant potentias inæquales per se. Et hinc est disparitas, cur homo hebes non differat specie à perspiraci; quia scilicet isti duo homines habent potentias inæquales per accidens, videlicet ratione diversi temperamenti, & complexionis; cum enim homo ad intelligendum indigeat phantasmatibus, quæ diversa sunt in diversis temperamentis, & per accidens sit, quòd anima Petri sit in hoc corpore cum hoc temperamento potius quàm cum alio, ideo per accidens homo hebes, & perspicax habent potentias intellectivas inæqualiter operativas: contra verò duo Angeli specie diversi haberent potentias per se inæquales. Utrùm autem dari possint in alio ordine duæ animæ rationales specie diversæ, quæ scilicet per se exigant potentias inæquales, sive sensitivas, sive rationales? est alia quæstio; nec apparet, cur dici non debeant possibiles.

Ad

Ad primam confirmationem *negō majorem* : patet in brutis, in quibus prædicatum sensitivi, quod est genericum, præstat differentiali, v. g. hinnibili, quod non superaddit generi tantundem perfectionis, quantum continet prædicatum sensitivi. Sic quoties genus dividitur per differentiam positivam, & negativam, ut animal in rationale, & irrationale, corpus in animatum, & inanimatum, differentia negativa non est perfectior prædicato generico : comparatur itaque genus materiæ quoad universalitatem, non quoad perfectionem.

Ad secundam, negatur antecedens ab aliquibus putantibus, quod sicut visio beata Angeli specie differt à beatitudine hominis, ita pro diversitate specifica Angelorum competant iis diversæ specie visiones. Sed omisso antecedente, nego consequentiam, cujus probatio si quid evinceret, inferret etiam, intellectum Divinum esse ejusdem speciei cum intellectu creato ; quia uterque specificatur ab ente, ut ens est ; verum quia potest idem specificativum intellectus aliter attingi ab intellectu divino, aliter ab Angelico, & ab humano, ideo specie differunt hujusmodi potentiæ intellectivæ ; visiones autem beatæ essentiam Divinam eodem modo attingunt, & solum differunt penes majorem, vel minorem claritatem accidentalem, & homogeneam : idcirco non differunt specie ratione objecti ; esto possent differre ratione subjecti ; ad quod pariter referuntur.

III. Dico 2. Non solum de possibili, sed etiam de facto dicendum est, dari in Angelis specificam diversitatem. Ita communissimè.

PROB. Quia communissimè docent cum D. Dionys. de cœlesti Hierarchia, & D. Greg. *hom. 34.* in'Evang. dari tres Hierarchias, & novem choros Angelorum, ita ut in prima Hierarchia sint Seraphim, sic dicti ab excessu amoris, Cherubim ab excessu scientiæ, Throni ab excessu puritatis, & affectuum sedatione, ut sint quasi Sedes Divi-

næ majestatis; In secunda sint Potestates, quæ dæmones frænant, Virtutes, quæ Cœlos regunt, Dominationes, quæ inferioribus præsunt quoad ea, quæ ad universalem providentiam spectant; In tertia sint Principatus, qui Archangelos, & Angelos illuminent ac instruant in iis, quæ ad privatam & publicam salutem spectant; Archangeli, quibus Principum, Regum, Pontificum, Urbium cura universalis demandata est, & Angeli, quibus cura demandatur privatorum hominum. Hæc autem omnia salvari commodè nequeunt absque specifica diversitate Angelorum; ergo specie diversificantur.

Confirmat. Quia ad pulchritudinem universi spectat specifica diversitas rerum corporearum, ergo à fortiori intellectualium substantiarum. Hinc communius docent D. Th. apud Suar. *lib. 5. cap. 10. & Vasq. disp. 128.* Angelos donis gratiæ inæqualibus præditos fuisse à Deo pro inæqualitate naturæ, quia scilicet consentaneum divinæ sapientiæ fuit, ut quos perfectioris naturæ condebat, uberioribus gratiæ tum auxiliantis, tum sanctificantis, donis cumlaret. Proinde Luciferum censent donis præstantissimis ornatum fuisse, unde gravius peccavit contemnendo tot, tantorumque donorum Largitorem.

Q U Æ S T I O V.

Num detur pariter numerica multiplicitas Angelorum?

I. **T** Homistæ communiter contra Scotistas, & alios communissimè docent, nec dari de facto, nec posse dari in Angelis multiplicitem numericam, quâ tamen sententiam Rubio apud Amic. hic vocat irrationabilem & absurdam, Bonav. præsumptuosam, & Academia Parisiensis illam inter errores de Angelis reponit. Quamvis autem ab omni censura abstinendum sit; certum tamen videtur, quod huic sententiæ nullatenus faveant plures Angelici Doctoris textus, qui pro ea adducuntur. Indigent enim interpretatione; cum apertè D. Th.

opus.

opusculo 16. dicat, multiplicatam hanc numericam non repugnare; hæc enim habet contra Averroistas: *Valde ruditer argumentantur ad ostendendum, quod Deus facere non possit, quod sint multi intellectus ejusdem speciei, credentes hoc includere contradictionem; dato enim, quod non esset de natura intellectus, quod multiplicaretur, non propter hoc oporteret, quod intellectum multiplicari, includeret contradictionem.* Ex quo loco multi Thomistæ cum Ægidio docent, naturaliter tantum, non divinitus repugnare individualement multiplicatam Angelorum, & consequenter non dari de facto.

II. Dico equidem I. Numerica Angelorum multiplicitas non repugnat. Ità communiter apud Amic. *disp. 3. sect. 6.*

Probatur tum negativè, tum paritate animarum rationalium, quæ licet spirituales sint, possunt tamen numericè multiplicari: Neque enim anima Petri est hæc, quia tale corpus informat; Nam eadem esset, etiamsi informaret corpus Pauli. Ratio à priori est, quia unumquodque ens creatum à propria limitatione habet suum prædicatum individuale, ratione cujus non excurrit ad aliud; sicut discurremus de prædicato specifico. Quare enim homo differt specie ab equo, nisi quia non excurrit ad perfectionem equi, cum quo est sub eodem genere; ergo si Michaël non excurrat ad perfectionem Gabrielis, ut Petrus non excurrat ad perfectionem Pauli, individualiter differunt, etiamsi sint sub eadem specie. Deus Opt. Maximus idcirco nec specie, nec numero multiplicari potest, quia omnem omnino perfectionem absorbet, atque adeo nulla est perfectio specifica, nulla numerica, ad quam Deus ratione suæ infinitatis non excurrat: creatura verò utpote limitata, sicut non potest excurrere ad perfectionem specificam à se distinctam, ità nec ad numericam, atque adeo sicut potest Divina perfectio participari multipliciter à diversis speciebus sub quolibet genere, ità etiam à diversis individuationibus sub qualibet specie.

III. Dico 2. Creatura numericè immultiplicabilis universim repugnat.

PROB. Repugnat creatura, quæ sub aliquo genere fit immultiplicabilis specificè ; ergo etiam quæ sub aliqua specie fit immultiplicabilis numericè. Ratio utriusque est, quia Deus est participabilis à creaturis quocumque modo non involvente contradictionem, tum intensivè , & cum diversitate specifica, tum extensivè , & cum diversitate tantum numerica; ergo nisi positivè probetur, quòd multiplicitas numerica Angelorum, aut cujusvis alterius creaturæ involvat contradictionem, standum pro Omnipotentia, & dicendum, repugnare numericam immultiplicabilitatem ; sicut repugnat sub aliquo genere species immultiplicabilis, nisi positivè probetur , quòd hujusmodi multiplicatio involvat contradictionem.

Confirm. 1. Quia communiter dicimus, repugnare Creaturam maximam, Indestruiibilem, absorbentem omnem perfectionem, deceptâ a seitate, & alias hujusmodi, præcisè quia ex suo conceptu limites Omnipotentiae reverà coarctant, etiam si videantur extendere; ergo idem dicendum de creatura numericè immultiplicabili, quâ positâ Deus non posset à consimili creatura ulterius participari.

Confirm. 2. Validissimè, quia si merè negativè probari posset possibilitas Creaturæ numericè immultiplicabilis eodem pacto probari posset negativè numerus finitus maximus in aliqua specie; v. gr. quòd Deus posset concedere creaturam, in qua sint possibilia decem tantum individua, & non amplius, quod nemo dixerit. *Prob. sequela* , quia si censetur possibilis creatura, in qua unicum individuum absorbeat totam perfectionem etiam extensivam suæ speciei, quidnâ dicatur possibilis creatura, in qua decem individua eandem perfectionem specificam adæquatè absorbeant ?

IV. OBJIC. 1. Fundamentum Thomistarum, Principium, seu radix distinctionis numericæ, seu materialis est
sola

sola materia; ergo cum Angeli careant materiâ, non possunt numericè multiplicari. Antecedens probatur pluribus Philosophi textibus, præsertim 5. Metaph. 12. ubi habetur *ea esse unum numero, quorum materia est una.*

Resp. In metaphycis fusè contra Thomistas ostendi, distinctionem numericam non oriri à materia, sed à propria limitatione, per quam A non excurrit ad perfectionem B, quamvis tam A, quàm B eandem specificam perfectionem participant: Sicuti differentia specifica oritur etiam à propria limitatione, per quam una species non excurrit ad perfectionem alterius, quamvis utraque participet eandem perfectionem genericam. Quod patet primò in duabus materiis numero diversis; secundo in duabus quantitibus, quæ indifferenter possunt hanc, vel illam materiam informare; tertio in duabus animabus rationalibus, quæ certè indifferentes sunt ad informandam hanc potius materiam, quàm illam, ut patet in aggeneratione, ratione cujus anima unitur cum hac parte materiæ, puta hujus cibi, quo potuisset uniri cum altera; quartò patet in actibus intellectû, & voluntatis, qui possunt numero distingui, & successivè informare eundem intellectum, ac voluntatem. Neque dici potest, quòd etiam isti actus respiciant materiam, nempe subjectum, ex quo educuntur, quod etiam venite solet nomine materiæ. Nam etiam hoc dato, contra est, quia quamvis duæ intellectiones respiciant idem numero subjectum, nempe hunc intellectum, possunt tamen numero multiplicari; ergo à fortiori forma materialis, quæ de facto informat hanc materiam poterit multiplicari numericè, cum de se non addicatur forma materialis huic materiæ, ut actus intellectûs addicuntur suo intellectui; & consequenter Angeli, qui omni materiâ, ac subjecto carent, poterunt numericè multiplicari.

Ad auctoritatem Philosophi respondetur, Aristot. sapè docere, materiam esse radicem multiplicationis numericæ,

sed relatè ad nos, non verò secundùm se; nos enim cognoscimus duo distingui numericè, quia respiciunt diversam materiam, sunt in diverso loco, tempore, &c.

V. OBJIC. 2. Quæ differunt secundùm formam, differunt formaliter, atque adeo specificè: cùm differentia numerica sit materialis; sed Angeli expertes materiæ non possunt differre, nisi secundùm formam, ergo tantùm specificè.

Confir. 1. Quia Angelus continet totam perfectionem suæ speciei: aliter non esset in sua specie perfectus; ergo nequit multiplicari numericè; aliter unus non contineret perfectionem alterius, & sic neuter esset in sua specie perfectus.

Confirm. 2. Quia si Angeli differrent numericè, non essent discernibiles; unde in republica rationali haberetur civium confusio, orta ex indiscernibilitate; hoc repugnat; ergo & id, unde sequitur.

Resp. Argumentum solvendum in instantiis adductis de duabus animabus, de actibus intensionalibus &c. Distinguenda itaque est forma physica à metaphysica, & materia physica à materia metaphysica; Prædicatum specificum dicitur prædicatum formale, seu desumptum à forma metaphysica; prædicatum individuale dicitur materiale desumptum à materia metaphysica, quia hujusmodi prædicata dicunt analogiam ad formam, & materiam physicam. Sicut enim pars perfectior; & speciosior compositi physici est forma, ita prædicatum specificum est perfectius in composito metaphysico, quàm sit prædicatum individuale, & ideo prædicatum specificum dicitur formale, prædicatum verò individuale dicitur materiale.

In forma distinguo majorem: quæ differunt secundùm formam metaphysicam, seu secundùm prædicatum præstantius, & commune omnibus individuis ejusdem speciei, differunt formaliter, & specificè, *concedo*; quæ differunt secundùm formam physicam, *nego majorem, & distinguita pariter minore, nego consequentiam.*

Ad

Ad primam confirmationem, *Distinguo antecedens*. Angelus continet totam perfectionem suæ speciei, intensivè concedo; extensivè *Nego antecedens, & consequentiam*.

Ad secundam confirmationē nego sequelam, possent enim Angeli discerni; Primo ratione propriæ individuationis, quæ ab Angelo quidditivè, & intuitivè cognoscere objecta est discernibilis. Idcirco nos ovum A discernere non possimus ab ovo B, quia non cognoscimus illa quidditivè, nec intuitivè, nisi ratione accidentium; at Angelus discernit ovum ab ovo, & albedinem A ab albedine B, sicut etiam animam separatam A ab anima B. Deinde sicut nos possumus Petrum discernere à Paulo ratione diversorum accidentium, quæ ab iis vagè exiguntur; quidni pariter possent à distinctis Angelis diversa accidentia exigere vagè, videlicet vel hæc, vel illa in tali, vel tali gradu; ita ut quæ per accidens sunt in uno, non sint in alio, & sic possent discerni. Tertiò discerni possent ratione diversorum munerum, quia scilicet hic est custos Petri, ille Pauli. Denique argumentum, si quid evinceret, solum probaret, non posse coexistere plura individua ejusdem speciei Angelicæ; non verò ea esse impossibilia.

VI. Dico 3. probabilius est, de facto sub unaquaque specie Angelica dari plures Angelos. Ita communiter apud Suar. cap. 15.

PROB. Quia ad pulchritudinem Universi spectat non solum ordo per se, sed etiam ordo per accidens; Nam ex Aug. lib. 12. de Civit. cap. 13. *Ordo, seu pulchritudo est parium, dispariumque congrua dispositio*. Præterea ad ornatum aulae Principis spectat in omni gradu Ministrorum dari pluralitatem: Spectant etiam ad fovendam amicitiam, quæ non est nisi inter æquales. Denique ex Scoto, ne dicamus, tot Angelorum species omninò periisse: Probabile enim est, in qualibet specie Angelorum plures non peccasse, & esse beatos.

VII. OBJIC. Multiplicatio numerica solum ponitur ad conservandam speciem, & ideo Sol, Luna, & corpora incorruptibilia non multiplicantur; ergo nec Angeli.

Resp. Non esse caput præcisum, sed sufficiens id, quod assignatur; Nam etiam ad ornatum, & pulchritudinem dari potest multiplicatio numerica. Sol, & Luna non multiplicantur, quia satis sunt suis influentiis; ac benè representant mysticè Deum unicum Solem, ac Lunam mysticam, Deiparam; astra tamen plurima sunt ejusdem speciei, licet incorruptibilia, sicut & Cœli.

Denique quanta sit multitudo Angelorum, incertum est. D. Tho. 1. p. qu. 35. art. 3. ex D. Dionys. docet, Eos extendere omnes substantias materiales, quia scilicet cùm Deus in creatione rerum intenderit perfectionem Universi, consequenter quanto aliqua sunt perfectiora, tanto in majori excessu condita sunt à Deo. Sicut autem in corporibus attenditur excessus secundum magnitudinem, ita in spiritibus secundum multitudinem; Unde sicut corpora cœlestia, quia perfectiora, longo excessu superant corruptibilia; ita spiritus immateriales, quia perfectiores homine; incomparabiliter superant hominum multitudinem. Unde Job. 25. dicitur; *Numquid est numerus militum ejus?* si enim de stellis dicitur, *Numerastellas, si potes*; à fortiori debet Angelorum numerus esse innumerabilis. Quod ex eo etiam colligi potest, quia juxta communem Doctorum sensum unicuique hominum assignatur Angelus tutelarior; Et quamvis Magister, & Hugo Victorinus putent unum Angelum plurium hominum curam gerere; Communiùs tamen cum Justino martyre q. 430. docent, unicuique hominum assignari Angelum proprium, & quidem ordinariè ex infimo choro, atque adeò solum infimum chorum excedere multitudinem omnium hominum; etiam futurorum. Ad Angelos autem, quibus suorum Clientum cura demandatur, spectat excitare intellectum, & voluntatem ad sanctas cogitationes, & ad

& ad bene operandum, aut immutando phantasiam, aut commovendo humores, & spiritus, quorum agitatione phantasmata excitantur; compescere dæmones, ne tentent acriter; pericula mali aut temporalis, aut Spiritualis avertere; necnon aliquando temporalia mala infligere, ac terrores incutere ad præcavendas eorum culpas, ac mortem etiam inferre, ne malitia mutet intellectum; offerre Deo eorundem preces, reddendo illas precibus suis efficaciores; Pro iisdem orare, etiam quando actualiter peccant, juxta illud Exod. 23. *Non dimittet, cum peccaveris*; Eorum animas in Purgatorio solari; atque ad Cælum deinde post purgationem deducere, juxta illud Lucæ 16 *Factum est autem, ut moreretur mendicus, & portaretur ab Angelis in sinum Abrahe.*

QUÆSTIO VI.

*An possit Angelus esse naturaliter in locis diffi-
tis, & ab extremo ad extremum transire
sine medio?*

I. **C**itra locum, & motum Angelorum sciendum primò, Angelos cum neque nullibi neque ubique sint, ut neque nunquam, indigere ubicatione distinctâ; Neque enim Angeli sunt in loco formaliter per operationem, ut docent Thomistæ; ita ut dicantur v. g. esse Neapoli, quia relatè ad corpora Neapoli ubicata operationem aliquam exercent; tum quia possunt nullam operationem transeuntem exercere, dum sunt Neapoli; tum etiam quia existere possunt, ubi nullum sit corpus, in spatiis scilicet imaginariis; tum pariter quia exercere possunt operationem relatè ad corpora, quæ ab ipsis partialiter distant; puta si Angelus moveat lignum centum palmarum, & ipse existat in solo primo palmo talis ligni; tum demum quia ubicatio est in priori ad operationem, cum sit conditio prærequisita ad operandum; er-

g. Angelus non est in loco per operationem, sed per propriam ubicationem definitivam, non secus ac anima rationalis separata. Unde fit, posse duos Angelos, etiam naturaliter, esse in eodem loco, ut communissime docent contra Richar. & Bassol. apud Suar. *lib. 4. cap. 4.* cum possint penetrari.

II. Dubitatur solum, Utrum ubicatio isthæc Angelica sit divisibilis, ut docet Suar. *cap. 12.* an indivisibilis, ut Vasquez *disp. 108. cap. 7.* Probabilius censeo, esse divisibilem, sicut est divisibilis unio animæ rationalis; ne scilicet tota ubicatio mutetur, quoties Angelus se dilatat ad majus spatium, vel se contrahit ad minus: non enim repugnat ubicatio indivisibilis subjective, & divisibilis terminative; sicut est duratio Angelica; si enim accidentibus spiritualibus, puta habitibus, non repugnant partes intensivæ, quare repugnabunt ubicationi spirituali partes extensivæ? quæ certè ab Adversariis negari non possunt ubicationi successivæ Angelorum, qua scilicet Angeli moventur ad novum, & novum spatium requirendam.

Sciendum 2: quòd sicut anima rationalis potest esse modò in corpore infantis, modò in corpore adulti, & modò in majori, modò in minori loco intra sphaeram suam, dilatando, aut contrahendo proprium corpus, ita potest Angelus, ut communius docent apud Suar. *lib. 4. cap. 11.* Non videtur enim gratis deneganda Angelo libertas ad contrahendam, vel dilatandam ubicationem suam intra propriam sphaeram. Non est tamen consonum limitationi Angeli, quòd possit occupare spatium majus, & majus in infinitum; etiamsi crescenti v. gr. longitudine spatii occupati, decreseat proportionaliter latitudo: quæ de causa Anastasius Sinaita *lib. 1. de fidei dogmatibus dixit: Gabriel simul in Cælo esse, & apud Virginem non potuit*; itemque docent Damasc. Didim. & alii Patres apud Suarez *cap. 10.* Quare sicut in omnibus rebus naturalibus datur minimum, & maximum naturale, ita in ubicatione

bicatione Angelica secundum quamcumque dimensionem. Unde fit, non posse naturaliter Angelum in indivisibili mathematico loci collocari; quicquid sit, an possit divinitus.

Sciendum 3. Angelos moveri posse tam motu continuo, quam discreto: quando moventur motu continuo, singulis indivisibilibus physicis temporis mutant ubicationem, qua novo spatio successivè corresponsdeant; quando verò moventur motu discreto, dupliciter sic possunt moveri; videlicet vel per hoc, quòd aliquibus partibus temporis mutant ubicationem, aliquibus non, sed quiescant: vel per hoc, quòd singulis partibus temporis moveantur, sed non successivè acquirant partes spatii, sed simul à spatio adæquato ad novum spatium adæquatum transeant: v. gr. à spatio AB simul transeant ad CD. quin prius percurrerint B C. quòd est transire ab extremo ad extremum sine medio communicante, seu participante de utroque extremo.

Sciendum 4. Angelos, sicut in perfectione ãtitativa differunt, ità differre in vi motiva tam suimet, quam corporum, & aliorum Angelorum; ea quippe virtus cum propria substantia identificatur. Quare alius alio celerius potest moveri; ut inæqualiter etiam moveri possunt corpora. Motum autem velocissimum repugnare, supponimus; quodvis enim spatium determinatum brevioribus, & brevioribus partibus temporis acquiri potest, non quidem naturaliter, sed divinitus.

III. Difficultas præcipua nunc est, an Angelus habens sphaeram v. gr. trium palmorum A.B.C. possit simul existere in utroque extremo A, & C. quin existat in medio B & an pariformiter possit ab A transire immediate ad C quin percurrerit B? quòd est transire ab extremo ad extremum sine ullo medio.

Dico 1. Nequit Angelus naturaliter simul esse in duobus locis adæquatis, neque diffitis, neque contigui: potest tamen divinitus.

Prima

Prima pars conclusionis constat, quia nequit Angelus esse naturaliter extra suam sphaeram sibi commensuram; ergo si sphaera Angeli sit v. gr. trium palmarum, non potest naturaliter esse in sex palmis spatii. Secunda pars etiam patet, quia si possibilis est replicatio Corporis Christi Domini in Eucharistia, ubi corpus existit instar spiritus definitivè, à fortiori poterit divinitus Angelus replicari.

IV. Dico 2. Cum communissima contra. Bagnez apud Amic. *disp.* 6. n. 58. Nequit Angelus naturaliter esse in duobus locis dissitis inadæquatis extra sphaeram suam, aut de loco ad locum inadæquatum dissitum transire ad quamcumque distantiam.

PROB. Tum ex communissimo sensu Scholasticorum, & Patrum, putantium cum Anastasio Sinaita, non potuisse Gabrielem simul esse in Cœlo, & cùm B. Virgine; tum etiam quia non est consonum virtuti limitatæ, quod possit simul existere in quocumque spatio inadæquato ad quamcumque distantiam dissito, aut quod moveri possit à spatio ad spatium ad quamcumque distantiam.

Confirm. 1. Quia juxta communem sensum Scholasticorum, & Patrum non potest Angelus habens ubicationem v. g. bipalmarem in quadrum, illam extendere in infinitum secundum longitudinem, contrahendo secundum latitudinem, & sic simul esse in Cœlo, & in terris; esto tota ista ubicatio non excederet ubicationem bipalmarem in quadrum Angelo commensuratum, ergo neque poterit esse simul in locis dissitis inadæquatis ad sphaeram suam aut de spatio inadæquato ad spatium longè dissitum extra sphaeram suæ activitatis transire.

Confirm. 2. Quia nequit Angelus naturaliter alium Angelum alloqui ad quamcumque distantiam, esto locutio fiat per exigentiam, quod à Deo ponatur in intellectu audientis species de conceptu, quem loquens vult manifestare; ergo à fortiori limitatio virtutis obstabit in casu nostro.

V. Dico ultimò: potest Angelus naturaliter esse in duobus locis diffitis inadæquatis intra sphæram suam, & ab extremo ad extremum sine medio intra eandem sphæram transire. Ita Cajet. Marfil. Albekin. in Coroll. ex D. Th. 1. p. qu. 53. art. 2. apud Amic. disp. 5. quam sententiam probabilem putat l. 4. c. 18.

PROB. Potest Angelus habens sphæram trium palmarum A. B. C collocare se in medio B., & non in extremis A. C.; ergo potest etiam se collocare in A. C., & non in B.; & sic ex A. transire ad C. quin fuerit in B.; ergo potest naturaliter esse in duobus locis diffitis intra suam sphæram, & de extremo ad extremum intra eandem sphæram transire sine medio. Probatur prima consequentia, quia ex una parte Angelus existens in palmo A. simul, & C., non esset in spatio excedente propriam sphæram; [sicut esset si replicaretur divinitus, & simul esset in sex palmis spatii] Ex altera parte esse in locis diffitis non fert ullam contradictionem; aliter ne divinitus quidem contingere posset replicatio; Non enim idem distaret à se ipso, sed idem prout existens in loco A distaret à se ipso prout existente in loco B; quod est ubicationem A esse affixam diverso spatio ab ubicatione B, non verò Angelum à se ipso distare; ut tenentur omnes dicere in replicatione Corporis Christi Domini in Eucharistia, & eodem modo anima non dicitur distare à seipsa per hoc, quòd quatenus existit in capite, distet ab anima quatenus existente in pede; quia hoc est distare localiter, non entitativè; ergo potest Angelus naturaliter esse in locis diffitis inadæquatis intra propriam sphæram.

Confirm. 1. Quia magis est operari transeunter, quàm immanenter; major enim virtus requiritur v. gr. ad movendum aliud à se, quàm ad movendum se ipsum: atqui potest Angelus operari transeüter in extremis, quin operetur in medio; potest enim v. gr. movere tantum extrema alicujus corporis, ut potest anima movere tantum
caput

caput, & pedes; ergo pariter poterit operari immanenter solum in extremis spatii sibi commensurati, producendo scilicet ubicationem propriam in locis diffitis inadaequatis, idque tam simul, quam successivè; atque adeò tam simul potest existere in extremis diffitis, quam moveri ab uno ad aliud.

Confirm. 2. Quia potest Angelus alloqui alios Angelos distantes, nihil producendo in medio, nec exigendo, ut quidquam Deus in medio producat; ergo potest etiam ponere duas ubicationes inadaequatas inter se distantes.

Confirm. 3. Quia potest Angelus, ut prænotavimus, moveri ab extremo ad extremum sine medio communicante, v. gr. à spatio A. B. transire ad C. D. in instanti, quin priùs fuerit in B. C. ergo etiam potest ab extremo ad extremum transire absque ullo medio; in neutro enim casu haberetur vis infinita in Angelo sic se movente; quia in utroque casu haberetur sphaera limitata: Quia tamen huiusmodi transitus fieret in instanti, non in tempore; ideo non esset dicendus motus velocissimus, qui repugnat, sed mutatio instantanea.

VI. OBJIC. 1. Anima non potest naturaliter informare duas partes extremas sui corporis, non informatâ mediâ; ergo nec potest Angelus occupare duo loca diffita intra suam sphaeram.

Resp. 1. Per instantiam: Anima non potest informare brachium præcisum, etiamsi sit contiguum; ergo nec potest Angelus existere, ubi sunt duo corpora divisa, & contigua. **Resp. 2. nego Consequentiam;** disparitas est, quia anima est forma informans; constat autem, non posse naturaliter informare duas partes diffitas, immò ne discontinuas quidem, quamvis contiguas: Et ratio est, quia anima exercet operationes suas mediis spiritibus, sanguine, nervis, ad quod, ut patet, requiritur continuatio membrorum: At Angelus cum non sit forma informans, non apparet, cur non possit duo loca diffita intra suam sphaeram occupare.

VII.

VII. OBJIC. 2. Nequeunt corpora moveri ab extremo ad extremum sine medio; ergo neque spiritus.

Confirm. Nequit dari transitus immediatus à duratione A ad C; ergo neque ab ubicatione A ad C sine B.

Resp. Corpora non posse simul esse in duplici spatio, quia replicarentur, cum non possint esse nisi in spatio adæquato: contra verò spiritus cum possint ubicationem suam contrahere, possunt naturaliter citra replicationem esse simul in duplici spatio inadæquato. Præterea corpus non potest à spatio adæquato transire in adæquatum sine medio; potest verò spiritus à spatio inadæquato ad inadæquatum. Prima disparitas est, quia spiritus esset intra suam sphaeram, dum est in utroque extremo, secus corpus: Secunda, quia sicut spiritus potest transire ab extremo ad extremum sine medio communicante, quod tamen non potest corpus: ita pariter potest solum spiritus transire ab extremo ad extremum sine ullo medio. Et ratio à priori est, quia operari sequitur ad esse; esse autem Angeli est indivisibile, & ideo motus potest esse simultaneus: esse verò corporis est divisibile, & ideo debet per partes post partes moveri: Unde nequit ab extremo ad extremum transire.

Ad confirm. Si paritas inter locum, & tempus probaret, evinceret, quod sicut ne divinitus quidem potest idem simul esse diversis temporibus, ita nec in diversis locis; unde repugnaret replicatio. Quare disparitas est, quia duæ durationes, ne divinitus quidem, possunt esse simul, nec potest immediatè post durationem A existere duratio C rei durantis, quin prius sit duratio B: contra verò ubicationes possunt simul existere, & esse diffinitæ; ergo sicut potest Angelus esse divinitus in duobus locis extra propriam sphaeram, ita potest naturaliter intra propriam sphaeram; & sic de uno ad alium transire immediatè.

VIII. OBJIC. ultimò. Nequit agens naturaliter agere in distans, ne intra sphaeram quidem; ergo Angelus exi-

Pars II.

N

stens

stans in palmo A, non potest producere suam ubicationem in loco C disito, quamvis sit intra sphæram. Antecedens patet; Nam Sol v. g. qui a pertis fenestris, potest illuminare cubiculum, iis clausis, non potest, quia ageret in distans, licet intra sphæram. Adde, probabile esse, quod ne divinitus quidem agens possit agere in distans: Communis enim putant, ex Omnipotentia Dei inferri immensitatem, quia scilicet si potest agere ubique, debet esse ubique, unde Apost. Actorum 17. dixi: *Non longè abest ab unoquoque nostrum, in ipso enim vivimus, movemur & sumus*, inferens Dei præsentiam in nobis ex ejus operatione.

Confirm. 1. Quia non potest Angelus existens in loco A producere ubicationem in C nisi sit antecederet applicatus tali spatio, in quo producenda est ubicatio C; aliter ageret in distans: sic Angelus durans tempore A, non potest producere durationem tempore C, nisi antecederet fuerit in B.

Confirm. 2. Quia si posset Angelus existens in palmo A, producere suam ubicationem partialem in palmo C, posset illam producere extra sphæram in quacumque distantia, non enim esset major ratio; sequela non admittitur; ergo nec id; unde sequitur.

Resp. Concesso antecedente, nego consequentiam; quando enim Angelus locat se in extremis, non agit in passum distans, sed in se ipsum; quamvis ponat ubicationes inter se distantes; Sicut quando Angelus movet extrema alicujus corporis, immoto medio, licet ponat motus inter se distantes, seu ubicationes successivas talis corporis, non per hoc agit in passum distans. Ad id, quod additur, dico, probabiliter etiam multos docere in Philosophia, quod possit divinitus agens agere in passum distans. Ex illis autem verbis Apostoli Vasquez docet, solum inferri intentionalem Dei præsentiam in nostro intellectu, non physicam, seu cognitionem Dei, non Deum in nobis; cum

cum enim Apostolus vidisset aram cum Epigrapha *Ignoto Deo*, ostendit, Deum non debere esse ignotum, cum ex effectibus facile innotescat. Sed dato, quod repugnet actio in passum distans, non sequitur, Angelum non posse producere in se ubicationes distantes.

Ad primam confirmationem, Angelus ut primò ponatur à Deo in loco A potius, quàm B, non debet antecedenter applicari tali spatio; quandoquidem non aliter applicatur spatio, quàm per ipsam ubicationem; quæ si sit realis, & existens, est ipsum spatium reale existens; si sit possibilis, & ipsum spatium possibile, seu imaginarium; ergo pariter ut Angelus existens in loco A, possit immediate collocare se in C, non debet antecedenter applicari, seu esse immediatum spatio C; nec per hoc actio est in distans. Ad paritatem de durationibus jam diximus.

Ad secundam confirmationem, nego sequelam, ostendimus enim in secunda conclusione, id ob stare virtuti limitatæ Angelicæ.

DISPUTATIO IV.

De iis, quæ spectant ad Intellectum Angelorum.

Purissima hîc discutienda de speciebus impressis, de intellectione Angelorum, de modo cognoscendi, de objectis naturaliter cognoscibilibus ab iisdem; & quomodo loqui, ac mentiri possint.

QUÆSTIO I.

Utrum sit possibilis species impressa universalissima repræsentans in actu primo clarè, & distinctè omnia possibilia?

EX hujus quæstionis resolutione dependet etiam resolutio celebris quæstionis, tum in prima parte; Nû cognitio omniû possibilium in Deo inferat comprehensionem

196 *Pars II. Disp. IV. De Angelorum Intel. &c.*
nem Omnipotentiae? tum in tertia parte, Num Christus Dominus actu cognoscat omnia possible, aut saltem futura? cum enim in eo sint omnes thesauri sapientiae, & scientiae Dei, dicendum, de facto cognoscere quaecumque cognoscere potest, praesertim quae ad Electos spectant, quorum est caput. Antequam quaestio resolvatur, praemittimus quae ignoranda non sunt de speciebus intentionalibus Angelorum.

ARTICULUS I.

Praemittuntur selectiora de speciebus impressis Angelorum.

I. **P**raemittendum i. ex D. Th. 1. p. qu. 55. intellectum Angelicum indigere specie impressa ad intelligenda objecta à se distincta, saltem distantia: esse verò ex se completum principium, & ultimò determinatum ad seipsum intelligendum. Ratio doctrinae est, quia cognitio est assimilatio objecti; ergo exigit concursum ejusdem objecti, ut detur causa proportionata talis assimilationis; hoc autem fieri nequit nisi per speciem vicariam objecti, quando illud est absens; ergo requiritur species ad intelligenda objecta distantia. Quando autem objectum est intra sphaeram activitatis intellectus Angelici, probabiliter potest intellectus Angelicus ab ipso objecto, etiam materiali, determinari ad illud cognoscendum absque specie impressa superaddita. Si enim potest intellectus humanus cum concursu phantasmatis materialis causare speciem inapressam intelligibilem, spiritualement, quidnō poterit intellectus Angelicus cum concursu immediato objecti materialis causare speciem expressam, seu cognitionem spiritualement illius? dummodo sit intra certam distantiam proportionatam sphaerae activitatis Angeli, quae eo est amplior, quo Angelus est perfectior. Probabile enim est, quod objectum etiam materiale immediate concurrat ad cognitionem, non solum quando est immediatum,

tum, sed etiam quando distat, dummodo sit intra sphaeram proportionatam: Sicut enim ab objecto visibili transmittitur species ad oculum corporeum, ut causetur visio, ita potest objectum materiale absque ulla specie impressa, immediate, simul cum influxu aliorum objectorum intra eandem sphaeram existentium, determinare intellectum Angeli ad eorum cognitionem, quia ex hoc sequatur actio in distans; Eo modo, quo non habetur actio in distans, quando partes v. gr. ignis profundiores, & remotæ à passo simul cum aliis partibus immediatis passo concurrunt ad illud comburendum.

II. Præmittendum 2. Angelos habuisse ab initio suæ creationis species impressas earum rerum, quas d. cuit eos ab initio non ignorare, nec potuerunt absque speciebus cognoscere, vel quia objecta non existebant, vel quia erant distantia extra sphaeram suæ activitatis, nec ullam habebant connexionem cum objecto præsentem, in quo tanquam in medio potuissent indirectè cognosci. Ratio doctrinæ est, quia huiusmodi species non possunt aliam habere causam in natura, nisi Deum ipsum; ergo cum Angelis fuerunt à Deo congenitæ, & concreatæ.

III. Præmittendum 3. Quòd licet Angeli habeant à Deo concreatas species impressas innumeras, & alias propriis actibus acquirant, non proinde necessariò semper cognoscunt omnia ea objecta, quorum species habent. Ratio est, quia sicut homines, ita & Angeli possunt attentius se liberè applicare ad distinctius cognoscenda hæc objecta præ aliis: & similiter possunt liberè abstinere à cognitione aliquorum objectorum, ut perfectius, & attentius vacent aliorum cognitioni, quorum confusam tantum habent cognitionem. Unde fit, Angelos speciebus universalibus, quibus sunt instructi, posse uti pro arbitrio vel adæquatè, vel inadæquatè tantum, hoc est vel cognoscendo omnia objecta, quæ possunt exprimere, vel aliqua tantum distinctè, alia confusè.

IV. Præmittendum 4. ex speciebus intelligibilibus si-
ve infusis, & congenitis, siue acquisitis, aliquas esse parti-
culares, quibus scilicet attingere possunt unum tantum
objectum; alias esse universales, quibus attinguntur plura
objecta vel confusè, vel distinctè. Quando intelligibilitas
objecti adæquat, vel excedit perfectionem intelligentis,
tunc illud per speciem particularem intelligitur, puta,
quando Angelus intelligit Angelos æquales, vel superio-
res; sicut etiam quando de novo acquirunt Angeli pro-
priis actibus speciem alicujus objecti particularis. Quando
verò cognoscunt objecta inferiora, par est, ut ea cognos-
cant speciebus universalibus repræsentativis simul plu-
rium; si enim potest dari aliqua cognitio indivisibilis, quâ
atingatur simul clarè, & distinctè Petrus, & Paulus, pote-
rit etiam dari species impressa repræsentativa in actu pri-
mo clarè, & distinctè Petri simul, & Pauli; hujusmodi au-
tem species, & actus convenientiores sunt perfectioni, &
simplicitati Angelicæ. Imò ad vitandam in natura multi-
plicationem entium non necessariam, dicendum, de facto
hujusmodi species universales esse illis à Deo infusas; ita
tamen, ut quo superiores sunt Angeli, eo per species uni-
versaliores intelligant, ut communius docent cum D. Th.
9. 55. art. 3. contra Scotistas. Et ratio est, quia quo per-
fectior est potentia intellectiva, eo plura eodem actu simul
potest intelligere; sicut sensus, quo perfectior est, eo plura
simul actu cognoscit, & virtus, quo altior est, eo ad plures
effectus simul producendos se extendit: quare Angeli su-
periores de facto speciebus universalioribus intelligunt ea
quorum cognitio est iis debita; sic enim magis proportio-
nantur species actibus, quorum sunt principia. His præ-
suppositis.

V. Quæritur acriter; An sit possibilis species impressa
universalissima, seu repræsentativa in actu primo clarè, &
distinctè omnium simul possibilium? Eam de facto dari,
communiter negant, quia cum species universalior ar-
guat

guat intellectum perfectiorem, species universalissima argueret intellectum creatum perfectissimum, qui repugnat. Prima itaque sententia Capreol. Gran. Arrub. apud Amic. *disp. 9. sect. 9.* putat esse possibilem, immo & de facto dari speciem repræsentativam infinitorum individuum ejusdem speciei, non tamen omnium possibilem; quia scilicet species hujusmodi, si quam infinitatem haberet, solum haberet extensivam, compossibilem cum entitate creata; potest itaque Angelus habere à Deo infusam speciem, quâ possit cognoscere conceptus, qui possunt per totam æternitatem ipsi ab aliis Angelis manifestari; nec non infinita individua externarum operationum, quæ ab Angelis ponuntur per totam æternitatem. Secunda sententia Cajet. Bag. Vafq. *disp. 202. cap. 2.* docet, etiam infinitas species creaturarum sub aliquo certo genere posse ab aliqua specie impressa repræsentari. Tertia Henrici, & aliorum apud Suar. *l. 2. de Angelis c. 33. & 3. p. disp. 26.* tenet, etiam omnia possiblea posse ab aliqua specie intelligibili repræsentari; quia sicut potest species intelligibilis creata, & limitata repræsentare Deum, ita etiam omnia possiblea. Ultima sententia, cum qua sentiendum, negat possibilem speciem universalissimam tam impressam, quam expressam, repræsentativam clarè, & distinctè etiam infinitorum individuum, nedum omnium possibilem, si ve ea attingantur in Deo, si ve extra Deum in se ipsis. Ità D. Th. *quest. 2. de veritate art. 5. ad primum*, dum negat Christo Domino hujusmodi cognitionem, & *1. p. quest. 12. art. 3. Scotus in 2. distinct. 3. quest. 10.* Godoy, Licher. Amic. & alii.

ARTICULUS II.

Ostenditur, repugnare speciem impressam universalissimam.

VI. **P**rima conclusio. Suppositâ repugnantia infiniti categorematici, repugnat species impressa (& eadem est ratio de expressa) repræsentativa clarè, &

200 *Pars II. Disp. IV. De Angelorum Intel. &c.*
distinctè etiam infinitorum individuorum ejusdem speci-
ei, nedum omnium possibilem.

PROB. ex Lumbier de Incar. *num.* 1509. & Platelio.
Repugnat, speciem esse repræsentativam infinitorum quæ
taliū sub propria ratione individuali, & non esse infini-
tam saltem extensivè; ergo suppositâ repugnantia cujus-
vis infiniti categorematici, repugnat species impressa u-
niversalissima repræsentativa clarè, & distinctè infinito-
rum, Antecedens prob. Quia species repræsentativa infi-
nitorum æquivaleret infinitis speciebus, quibus seorsim ea
infinita objecta repræsentari possent; atqui quod æqui-
valet infinitis, non potest non esse infinitum; ergo hujus-
modi species haberet infinitatem repugnantem. Sicuti e-
nim si repugnarent infinitæ ubicationes, infiniti calores,
infinitæ vires sustentativæ ponderum infinitorum, à for-
tiori repugnabit una ubicatio, unus calor, una virtus su-
stentativa, quæ illis infinitis æquivalent, ita prorsus, si ra-
tione infinitatis repugnant infinitæ species repræsentativæ
infinitorum objectorum, à fortiori repugnabit una speci-
es, quæ in identitate contineat perfectionem illarum infi-
nitarum.

Hinc fit, quod in hac sententia si beatus in Deo cog-
nosceret omnia possible, aut etiam infinita individua,
comprehenderet simul, & non comprehenderet omni-
potentiam; quia hujusmodi cognitio esset, & non esset in-
finitè perfectæ, ac divinæ. Si enim cognitio indivisibilis,
quæ attingitur Petrus, & Paulus, æquivaleret duabus cog-
nitionibus, quarum altera attingat Petrum, altera Paulum,
cognitio indivisibilis, quæ attinguntur clarè, & distinctè
infinita, æquivaleret infinitis cognitionibus attingentibus
singula; & consequenter si infinitæ cognitiones ratione in-
finitatis essent, & non essent quid creatum, ut hic suppo-
nitur; à fortiori illa cognitio indivisibilis, quæ in identita-
te continet perfectionem cognitionum infinitarum, esset,
& non esset Divina.

Con-

Confir. Quia ordo intentionalis imitatur ordinē realem; atqui si omnia possibilia (& eadem est ratio de infinitis individuis, si repugnet infinitum categorematicum) identificarentur, importarent perfectionem infinitam, creaturæ repugnantem; constituerent enim creaturam maximam in ordine reali, quæ omnium possibilium perfectionem contineret; ergo pariter, si una cognitio aut una species impressa contineret in identitate perfectionem cognitionum, aut specierum de omnibus possibilibus, aut de infinitis individuis, talis cognitio, aut species esset in ordine intentionalis omnium perfectissima, saltem in specie sua, atque adeo etiam repugnans, non secus ac repugnat substantia in sua specie perfectissima, aut qualitas perfectissima in specie sua.

Neque dicas, huiusmodi cognitionem, aut speciem impressam posse crescere intensivè in claritate, atque adeo non esse simpliciter infinitam, nec repugnare. Nam contra est, quia idem dici posset de creatura maxima in ordine reali; quod scilicet posset crescere extensive, seu multiplicari numerice in specie sua, atque adeo nec esset simpliciter infinita, nec repugnaret. Directe itaque respondendum, utramq; partē contradictionis sequi in utroq; casu.

VII. OBJIC. I. Etiam si repugnet infinitum categorematicum creatum, adhuc potest intellectus Angelicus concurrere ad cognitiones syncategorematicè infinitas, tum numero, tum specie diversas; nec non ad cognitionem singulorum possibilium, per meram superioritatem ordinis; ergo pariter dari potest species impressa universalissima, quæ cum intellectu concurrat ad cognitionem infinitorum objectorum, nec non omnium possibilium.

Confir. Quia qualibet species impressa citra ullam infinitatem, & repugnantiam potest concurrere ad infinitas cognitiones numero saltem diversas; v.g. species representativa Petri potest concurrere ad infinitas cogni-

te, & remote; ita ut per species impressas illorum compleatur, *concedo*; proxime, & complete, *Nego Antecedens & Consequentiam*.

Ad Confirm. Recurrit eadem responsio: Imò argumentum retorquetur; non potest enim species intelligibilis (ut nec quævis alia causa secunda) concurrere ad infinita syncategorematicè individua, nisi cum causa secunda concurrat causa prima continens perfectionem infinitarum individuationum; ergo neque potest species impressa esse in actu primo repræsentativa infinitorum individuum, aut possibilem, quin contineat perfectionem infinitarum specierum impressarum, creaturæ repugnantem. Nam, ut arguit Scotus in secundo *disp. 9. q. 2. Ubi pluralitas numeralis concludit maiorem perfectionem, infinitas numeralis concludit perfectionem infinitam*. Sed posse repræsentare plura individua concludit perfectionem maiorem in specie impressa, cæteris paribus, ut patet; ergo posse repræsentare infinita individua concludit perfectionem infinitam.

VIII. OBJIC. 2. Potest species finita impressa per meram superioritatem ordinis esse repræsentativa Dei; ergo etiam infinitorum, imò & omnium possibilem.

Confirm. A priori, quia species tam impressa, quam expressa non crescit arithmetice ad incrementum objecti, sed geometricè; ergo potest esse finita, quamvis objectum sit infinitum; atque adeò sicut species repræsentativa Dei est finita, & superioris ordinis ad species repræsentativas creaturarum perfectiorum, & perfectiorum; ita species repræsentativa omnium possibilem erit pariter finita, & superioris ordinis ad species repræsentativas singulorum.

Resp. concesso antecedente, dist. Conseq. potest esse finita species repræsentativa infinitorum, ut infinitorum clare, & distincte, *Nego*; infinitorum confuse, *concedo conseq.* Idcirco species repræsentativa Dei est finita, quia

ergo species repræsentativa infinitorum, quâ infinitorum quamvis æquivalet infinitis speciebus repræsentantibus singula, non per hoc erit infinita.

Confirm. Quia capacitas ad perfici in materia est perfectio, & quo à pluribus perfici potest, eo cæteris paribus est perfectior, & tamen si potest perfici ab infinitis formis saltem syncategorematicè, non est infinite perfecta; ergo neque in casu nostro species repræsentativa infinitorum.

Resp. Quod sicut substantia non continet æquivalenter infinitos calores, sed est indivisibiliter in gradu superiori ad illos, ita materia, quæ potest perfici ab omnibus formis non continet æquivalenter materias infinitas minus perfectas, & à paucioribus formis perfectibiles, sed solum est in gradu superiori.

Ad confirm. Resp. 1. per instantiam. Intellectus per hoc, quod possit producere intellectiones syncategorematicè infinitas non est infinitus; ergo neque erit infinitus calor v. g. æquivalens infinitis caloribus, nec Omnipotentia, &c. Secundò dico, quod sicut intellectus est potentia inchoata, & remota, quæ indiget compleri à speciebus, & à concursu omnipotentia, ut intelligat, & ideo non est infinite perfectus, quamvis posset producere infinitas categorematicè intellectiones; ita materia est potentia receptiva remota, quæ indiget concursu agentis, ut possit proximè recipere formas: unde non est infinite perfecta, quamvis possit recipere, ac perfici ab infinitis formis.

X. Secunda conclusio: præscindendo à repugnantia infiniti categorematici creati, aut omnium possibilium, adhuc repugnat species tam expressa, quam impressa universalissima, repræsentativa omnium possibilium clare, & distincte; Ita etiam Platel. & alii ex D. Thom. & Scoto.

PROB. Præscindendo à possibilitate omnium possibilium repugnat creatura maxima, quæ in identitate conti-

contineat omnium possibilem perfectionem, puta hominis, Angeli, Archangeli, &c. ergo à pari etiam repugabit cognitio, quæ clare attingat omnia possible, hominem, Angelum &c. Prob. *consequentia*, quia sicut creatura maxima contineret in ordine reali perfectionem majorem, & majorem in infinitum, atque adeò infinitum intensive, ita cognitio omnium possibilem contineret in ordine intentionali perfectionem cognitionum perfectiorum, & perfectiorum in infinitum, atque adeò perfectionem infinitam intensive secundum gradus heterogeneos; ergo utraque æqualiter repugnat. Quandoquidem sicut in ordine reali exhaurit, non adæquat, Omnipotentiam creatura perfectissima intensive; ita in ordine intentionali exhaurit, non adæquat Omnipotentiam cognitio omnium possibilem, quæ secundum gradus heterogeneos est intensive perfectissima. Cognitionem istam esse intensive perfectissimam secundum gradus heterogeneos, est continere perfectionem majorem, & majorem in infinitum, non secundum claritatem cognitionis, seu secundum gradus homogeneos, quia supponeretur, quòd omnia possible attingantur eadem claritate v. g. intensa ut unum, sed secundum gradus heterogeneos & dissimiles quatenus contineret perfectionem cognitionis terminatæ ad hominem, Angelum, Archangelum, &c. Quæ cognitiones quamvis sint æque claræ, adhuc dicuntur inæquales, quatenus cæteris paribus perfectior est cognitio terminata ad Angelum, quàm ad hominem, & perfectior est terminata ad Archangelum, quàm ad Angelum.

Neque dicas, quòd cognitio intensa ut unum terminata ad omnia possible posset crescere intensive secundum gradus homogeneos, & esse clarior, & clarior, quamvis non posset crescere intensive secundum gradus heterogeneos. Nam, ut nuper diximus, utraque pars contradictionis sequeretur, quòd posset, & non posset crescere; sicuti creatura maxima continens perfectionem hominis. An-
geli

geli, Archangeli, & omnium specierum possibilium, posset, & non posset crescere extensive, seu multiplicari, numericè.

Ratio à priori est, quia infinitum in uno genere debet esse infinitum in omni genere; quantitas v. g. infinita secundum longitudinem est æquivalenter infinita etiam secundum latitudinem, & profunditatem; ergo quantitas virtutis, seu perfectionis indivisibiliter continens perfectionem infinitam in uno genere, indivisibiliter continet perfectionem infinitam in omni genere; & ideo creatura maxima, quæ esset infinita intensive, deberet etiam esse infinita extensive, & numericè multiplicabilis; ergo pariter cognitio terminata ad omnia possibilia, quæ indivisibiliter secundum gradus heterogeneos est infinite perfecta intensive, debet etiam secundum gradus heterogeneos, & in omni alia ratione esse infinite perfecta, atq; adeo repugnat. Et sane, quòd, in quantitate molis infinitum in uno genere sit æquivalenter infinitum in omni, supponitur hic cum admitteretur ibi possibilitatē infiniti categorematici; Quòd autem hoc etiam sit verum in quantitate virtutis, seu perfectionis, ex eo constat, quia non aliter philosophandum de quantitate mali, ac de quantitate virtutis, juxta celebre D. Aug. effatum; *In iis, quæ non mole magna sunt hoc est majus esse, quod est melius esse.* Unde sequitur simpliciter repugnare quodcumque ens creatum dicens in aliqua linea perfectionem infinitam indivisibiliter, esto non repugnaret collectio aliqua infinita entium creatorum: Sicuti repugnat, ens indivisibiliter continens perfectionem omnium possibilium esse creatum, quamvis non repugnaret collectio omnium possibilium.

Confir. etiam conclusio ex illo princ. Scoti in 2. dist. 3. q. 10. *Ubi pluralitas numeralis concludit perfectionē majorem, ibi infinita pluralitas arguit perfectionem infinitā;* ergo pariter ubi pluralitas numeralis arguit perfectionem majorem in ratione specifica, & intensive secundum gradus heterogeneos; ibi pluralitas infinita arguit perfectionem

ctio.

ctionem huiusmodi infinitam; atqui cognitio terminata ad hominem, & Angelum v. g. concludit perfectionem intensivè secundum gradus heterogeneos majorem, quam si terminaretur ad solum hominem; ergo cognitio terminata ad omnia possibile est intensivè secundum eisdem gradus infinitè perfecta in ordine intentionali, atque adeo repugnans; non secus ac creatura maxima in ordine reali.

XI. Tertia conclusio: præscindendo à possibilitate infiniti, sicut repugnat species impressa universalissima repræsentativa in actu primo omnium possibile, ita etiam repræsentativa clarè, & distinctè infinitorum individuorum, v. g. infinitorum hominum. Hæc conclusio descendit ex præcedenti.

PROB. Repugnat cognitio perfectissima intensivè secundum gradus æquales heterogeneos, quæ scilicet attingat clarè, & distinctè infinitas creaturas perfectiores, & perfectiores, ut ostendimus in secunda conclusione; ergo etiam repugnat cognitio perfectissima extensivè, quæ attingat clarè, & distinctè infinita individua. *Prob. conseq.* Primò ex proportionem inter ordinem realem, & intentionalem, si enim in ordine reali repugnat creatura perfectissima intensivè, repugnat pariter perfectissima extensivè, seu immultiplicabilis numerice: ergo etiam in ordine intentionali, si repugnat cognitio perfectissima intensivè, repugnabit cognitio extensivè perfectissima in vi repræsentativa, quæ scilicet repræsentet infinita individua. Secundò à priori, quia infinitum in una linea debet esse infinitum in omni linea, ut in quantitate molis, ita in quantitate virtutis, seu perfectionis.

Quia tamen ad hæc altius percipienda multum conferunt, quæ adversus possibilitatem omnium possibile, & infiniti categorematici passim adducuntur; ideo quamvis ab his quæstionibus hic præscindatur, tamen ea hic obiter rocolemus, ostendendo primò, repugnare collectionem

ctionem omnium possibilem ; ut fere communissime DD. ; etiam Infinitarii docent. Secundò ex omnium possibilem repugnantia ritè inferri repugnantiam infinito- rum individuorum sub una specie, puta infinitorum hominum. Unde apparebit, repugnare simpliciter quam- cunque speciem impressam universalissimam ; ac breviter innuemus, quid dicendum de cognitione debita Christo Domino, de qua fusiùs in de Incarnatione *disp. ult. qu. 3. art. 2.*

Primò quidem repugnare collectionem omnium pos- sibilem, seu infinitarum specierum perfectiorum, & per- fectorum hominis, Angeli, Archangeli, &c. sic ostendi- tur. Hujusmodi collectio licèt secundum multitudinem infinita, secundum quantitatem virtutis esset finita simul, & maxima , seu perfectissima; ergo repugnat. Conse- quentia sequitur; universim enim repugnat Finitum , & maximum, tum in quantitate molis sive continua , sive discreta, tum in quantitate virtutis. Antecedens proba- tur. Et quidem, quòd collectio isthac esset perfectissima, seu maxima, patet; nam si præter hanc posset dari perfe- ctior, ea non esset collectio omnium possibilem. Quòd verò esset secundum quantitatem virtutis finita, etiam pa- tet; tum quia infinitè distat à perfectione divina : non po- test autem esse infinitum, quod est infinitè minus infinito; tum etiam quia si collectioni omnium possibilem adda- tur Deus, hujusmodi collectio evadit perfectior: ergo cir- cumscripto Deo, non est infinitè perfecta ; quandoqui- dem infinitum per quodcunque additamentum crescere non potest; unde est, quòd complexum ex Deo , & crea- tura non est quid majus, seu perfectius solo Deo, utpote infinito.

Confirm. Primò paritate quantitatis molis. Si detur infinita collectio linearum majorum & majorum, qua- rum prima sit e. g. palmaris, secunda bipalmaris, tertia tripalmaris, & sic in infinitum , quamvis singulae essent

secundum longitudinem finitæ, at complexum illarum occuparet spatium infinitum; unde simul sumptæ æquivalerent corpori immenso: ergo cum ex Augustino idem dicendum de quantitate virtutis, ac de quantitate molis, si dentur infinitæ creaturæ, quarum una sit perfectior aliâ; quamvis singulæ essent finitæ perfectionis, conficerent tamen complexum perfectionis æquivalentis omni perfectioni, nempe divinæ, atque adeo repugnat.

Confirm. secundò. Creatura in ratione perfectionis, sive in quantitate virtutis maxima, quæ scilicet absorbeat omnem perfectionem, demptâ Aseitate, repugnat; nec nobis juxta nostras leges licitum est ejus possibilitatem propugnare: ergo pariter repugnat collectio omnium possibilium. Probatur consequentia: Ideo illa creatura repugnat, quia esset, & non esset maxima; esset ut supponitur, non esset verò, quia esset creata, atque adeo perfectionis limitatæ infinite distantis à perfectione divina; atqui pariter collectio omnium possibilium esset maxima, ut supponitur, non esset, quia quamvis secundum multitudinem esset infinita, at secundum quantitatem virtutis esset limitata, utpote quæ non minus distaret à perfectione divina, quàm musca; finiti enim ad infinitum nulla proportio, sicut palmus quantitatis quamvis secundum multitudinem partium proportionalium esset infinitus, secundum magnitudinem tamen non potest non esse finitus, eo ipso ac infinite distat à magnitudine infinita; ergo tam creatura maxima, quàm collectio creaturarum perfectissima æquè repugnat.

Neque aptè quis dicere potest, collectionem omnium possibilium esse infinite perfectam infinitate creata, sicuti nec potest idem dici de creatura maxima; pugnat enim in terminis, perfectionem esse infinitam, & esse creatam, seu limitatam. Quibus adde, quòd complexum omnium possibilium non ideo est omnium possibile, quia contineret infinitas infinitates tum intensive, tum extensive;

nam

nam si ab hoc complexo, quod tu dicis esse omnium, demas alterna possibilia, adhuc remanent infinitæ infinitates, & tamen non remanet complexum omnium; ergo dicendum, quod complexum omnium possibiliū repugnet.

XII. Ostenditur deinde, ex repugnantia collectionis omnium possibilium, seu infinitarum specierum perfectiorum, & perfectiorum, videlicet hominis, Angeli, Archangeli, &c. ritè inferri repugnantiam infinitorum individuorum, v. g. infinitorum hominum sic: Repugnat collectio illa infinitarum specierum, quia esset perfectissima intensivè; ergo repugnat etiam collectio infinitorum individuorum, quia esset perfectissima extensivè. Probatur consequentia primò, quia Deus non minùs potest ponere perfectius, & perfectius intensivè, quàm extensivè; non minùs species; quàm individua, sicut non minus in quantitate molis altitudinem, quàm latitudinem; ergo si derogat Omnipotentia ponere collectionem infinitarum specierum perfectissimam intensivè, derogabit pariter collectio perfectissima extensivè. Secundò à priori, quia infinitas in uno genere est infinitas in omni, ut in quantitate molis, ità in quantitate virtutis.

Neque dici potest, collectionem infinitorum individuorum, puta hominum, non exhaustire, Omnipotentia quia posset dari collectio creaturarum perfectior, nempe Angelorum; contra verò collectionem specierum infinitarum exhaustire Omnipotentiam, quia non posset dari collectio perfectior. Nam contra est, quia sicut collectio infinitarum specierum, quamvis posset extensivè crescere, quatenus dari possent plures hujusmodi collectiones, tamen quia non posset crescere etiam intensivè, ideo exhaustiret Omnipotentiam, & utramque partem contradictionis involveret, ità collectio infinitorum hominum, quamvis posset crescere intensivè, quia tamen non posset etiam extensivè; cum non posset dari collectio hominum major, ideo pariformiter exhaustiret Omnipotentiam, & repugnat.

Quæ ab Adversariis adducuntur ad positivè ostendendam possibilitatem infinitorum individuorum, præsertim quia videtur dari infinitum categorematicum creaturarum possibile in mente Dei, & dantur de facto infinitæ negationes creaturarum non existentium, ea retorquentur adversus possibilitatem infinitarum specierum, & facili negotio evacuantur in physicis, ut videre est, præsertim apud Cattaneum, & Semerium. Et sanè etiam in sensu composito decreti de non producendis infinitis hominibus sunt posibles non tot, quia plures homines, atque adeo syncategorematicè infiniti, quin sit compositibile cum tali decreto infinitum categorematicum hominum. Sicuti autem homines compositibiles cum tali decreto sunt infiniti in mente Dei, & quidem actu, quatenus singuli actu à Deo cognoscuntur, quin tamen possint extra mentem Dei esse actu homines infiniti in sensu composito hujus decreti, ut patet; ità absolutè homines posibles in mente Dei sunt infiniti, seu non tot quin plures singuli actu cogniti, quin tamen possint extra mentem Dei esse infiniti actu, & categorematicè. Et ratio à priori est, quia sicut dum sunt actu posibles homines non tot quin plures, solum datur actu Omnipotentia, quæ potest non tot quin plures homines, atque adeo infinitos syncategorematicè producere, quin ex hoc sequatur, quòd possit producere homines infinitos categorematicè (ad eum modum, quo in sensu composito decreti de producendis infinitis categorematicè hominibus, quamvis Omnipotentia possit non tot quin plures syncategorematicè producere, non sequitur tamen per Adversarios, quòd possit etiam in sensu composito talis decreti producere infinitos categorematicè, ut est indubitatum) ità prorsus dum in mente Dei sunt actu cogniti non tot quin plures homines, solum datur actu infinita Dei cognitio, quæ repræsentat non tot quin plures homines, atque adeo infinitos syncategorematicè posibles, quin ex hoc sequatur, quòd cognos-

cat

cat homines possibiles infinitos categorematicè; non secùs ac in sensu composito decreti de non producendis infinitis categorematicè hominibus, cognitio divina repræsentat ut compossibiles cum hoc decreto non tot quin plures, atque adeo infinitos syncategorematicè homines, non verò infinitos categorematicè.

XIII. Sequitur ex dictis primò, repugnare non solum infinitas species tam impressas, quàm expressas, sive omnium possibilium, seu infinitorum, sed etiam, & quidem à fortiori, una n speciem repræsentativam clarè, & distinctè aut omnium possibilium, aut infinitorum; Sicuti si repugnat collectio divisibilis omnium possibilium, à fortiori repugnat creatura indivisibiliter continens perfectionem omnium possibilium; adeo ut hujusmodi creatura repugnet, etiamsi collectio omnium possibilium non repugnaret. Ratio est, quia infinitum in una linea est infinitum in omni, seu infinitum simpliciter tam in quantitate molis, quàm in quantitate virtutis; e. g. creatura, quæ contineret indivisibiliter perfectionem infinitarum specierum, v. g. hominis, Angeli, Archangeli, quia esset infinite perfecta intensivè in ordine reali, deberet etiam esse infinita extensivè; & immultiplicabilis, & simul deberet esse infinita in ordine intentionali, quia deberet esse Deus, qui est cognitio sui met: ergo pariter cognitio, seu species impressa, quæ in ordine intentionali est infinite perfecta, sive intensivè, sive extensivè, sive secundum gradus heterogeneos, sive homogeneos, deberet simul esse infinita in ordine reali, atque adeo infinita simpliciter. Aliter non posset impugnari possibilitas creaturæ maximæ, seu infinitæ secundum quid, quæ contineat perfectionem hominis, Angeli, & Archangeli, & omnes perfectiones divinas, demptâ Aseitate, & immultiplicabilitate; cum non possit dari apta disparitas.

Ratio radicalis, cur infinitum in uno genere, seu secundum quid, debeat esse etiam infinitum simpliciter

non solum in quantitate molis, sed etiam virtutis, seu perfectionis, est, quia quodcumque est infinitum in una ratione specifica, v. g. in ratione hominis, est etiam infinitum in ratione generica, v. g. Animalis, & consequenter est etiam infinitum in ratione universalissima entis, seu perfectionis; atqui quod est infinitum in ratione entis, est infinitum simpliciter, seu Deus; ergo quod est infinitum in una ratione indivisibiliter æquivalens infinitis: eo ipso debet esse infinitum simpliciter, & consequenter repugnat ens creatum indivisibiliter æquivalens infinitis, esto non repugnet collectio infinitorum. Quod etiam ex doctrina Augustini explicatur paritate quantitatis molis: Nam quantitas molis indivisibiliter æquivalens infinitis v. g. palmis, est quid infinitum in ratione quantitatis molis simpliciter, & æquivaleret corpori immenso; ergo etiam quantitas virtutis indivisibiliter æquivalens infinitis entibus est quid simpliciter infinitum in ratione entis, seu quantitatis virtutis.

XIV. Sequitur secundo: quid dicendum de Christo Domino, Num scilicet cognoscat in Verbo aut omnia possibile, aut omnia saltem futura? Ex Concilio enim Senonensi apud Lumbier de Incarnatione *num. 1301. Beati vident in Verbo omnia, que pertinent ad eorum statum*: Quare cum Christus Dominus sit caput Electorum, videtur illi concedenda cognitio omnium, quæ spectant ad electos; unde ignorare non potest saltem cognitiones futuras Electorum, & damnatorum, quæ sunt infinitæ. Sed dicendum, infinita objecta clarè, & distinctè cognosci non posse à Christo Domino; proinde videt in Verbo clarè, & distinctè solum quæcumque futura sunt usque ad diem iudicii; cognitiones verò electorum, & damnatorum post diem iudicii futuras, nec non omnia possibile non videt actu, sed habitu, ut docet D. Thom. 3. *parte, quest. 10. art. 3.* Scot. Gabriel. Bonavent. Vaquez *disp. 50. quest. 10. art. 3.* contra Dur. Quod expli-

plicatur à Scoto per hoc, quòd Christus Dominus videat Verbum, quod est speculum voluntarium omnium possibilem, & in Verbo, tanquam in speculo, videat clarè, & distinctè quodcumque possibile, & quamcumque collectionem finitam possibilem maluerit: exigit enim ratione unionis hypostaticæ, quòd omnia possible sibi clarè, & distinctè in quacumque collectione finita manifestentur ad arbitrium; cum non possit infinita simul clarè, & distinctè cognoscere: Sicut ratione meritorum, & sanctitatis infinitæ exigit solùm in actu primo quodcumque præmium, & quamcumque collectionem præmiorum finitam in infinitum, non tamen in actu secundo infinitam.

Dices. Cognitio omnium possibilem non debet ea præcontinere, secus verò creatura æquivalens illis; ergo licet repugnet huiusmodi creatura, non per hoc repugnat ea cognitio.

Sed contra est, quia cognitio omnium possibilem licet per immediatam consequentiam non debeat ea præcontinere, debet tamen per mediatas, quatenus debet præcontinere cognitiones infinitas, attractivas singulorum, & sic esse infinitè perfectà in linea intentionali, unde debet esse cognitio divina, & ipse nec Deus, cum infinitum in una linea debeat esse infinitum simpliciter.

Q U Æ S T I O 11.

Num possit Angelus naturaliter cognoscere futura libera, Arcana cordium, & Objecta supernaturalia?

I. **C**ertum est, Angelos cognoscere objecta naturalia tum existentia, tum futura, quæ non habent dependentiam à causis liberis; cum enim sit iis debita cognitio universi, cognoscunt in causis necessariis omnes effectus futuros. Dubitatur itaque primò, An cognoscant naturaliter futura contingentia, seu quæ pendent à libero arbitrio. Secundò, An arcana cordium. Tertiò, An objecta supernaturalia, posito quòd existant?

II. Dico primò: futura, quæ pendent à libero arbitrio, nonnisi conjecturaliter cognosci possunt ab Angelo naturaliter. Ità communiter.

PROB. Quia certò, & infallibiliter ea cognoscere est proprium solius Dei, ergo non potest ad Angelos id etiam spectare. Antecedens communiter tamquam Fidei dogma recipitur à Doctoribus apud Amic. *disp. 11. sect. 2.* Isaia 41. dicitur. *Annuntiate, quæ ventura sunt in futurum, & dicemus, quia Dñs estis vos*, Unde Chrylòst. *hom. 18.* in Joan. habet. *Certa prædictio futurorum immortalis Dei duntaxat opus est.*

Ratio hujus est, quia Angelus non determinatur ad cognitionem objecti à seipso, ut Deus, sed ab ipso objecto; ergo cum objectum futurum contingens non existat, nec ullam connexionem habeat cum causis naturalibus existentibus, impossibile est, quòd ab Angelo citra revelationem certò, & infallibiliter cognoscatur. Possunt itaque Angeli pluvias v.g. prædicere, tempestates, pestes, &c. quia hæc habent suas causas physicas, ad quas necessariò consequuntur; quamvis non possint prædicere guttas pluviae v.g. post mille annos futuras, quia complexio causarum sæpè variatur ab operationibus liberis hominum, si enim v.g. homines deriverint fluvium liberè versùs hanc partem, faciliùs hùc decident aliquæ guttæ, &c. Hinc cognoscunt v.g. Angeli, quamdiu brutum victurum sit, nisi interficiatur, non tamen quamdiu futurum sit, ut homo vivat; & disparitas est, quia homo non comedit ex determinatione, & exigentia naturæ; sed liberè; unde ejus mors pendet à causa libera, secùs verò mors bruti; unde solum mors bruti prædici potest ab Angelo, nisi à causa libera impedimentum aliquod ad ejus vitam naturalem apponatur.

III. OBJIC. Angelus cognoscit objecta ratione specierum infusarum; à quibus determinatur; non est autem major ratio, cur à Deo infundantur in intellectu Angelico

gelico species de objectis existentibus, quàm de futuris contingentibus; ergo hæc etiam naturaliter ab Angelo cognoscuntur.

Resp. Nego minorem: debita est Angelo notitia cuiuscumque objecti singularis actu existentis, ut communissimè docent Scholastici, quia cum unumquodque ens naturaliter appetat cognosci, ut proinde species emitat, ideo in intellectu Angelico debent à Deo infundi species, quibus objecta existentia, & totum Universum per modum unius cognoscatur, quoties huiusmodi species non possunt ab ipsis objectis accipi: Contra verò futura contingentia, cum non adhuc existant, nec species emittant, non appetunt cognosci, ergo eorum cognitio non est debita Angelo; nec eorum species infundi debent à Deo in intellectu Angelico.

IV. Dico secundò; nec possunt Angeli certò, & infallibiliter arcana cordium cognoscere. Ità communiter contra Dur. & Hervæum apud Amic. Scotistæ, & Nominales docent, ex mera Dei voluntate impediri, ne ea cognoscant, sicut impeditur v. g. vis Dæmonum naturalis, ne peccatores occidant, ac detrudant ad tartarum, ne Orbem perturbent, &c. Communius tamen docent, arcana cordium naturaliter cognosci non posse ab Angelo, quamvis ad id probandum ratio convincens non facillè adducatur.

PROB. Primò communiter conclusio ex Scripturis 2. *Regum* 8. dicitur: *Tu solus nosti corda Filiorum hominum*. Jerem. 17. *Pravum est* (sive ut vertunt septuaginta, Profundum) *cor hominum, & inscrutabile. Quis cognoscet illud? Ego Dominus scrutans cor, & probans renes*. Unde communiter Patres docent: *Nullus cogitationum secreta cognoscit, nisi solus Deus*.

PROB. Secundò ratione ex Albertino, quia Angelo debetur tantum cognitio rerum naturalium; atqui consilia libera assurgunt supra entia naturalia: cum enim prodeant à causa libera, & dominativa, quâ tali, prodeunt à

causa altioris ordinis, quàm sit causa naturalis; ergo eorù cognitio Angelo non debetur. Verum quidem est, huiusmodi arcana esse naturalia, quatenus naturaliter emittunt species, quibus possint cognosci; at non sunt naturalia, ità ut necessariò prodeant à causa sua; unde licet naturaliter emittant species, non cognoscuntur tamen naturaliter, & necessariò, sed solum ad arbitrium illius, qui Dominus est talium arcanorum, id exigente vi dominativâ causæ liberæ.

Confirm. & explicatur. Ut creatura liberâ sit plenè libera non solum physicè, sed etiam moraliter, non solum debet habere potestatem dominativam physicam, sed etiam moralem erga suos actus liberos; atqui caretet potestate dominativâ morali, si necessariò deberent aliis, quàm Deo, innotescere actus liberi, ut patet experientiâ; sæpè enim quis retrahitur ab aliquo suo actu libero externo, quando non potest illum aliis abscondere; ergo actus liberi, ut prodeant à potentia dominativa morali exigunt ita species emittere, ut hæc non possint cognitionem causare in intellectu Angelico, nisi dependenter à voluntate exercentis illos; atque adeò sicut approximatio v. g. est conditio necessaria, ut ignis comburat, ità consensus elicientis actus liberos est conditio necessaria, ut species ab his actibus emissæ causent cognitionem in aliorum intellectu.

VI. OBJIC. Condicio ista non expectatur, ut species emissæ ab actibus externis liberis causent cognitionem in intellectu Angelorum; ergo neque expectatur relatè ad actus liberos internos: atque adeò sicut naturaliter Angeli cognoscunt actus nostros externos liberos, puta ambulationem liberam, ità etiam actus liberos internos independentè à nostro consensu.

Resp. concesso Antecedente, Nego Consequentiam.
Disparitas est, quia in primo casu datur alius modus, quo possit voluntas abscondere suos actus liberos, si scilicet

scilicet vel actus liberi non prodeant in actus externos, vel si prodeant, non prodeant in conspectu illorum hominum, quibus vult eos actus tegere: At relatè ad actus internos non datur alius modus celandi illos intellectibus Angelorum, ac Dæmonum; ergo ut stet vis dominativa plena, etiam inobis in actus liberos, requiritur tanquam conditio necessaria consensus elicientis illos, ut species ab iis emissæ causent eorum cognitionem in aliorum intellectu.

VI. Hinc sequitur 1. contra Scotistas, & Nominales, non ex mera voluntate Divina, sed ex exigentia etiam actuum liberorum naturali oriri, quòd naturaliter cognosci non possint ab Angelis, nisi dependenter à consensu elicientis illos. Universum enim quod passim contingit, ac ità debet juxta ordinem Universi contingere, illud contingit ex exigentia naturali: Natura namque uti agitur, ità nata est agi; Aliter dicere possemus ignem causare calorem merè ex voluntate Divina, & non ex naturali exigentia, quòd esset sciencias rerum naturalium destruere. Verum quidem est, quòd Deus cohibeat Dæmones; ne peccatores detrudant ad tartara, ne orbem perturbent, prout naturaliter possent: Et ratio est, quia vis motiva corporum, & interfectiva hominum est secundum se naturaliter debita Angelis; ergo quòd hic, & nunc id non efficiant oriri debet ab impedimento accidentali, nimirum ab Imperio Divino, cum non possit in natura alia conditio expectari ad hoc, ut id proximè possint; contra verò in casu nostro potest expectari in natura, tanquam conditio, consensus elicientis actus liberos, ad hoc ut species ab iis emissæ possint proximè causare cognitionem illorum in intellectu Angelico; ergo ita dicendum contingere.

Sequitur 2. Non solum actus liberos esse Angelis naturaliter ignotos modo explicato, sed etiam actus intellectus

lectus, seu cogitationes, quibus cognitis etiam cognoscerentur actus liberi; certe enim qui elicit actum liberum A, cognoscit, se illum elicuisse: quod si Angelo innotesceret huiusmodi cognitio, innotesceret pariter objectum talis cognitionis; unde deprehenderet etiam actum liberum A; cum autem id non possit, ideo nequit illam cognitionem naturaliter cognoscere. Ratio doctrinae est eadem, quia scilicet id spectat ad plenam vim dominativam moralem actuum liberorum; contraque hoc aperte ex Scripturis. Nam ad Hebr. 8. dicitur *Deus discretor cogitationum, & intentionum cordis*, & 1. Paralip. 28. *Omnia corda scrutatur Dominus, & universas cogitationes intelligit*, & Hieron. apud Suar. ostendit, Christum Dominum in hoc manifestasse Pharisæis divinitatem suam, quod cogitationes cognoverit dicendo, *Ut quid cogitatis mala in cordibus vestris?* Hinc Prophetiae, quae sunt argumentum Divinitatis, sunt etiam de occultis cogitationibus.

Neque dicas, Angelos naturaliter cognoscere actus externos, quibus cognitis deprehenduntur actus liberi interni; ergo etiam cognoscunt cogitationes, quibus cognitis deprehenduntur actus liberi. Nam recurrit responsio supra allata, videlicet quod possint actus interni aliter celeri, si scilicet non prodeant in actus externos, cum possint isti ab agente libero impediri: at nequit agens liberum impedire, ne ipsummet cognoscat suas liberas operationes; ergo debuerunt Angelis esse ignotae huiusmodi cogitationes, ad servandam vim illam dominativam moralem in actus liberos. Præterquamquod ex actibus externis non nisi conjecturaliter sæpè cognosci possunt actus interni liberi; cum possint iidem actus externi prodire absque libertate actus interni imperantis illos; unde actus externi sunt noti Angelo solum secundum entitatem physicam, non secundum esse morale, quod habetur per dominationem ab actu libero imperante.

Sequi-

Sequitur 3. consequenter, etiam species residentes in intellectu creato esse ignotos intellectui Angelico, quoties ex illis deveniretur in certam notitiam actuum liberorum: si quis enim eliciat actum liberum, & cognoscat illum, huiusmodi cognitio relinquit in intellectu speciem sui, quæ si ab Angelo cognosceretur, hic devineret in notitiam actus liberi ab eo elicit, ut patet.

Sequitur ultimò, idem dicendum de habitibus, quibus cognitis actus liberi deprehenderentur: Imò idem dicendum de omnibus cogitationibus, ac effectibus, quibus cognitis, facillè deveniretur in notitiam actuum liberorum, cum id spectet ad plenitudinem libertatis.

VII. Dico ultimò: Objectum supernaturale quoad modum [ut mortui resurrectio, æculi restitutio] naturaliter ab Angelo cognoscitur; secùs verò objectum supernaturale quoad substantiam, ut gratia, gloria unio hypostatica, &c.

Prima pars est omnium Scholasticorum, siquidem tale objectum est in sua entitate naturale, & quodvis objectum naturale naturaliter ab Angelo attingitur. Secunda pars est contra Scot. in 4. dist. 4. qu. 18. & Scotistas putantes, illud esse naturaliter cognoscibile; ex eo enim, quòd tale objectum non possit à causa naturali produci, non videtur inferri, quòd possit ab Angelo attingi: ens enim naturale; & supernaturale quoad esse, atque adeò quoad intelligibilitatem, proportionantur, quamvis ens naturale dicat habitudinem ad agens naturale, & supernaturale ad agens supernaturale.

PROB. Tamen secunda pars conclusionis, quia quod habet entitatem supernaturalem, habet intelligibilitatem proportionatam, nempe supernaturalem; ergo nequit ab Angelo naturaliter attingi. Antecedens probatur, quia quamvis ens supernaturale omittat sui species naturaliter; at huiusmodi species sunt etiam ipsæ supernaturales, aliter non essent suo principio proportionatæ; cum autem species

species impressæ causentur ab objecto, solum ut possit ab intellectu distante illud cognosci, sequitur, quod si entitas talium specierum sit supernaturalis, cognoscibilitas talis objecti pariter sit supernaturalis. Præterea non possunt ab intellectu attingi species talis objecti, nisi lumine supernaturali; cum non possit objectum supernaturale esse intra specificativum luminis naturalis, sicut non potest objectum spirituale esse intra specificativum luminis materialis; ergo intelligibilitas objecti supernaturalis proportionatur ejusdem entitati, atque adeo sicut non potest objectum spirituale attingi à potentia materiali, ita nec objectum supernaturale à potentia naturali. Quare ad fundamentum Scoti respondetur, ens naturale, & supernaturale non diversificari solum penes extrinsecum ordinem ad agens, sed etiam penes intrinsecam eorum entitatem, cum qua diversa illa habitudo identificatur.

VIII. OBJ. I. Lumen gloriæ, & visio beata specificantur ab actu puro, nempe à Deo, quia sint actus puri; ergo lumen naturale potest specificari ab objecto etiam supernaturali; quamvis ipsum non sit supernaturale.

Confirm. Entitas Dei est Divina, & ejus intelligibilitas respicere potest intellectum creatum; ergo licet entitas objecti supernaturalis sit supernaturalis, potest tamen ejusdem intelligibilitas respicere objectum naturale.

Resp. I. Per instantiam obviam in simili materia. Potest Deus in supremo gradu immaterialitatis positu attingi ab intellectu creato; ergo potest etiam objectum spirituale, v. gr. Angelus, attingi à potentia materiali, puta ab oculo: Consequentia non sequitur, quia Deus est intra specificativum potentia intellectivæ, cum possit naturaliter abstractive attingi ab intellectu; & ideo potest per elevationem attingi intuitive: intra verò objectum spirituale non est intra specificativum potentia materialis, & ideo nequit Angelus attingi ab oculo. Idem dicas in casu argumenti. Et ratio à priori est, quia potest intellectus fini-

finitus habere proportionē cum objecto infinito, & lumen supernaturale cum objecto Increato; secus verò potentia materialis cum objecto spiritali, & lumen naturale cum objecto supernaturali; quia scilicet essentia uniuscujusq; potentia talis est, quale objectum; & objectum potentiarū dignoscitur tum à posteriori ab eo, quod experimur, tum à modo tendendi: Constat autem, objectum potentia intellectivæ esse illimitatum, & naturaliter attingere etiam Deum, licet solum abstractive; constat pariter eadem ratione, lumen supernaturale specificari etiam ab actu puro; cum constet, posse Deum videri ab intellectu creato confortato lumine supernaturali: contra verò sicut potentia materialis limitatur ad objectum materiale, quin possit divinitus elevari ad objectum spirituale, quia elevaretur extra proprium specificativum, & sic mutaretur essentia talis potentia; ita lumen naturale habet pro specificativo solum objectum naturale, nec potest attingere supernaturale: mutaret enim essentiam propriam; non secus ac si oculus attingeret sonum, vel spiritum. Et per hæc patet ad confirmationem.

IX. OBJ. 2. Angelus naturaliter cognoscit suos actus, & habitus supernaturales; Dæmones naturaliter cognoscunt characterem supernaturalem hominis Christiani, ac Sacerdotis damnati; Angelus unionem hypostaticam, non videndo in humanitate Christi subsistentiam creatam: Videt etiam Angelus naturaliter potentiam obedientialem creaturæ, quæ est supernaturalis; ergo potest naturaliter attingi ab Angelo objectum quoad substantiam supernaturale.

Respond. nego antecedens quoad omnes partes; & primò dico, quòd lumine supernaturali cognoscat Angelus proprios actus, & habitus supernaturales. Dæmones non intuentur characterem supernaturalem, sed credunt illum fide humanā ex testimonio aliorum, eo pacto, quo credunt alia mysteria supernaturalia fidei Divinæ juxta illud Jac. 2. *Dæmones credunt, & contremiscunt.*

Unio

Unio hypostatica naturaliter non cognoscitur ab Angelo; hic enim solum naturaliter cognoscit absentiam substantiæ creatæ in humanitate Christi Domini, ignorando lumine naturali, num talis substantia divinitus sibi abscondatur, an verò ejus vicem suppleat substantia increata. Sic naturaliter cognoscit Angelus absentiam panis in Eucharistia, & Humanitatem Christi Domini ibi existentem, non tamen modum existendi ibi Humanitatis, si talis modus sit secundum substantiam supernaturalis. Demum potentia obedientialis creaturarum est entitativè naturalis, seu identificata cum ipsa natura rei, & solum terminativè est supernaturalis, quatenus terminari potest ad effectus supernaturales, & idcirco ab Angelo naturaliter cognoscitur potentia obedientialis subjektivè, & quoad propriam entitatem, non terminativè quoad effectus supernaturales, clare, & distincte; quamvis confuse cognoscat Angelus, Deum posse multa opera supra naturam per creaturas operari, quia talis cognitio directe terminatur ad Omnipotentiam, connotando tantum terminos supernaturales.

X. Concludo. Est indebita Angelo cognitio certa futurorum procedentium à causa libera, quia cum nondum existant, nec habeant ullam determinationem aut in se, aut in causa, nondum exigunt cognosci. Est etiam indebita certa cognitio arcanorum cordis, quia causa libera, quæ talis, uni Deo est subjecta, esset autem subjecta etiam Angelis, si iis deberetur cognitio actuum liberorum, quia fert aliquam subjectionem moralem operari coram aliis, nec posse clanculum operari; ergo creatura libera relate ad actus liberos habet jus secreti. Denique est indebita cognitio objectorum supernaturalium, quia hæc habent intelligibilitatem consonam entitati, nempe supernaturalem; unde attingi non possunt ab intellectu non instructo lumine supernaturali.

QUÆ-

QUÆSTIO III.

De modo, & proprietatibus Angelicæ cognitionis.

I. **S**uppono cum communi ex D. Th. 2. contra Gentes c. 97. Angelum nunquam cessare à cognitione sui, & à cognitione naturali abstractiva Dei, cognoscendo se, ut effectum, & creaturam Dei; si enim in quolibet vivente datur quædam operatio actualis vitæ invariabilis, ex qua, tanquam ex radice, ceteræ operationes vitales oriantur, cur non detur in Angelo consimilis operatio vitalis, quæ sit suimet cognitio, & Dei? Præsertim, quia si quando ab omni omnino operatione Angelus cessaret, non posset illam reassumere, cum non possit facile assignari, quomodo ad illam excitaretur Angelus, utpote sensibus destitutus. Præterea cum quælibet natura intellectualis naturali pondere feratur in beatitudinem, qualem juxta proprium statum habere potest, ut lapis in centrum, Angelus eâ non carebit, & talis erit cognitio Dei abstractiva, à qua nunquam cesset. Dubitatur tamen quomodo reliqua attingat, discurrendo ne, ut homo, an simplici intuitu, ut Deus?

II. Dico primò: Angeli, quæ evidentè cognoscunt, non cognoscunt componendo, aut dividendo, hoc est, repræsentando unâ apprehensione subjectum, alterâ prædicatum, ac deinde illa inter se vel per affirmationem conjungendo, vel per negationem dividendo, vel suspendendo omne judicium: Secùs verò quæ cognoscunt obscurè, ut sunt futura contingentia, arcana cordium, &c. Ità Vasquez *disp.* 223. contra Thomistas; putantes, omnia ab Angelis intelligi absque compositione, aut divisione.

PROB. In tantum intellectus noster dum affirmat, aut negat, indiget compositione plurium conceptuum formalium, in quantum non unicâ specie, nec unico actu simul concipit subjectum, & prædicata, quæ subjecto con-

226 *Pars II. Disp. IV. De Angelorum Intel. &c.*
veniunt, aut disconveniunt; ergo Angelus non componit,
aut dividit, nisi quando pariformiter obscure attingit ob-
jecta.

III. Dico 2. Cognitio Angelica non est discursiva cir-
ca ea, quæ naturaliter, & evidenter cognoscit; secus verò
circa ea, quæ tantum probabiliter, ut sunt arcana cordium
&c. Ità communius; & sic multi interpretantur D. Thom.
qn. 8. de Veritate a. 1 s. quamvis 1. p. qn. 58. a. 3. videatur
universim negare Angelis discursum, ut Scotus videtur
universim illam concedere.

PROB. Quia Angeli quæ evidenter cognoscunt, unico
simplici intuitu comprehendunt, eodem actu cognoscen-
do causam, & effectum in causa; ergo non per discursum
formalem, ad quem requiritur pluralitas actuum, sed per
virtualem attingentem eodem actu unum ex alio: contra
verò in iis, quæ obscure cognoscunt, poterunt uti discursu
formali, inferendo v. g. ex externis Christi miraculis
ejus divinitatem, &c.

IV. Dico ultimò: in intellectu Angelico circa res natu-
rales evidenter cognitæ habetur veritas, quin possit habe-
ri falsitas: secus verò circa ea, quæ probabiliter tantum af-
firmantur, aut negantur. Ità communiter cum D. Th. 1.
p. 9. 58. art. 5.

PROB. Quia Angelus solum circa objecta probabili-
ter cognita, ut sunt objecta supernaturalia, arcana cordi-
um &c. potest decipi; ergo relatè ad hæc solum objecta
potest in intellectu Angelico dari falsitas.

V. Dices 1. Angelus circa ea, quæ probabiliter cogno-
scit, non fert ullum iudicium directum, sed solum fert ju-
dicium de ipsa probabilitate, v. g. non iudicat, Petrus
cras peccabit, sed solum dicit, probabiliter Petrus cras pec-
cabit: aliter imprudenter iudicaret exponendo se periculo
erroris; atqui sic iudicando non potest decipi; ergo non
potest in his cognitionibus haberi falsitas.

Resp. 1. Illud esse probabile, quod prudenter affirmari po-

potest; quare si appareat Angelo aliquod objectum probabile, v.g. Petrum cras peccaturum, poterit prudenter ab Angelo directè affirmari, etiamsi in tali iudicio subsit periculū erroris remotum: sicut prudenter quis eligit pharmacum, quod probabiliter causat sanitatem, quamvis subsit periculum remotum mortis. Deinde est, non possent Angeli in statu beatitudinis esse errori obnoxii, poterunt saltem Dæmones propter passionem imprudenter præcipitare iudicium directum de rebus, quas tantum conjecturaliter, & probabiliter cognoscunt.

VI. Dices 2. ex Philosopho 3. de anima 6. Nequit haberi veritas, vel falsitas, nisi in compositione, aut divisione; sed Angeli in cognitione rerum naturalium evidenter cognitarum non componunt, aut dividunt juxta dicta in 1. Concl. ergo non potest in tali cognitione haberi veritas.

Resp. Si argumentum probaret, evinceret, nec dari veritatem in cognitione Divina. Distinguo itaque maiorem cum Cajet. 1. p. q. 58. art. 5. Non datur veritas, nisi ubi est compositio subjectiva conceptuum, nego, nisi ubi est compositio vel subjectiva conceptuum, vel saltem objectiva rerum, quando scilicet simplici notitiâ judicantur aliqua connexa, aut inconnexa inter se, concedo maiorem, & distincta similiter minore nego consequentiam.

Q U Æ S T I O IV.

Quomodo Angeli loqui, ac mentiri possint? & quonam pacto alios illuminent?

I. **C**onstat, Angelos loqui locutione excitativâ alterius ad audiendum, at secretâ, ita ut ii soli audiant, ad quos sermo dirigitur; hoc enim exigit societas moralis, idque passim testantur Scripturæ: Zachar. 2. *Ecce Angelus, qui loquebatur; & in Epist. Judæ, Cum Michael Archangelus cum Diabolo disputans alter caretur de Moyse corpore.* Porro lingua Angelorum est virtus productiva actuum, qui manifestantur; auditus verò

est intellectus, & auditio est intellectio, quâ Angelus percipit actus ad se directos. Difficultas est, quonam pacto fiat huiusmodi locutio?

Primò aliqui cum Egidio recurrunt ad signa sensibilia. Secundò alii cum Valsquo ad signa intellectualia. Sed immeritò; nam si ea signa sint naturalia, non habetur locutio uni facta potius, quàm alteri, cum ab omnibus ea signa cognoscantur: si sint ad placitum; ergo debuit ante huiusmodi signa præcedere locutio, per quam conveniant ad adhibenda hæc potius signa, quàm alia ad conceptus manifestandos.

Tertia sententia Scoti apud Suarium docet, Angelum loquentem mediare causare in intellectu audientis cognitionem de proprio conceptu manifestando. Suar. verò *lib. 2. cap. 27.* putat, loquentem causare in audiente solum speciem repræsentativam proprii conceptus. Sed contra utramque opinionem est primò, quòd Angelus non posset mentiri, quia juxta has sententias non potest causari in intellectu audientis cognitio, aut species, nisi reverà existat conceptus manifestandus, à quo causetur; ergo Angelus non posset mentiri; debet autem admitti possibile mendacium Angelo, cum scriptura vocet Diabolum Patrem mendacii. Docent quidem multi, diabolum mentiri non posse, nisi loquendo signis externis cum hominibus: Sed non est cur negemus, posse etiam mentiri loquendo cum aliis Angelis. Contra secundò quia locutio (ut mox ex communi sensu dicemus) est actus intellectus, non voluntatis; si autem actus manifestandus causaret cognitionem, aut speciem sui, hoc est auditionem in intellectu audientis, sequeretur, quòd quando manifestatur actus voluntatis, locutio identificaretur cum ipso actu voluntatis, prout producente sui cognitionem; unde vis locutiva non consisteret in solo intellectu. Adde, quòd Angelus non videtur causare posse huiusmodi effectus in quacumque distantia; ergo non aptè sic explicatur locutio Angelica.

De-

Denique D. Tho. 1. p. q. 107. docet, locutionem fieri per hoc, quòd conceptus mentis à loquente ordinetur ad alterum volendo, ut ei innotescat; ità scilicet, ut volitio sit conditio, quâ positâ, Deus immediatè producat in intellectu audientis speciem conceptus, quem vult loquens illi manifestare : Etenim sicut dantur in Angelo species congenitæ à Deo immediatè causatæ, omnium objectorum naturalium, quæ Angelus cognoscere debet connaturaliter, eò quòd non possit eas species habere ab objectis, quæ sæpè maximè distant; nec videtur opinabile, quòd Musca de novo producta possit emittere usque ad Empyreum species sui in intellectu Angelico; ità Deus etiam ad exigentiam causarum secundarum producit in Angelo audiente speciem conceptûs, quem vult loquens illi aperire, positâ voluntate, seu ordinatione loquentis, tanquàm conditione; sicut approximatio est naturalis conditio, ut causa agat in passum. Hæc sententia Angelici indiget explicatione, aliter non videtur salvare primò, quomodo Angelus mentiri possit, quia semper ac est conceptus manifestandus, excitatur in mente audientis ejus species, quæ non posset excitari, nisi talis conceptus existat; unde nunquam haberentur signa locutoria mendacia. Nec videtur salvare secundò, quomodo locutio formaliter consistat in actu intellectûs; cùm enim dicatur locutio consistere in ordinatione conceptûs loquentis ad audientem, & talis ordinatio explicetur per actum voluntatis intendentis illum manifestare, videtur hæc sententia dicere, quòd locutio consistat in actu voluntatis: quod tamen est falsum, tum quia loqui formaliter est exprimere conceptum, quod pertinet ad intellectum; tum etiam quia Pater Æternus dicitur loqui expressione Verbi, seu actu intellectûs, non spiratione Spiritûs Sancti, seu actu voluntatis.

II. Dico itaque cum D. Thom., Cajet, Capreol. juxta explicationem Amici, Mau., & aliorum, Locutionem

Angelorum fieri per hoc, quod loquens liberè proprios conceptus dirigat, & ordinet ad audientem. Quod ut aptè explicetur, dicendum, ad locutionem, quā Michael v. g. vult manifestare Gabrieli proprios conceptus, hoc est suas cogitationes, aut volitiones, tria requiri. Primò quidem requiritur conceptus directus, seu actus intellectus, aut voluntatis, manifestandus. Secundò ordinatio talis conceptus directi ad audientem, quæ ordinatio consistit in quadam cognitione reflexâ supra actum directum, ordinativa, seu directiva illius ad audientem, etenim, ut notat Mau., sicut actus præceptivus, consiliativus, interrogativus, & similes sunt actus intellectus; ita etiam actus ordinativus, seu directivus priorum conceptuum; & in tali actu ordinativo formaliter consistit locutio. Tertiò: ut locutio sit libera, requiritur, tanquam mera conditio, actus liber voluntatis imperans illum actum ordinativum, & volens, quod tam actus ordinativus reflexus, quàm actus directi, eorumque objectum, innotescant audienti. Quare locutio, in quantum locutio est, formaliter constituitur per illam ordinationem, seu per actum intellectus reflexum; in quantum verò locutio est libera, involvit actum voluntatis, quæ est conditio necessaria, ut illi actus innotescant audienti. Sicut potentiz combustiva formaliter constituitur per ignem, & approximatio est solum conditio, ut ignis comburat.

PROB. nunc conclusio sic explicata. Primò experientiâ; experimur enim, quod quando volumus Deum, Sanctos, vel nosmet alloqui, dirigamus illis conceptus nostros, volendo, ut iis innotescat. Ex. gr. quando loquimur Deum confitendo illi peccata nostra, tunc ordinamus, seu dirigimus Deo conceptus nostros de peccatis commissis; & quando nosmet loquimur v. gr. dicendo, Doctrinam Calvinii esse falsam, tunc ad nosmet ordinamus conceptum, quem habemus de falsitate doctrinæ Calvinisticæ; ergo locutio formaliter consistit in ordinatione priorum conceptuum ad alios, quos alloquimur. Ra-

Ratio à priori est, quia loqui ex communi acceptatione vocabuli est explicare alteri mentem suam, seu conceptus proprios, quod propriè spectat ad intellectum; & velle loqui, est velle ea explicare; ergo actus voluntatis spectat ad locutionem, in quantum liberam; actus verò intellectus spectat ad locutionem, in quantum valem. Unde Theophil., & Theodoret. in illud Apost. *Si linguis hominum loquar, vel Angelorum*, dicunt: *Lingua Angelorum est potentia intelligendi, quâ invicem Divina communicant sensa*; ergo si lingua est potentia intellectiva, locutio erit actus intellectus. Quod ex eo etiam constat quia sola secunda persona Divina est Verbum, quippe quæ procedit per intellectum. Hinc fit, locutionem Angelorum non posse in alio reponi, quàm in actu intellectus reflexo, ordinativo proprii conceptus ad alterum; non verò in ipso conceptu directo manifestando; aliter quando manifestatur actus voluntatis, locutio constitueretur per actum voluntatis, quod est contra rationem locutionis. Requiritur itaque imperiū voluntatis liberum, quo actus ille ordinativus, seu directivus imperatur, ad hoc, ut, posita tali conditione, causetur in intellectu audientis species impressa, & consequenter cognitio tum actus ordinativi, tum conceptus directi, nec non objecti talium actuum.

III. Ubi adverte, varias esse Doctorum sententias circa Verbum mentis, dum quæritur, An distinguatur à cognitione saltem abstractivâ, & sit id, in quo objectum cognoscatur? ut videre est apud Recapitulum *lib. 6. De Deo, qu. 25*. Equidem cum communiori censeo, actum intellectus, quo quis exprimit aliquod objectum, dici verbum absolutum, seu exercitè tantum relativum ad semet, & sic quælibet cognitio directæ est verbum absolutum, quo quis sibi met exercitè loquitur: contra verò dicitur verbum relativum ille actus intellectus, quo quis loquitur alteri, vel sibi met veluti signatè, & talis actus importat supra conceptum directum quendam novum actum intellectus

ordinativum conceptus directi ad audientem cum volitione, ut illi innotescat; unde ad hujus exigentiam, vel Deus in mente Angelii audientis excitat ejus speciem (juxta sententiam dicentium, omnes hujusmodi species esse congenitas cum Angelis in eorum productione, nec indigere, nisi quod excitentur) vel juxta veriore sententiam, de novo Deus speciem talis conceptus in mente Angelii audientis producit; ne dicamus, frustra esse congenitas cum Angelis infinitas species infinitarum locutionum possibilem, quæ excitentur, quoties ponitur aliqua locutio.

PROB. Denum conclusio, quia sic dicendo salvantur omnia, quæ ad locutionem spectant, & evacuantur difficultates in contrarium. Salvatur enim primò, quomodo locutio interna correspondeat externæ; sicut enim externa locutio est signum causans in audiente cognitionem proprii conceptus, & objecti; ita locutio interna, seu hic conceptus ordinativus, & reflexus, tanquam signum internum causat suo modo in intellectu audientis, tam cognitionem sui met, quam cognitionem conceptus directi, & ejus objecti; exigendo videlicet, posito consensu libero loquentis, quod Deus causet eorum speciem in mente Angelii audientis.

Salvatur 2. Quomodo Angelorum vox, & lingua spectet solum ad intellectum; etenim actus ordinativus, seu reflexus spectans ad intellectum est id, quo manifestantur conceptus directi, quos vult loquens manifestare, sive sint actus intellectus, sive voluntatis.

Salvatur 3. Quomodo Angeli dicantur clamare; vel quia exigunt causari in intellectu audientis speciem vividioram; vel quia magna loquuntur; vel quia summo opere cupiunt audiri. Apparet etiã, quomodo ab Angelo audiente exigatur species de voce, seu conceptu reflexo loquentis; nam per hujusmodi conceptum reflexum, & ordinativum, & per consensum loquentis, tale objectum reponitur intra ordinem rerum specialiter pertinentium ad Angelum audientem.

Salva.

Salvatur denique, quomodo Angelus mentiri possit, si scilicet exprimendo conceptum reflexum de conceptu directo, careat revera conceptu directo; e. g. si Angelus velit mentiri, & dicere alteri, se habuisse revelationem de Incarnatione Spiritus Sancti, tunc habet conceptum reflexum de tali iudicio, seu actu directo, quem revera non habet, & vult huiusmodi conceptum reflexum percipi ab audiente. In quo casu persuadebit sibi audiens, esse revera in mente loquentis conceptum illum directum de Incarnatione Spiritus Sancti, eum tamen non sit.

IV. Ex quibus infertur 1. locutionem universim consistere in actu intellectus reflexo, supponente conceptus directos alteri manifestandos. Sic locutio, seu productio Verbi in divinis procedit ab intellectu, non à voluntate notionali, seu procedit à Deitate indentificata cum intellectu essentiali, prout modificata à Paternitate; & per talem locutionem manifestantur Filio, qui est imago Patris, & Sapientia genita, quaecumque Pater Aeternus cognoscit in priori ad productionem Verbi. Infertur secundò, Angelicam locutionem posse esse secretam, & uni manifestari arcana, non alteri. Tertio, posse simul unum alloqui plures. Quarto, posse inferiorem alloqui Superiorem, & animam tam unitam corpori, quam separatam posse hoc pacto alloqui Angelos. Quintò, locutionem non esse aliquando actum intellectus, aliquando voluntatis, ut tenet Suar. semper esse actum intellectus, quo manifestantur tam actus intellectus directi, quam actus voluntatis. Sexto, locutionem fieri ad quamcumque distantiam. Unde Luc. 17. dives in inferno positus clamans dicebat, *Pater Abraham miserere mei*, & cum illo loquebatur. Septimò, Angelum loqui Deum, ordinando ad illum conceptus suos, non ad hoc ut innotescant Deo, cui essentialiter omne cor patet, sed potius ut aliquid ab eo discat; sicuti passivum, ut advertit Angelicus hic, *qu. 107. ordinatur ad agens, non ut agat in illud, sed ut aliquid*

liquid ab eo recipiat. Octavò, ordinationem conceptus directi, seu directionem ad audientem elicitive esse ab intellectu, imperitive esse à voluntate; & per huiusmodi ordinationem verbum absolutum (quo scilicet aliquid sibi quis exprimit per cognitionem quamcunque directam, transire ad verbum, seu locutionem respectivam, quâ quis loquitur alteri, vel sibi met; per voluntatis autem imperium, ut notat ibidem Angelicus, conceptus directus prout substat reflexo, liberè ordinatur ad audientem.

V. Quæres hîc, quomodo Angeli superiores illuminant inferiores.

Resp. illuminationem Angelorum esse speciem quamdam locutionis, quâ Angeli superiores communicant inferioribus quasdam notitias supernaturales sibi à D^{eo} communicatas: Ità D. Th. q. 106. ax D. Dionys. de cœlesti Hierarchia c. 3. Potest etiam Angelus inferior communicare superiori aliquas huiusmodi veritates; sed tunc non dicitur illuminare superiorem, quia hæc vox *Illuminatio* significare etiam solet relationem illuminantis, & subordinationem illuminati. Hinc nec Dæmon dicitur illuminare homines, quando docet incognita, quia non communicat ea in ordine ad perfectionem moralem audientis; secus verò Angelus bonus dicitur nos illuminare, quando docet nos quæcumque spectant ad ordinem gratiæ, & gloriæ. Illud etiam ad illuminationem requiritur, quòd manifestetur veritas aliqua, vel ex toto, vel saltem ex parte ignota, ità ut confortetur, & corroboretur intellectus audientis; hæc autem corroboratio non est effectiva per hoc, quòd efficiatur in intellectu audientis quicquam aliud præter speciem; sed merè objectiva, per hoc scilicet quòd proponatur objectum artificiosè, artificio proportionato capacitati Angeli illuminati. Plura de Illuminatione videri possunt apud Suarium, & alios passim.

Q U Æ S T I O V.

An possit intellectus Angelicus cum propriis actibus identificari?

I. SUPponendum hic, intellectum non distingui à substantia Angelica, ut nec distinguitur ab anima rationali, ut communius docent in Philosophia; tum quia ad rationem actus vitalis spectat, ut sit ab intrinseco; atque adeò quòd immediatè profluat à substantia vivente; tum etiam quia; si potest per Adversarios absque processu in infinitum substantia Angelica esse principium immediatum suarum potentiarum, poterit etiam esse principium immediatum suorum actuum; & sicuti potest substantia v. g. aquæ immediatè producere sibi immanenter frigus, quidni possit substantia Angeli immediatè etiam producere sibi immanenter suas operationes?

Neque dicas, virtutem motivam, quæ identificatur cum gravitate, distingui à corpore gravi, quia accidentia Eucharistica descendunt deorsum ex vi motiva, seu gravitate, quæ est in ipsis distincta à substantia panis; ergo etiam in Angelis distinguitur vis motiva, atque adeò omnis alia potentia, à substantia Angelica. Nam contra est quia entia materialia propter propriam eorum imperfectionem, sicut componuntur ex materia, & forma substantiali, ita dicunt compositionem cum pluribus accidentibus, Angelus verò ob suam perfectionem, sicut excludit compositionem substantialem, ita excludit omnem illam compositionem accidentalem, quam non cogimur in iis admittere vel ex ratione aliqua à priori, vel saltem à posteriori ex separabilitate: neutrum autem habetur in casu nostro; ergo in Angelis tam intellectus, quam reliquæ potentiae cum eorum substantiis identificantur.

II. Difficultas solùm est de actibus; An scilicet possint cum

cum ipsa potentia, ac substantia Angelica identificari? Duran. putat, actum, quo se Angelus intelligit, identificari cum substantia Angeli intelligentis, atque adeo semper Angelos necessario cognoscere se ipsos; quam sententiam probabilem esse, docet Aureol. apud Amic. ex Phil. 12. Met. tex. 5. Sed quicquid sit de hac opinione querimus, An possit cum quavis sua intellectus Angelicus identificari?

III. Dico equidem, repugnare substantiam intellectivam cum propriis actibus identificatam. Ità communissime Scholastici, & sententia opposita numerantur inter errores de Angelo damnatos à tota Academia Parisiensi apud Amic. qu. 8. sect. 1. Cum enim de fide sit, Angelum esse beatum ex dono Dei supernaturali, communiter ejus beatitudo formalis, atque adeo actus intellectus, & voluntatis, important quid superadditum substantiæ Angelicæ; & quia quilibet Angelus possibilis est beatificabilis beatitudine supernaturali, ideo quilibet à suis actibus distinguitur.

PROB. Nunc conclusio, quia de ratione intellectiōis est esse ultimam actualitatem, seu actualis exercitium, faciens quidquid facere potest instar modorum, ut hic supponitur; ergo si identificaretur cum potentia intellectiva faceret quidquid facere potest intellectus; atqui intellectus cognoscere potest omnia objecta, & modo perfectiori, ac perfectiori in infinitum; ergo intellectio identificata cum intellectu hoc præstaret; quod repugnat potentia intellectivæ creatæ, utpotæ limitatæ, ut patet. Quod autem possit intellectus attingere omnia objecta, potest hic supponi ex Philosophia, in qua ex modo tendendi potentia infertur amplitudo objecti; siquidem potentia quo est immaterialior, eo amplius latè patens habet objectum, & specificativum formale; unde cum potentia intellectiva sit omninò immaterialis, ejus specificativum formale erit universalissimum, atque adeo omne verum, seu ens

ut

ut ens. Quod si detur *Arriaga disp.* 8. de anima *sect.* 1. possibilem esse intellectum limitatum ad aliquam rationem entis, puta ad ens naturale; adhuc posset talis intellectus attingere omnia entia naturalia, & sic identificaretur cum cognitione attingente huiusmodi objecta infinita, cognitio autem simul attingens infinita quæ talia repugnat, ut ostendimus *quest.* primâ, præsertim si supponatur repugnantia cuiuscumque infiniti categorematici creati; ergo repugnat etiam intellectus limitatus identificatus cum propriis actibus. Præterquamquod posset talis intellectus attingere suum objectum cognitione perfectiori in infinitum, atque adeo de facto illud attingeret cognitione perfectissimâ, quod repugnat. Adde, huiusmodi intellectum esse divinitus beatificabilem beatitudine supernaturali; ergo debet esse capax visionis beatæ; ergo saltem visio ista beata distingueretur ab intellectu, atque adeo non identificaretur cum omnibus suis actibus; esto posset cum aliquo actu identificari juxta sententiam citatam Durandi putantis, omnes Angelos identificari cum intellectione, quâ semetipsos cognoscunt; quamvis hoc etiam communiter negetur à Scholasticis, dicente Aug. 9. de Trinit. *cap.* ultimo. *Mens cum seipsam cognoscit, sola parens est notitiæ suæ:* Et ratio est, quia sicut intellectus objecta à se distincta cognoscit intellectu superadditâ, ita & seipsum; videtur enim esse solius Dei, cognoscere seipsum cognitione substantiali.

Confirm. concl. 1. paritate voluntatis, quæ nequit cum suis actibus identificari; aliter voluntas identificata cum actu amoris Dei, esset essentialiter impeccabilis, contra ea, quæ dicemus *disp.* sequ. ergo neque potest intellectus identificari cum actibus suis. Secundò, quia Angelus superior ex D. Dion. illuminat inferiorem; illuminatio autem habetur per manifestationem alicujus novæ notitiæ; ergo. Tertiò, quia Angeli sibi mutuò revelant arcana cordium; ergo ut prius,

IV. OBJIC. intellectus, & intellectio important perfectionem limitatam; ergo possunt coincidere in eandem entitatem.

Confirm. Quia potest intellectus determinari ad cognoscendum objectum ab intellectione distincta, ergo potest etiam ab identificata; sicut quia potest determinari ad cognitionem objecti à specie impressa distincta, se tenente ex parte objecti, poterit etiam ab ipsomet objecto immediatè determinari.

Resp. Nego Consequentiam; sicut nequit coire in eandem substantiam supernaturalem intellectus creatus, & lumen gloriæ, nec in eandem entitatem coincidere potest natura creata, & substantia, nec creatura, & ubicatio, & similia. Ratio est, quia ex hac identitate inferretur illimitatio: quandoquidem intellectio identificata cum intellectu esset intellectio omnium objectorum, quæ cognosci possunt à tali intellectu; unde esset cognitio infinitorum quæ talium, & quidem perfectissimo modo; cum possit intellectus perfectiori, ac perfectiori modo in infinitum sua objecta attingere.

Ad confirm. *Nego consequentiam*. Intellectus, si determinetur ab intellectione distincta, remanet in potentia ad intelligenda reliqua objecta; secus verò si determinetur ab intellectione identificata. Et hæc est disparitas, quare possit tam per speciem impressam, quàm per ipsum objectum immediatè determinari, determinatione se tenente ex parte objecti; quia scilicet, utrovis modo determinetur, semper remanet intellectus in potentia ad alia cognoscenda.

DISPUTATIO V.

De iis, quæ spectant ad voluntatem Angelorum.

EXaminanda hîc Angelorum peccabilitas, & im-peccabilitas: Dæmonumque peccatum, & pœna: In-

Inflexibilitas, & obstinatio; Supplicium, & supplicii locus.

Q U Æ S T I O I.

Utrum Angeli peccare potuerint in primo suæ creationis instanti: Et quomodo se habuerint in Via?

I. **S**upponendum 1. Angelos omnes tam probos, quàm improbos in primo instanti suæ creationis de facto fuisse beatos beatitudine naturali propriâ viæ, non termini; præditi namque fuerunt cognitione in consentaneo gradu intensa summi Veri, & amore summi boni; quin tamen certitudinem habuerint de perpetuitate talis beatitudinis cùm hoc spectet ad beatitudinem præse dictam, quæ est propria termini; Anxietas enim, & sollicitudo, ne tantum bonum amittatur, non cohæret à satietate appetitus, ac beatitudine præse dictâ: præterquamquòd beatitudo naturalis propria termini, utpote collata secundum se in præmium meritorum; fert cognitionem summi veri, & amorem summi boni in gradu magis intenso quàm ferat beatitudo naturalis propria viæ, & simul fert impotentiam saltem moralem peccandi imposterum, quam tamen Angeli non habuerunt in primo instanti. Ità communiter cum D. Tho. 1. p. q. 62. Scot. Suar. lib. 3. c. 11. Et ratio est, quia Angeli in primo instanti habuerunt quicquid ad completam ipsorum naturalem perfectionem spectat; hoc enim decet Sapientissimum conditorem Deum.

II. Supponendum 2. Angelos, ac Dæmones in primo instanti habuisse pariter beatitudinem supernaturalem imperfectam propriam viatoris elevati, dum est in via; non tamen illam perfectâ, quæ est propria termini; quod est dicere, habuisse etiam tam cognitionem supernaturalem abstractivam Dei per fidem, quàm amorem supernaturalem in

in certo gradu magnæ intentionis; quin tamen pro eodem instanti habuerint visionem Dei intuitivam, in qua consistit beatitudo perfecta supernaturalis propria termini. Ità communiter Scholastici, à quorum sensu; & auctoritate non est recedendum. Habuerunt quidem Angeli in primo instanti cognitionem matutinam, & Vespertinam ex Aug. in *lib. 4. Genes: cap. 13.* pro cognitione matutina non intelligitur, ut notat Scotus, cognitio intuitiva Dei, & aliorum in Deo viso; hanc enim deinde habuerunt in termino; sed cognitio abstractiva Dei ex creaturis, ità ut per regressum demonstrativum haberent ex Deo clarè cognito cognitionem creaturarum; haberuntque etiam cognitionem vespertinam, nempe creaturarum in seipsis.

III. Supponendum 3. cùm communiori sententia, utròsque Angelos conditos fuisse cum gratia habituali supernaturali. Ratio est, tum quia communiter Patres de Lucifero interpretantur illud Ezech. 28. *Tu signaculum similitudinis, plenus sapientia, & perfectus decore omnis lapis pretiosus operimentum tuum; tu Cherub perfectus in viis tuis à die conditionis tue, donec inventa est in te iniquitas?* Hæc autem non possunt intelligi de perfectionibus naturalibus, quæ post peccatum ex communi sensu Patrum, & Theologorum integræ remanserunt in Angelis; ergo de perfectionibus supernaturalibus, ac de gratia supernaturali, quàm Similitudinem Dei appellat Bernardus serm. 5. in Cantica: Tum etiam, quia cùm homines conditi fuerint cum gratia habituali, quidni idem dicamus de Angelis? De hominibus autem constat ex Triden. sess. 5. in Decreto de peccato originali, ubi definit, *Adam post peccatum statim sanctitatem & iustitiam, in qua constitutus fuerat amisisse.* Et ratio radicalis est, quia Angeli creati fuerunt, ut per condigna merita beatitudinem supernaturalem assequerentur; hinc enim modus consequendi beatitudinem est altior, & conformior

formior tum Divinæ providentiæ perducenti omnia ad suos fines per eorum cooperationem tum dignitati naturæ intellectualis, cui competit modus nobilior assequendi suam beatitudinem; nobilior autem modus est, ut illam pura creatura assequatur per propria merita, quam gratis; ergo cum meritum ad visionem beatam non sit condignum, nisi per gratiam habituales, dicendum, Angelos cum ea conditos fuisse. Dixi, *pura creatura*. Nam Christus Dominus beatitudinem accepit modo nobilissimo, videlicet titulo naturalis Filiationis Dei, ratione cuius debita illi fuit visio Dei etiam in primo instanti, unde non potuit hæc conferri Christo Domino dependenter à meritis, ut potuit eidem conferri gloria accidentalis, & de facto sic collata fuit; juxta illud: *Humiliavit semetipsum, &c. Propter quod Deus exaltavit illum*. Ità communis, ut videre est apud Platel. de Incar. num. 351. Disparitas autem inter gloriam essentialem, & accidentalem Christi Domini est, quia illa dari debuit in primo instanti, cum sit proprietas connaturalis, unioni hypostaticæ debita, unde antecedere debuit actus liberos, & meritorios; gloria verò accidentalis, quamvis etiam esset debita, non tamen fuit debita pro primo instanti; unde potuit dari in præmium post actus meritorios.

IV. Supponendum 4. Probabilius esse, Angelos habuisse in primo instanti gratiam habituales dependenter à propria dispositione, & merito congruo. Ratio est, quia hic modus accipiendi dona Dei per propria merita est altior, & nobilior, & est Divinæ providentiæ magis consonus; ergo dicendum, hoc pacto gratiam esse Angelis collatam; cum enim naturæ instinctu dicamus, Deum aut ad Optimum inclinari, aut semper saltem facere Optimum, & opera Dei esse perfecta, dicendum, de facto perfectissimo modo omnia constituta esse, nisi quid obstat.

Confirm. Quia de facto adultis non confertur gratia habitualis in baptismo, nisi dependenter à propria dispo-

242 *Pars II. Disp. V. De Angelorum Volunt. &c.*
sitione, & merito congruo; ergo etiam hoc pacto col-
lata fuit Angelis: non potuit tamen iis conferri gratia de-
pendenter à merito condigno, quia cùm meritum per ip-
sam gratiam fiat condignum doni supernaturalis, jam gra-
tia antecederet gratiam, si dignificaret ad gratiam; meri-
tum autem congruum ad gratiam habetur vi auxilii su-
pernaturalis, quo Angeli in primo instanti elicuerunt a-
morem Dei supernaturalem, & illo se ad gratiam habitu-
alem disposuerunt.

Neque dicas cum Amico *dis. 18. num. 79.* Deum in
naturalibus hunc modum servare, ut prius quàm agentia
naturalia agant, ea instruat potentiis naturalibus ad ope-
randum; ergo etiam agentia libera instruit virtutibus in-
fusis, antequam supernaturaliter operentur, & conse-
quenter gratia, & virtutes infusæ antecedunt, non subse-
quuntur operationem supernaturalem; ut de facto con-
tingit in infantibus, quibus cum baptismo gratis, & inde-
pendenter à propria dispositione datur gratia cum virtuti-
bus infusis, quibus possint deinde supernaturaliter operari.

Nam contra est, quia Deus connaturaliter dat agenti-
bus naturalibus virtutem ad operandum, quia illa est iis
debita: gratia autem non est debita, sed gratis datur; ergo
connaturalius datur, ut exigita à merito congruo. Virtutes
infusæ, quia sunt proprietates gratiæ, connaturalius
dantur in posteriori natura ad gratiam. Hinc solum auxi-
lium, seu gratia actualis supernaturalis datum est Angelis
independenter à proprio merito, ut possent vi illius de
congruo mereri gratiam, & virtutes infusæ annexas: in-
fantibus verò cum gratia dantur statim virtutes infusæ in-
dependenter à meritis, cùm non possint tunc liberè operari.

V. Supponendum 5. Angelos inæqualiter habuisse
gratiam sanctificantem; si enim ex D. Dionys. habent
gloriam inæqualem, & gloria respondet gratiæ, quæ est
illius semen, consequenter inæqualem gratiam habue-
runt, atque adeò merita inæqualia.

Utrum

Utrūna autem Angeli inæqualiter habuerint juxta naturæ inæqualitatem dona supernaturalia antecedentia usum libertatis? Arriaga, & alii videntur negare. Communissimè tamen concedunt cum D. Tho. 1. p. q. 62. a. 6. Hoc certum est, id ex mero Dei arbitrio dependisse, cum enim dona supernaturalia sint omninò gratuita, sicut potuerunt simpliciter denegari Angelis superioribus, & conferri inferioribus, ità liberè potuerunt dari superioribus inferiora dona, & Angelis inferioribus præstantiora; Sicut de facto Unionem hypostaticam Deus concessit naturæ humanæ, non Angelicæ, & gratiam efficacem contulit Angelis inferioribus, non Lucifero.

Dicendum tamen cum communissima Scholasticorum, de facto Deum contulisse dona supernaturalia, præstantiora Angelis superioribus juxta mensuram perfectionum naturalium. Ratio est, tum quia ità videntur sentire Patres cum Dionysio apud Suar., & Amic. hic; tum quia juxta commune estatum, Gratia solet se naturæ accommodare, secluso speciali Dei privilegio. Idcirco ex. g. Sacramenta conferunt majorem gratiam magis dispositis, quia ex libero Dei arbitrio agunt juxta causas naturales, accommodante se gratiâ naturis rerum; & de facto homines præstantioris ingenii clarioribus speciebus naturalibus instructi, per se loquendo, illustrationibus clarioribus supernaturalibus solent illuminari. Et congruentia aptior est, quia hoc videtur exposcere ordo sapientissimus distributionis, ut majora dona superioribus, minora inferioribus conferantur, & qui perfectiores sunt in natura, ad altiorem Beatitudinis gradum per se loquendo ordinentur: per se autem ordinantur ad altiorem beatitudinem Angeli perfectiores in natura, si auxiliis præstantioribus muniantur, quibus se disponant ad gratiam, & gloriam obtinendā; ergo probabilius est, dona supernaturalia antecedentia usū libertatis inæqualiter distributa esse Angelis pro inæqualitate naturæ. Sic, ut loquitur D. Th. 1. c.

si Ædificator lapides ponat ad construendam domum, ex hoc ipso, quòd aliquos decentius, & pulchrius exornet, infertur, eos ad honoratiorem partem domus ordinare; ergo Angelos præstantiores ad altiore beatitudinis gradum dicendum est Deum ordinasse, atque adeò auxilia præstantiora iis contulisse. Verum quidem est Deum naturæ Angelicæ denegasse unionem hypostaticam, quam concessit naturæ humanæ; & ex hominibus infirma mundi elegisse, ut confunderet fortia, idque ob suos fines altissimos, & alias congruentias, quæ passim adducuntur; At in casu nostro cum Patres oppositum doceant, & secundum se id videatur exposcere ordo sapientissimus distributionis, quòd præstantiora dona superioribus conferantur, dicendum, de facto ità in Angelis contigisse.

Ex quibus tamen non sequitur, quòd Deus gratiam supernaturalem uberiores conferat de facto exercenti operationes liberas naturales præstantiores; quasi verò opera naturæ aut positivè, aut negativè disponant ad gratiam, ut dicemus in de Gratia *disp. I. qu. 7.* explicando Axioma illud, *Facienti quod in se est Deus non denegat gratiam suam*: Disparitas est, quia, ut nota idem Angel. *loc. cit.* Deus conferendo gratiam uberiores Angelis superioribus accommodat se naturis rerum, & sapienter operatur, donando liberaliter gratiam præstantiorem operi suo nobiliori; contra verò, si juxta dispositionem naturalem conferret gratiam supernaturalem, distribueret gratiam suam Operi nostro, conferretque gratiam supernaturalem veluti ex nostra dispositione, & merito, dicente Apostolo ad Rom. 4. *Ei, qui operatur, merces non imputatur secundum gratiam, sed secundum debitum*: repugnat autem, gratiam supernaturalem deberi operibus naturæ; ergo in conferenda nobis gratia supernaturali nullatenus respicere Deus debet dispositionem nostram naturalem.

VI. Supponendum ultimò cum D. Thom. Suar. Vasq.

Vasq. & aliis communius contra nonnullos, etiam Angelos malos de facto in primo suæ creationis instanti gratiam, & virtutes annexas esse consecutos: Et probabilius etiam dependenter à propriis meritis, ut diximus de Angelis bonis. Proinde tale instans vocatur à Scoto in 2. dist. 5. qu. 1. *Instans uniformitatis*; quia uniformiter omnes Angeli se habuerunt. Deinde Angeli boni plures actus meritorios elicuerunt, nempe Fidei in Deum Trinum, & Unum, in Deum Remuneratorem, in Christum Dominum, tanquam hominum, & Angelorum caput; quandoquidem ex Apost. ad Heb. 11. *Sine fide impossibile est placere Deo*; Sæpe etiam de consequenda beatitudine ex Dei auxilio, Charitatis in Deum, Religionis illum adorando, Obedientiæ, &c. nec non Charitatis erga alios Angelos adhortando socios, compatiendo perduelles; ac Temperantiæ, temperando appetitum naturalem propriæ excellentiæ. Quare licet juxta dicta disput. 1. qu. 6. art. 1. potuerint Angeli boni in eodem primo instanti esse Viatores simul, & Comprehensores; de facto tamen probabilius est, quod per aliquod breve tempus fuerint dumtaxat Viatores, & discursu usi sint circa supernaturalia objecta ad plenè deliberandum.

VII. Angeli verò mali post primum instans peccârunt, sive peccato superbiæ, ut docet D. Thom. appetendo Unionem hypostaticam tanquam naturæ Angelicæ debitam, & indignando naturæ humanæ, quod ipsis excelleret per hujusmodi Unionem; simul averfando Christum Dominum, submissionemque, & reverentiam ei debitam recusando: Sive peccato luxuriæ Spiritualis, ut loquitur Scotus, seu Amicitie erga seipfos; ex qua subortus fuit amor concupiscentiæ inordinatus appetendo sibi beatitudinem, & delectationem spirituales ultra modum debitum. Propterea hoc tempus meriti, ac demeriti non fuit instans indivisibile, ut notat Amicus; nam ut

aliqui ex Dæmonibus stimulatī ab aliis peccarent, oportuit prius aliquos, deinde alios peccasse: Viderūque probabile, eos, qui ab aliis persuasi deliquerunt, fuisse in quodam interstitio deliberationis inter bonum, & malum, donec omnibus perpensis, deliberatā voluntate, se ad alterutram partem converterent. Hinc Ezech. 28. dicitur, *Ambulasti perfecte in viis tuis à die conditionis tue, donec inventa est iniquitas in te*: Ubi ly *Ambulasti* denotat moram plusquam instantaneam. Verum quidem est, Angelos omnia naturalia ad eorum statum spectantia statim comprehendisse; sed circa supernaturalia, quæ fide cognoscebant, fruebantur discursu, unde morā aliquā temporis indiguerunt, ut plenè possent deliberare; poterantque, ut dicemus *quasi*. 3. dum erant in via, propositum mutare; quamvis cum difficultate maxima, quoniam à consideratione boni honesti liberè amoti, proposito sibi bono turpi, ac delectabili, non facile poterant ab hoc animum avocare, & ad meliorem frugem redire; & ideo de facto neminem pœnituit peccati commissi.

VIII. Post tempus illud viæ, quod à Patribus, & Doctoribus supponitur brevissimum, successit Terminus, nempe bonorum glorificatio, ac improborum damnatio, ratione cuius in æternum puniuntur tum pœnā damni, tum pœnā ignis; cum in Scriptura de igne Tartareo dicatur Matth. 25. *Qui paratus est Diabolo, & Angelis ejus*; & Anima Epulonis à corpore separata clamabat, Luc. 16. *Crucior in hac flamma*. Quomodo autem Spiritus ab igne crucietur, alii aliter: Augustinus & Lactan. dicunt, cruciari, ac cremari miris, & veris modis. Equidem censeo, ignem tartareum per potentiam obedientialem causare in spiritibus qualitatem aliquam spirituales illis dissonam, & doloriferam, quæ scilicet illum eundem effectum pariat, quem patitur anima rationalis, quando unita corpori ab igne torquetur; Sic fiet, quod verè ab igne Dæmones torqueantur, etiamsi in hoc aëre sint ad nostrum

exerc-

exercitium, & ab interno abſint, cū poſſit ignis ille etiam in diſtans agere divinitus, ut explicabimus *quaſt. ult.*

His præſuppoſitis, examinandum, An potuerint in primo instanti ſuæ creationis Angeli portare? Thomiſtæ communiter negant: Scotiſtæ abſolutè affirmant: Suar. *lib. 7. diſp. 20.* putat, de potentia Dei abſoluta peccare potuiſſe, non tamen de potentia ordinaria, ſeu metaphyſicè, non phyſicè. Eſparza demum, & Platelius *n. 397.* cum quibus ſentiendū, docent, potuiſſe phyſicè, non moraliter.

IX. Dico 1. contra Thomiſtas: Potuit Angelus metaphyſicè peccare in primo instanti ſuæ creationis; quatenus non repugnat, quòd libere peccaverit.

PROB. Quia ex D. Thom. hic *qu. 66. art. 5. Potuit Angelus in primo instanti libere operari, & mereri*; ergo etiam potuit demereri, & peccare. *Prob. conſequentia*, quia in primo instanti potuit Angelus tam ex parte intellectūs, quàm ex parte voluntatis habere quæcumque habuit in ſecundo instanti, quando peccavit; ergo etiam in primo instanti potuit peccare. *Probatur hoc antecedens*: nam ſi quid obſtaret, maxime quia, ut loquitur D. Thom. ibidem. Si in primo instanti Angelus haberet operationem defectuoſam ſive ex parte intellectūs, ſive voluntatis, huiusmodi operatio tribueretur Deo, adeoque Deus eſſet cauſa peccati; omnis enim operatio, quæ incipit eſſe operantis, tribuitur agenti; quod ut dat eſſe, ita dat conſequentia ad eſſe; unde moveri ſurſum v. g. in eſt ignis generante; atqui hæc ratio eſt inefficax ad probandum, quòd non poſſit metaphyſice Angelus in primo instanti habere operationem defectuoſam, & peccaminofam; ſolūque probat, quòd moraliter non potuerit peccare, quæ videtur eſſe mens D. Thomæ ut notat Eſparza, quia ſcilicet quæ ſunt moraliter impoſſibilia, dici ſolent abſolute impoſſibilia, ut vitare omnia venialia; ergo potuit Angelus in primo instanti habere quæcumque habuit in ſecundo instanti, quando peccavit. *Prob. minor;*

nam licet operatio agentis naturalis tribuatur generanti, utpote quæ naturaliter consequitur; secus verò operatio libera; ergo ex hoc, quòd Deus condiderit Angelum cum potentia libera, ejus operatio peccaminosa non tribueretur Deo, sed Angelo; Sicuti quando conservatur Angelus à Deo, ejus peccatum non tribuitur Deo, quia non consequitur naturaliter ad esse Angeli. Et sanè operationes, quæ tribui solent generanti, tam in primo, quàm in aliis instantibus sequentibus illi tribuuntur; ut patet in motu gravium, & levium, qui semper tribuitur generanti; ergo si peccatum pro primo instanti positum deberet tribui Deo, etiam peccatum positum pro instantibus sequentibus deberet Deo tribui; quare ratio adducta est inefficax.

X. Adde: Etiam transmissio, quòd prima operatio agentis liberi tribuatur Deo, adhuc poterit in eodem primo instanti esse in agente libero pro primo signo naturæ actus aliquis necessarius, ac naturalis inditus à Deo nempe illustratio naturalis in intellectu, ac inspiratio, & delectatio de bono honesto in voluntate, qui actus dicuntur fieri in nobis sinè nobis liberè operantibus, & sunt compossibiles cum peccato.) Ac pro secundo naturæ signo esse actus liber peccaminosus; Sicut in sententia Thomistarum, in Angelis bonis prius naturâ fuit actus naturalis, & in posteriori natura actus liber meritorius gratiæ supernaturalis.

Neque dicas, Angelos habuisse à Deo in primo instanti etiam amorem Dei perfectum impossibilem cum peccato. Nam hoc gratis assumitur; satis enim est, quòd à generante habuerint cognitionem Dei abstractivam perfectam, & inspirationem, qui sunt actus cum peccato compossibiles physicè, licèt non moraliter; Cum enim natura semper faciat optimum, & perfectius sit constituta natura Angelica, si sit prædita libertate, ad amorem Dei, aut ejus omissionem; cum perfectius sit habere amorem
Dei

Dei liberum, ac meritorium, quàm necessarium; ideo dicendum, de facto Angelos conditos esse cum libertate ad Deum amandum, atque ad peccandum.

Quòd si etiam admittatur, deberi Angelis in primo instanti amorem Dei necessarium, sicut debetur calor ignis; at ad hoc Deus non necessitatur metaphysicè, nec physicè, sed ad summum moraliter juxta eos, qui docent, Deum moraliter necessari ad secundandas rerum exigentias; Unde non repugnat, quòd Angelus pro primo instanti careat amore Dei, & peccet.

Confirm. demum conclusio, quia homo potest in primo instanti usûs rationis peccare mortaliter; ergo etiam Angelus in primo instanti suæ creationis. Antecedens non negatur à Thomistis putantibus, quòd homo teneatur sub mortali in primo instanti usûs rationis se convertere ad Deum per actum dilectionis Dei super omnia. Consequentia probatur, quia tempus infantiae antecedens usum rationis materialiter se habet in hominibus in ordine ad meritum, seu demeritum: ergo si possunt homines in primo instanti usûs rationis peccare, poterit etiam Angelus in primo instanti suæ creationis.

XI. Dico secundo cum Scoto contra Suar. & Thomistas; Potest Angelus etiam physicè peccare in primo instanti; Seu potuit Deus de potentia ordinaria permittere peccatum Angelorum pro primo instanti, quo illos creavit.

Conclusio constat iisdem rationibus, quibus præcedens. Confirmatur primò, quia exigentia naturalis, quòd prima Angeli operatio sit bona, neque potest esse ex parte ipsius Angeli, neque ex parte Dei: Non ex parte Angeli, quia talis operatio non esset ex gratia, neque beneficium speciale, si esset exigita: Neque ex parte Dei, tum quia ut potest de potentia extraordinaria permittere peccatum in primo instanti ob multos optimos, & congruentissimos fines, ita etiam de potentia ordinaria; & sicut potest de po-

rentia ordinaria illud permittere in secundo instanti, ita etiam in primo. Præterquam quòd quæ Deus nequit physice, & non ex exigentia Creaturæ, sed ex exigentia ipsius Dei, nequit etiam metaphysice, ut patet.

Confirm. Secundo. Ità tantum Angelus non posset physice in primo instanti peccare, quia dedecet Deum conferre Angelis pro primo instanti auxilium purè sufficiens; quandoquidem ad bonitatem divinam spectare videtur peculiarem curam habere naturæ rationalis, ne statim à se, & à rectitudine degeneret; Aliter præberetur occasio arbitrandi, peccatum esse à Deo; atqui si hoc à Deo exigatur, impossibile metaphysice est, quod Deus adversus exigentiam suæ naturæ operetur, & quod præstet quæ ipsum dedecet. Sicut metaphysice repugnat, Deum mentiri; eò quòd dedecet naturam divinam: ergo si non possent Angeli physice pro primo instanti peccare, nec possent metaphysice. Adde, quod si solum miraculose possent statim peccare, deberet Deus patrare miraculum, ut possit peccatum prodire, & sic videretur Deus ordinare miracula in favorem peccati, seu ut possit peccatum existere; hoc autem magis dedecet divinam sapientiam, ac providentiam, quàm dedecet permittere peccatum Angelorum pro primo instanti; ergo.

XII Dico tertio cum Esparza contra Scotistas. Angelus in primo instanti non potuit moraliter peccare: Hæc autem moralis impotentia fuit tum ex parte Dei, qui moraliter ad optimum necessitatur, & ad secundandas rerum exigentias, atque adeo ad conferendas naturæ Angelicæ perfectiones naturales iis debitas, & ad finem suum consentaneas, nempe cognitiones claras, ac vividas de bono honesto, ac de suo ultimo fine, ad quem dirigit; Tum ex parte ipsius Angeli, qui positâ vividâ cognitione boni honesti, ac ultimi finis, & solum remissâ cognitione boni delectabilis avertentis à bono honesto, impotens erat moraliter ad peccandum: si enim, ut notat Esparza, sola memo-

ria

ria novissimorum imponit moralem necessitatem ad peccata vitanda, juxta illud Eccles. 7. *Memorare novissima tua, & in aeternum non peccabis*; à fortiori cognitio vivida, & consentanea naturæ Angelicæ de suo ultimo fine.

Probatur conclusio à posteriori. De facto nullus Angelorum in primo instanti peccavit; ergo moraliter peccare non potuerunt: Nam cum libertas, & vertibilitas arbitrii ferat, ut impossibile moraliter sit vel eandem voluntatem longo tempore idem velle, vel plures voluntates in eodem instanti velle idem, sequitur, quòd naturaliter loquendo, impossibile moraliter fuerit, omnes Angelos plenâ libertate prædicatos in primo instanti bene operari; cum autem de facto bene operati sint, dicendum habuisse pro eo instanti moralem necessitatem ad bene operandum, quæ vinceret necessitatem moralem ad operandum difforrait,er.

Neque dicas, id tribuendum speciali Dei auxilio, ac beneficio. Nam non est recurrendum ad causam primam, quando aptè possumus in natura reperire causas rerum; aptè autem reperitur causa hujus uniformitatis dicendo, Deum contulisse pro eo instanti Angelis cognitiones vividas de bono honesto, quas naturaliter exigebant; non secus ac ignis exigit calorem; ergo ita dicendum.

Confirm. Quia non aliundè dicimus, Angelos de facto pro primo instanti habuisse gratiam habituales, & quidem dependenter à propria dispositione, & merito congruo, nisi quia congruentius hoc dicitur tam ad divinam sapientiam, ac inclinationem ad optimum, quàm ad perfectionem naturæ Angelicæ: atqui ad utramque pariter congruentius dicitur, quòd Angeli sint creati cum cognitione vivida, consentanea propriæ naturæ, tam de ultimo fine, quàm de bono honesto, quâ positâ, impossibile moraliter est peccare; ergo dicendum, quòd de facto ita conditi sint. Unde in primo instanti moraliter peccare non potuerunt, licet pro secundo instanti avertendo se libere

bere ab ea cognitione potuerint. Neque enim spectat ad inclinationem Dei ad optimum, quod Angelos condaturum perpetua necessitate morali ad non peccandum, aut etiam cum necessitate physica. Nam sicut stat inclinatio Dei ad optimum cum permissione peccati; ita etiam cum collatione potentiae moralis ad peccandum; praesertim si habeatur dependenter à propria voluntate, qua liberè se Angeli retrahant à cognitione valde perfecta summi boni, cum qua conditi sunt.

XIII. OBJIC. Primò contra primam, & secundam conclusionem. Angeli creati sunt cognitione valde perfectè boni honesti, ac ultimi finis; ergo nec physicè, nec metaphysicè poterant in primo instanti peccare. Prob consequentia quia ad peccandum requiritur error, aut ignorantia in intellectu; quandoquidem ex Philosopho omnis peccans est ignorans, & Proverb. 14. *Errant qui operantur iniquitatem*; atqui cum ea cognitione, cum qua conditi sunt Angeli, non est composibilis ignorantia, aut error, ergo nec peccatum.

Resp. Nego consequentiam. Ad probationem dico cum Herrera, peccantem non semper esse formaliter ignorantem, sed aliquando esse ignorantem, solum interpretativè, quatenus eo modo operatur, ac si ignoraret, quæ operari debet. Quare quamvis ferè semper peccans sit formaliter ignorans, seu non advertens ad ea, ad quæ si adverteret, non peccaret, negari tamen non potest, quod etiam circumscriptâ quavis ignorantia, inadvertentiâ, aut errore, possit stare libertas physica ad peccandum, & ipsum peccatum juxta illud Poetae, *Video meliora, proboq; Deteriora sequor*. Si enim solum bonum infinitum intuitivè cognitum necessitat ad sui amorem, & voluntas potest quodcumque bonum particulare, imò etiam ipsum bonum infinitum abstractivè cognitum; postponere alteri bono impossibili, poterit consequenter dari libertas physica ad peccandum, seclusâ ignorantia, inconfide-

sideratione, aut errore. Propterea semper errant interpretativè solùm, & practicè qui operantur iniquitatem, per hoc, quòd aberrant à suo ultimo fine, sed non semper errant formaliter, & speculativè.

XIV. OBJIC. Secundò. Motus naturalis præcedit liberum; ergo non potest Angelus physicè in primo instanti peccare. Antecedens probatur, quia liberum fundatur in necessario; volitio enim libera fundatur in intellectione necessaria, & amor liber in amore necessario suimet, ac sui ultimi finis; ergo, &c.

Respond. nego antecedens: etenim ne per Thomistas quidem ad amorem liberum præit tempore amor necessarius, cùm possit Angelus in primo instanti mereri; atque adeò liberè operari in sententia Thomistarum. Quare ad summum transmitti potest, quòd non tempore, sed naturâ præcedat amorem liberum amor necessarius boni in communi ex impressione Authoris naturæ, juxta illud Anselmi *lib. de casu Diaboli cap. 11. Quidquid se movet ad volendum, prius se vult ita movere; quod ergo nihil vult, nullo modo potest se movere ad volendum*. Hinc autem non sequitur, non posse in posteriori natura ad talem amorem necessarium dari amorem liberum, etiam peccaminosum saltem venialiter; quandoquidem cum Dei amore stare potest culpa venialis. Et sanè juxta communem sententiam, præsertim Thomistarum, ut advertit Herrera, Angeli in primo instanti [ut homines in primo instanti usûs rationis] obligantur ad Deum diligendum; hoc autem explicari non potest absque potentia ad peccandum pro eo instanti. Quare dicendum, ex mente D. Thomæ esse, quòd Angelus moraliter tantùm non potuerit pro primo instanti peccare, non verò physicè.

XV. Ubì rectè advertit Petrus à S. Joseph, quòd si D. Thomas docuisset, Angelum nullatenus potuisse peccare pro primo instanti suæ creationis, quia alioquin ejus peccatum tribueretur Deo, eò quòd prima operatio tribuatur

gene.

generanti à fortiori non potuisset Angelus admittere prædeterminationem physicam ad actum peccati ; quia à fortiori peccatum esset Deo tribuendum, tamquam ex ejus impressione factum ; Unde incohærenter Thomistæ utrumque hoc videntur docere.

Q U Æ S T I O II.

An sit possibilis creatura rationalis impeccabilis natura sua ?

I. **A**ffirmant Nominales apud Amic. *disp.* 20. Ripal. *disp.* 23. Arriaga *p. p. disp.* 5. Herrera, & alii Recentiores. Sed communissimè negant Thomistæ cum D. Thoma *p. p. qu.* 63. *ar.* 5. Scotistæ cum Scoto in 2. *dist.* 23. Vasq. *p. p. disp.* 131. Suar. *lib.* 7. de Angelis *cap.* 3. Ruiz & alii. Idem communissimè docent SS. PP. adeò ut Valentia putet, solâ Patrum auctoritate negandâ esse possibilitatem creaturæ impeccabilis, etiamsi ratio ab intrinseco assignari non posset, quæ certè non facile assignatur, ut fere accidit in indaganda possibilitate hujusmodi creaturarum, puta creaturæ immultiplicabilis Intellectus limitati, Creaturæ, quæ divinitus tantum possit liberè operari, Animæ Spiritualis non intellectivæ, potentie intellectivæ, quæ in obscuris independentè ab actu voluntatis se determinet ; unde sit formaliter libera ; Creaturæ inconvertibilis, Creaturæ creatricis, & similium. Demum Bagnez, & Duran. docent, possibilem esse Creaturam, quæ peccare non possit contra legem naturalem, quamvis peccabilis sit contra legem, seu præcepta directâ ad finem supernaturalem.

II. Dico equidem cum fere communissima: repugnat creatura natura sua impeccabilis ; hoc est ità determinata ad bonum honestum, ut non possit prosequi bonum delectabile inhonestum, seu difformè dictamini rationis, ac legi æternæ Dei. Constat, ut diximus, ex Sanctis Patribus.

Hic.

Hieronym. epist. 146. ad Damasum habet, *Solus Deus est, in quem peccatum non cadit.* Aug. ad Maximinum c. 12. *Cuiusque creatura rationali præstatur, ut peccare non possit, non est natura propria, sed Dei gratia.* Quod ex Scripturis colligitur; Nam prima ad Timoth. 6. dicitur: *Qui solus habet immortalitatem*: hoc est, ut explicant Patres, *Impeccabilitatem*; & Psal. 142. *Non justificabitur in conspectu tuo omnis vivens.* ubi Hieronym. epist. 146. *Non dicit, inquit, omnis homo, sed omnis vivens*: unde oppositam sententiam adversari Scripturis, & Patribus, docent communiùs cum Scoto loco laudato.

PROB. Conclusio ratione. Repugnat creatura ex natura sua essentialiter indestruibilis; ergo etiam impeccabilis. Ideo primum, quia spectat ad supremum Dei dominium posse Deum carere quolibet à se distincto, & quidem etiam ex suppositione, quod creaturam condiderit; aliter non esset sibi sufficientissimus, & à se; atqui pariter spectat ad subjectionem creaturæ relatè ad Deum, quod possit deficere moraliter, & peccare, seu privari suo ultimo fine per peccatum; ergo ut repugnat creatura indestruibilis, ita & impeccabilis. Probatur minor, quia sicut creatura magis dependet physicè, seu quoad esse physicum à Deo, si possit physicè destrui, quàm si semel condita sit indestruibilis; ita magis dependet creatura rationalis moraliter, seu quoad esse morale à Deo, si possit deficere moraliter à suo ultimo fine per peccatum, quàm si semel condita non possit moraliter deficere, & sit impeccabilis; ergo sicut spectat ad summam creaturæ dependentiam à Deo defectibilitas physica, ita & moralis. Et sane longè præstantior est finis essendi, quàm ipsum esse, seu longè præstantius est esse morale, quàm physicum; unde de Juda dixit Christus Dominus Matth. 24. *Bonum erat ei, si natus non fuisset*; quia præstat non esse, quàm esse, & carere ultimo fine per peccatum, atqui dependentia creaturæ summa fert dependentiam in esse physico, ita ut etiam

etiam postquam est condita, possit destrui; ergo à fortiori fert dependentiam in esse morali, ità ut possit à suo fine per peccatum aberrare. Aliter minùs esset dependens creatura indestruibilis à Deo, quàm impeccabilis, quia relatè ad esse morale; quod est perfectiùs, hæc esset independens, illa verò solùm relatè ad esse physicum.

Neque dicas, esse physicum creaturæ tolli posse, ac debere independentè à libero ejus arbitrio; secùs verò esse morale; ergo licèt ad subjectionem Deo debitam spectet posse à creatura tolli esse physicum ad nutum Dei, non tamen esse morale.

Nam contra est, quia suppono ex dicendis in de Gratia ad subjectionem creaturæ rationalis spectare, quòd possit Deus illam ad arbitrium emollire, ac obdurare. Ex Aug. *enim Deus habet omnipotentissimam potestatem inclinandorum quolibet cordium*; & Proverb. 21. *Cor Regis in manu Domini; quocumque voluerit, inclinabit illud*. Unde quamvis creatura rationalis absque propria operatione libera, ac peccaminosa amittere non possit suum esse morale, debet tamen posse per subtractionem auxiliorum indebitorum efficacium obdurari, & amittere esse morale: obdurat enim Deus corda hominum, *Non adjuvando*, ut loquitur Aug. *sed deferendo; non impertiendo malitiam, sed non impertiendo misericordiam*, seu conferendo auxilia merè sufficientia, & inefficacia, quod fieri posse à Deo citra amorem peccati, hic supponendum est.

Confirm. itaque concl. Communitè dicimus, repugnare creaturam rationalem inemollibilem à Deo, aut inobdurabilem liberè, quod in sententia Societatis fert, dari necessitatem metaphysicam, ut quælibet creata voluntas prævideatur per scientiam mediam liberè consensura, aut dissensura aliquibus ex infinitis auxiliis; quia spectat ad omnipotentissimam Dei potestatem erga creaturam liberam, quæ liberam, posse illam ad utramque partem liberè convertere; ergo à fortiori repugnat creatura rationalis

nalis impeccabilis, seu quæ sit necessariò addicta aut bono inhonesto, aut bono honesto, & non ex libera electione. Prob consequentia, quia in primo casu creatura esset inobdurabilis contingenter [quia scilicet contingenter per scientiam mediam prævideretur omnibus auxiliis consensura] in secundo verò casu esset inobdurabilis necessariò, & per se; quod autem derogat Divino dominio, si contingenter accadat, à fortiori derogat, si contingat per se, & necessariò. Præterea non aliundè dicimus repugnare Creaturam Durandi, quæ scilicet non indigeat Dei concursu ad operandum, nisi quia derogat Divino dominio; quandoquidem perfectius est Dei dominium si possit immediatè hujus creaturæ effectum destruere, subtrahendo suum concursum immediatum, quàm si mediatè tantum; atqui perfectius etiam est Dei dominium, si possit creaturam liberam emollire, & obdurare etiam liberè, quàm si id non possit, ut revera non posset, si creatura aliqua esset impeccabilis ab intrinseco; ergo hæc ex eodem capite subject. onis Deo debitæ repugnat.

Confirm. Etiam, quia quælibet creatura rationalis possibiliâ potest naturâ suâ deficere à prima regula honestatis, & peccare, nisi adducatur positiva ratio ostendens, quòd non possit ab ea regula separari; atqui nulla ratio positiva assignari potest; ergo quælibet est peccabilis. Probatur major, quòd scilicet non satis sit ratio negativa; quia universim, nisi positivè ostendatur aliquid debere cum alio conjungi, standum pro separabilitate; aliter possemus negativè defendere possibilitatem creaturæ, quæ nequeat sejungi realiter ab alia creatura, aut à Deo; unde posset negativè probari ex gr. possibilitas materiæ essentialiter connexæ cum aliqua forma substantiali, non assignando positivam rationem talis inseparabilitatis. Hinc diximus *disp. 1. quest. 10.* quòd quoties dubitatur de possibilitate alicujus creaturæ; si illa restringat Dei dominium, quamvis videatur dilatare fines Omnipotentiae, di-

cendum sit, repugnare, quia standum pro domino, quod est attributum ex suo conceptu præstantius; repugnat itaque creatura, quæ subtrahat se à divino dominio in ordine ad seungi à prima regula honestatis, nisi adducatur positiva ratio evincens ejus possibilitatem. Probatur nunc minor, quod scilicet positiva ratio non possit adduci; in tantum enim voluntas nequit ab hac regula seungi, in quantum conjungitur illi, vel per identitatem, ut voluntas Divina, vel per unionem hypostaticam, ut voluntas Christi Domini, vel intentionaliter per visionem Dei, ut voluntas Beatorum; atqui nulla creatura potest naturaliter conjungi ullo ex tribus his modis cum prima regula honestatis, ergo de nulla creatura rationali ostendi potest positivè impeccabilitas.

III. PROB. Conclusio 2. à pari. Implicat creatura rationalis, cujus intellectus sit determinatus ad affirmandum verum, quin possit affirmare falsum, ac decipi; ergo implicat creatura rationalis, cujus voluntas sit determinata ad bonum honestum, quin possit prosequi bonum delectabile prohibitum, seu malum morale, ac peccare. Antecedens admittitur; ratio est, quia intellectus eo ipso ac est finitus, seu creatus, non cognoscit evidenter omne verum; unde saltem circa objectum supernaturale, & circa arcana cordium, quæ tantum obscure, & probabiliter cognoscit, potest decipi, & sic affirmare falsum, quod apparet ut verum: Atqui etiam voluntas eo ipso, ac est limitata, seu creata, nec exigit unionem hypostaticam, aut visionem beatam, qua necessitetur ad prosequendum bonum honestum, nec identificat sibi regulam honestatis, ergo proposito bono delectabili prohibito, potest ad illud inclinari, & peccare. Sicut enim intellectus debet posse inclinari per affirmationem ad omne id, quod apparet verum, licet obscure, ita voluntas debet posse inclinari per amorem ad omne id, quod apparet bonum, & sibi conveniens, licet prohibitum, & inhonestum; & sicut intel-

intellectus necessitatur ad affirmandum verum, solum quando evidenter illud cognoscit, ita voluntas necessitatur ad bonum prosequendum, solum quando est purum, ac summum bonum, & quidem intuitivè cognitum. Quare sicut est essentiale intellectui creato posse obscure aliquod verum attingere, & in eo affirmando decipi; ita essentiale est voluntati creatæ posse bonum aliquod delectabile ipsi prohiberi, & in eo prosequendo peccare.

Confirm. Impossibilis est intellectus, qui sit limitatus ad aliquod tantum verum; v. gr. ad cognoscenda solum entia materialia; vel limitatus ad affirmandum tantum verum evidens, quin possit affirmare verum obscure, & probabiliter representatum, ita ut possit decipi; ergo cum voluntas sequatur ductum intellectus, qui potest voluntati omne bonum tam honestum, quam utile, & delectabile, sive prohibitum objicere, repugnabit etiam voluntas limitata, quæ possit per amorem prosequi tantum bonum honestum aut etiam bonum delectabile, quando non est prohibitum quin possit hoc prosequi, quando representatur ut prohibitum, & inhonestum. Probatur consequentia, quia sicut intellectus ex immaterialitate in essendo habet illimitationem in representando quodcumque verum, & ex limitatione in essendo habet, quod possit aliquod verum representare obscure, & sic in eo affirmando decipi; ita voluntas ex immaterialitate habet illimitationem in prosequendo quodvis bonum; & ex limitatione in essendo habet, quod possit aliquod bonum ipsi prohiberi à lege superiore, & sic in eo prosequendo peccare. Quamvis autè Arriaga in tractatu de anima contra communissimam docuerit, posse dari intellectum limitatum ad aliquod verum; inopinabile tamen est, quod possit intellectus esse limitatus ad affirmandum solum verum evidens, quin possit affirmare objectum obscure propositum, & decipi; ergo inopinabile etià est, quod possit voluntas creata esse limitata ad prosequendum solum bonum honestum, seu conforme voluntati Divinæ, quin possit prosequi bonum propositum sub prohibi-

hibitione, & sic peccare; quandoquidem tale bonum etiam sub prohibitione propositum, habet aliquam rationem boni, seu convenientis appetenti, cum non amittat delectabilitatem per hoc quod prohibeatur; & consequenter per prohibitionem non extrahitur à specificativo voluntatis, quod est bonum ut sic.

IV. Neque dicas: potest dari sensus limitatus ad aliquod sensibile, v. gr. oculus ad coloratum, quin possit attingere sonorum, ergo poterit dari intellectus limitatus ad aliquod verum; ergo etiam voluntas limitata ad aliquod bonum, nempe honestum: ita ut ejus specificativum non sit bonum ut sic, sed tale bonum, nempe honestum.

Resp. Enim-1. Si paritas teneat, et, inferret etiam, dari posse voluntatem determinatam ad solum bonum inhonestum, ac turpe, quod non admittitur: Secundò ex antecedente non sequitur prima consequentia, quod scilicet possit dari intellectus limitatus, ut communissimè docent contra Arriagam; ergo nec secunda, quod scilicet dari possit voluntas limitata. Tertiò paritas retorquetur; nam licet dari possit sensus externus limitatus, non potest tamen dari appetitus sensitivus limitatus, qui scilicet non possit prosequi quodcumque objectum sensibile à phantasia repræsentatum; ergo nec dari poterit appetitus rationalis limitatus, qui non possit prosequi quodcumque bonum repræsentatum ab intellectu. Denique *concesso Antecedente, nego utramque Consequentiam*; disparitas est, quia cum limitatio oriatur à materialitate, poterit sensus externus limitari; & appetitus sensitivus, cum sit etiam materialis, limitatur pariter ad solum bonum sensibile. At intellectus, & voluntas sunt potentie immateriales, atque adeo illimitatæ, ergo neque intellectus poterit ad aliquod verum, neque voluntas ad determinatum bonum limitari.

V. OBJ. 1. Non repugnat lapis impeccabilis ex eo, quod non subjiciatur dominio divino in ordine ad liberè obdu-

obdurari, & peccare; ergo nec repugnat ex hoc capite Angelus impeccabilis; sicut enim lapis non debet ad id subijci Deo, quia naturâ suâ nequit peccare; ita nec Angelus, qui naturâ suâ esset addictus bono honesto.

Resp. 1. Retorqueo paritatem. Repugnat lapis, qui non sit divinitus separabilis à centro, seu fine suo; ergo etiam Angelus qui non possit à Deo suo centro, ac ultimo fine tum physicè, tum moraliter per peccatum separari. Quare paritas in eo debet consistere, quòd sicut potest Deus tollere à lapide tum esse, tum finem essendi nempe centrum, ità à creatura rationali debet posse etiam tollere tum esse physicum, tum morale, seu finem essendi, permittendo ejus peccatum, & obdurationem; unde ad Rom. dicitur: *Miseretur cujus miseretur, & quem vult indurat.* Secundo directè nego *Consequentiam*. Disparitas est, quia lapis cum non sit cognoscitivus, non est capax peccati, & ideò perfectè subijcitur Deo, etiam si non possit ejus peccatum permitti. At creatura rationalis eo ipso, quòd habet finem essendi Deum, debet esse capax amittendi hujusmodi finem; unde debet subijci Deo in ordine ad obdurari. Universim itaque non derogat dominio Dei, quòd non possit Deus uti creaturâ ad usus, quos constat esse illi impossibiles, v. gr. quòd non possit uti lapide ad cognoscendum, ad peccandum, quia sic mutaretur essentia lapidis; contra verò derogat divino dominio, quòd non possit uti creaturâ ad usus, quæ non constat esse illi impossibiles, v. gr. quod non possit intellectum creatum elevare ad Deum videndum, & creaturam liberam emollire, aut obdurare per conjunctionem liberam cum summo bono, aut per separationem ab illo.

VI. OBJIC. 2. Potest voluntas creata ratione visionis beatæ determinari ad honestum; ità ut repræsentato bono delectabili prohibito, nequeat inclinari ad illud; ergo poterit etiam id habere naturâ suâ; Sicut enim corpus, quod potest inclinari per gravitatem in centrum,

R 3

potest

potest naturâ suâ inclinari ad illud, adeò ut gravitas idēti-
ficetur cum corpore gravi; itâ voluntas, quæ per visionem
beatam inclinatur tantum ad bonum honestum, poterit
naturâ suâ ad illud inclinari immutabiliter.

Confirm. Quia limitatio non solum non pugnat cum
creatura, sed etiam est illi consona; ergo potest dari volun-
tas creata limita, quæ scilicet vel non sit libera, seu indiffe-
rens ad utramque partem, sed determinata ad unam,
nempe ad honestum, ut docuit Gabriel. vel sit quidem
libera ad prosequendum honestum, sed solum libera li-
bertate contradictionis, non contrarietatis, ut docuit O-
kamus.

Resp. Argumentum nimis probare; probat enim quod
sicut potest beatus præditus lumine supernaturali videre
Deum, itâ possit dari creatura identificans secum lu-
men supernaturale, & sic naturaliter videns Deum; cum
tamen omnes dicamus substantiam huiusmodi superna-
turalem repugnare. Quare ad argumentum *Nego conse-
quentiam*. Ratio, quare, positâ visione beatâ, nequeat
beatus peccare, est, quia per illam nulla ratio boni re-
præsentatur in bono delectabili prohibito, quæ non ha-
beatur eminenter in fruitione Dei, & in prosecutione ob-
jecti conformis voluntati divinæ; itâ ut hoc ipsum evi-
denter à beato cognoscatur; & ideo bonum prohibitum
non repræsentatur ut bonum, sed ut malum, quia eviden-
ter apparet, ut exclusivum boni summi, in quo omne bo-
num eminenter continetur, unde nequit illud amari: At
seclusâ visione beatificâ, bonum prohibitum apparet,
quale est in se, nimirum ut potens delectare animum, &
ut conveniens appetenti; si autem potest ipse Deus abstra-
ctivè cognitus non amari, & postponi objecto delectabili,
sequitur, quod bonum delectabile, etiam si repræsentetur
ut prohibitum, & inhonestum, adhuc repræsentetur sub
ratione boni, & convenientis appetenti; unde potest illud
amari. Ad id, quod additur de corpore gravi, dico, quod
cum

cum repugnet creatura, cui sit debita naturaliter visio Dei à fortiori repugnabit creatura, quæ cum ipsa Dei visione identificetur, seu habeat ratione sui quicquid haberet per visionem; unde paritas gravitatis, quæ potest identificari cum corpore non est ad rem.

Ad confirm. Solum limitatio entitativa, & absoluta est consona, & essentialis creaturæ, non verò respectiva relatione ad specificativum; voluntas enim creata est ad omne bonum repræsentatum ab intellectu; & quia inter bona aliqua sunt impossibilia, debet posse voluntas alterutrum eligere. Quod autem repugnet voluntas, quæ non sit ad omne bonum, sed sit solum ad bonum honestum, constat primò, quia repugnat intellectus, qui non sit ad omne verum; ergo & voluntas, quæ non sit ad omne bonum: Secundò nequit dari voluntas determinata ad solum bonum turpe, seu inhonestum: Tertio neque dari potest voluntas determinata ad solum bonum jucundum, licet non turpe: Quarto neque voluntas determinata ad aliquam rationem subalternam tantum boni honesti: Quintò neque determinata ad decem, v.g. tantum bona honesta: Sextò neque determinata ad solum bonum honestum præstantius præ minus præstanti, aut è contra: Septimò neque voluntas, quæ solum possit prosequi bonum, non verò averfari malum, aut è contra. Horum omnium ratio à priori est, quia cum intellectus sit potentia immaterialis potens reflectere supra seipsam, potens Deum, & quodcumque objectum creatum repræsentare, eò quod repræsentet quodlibet sub ratione veri communi omnibus entibus, sequitur, voluntatem pariter esse ad quodvis bonum, unde inter bona impossibilia potest voluntas eligere minus bonum, & quod est prohibitum, seu inhonestum, nisi ratione visionis beatæ evidenter videat, bonum inhonestum nullā habere rationem boni, sed solum rationem excludentis bonum summum, in quo eminenter continetur quicquid apparet boni in bono turpi;

& ideo voluntas beata nequit bonum inhonestum amare, sicut intellectus nequit affirmare falsum, quando evidenter apparet falsum, sed solum potest illud affirmare quando obscurè attingitur, & habet speciem veri: potest etiam voluntas creata ratione unionis hypostaticæ ad honestum determinari, quia ratione illius exigit auxilia provisa, aut prævidenda efficacia.

VII. OBJ. 3. Potest Angelus saltem quoad specificationem necessitari ad amandum seipsum: ergo etiam ad amandum bonum honestum, ità ut non possit illud odisse sicut nemo potest seipsum odisse.

Resp Nego Consequentiam. In tantum Angelus necessitari potest ad amorem sui, in quantum in hoc amore nulla apparet ratio mali, sed summam habet delectabilitatem; quod si in tali amore appareret ratio mali, v. g. si appareret molestus, vel inhonestus eò quod talem amorem Deus hìc, & nunc prohiberet, certè posset voluntas ab eo abstinere. Quod si contendas, non posse à Deo hunc amorem utpote necessarium prohiberi, ut nec possunt prohiberi motus primo primi, utpote necessarii; contra est, quia hoc transmissio, in tantum potest huiusmodi amor esse necessarius quoad specificationem, in quantum objectum talis amoris non apparet ut compossibile cum alio bono, atq; adeò non repræsentatur sub aliqua ratione mali; sicuti motus primo primi ideo sunt necessarii, quia licet eorum objectum sit bonum limitatum, non apparet tamen tunc ullatenus ut malum, nec ut impossibile cum alio bono; aliter motus illi essent liberi. At in casu nostro potest bonum honestum repræsentari voluntati ut impossibile cum bono delectabili prohibito, seu inhonesto; ergo potest repræsentari sub aliqua ratione mali; ratione cujus illud voluntas odio habeat, & amplectatur bonum impossibile inhonestum, & ità peccet.

VIII. OBJ. 4. Voluntas necessitatur ad amorem felicitatis

citatis; ergo potest necessitari ad amanda media, quæ ad talem finem conducunt, nempe operationes honestas.

Confirm. Quia ex Aug. apud Magist. in 1. dist. 4. *Talem Deus potuit hominem condere, qui nec peccare posset, nec vellet, & si sic fecisset, quis dubitat eum meliorem fecisse?* ergo ex Augustino potest dari homo impeccabilis.

Resp. Argumentum probare, hominem de facto esse impeccabilem; quia de facto necessitatur ad beatitudinem amandam; ergo de facto necessitari debet ad carentiam peccati, quæ est medium ad beatitudinem assequendam. Quare nego consequentiam: beatitudo cum proponatur voluntati absque mixtione mali, non potest esse objectum odii; at objectum honestum potest representari ut impossibile cum bono delectabili prohibito, atque adeò sub aliqua ratione mali, & ideo potest voluntas illud postponere bono turpi, & peccare.

Ad confirm. malè adducitur textus hîc Aug. ut notat Vasq. *prima parte disp. 23 1. c. 5.* dicit enim Aug. *Deum potuisse condere solum homines; quos prævidit non peccaturos*, quod non est posse condere hominem naturâ suâ impeccabilem, sed qui non possit peccare necessitate consequente. Præterea potest Aug. intelligi, quòd Deus condere poterat homines, qui ratione visionis beatæ, vel unionis hypostaticæ peccare non possent.

IV. Objic. ult. ex Durando, & Bagnez pro possibilitate creaturæ impeccabilis relatè ad legem naturalem tantum, & quòd Angeli de facto ita sint. Ut possit creatura peccare, requiritur aliquis error, aut ignorantia in intellectu, cum omnis peccans sit ignorans; sed Angelus relatè ad legem naturalem, seu relatè ad bona honesta, & inhonesta naturaliter nullum habet defectum cognitionis, cum totam naturam comprehendat; ergo nequit relatè ad legem naturalem peccare. Quomodo enim poterit v. g. mentiri, odisse Deum, blasphemare, si evidenter cognoscit

scit, hæc esse contra legem naturalem, atque adeo inhonesta, & mala? Quare sicut nequit beatus peccare, eò quòd evidenter cognoscat, peccatum esse malum; ita nequit Angelus contra legem naturalem peccare, quia pariter evidenter cognoscit, peccatum contra talem legem esse malum.

Resp. i. nego majorem; nam ex dictis quæst. præcedenti, voluntas evidenter cognoscens, bonum honestum esse præferendum turpi, est libera physicè ad amandum turpe, juxta illud: *Video meliora, probòque, Deteriora sequor.* Quamvis sub hac cognitione moraliter sit necessitata ad honestum. Hinc omnis peccans est ignorans interpretativè tantum, non formaliter; quatenus ita operatur, ac si non adverteret ad ea, quæ si attentius adverteret, moraliter necessitaretur ad non peccandum.

Secundò, *transmissa majore, nego minorem*; potest enim Angelus habere ignorantiam aliquam negativam, seu inconsiderationem, quæ satis sit ad peccandum etiam relatè ad ea, quorum comprehensio est illi debita. Ratio est, quia quamvis debeat Angelus comprehensio totius naturæ, potest tamen pro libito (ut potest homo) ad hoc objectum magis attendere, quàm ad illud, & sic non considerare perfectè aliquod objectum; ex qua inconsideratione, quæ est aliqualis ignorantia negativa, potest voluntas prorumpere in peccatum. Sic homini debita est cognitio clara novissimorum, & naturaliter demonstrat homo, se esse moriturum, & quando sub hac cognitione operatur, certè peccare non potest, saltem moraliter; juxta illud Eccles. 7. *Memorare novissima tua, & in aeternum non peccabis*; si autem liberè se avertat à consideratione novissimorum, attendens ad delectabilitatem alicujus objecti vetiti, potest facile peccare. Ità Angelus peccare poterit, si liberè attendat magis ad consideranda objecta delectabilia, quibus ad superbiam, aut luxuriam spiritualem alliciatur, quàm ad bonum honestum naturale.

In

In primo instanti creationis non potuit Angelus libere se avertere à cognitione vivida sui ultimi finis, quia ea indita fuit à Deo naturaliter antecedenter ad quemvis usum libertatis, & ideo tunc moraliter peccare non potuit; proinde ea cognitio vivida, & impotentia moralis non fuit beneficium speciale distinctum à dono creationis, cò quòd esset proprietas connaturalis Angelo debita.

X. Utrùm autem fuerit beneficium speciale, quòd ea impotentia moralis ad peccandum non fuerit pro eo primo instanti conjuncta cum peccato, prout poterat metaphysicè conjungi: Constat ex dicendis in de gratia; Nam si supponamus, debere voluntatem creatam prævideri per scientiam mediam sub quolibet auxilio pro aliis, & aliis circumstantiis dissensura, seu saltem in aliquo ex infinitis instantibus, certè fuisset beneficium speciale, quòd non fuerit posita voluntas Angeli cum tali cognitione vivida sub iis circumstantiis, sub quibus prævidebatur dissensura: secus-verò, si id non supponatur, sed supponatur, quòd posita impotentia morali ad peccandum solum spectet ad scientiam simplicis intelligentiæ cognoscere, quòd peccatum sit impossibile cum tali impotentia morali, quin debeat per scientiam mediam in ulla circumstantia peccatum prævideri cum tali impotentia jungendum; quod procul dubio afferendum est, si impotentia moralis ad peccandum sit impotentia simpliciter, non secundum quid.

Q U Æ S T I O III.

Undenam proveniat Dæmonum obstinatio?

I. **D**E fide est, Dæmones nunquam æturos poenitentiam salutarem, & Angelos semper in sua bonitate permansturos. Immutabilitas in Angelis bonis provenit ex Dei visione, à qua necessitantur ad Deum super omnia diligendū: Obstinatio in Dæmonibus oritur ex subtractione divini auxilii necessarii ad poenitentiam salutarem quamvis enim de damnatis Sap. 5. dicatur: *Pœnitentiam agen-*

agentes, & præ angustia spiritûs gementes; ea tamen pœnitentia est solummodo naturalis ob jacturam summi boni, non verò salutaris, seu utilis ad salutem, cum enim sint in termino, denegatur iis auxilium necessarium ad resipiscendum salutariter. Sicut autem homines non post peccatum, sed post mortem sunt in suo termino, ita Dæmones fuerunt in termino post lapsum, ut notat Damasc. lib. 2. de Fide dicens: *Quod hominibus mors, hoc Angelis est lapsus: post lapsum enim non est illis pœnitentia locus, ut neque post mortem hominibus.*

Quæritur tamen, quænam sit causa hujus obstinationis. Thomistæ putant, eam oriri ex immobilitate, & inflexibilitate voluntatis Angelicæ; cum enim ex plena deliberatione, & attentis omnibus hinc inde motivis ea eligat, adhæret immobiliter ex natura sua objecto præelecto; & quia Deus confert gratiam juxta naturam subiecti, ideo denegat Dæmonibus gratiam ad resipiscendum salutariter. Scotistæ verò, & communius docent cum Suar., Vasq., Okam, obstinationis causam non esse inflexibilitatem voluntatis, sed meram denegationem auxilii ad resurgendum, quæ ratio æquè militat pro Dæmonibus, ac pro animabus damnatorum, dum sunt in termino.

II. Dico equidem 1. cum hac secunda sententia, Voluntatem Angelicam non esse ex sua natura immobilem in proposito semel suscepto; sed posse illud mutare, tam si nova præponderant motiva, quæ prius non bene perpenderat, quàm si permaneat eadem apparentia motivorum. Ità communius contra Thomistas Scholastici, nec non SS. Patres: Damasc. enim 2. de Fide cap. 3. hæc habet: *Est ergo natura Angeli vertibilis secundum propositum, seu voluntate mutabilis*; nam omne creatum vertibile est. Idemque docent Ilidorus, Fulgentius apud Platellium, & Tannerum; nec est contrarius D. Thom. qn. 74. ar. 2. quippe qui solum vult, voluntatem Angeli esse moraliter, non physicè inflexibilem.

PROB

PROB. 1. Quia de facto Dæmon voluntatem mutavit, ut constat ex Scripturis. Nam Joan. 13. Dæmon misit in cor Judæ, ut traderet Christum; & deinde, cognitâ ejus divinitate ex miraculis patratis, Matth. 27. movit per somnium uxorem Pilati ad impediendam Christi mortem. Præterea Dæmones juxta sententiam Thomisticam in primo instanti habuerunt amorem Dei super omnia, & propositum servandi legem; & in secundo instanti defecerunt. Hinc in Concilio Bracarensi 1. can. 7. dicitur *Si quis dixerit, Diabolum non fuisse prius Angelum bonum à Deo factum, anathema sit.* Unde illud 1. Joan. 3. *Ab initio Diabolus peccat*, non est intelligendum de primo instanti creationis, sed de tempore illi propinquo. Neque dicant Thomistæ, primum Angelorum actum non fuisse ex plena libertate, & ideo nunquam propositum mutâsse; Nam ex sententia D Thomæ ille primus actus fuit meritorius, adeoque plenè liber.

PROB. 2. à priori, Quia quamvis aliquando Angelis non appareant diversa motiva, nec eadem sub diversa consideratione, possunt tamen sub iisdem motivis eodem modo consideratis liberè aliquid velle, vel nolle; ergo possunt etiam idem prius velle, deinde nolle, & sic propositum mutare. Probatur consequentia, quia eadem voluntas comparata ad eandem apparentiam motivorum millies redeuntem perinde se habet, ac mille voluntates diversæ sub eadem motivorum apparentia; atqui mille voluntates diversæ possunt aliquæ velle, aliquæ nolle idem objectum eodem modo repræsentatum; ergo pariter eadem voluntas relatè ad eandem apparentiam millies redeuntem poterit nunc velle, nunc nolle idem objectum ratione libertatis, & vertibilitatis arbitrii. Et ratio radicalis est, quia nullum objectum, in quo non apparet omnis ratio boni, potest immobilitare voluntatem (immo nec ipsum summum bonum, si abstractivè tantum cognoscatur) quandoquidem capacitas voluntatis, quamdiu non

expletur, semper est in potentia ad alterius bonum, illudque appetit, adeoque moveri potest ad illud assequendum.

HI. Dico 2. Voluntas Dæmonum ita est physice potens ponere actum bonum morale ordinis naturalis, ut tamen sit moraliter impotens ad illum ponendum.

PROB. prima pars de potentia physica; Nam per peccatum nihil subtractum, aut superadditum est Dæmonibus, ratione cujus redditi sint physice impotentes ad id, quod prius poterant propriis viribus, ut communius docent apud Amic. *disp. 21. sect. 2.* & Vasquez 1. *p. disp. 241. cap. 4.* ex D. Dionysio, & Scoto, qui hæc habet: *Mirum videtur negare potentiam naturalem in natura illa excellenti, ubi non apparet aliquid, propter quod sit neganda;* ergo ut poterant physice ante peccatum ponere opus moraliter bonum, ita possunt post peccatum. Et sanè idcirco beatis negatur potentia physica ad peccandum, quia à visione necessitantur ad Deum amandum; at negatio visionis Dei non necessitat physice ad Deum odio habendum; ergo non est, cur denegetur Dæmonibus potetia physica ad opus moraliter bonum: nisi gratiis admittamus cum Aureolo in damnatis habitum quendam immobilitantem eorum voluntatem ad odium Dei.

Confirm. Voluntas tripliciter potest physice necessitari ad actum. Primò à physica præmotione, unde Deus denegat concursum ad actum oppositum; quod in casu nostro gratis poneretur. Secundò à visione intuitiva omnis boni, quod nec habetur in damnatis. Tertiò à propositione objecti sub pura ratione boni, aut sub pura ratione malitiae ut talis cogitatio physice præveniat voluntatem in operando, quod habetur in actibus primò primis; & quando vehemens inopinata tentatio insurgit. Dæmones autem non carent iudicio indifferenti ad utrumlibet, nam cum hoc sit naturale, non est denegandum Dæmonibus, in quibus omnia naturalia manent integra, & nitidissima, ut loquitur D. Dionys. apud Tan. *disp. 5. qu. 6. dub. 5.* ergo physice possunt ponere opus moraliter bonum. PROB

PROB. Secunda pars conclusionis, quod careant potentia morali ad ponendum actum moraliter bonum. Dæmones semper acerrimè puniuntur, & propterea semper considerant Deum ut ultorem, ac vindicem, nunquā ut benefactorem, ac misericordem; atque adeo non representant sibi Deum, ut objectum diligibile, sed ut odibile ratione mali, quod infligit; atqui posita hac vehemēti apprehensione pœnarum, ac Dei ultoris, moraliter necessitantur ad illum odio habendum; ergo carent potentia morali ad ponendos actus moraliter bonos. Hinc Psal. 73. dicitur: *Superbia eorum, qui Te oderunt, ascende semper*; & D. Fulgen. de fide ad Petrum c. 3. habet. *Prævaricatores Angeli nec malā possunt voluntate carere, nec pœnā, sed permanente in eis injusta aversionis malo permanet etiam justa retributionis aeterna damnatio.*

IV. Utrū autem posita hac morali impotentia ad desistendum ab odio Dei, peccent Dæmones continuo Deum odio habendo. Resp. cum Patribus, & Scholasticis communiter apud Amicum, peccare Dæmones primò in causa; nam cum præviderint, per primum peccatum in huiusmodi impotentiam esse redigendos, omnia peccata subsequētia fuerunt voluntaria in causa; ut cum quis prævidet, in ebrietate se patraturum homicidium. Deinde probabile est, peccare Dæmones per actum reflexum plene liberum, quo vellent eadem peccata committere; etiamsi ad ea non determinarentur moraliter. Tertiò peccant, quia physicè possunt iis abstinere, quamvis non possint moraliter. Ricar. in 2. dist. 7. qu. 2. putat, peccata hæc usque ad diem iudicii imputari illis ad novam pœnam, ac deinde ipsum actum malum esse iis pœnam, ac punitionem; Communiter tamen docent, quod sicut beatis actus boni non imputantur ad novum præmiū essentiale, ita nec damnatis actus mali ad novam pœnā, cum sint in termino: Habent solum novam pœnam accidentalem, nempe tristitiam, quam secum affert culpa, ut beati

no 3

novum præmium accidentale, nempe delectationem, quæ ex actibus honestis percipitur.

V. Dico 3. Voluntas Dæmonum, ac damnatorum non solum est moraliter impotens elicere actus moraliter bonos ordinis naturalis, ut in secunda conclusione ostendimus; sed etiam est physicè impotens ad eliciendos actus salutes, seu actus bonos supernaturales; atque adeo est physicè obstinata in malo illis contradictoriè opposito. Ratio est evidens, quia cum nequeat physicè voluntas ponere actus supernaturales absque auxilio supernaturali juxta doctrinam Conciliorum, & Patrum contra Pelagium, & hujusmodi auxilia damnatis denegentur, sequitur, esse physicè impotentes ad tales actus; unde obstinantur in malo contradictoriè opposito actibus supernaturalibus.

Ex dictis sequitur, Dæmonum obstinationem in malo esse potius negativam, consistentem in carentia actuum salutarium, quàm positivam consistentem in positiva adhæsiōe objecto pravo; cum enim physicè possit voluntas Dæmonum mutare propositum, & pœnitentiam agere de peccato (esto id non possit moraliter) causa obstinationis, & impœnitentiæ non est inflexibilitas voluntatis, sed carentia auxilii salutaris ad resurgendum. Quare, ut notat Scotus apud Tann. *loc. cit.* potest physicè Dæmon non solum cessare ab odio Dei, sed etiam elicere attritionem informem, seu naturalem, & infructuosam de peccato commisso; potest etiam propriis naturæ viribus elicere hunc actum, Vellem non peccasse, ut liber essem à pœnis; quicquid sit, an possit etiam physicè Dæmon amare amore benevolentiae naturali.

VI. OBJIC. primò contra primam conclusionem: Homines constantes, & non leves non mutant propositum ex plena deliberatione susceptum, nisi nova occurrat ratio mutandi; sed Angelis omnia comprehendentibus nulla potest de novo occurrere ratio desistendi à proposito

to deliberatè suscepto; ergo cum non sint leves, & inconstantes, sunt inflexibiles.

Confirm. primò: Quia si ad plenitudinem libertatis spectaret, posse sub eadem apparentia motivorum mutare voluntatem, deberet Deus maximè liber posse mutare decreta; sed Deus notaretur inconstantia, & inscitia, si decreta mutaret: ergo ut nequit Deus, ita nequeant Angeli esse inconstantes, & flexibiles.

Confirm. secundo: Quia intellectus Angelicus immutabiliter judicat, quæ judicat; ergo cum voluntas sequatur ductum intellectus inflexibiliter vult voluntas Angelica, quæcumque vult.

Resp. primò: Angelos non omnia comprehendere, sed obscure, & probabiliter cognoscere arcana cordium, futura contingentia, & objecta supernaturalia, unde saltem relatè ad hæc objecta tam intellectus Angelicus potest esse mutabilis, quam voluntas flexilis. Deinde quæ Angelus evidenter cognoscit, non semper actu, & eadem attentione cognoscit, cum possit modò ad hæc, modò ad illa objecta acriorem aciem intendere; ergo etiam relatè ad hæc objecta potest voluntas Angelica esse flexibilis absque nota inconstantia; Imò etiam cum laude prudentia; Sapientis enim est mutare consilium; & notam subit inflexibilitatis, qui in proposito suscepto inexorabiliter obstinatur. Denique etiam quando motiva proponuntur sub eadem apparentia, non est, cur possit voluntas in primo instanti esse libera, non in secundo, cum actus prævi-
us in primo instanti elicitus libertatem non adimat pro secundo.

Ad primam confirmationem retorqueo: Deus quæ vult pro instanti A, potest nolle pro instanti B, etiam si cætera sint in eodem statu: ergo etiam Angelus. Deus dicitur immutabilis, & constans per hoc, quod quæ semel vult pro instanti A, semper vult pro eodem instanti ratione sui actus æterni, & semper actu comprehensivi ob-

ctorum; Creatura verò, quia potest habere actum post actum, potest pro instanti A futuro velle aliquid facere, quin idem velit deinde. Certum est, quòd si ex parte objecti nulla sit diversitas, tribuatur levitati, & inconstantiae mutare propositum ex plena deliberatione susceptum; & ideo Angelus in quantum n præditus virtute constantiae physicè tantum, non moraliter, potest mutare propositum relatè ad ea, quæ comprehendit, & eadem attentione cognoscit: cæterum sicut Angelus secundum se est capax peccandi mortaliter, ita à fortiori est capax inconstantiae, in quantum malum morale est, atque adeò secundum se est flexibilis.

Ad secundam confirmationem diximus, intellectum Angelicum posse aliter judicare de objecto obscurè cognito, nec non aliter repræsentare, & attendere ad objectum clarè cognitum: at esto immutabiliter repræsentet, & judicet, non proinde sequitur, voluntatem Angelicam esse pariter immobilem. Disparitas est, quia sola voluntas est potentia libera.

VII. OBJIC. secundò. Si voluntas Angelica esset mutabilis, repugnaret, Angelum esse beatum beatitudine naturali; consequens non admittitur, ergo nec antecedens; *Probatur sequela*, quia ad beatitudinem spectat immobilitas voluntatis in amore summi boni; cum spectet ad essentiam beatitudinis perpetuitas.

Resp. nego sequelam. Ad probationem primò dici potest, ad beatitudinem naturalem formaliter spectare solum cognitionem abstractivam summi boni perpetuam, & immobilem, ad quam sequi possit amor, & fructio, quamvis non debeat talis amor sequi necessariò necessitate exercitii; si enim summum bonum intuitivè visum juxta sententiam Scoti, & aliorum non necessitat ad amorem necessitate exercitii, à fortiori si cognoscatur abstractivè. Hoc posito, voluntas Angelica in statu beatitudinis naturalis esset mutabilis, non quidem de amore in ordinem

dium Dei, sed de amore in non a morem. Secundo, etiam dato, quod ad beatitudinem spectaret perpetuitas amoris Dei, dici posset, quod Angelo quâ beato id competeret, vel quia Deus prædeterminaret illum ad amorem necessarium, vel quia conferret illi per totam æternitatem auxilia in differentia prævisa per scientiam mediam efficacia, quod exigeretur ab actibus, quibus Angeli meriti sunt beatitudinem naturalem; unde huiusmodi auxilia essent quidem beneficia gratuita, sed intra ordinem purè naturalem, & intra eundem ordinem debita, præcedentibus meritis naturalibus. Ex quo tamen non fit, quod circa alia objecta non posset mutare propositum.

VIII. Ex dictis sequitur, quod Dæmones, spectatâ eorum naturâ, poterant physice, licet non moraliter, in illo brevissimo tempore viæ post peccatum dolere de illo attritione naturali, & informi; ut possunt nunc post peccatum, dum sunt in termino. Utrum autem dum essent in via, potuerint physice attritionem, & contritionem supernaturalem elicere, & à peccato liberari? Affirmant Scotus, Gabriel, Salmeron apud Tannerum *disp. 5. q. 6. dub. 5.* Sed communissime negant, quia Christus Dominus fuit solum redemptor hominum, non Angelorum; ergo Angeli non fuit collatum auxilium supernaturale sufficiens ad resurgendum vi meritorum Christi Domini: cum autem in præsentī providentia omne donum supernaturale vi meritorum Christi Domini conferatur; sequitur, simpliciter collatum non fuisse Dæmonibus auxilium ad resurgendum: Proinde Damascenus dixit: *Dæmonibus post lapsum non fuisse pœnitentia locum, ut nec post mortem hominibus.*



Q U Æ S T I O IV.

*Quomodo, & ubinam Dæmones ab igne cruci-
cientur?*

I. **Q**UOD attinet ad supplicium Dæmonum, usque adeo certum est, eos ab igne corporeo torqueri, ut communissimè id doceant contra Durandum. Immo Suar. putat hanc esse sententiam Catholicam, ac Mayronus dicit esse de fide: Constat quippe apertissimè ex Scripturis, & Patribus: Apoc. 14. dicitur: *Cruciabitur igne bestia, & affecta*; & Matth. 20. *Diabolus missus est in stagnum ignis*; & Matth. 25. *Discedite maledicti in ignem æternum, qui paratus est Diabolo, & Angelis ejus*. Greg. 4. Moral. 29. *Si Diabolus, ejusque Angeli cum sint incorporei, corporeo sunt igne cruciandi, quid mirum, si anima, antequam recipiant corpora, possint corporea sentire tormenta*? August. etiam 21. de Civ. habet: *Cur non dicamus quamvis miris, tamen veris modis etiam spiritus incorporeos posse pœnâ corporalis ignis affici*?

II. Difficultas tamen est, quonam pacto possit igne corporeo Spiritus incorporeus cruciari? Nonnulli Thomistæ putant, eos cruciari per solam alligationem ad ignem, ita ut in illo tanquam in carcere detineantur. Verùm esto hujusmodi alligatio possit aliquam molestiam asserre spiritibus ob eorum superbiam indignantem hanc speciem carceris; nihilominus longè major communiter censetur esse cruciatus, quem ab igne patiuntur Dæmones: Siquidem ex communi Patrum suffragio etiam pœnæ Purgatorii, quæ animas torquent, censentur esse graviores quovis hujus vitæ cruciatu, unde à fortiori pœnæ Inferni. Præterquam quòd juxta hanc viam non dicerentur Dæmones torqueri *miris, ac veris modis*, ut loquuntur August. & Lactant. Docet Altiliodorensis, eos igne materiali torqueri per hoc, quòd percipiant dolorem consimilem

lem illi, quem percipit anima, dum dolet in suo corpore. At neque hoc sufficit; in tantum enim ignis, & calor dolorem causant, quando comburuntur animalia, in quantum eorum corpora veluti dilaniantur, eò quòd ignis causet divisionem continui, & quandam lacerationem, quod puro spiritui competere non potest. Granad. verò cum aliis docet, spiritus ab igne torqueri per hoc, quòd ignis tanquam divinæ ultionis instrumentum causet in damnatis vehementem quandam æternæ damnationis apprehensionem, & ingentem tristitiam de amissione Beatitudinis. At hæc etiam sententia communiter rejicitur, quia istæc pœna spectat potius ad pœnā damni, quàm ad pœnā sensus, quæ suo modo causatur ab igne etiam in spiritibus.

III. Communior itaque, & probabilior sententia cum Suario, & aliis docet, Dæmones ab igne corporeo torqueri, tanquam ab instrumento obedientialiter elevato ad causandum in illis qualitatem quandam spiritualentem doloriferam, hoc est causam avaram acerbissimi doloris in voluntate dæmonum ob magnam disconvenientiam, quam habet illorum natura cum hujusmodi qualitate, eo pacto quo gustum v. g. affligunt sapes ingrati, & auditum soni inconditi ob disconvenientiam, quam habent cum his potentiis. Ratio doctrinæ est, quia sic in rigore ab igne torquentur, quamvis non propriè comburantur, & ardeant; cum hæc propriè solis animalibus competere possint, dum sensibiliter alterantur usque ad corruptionem.

Neque dicas, de materiali se habere, quòd qualitas istæc dolorifera obedientialiter producat ab igne potius, quàm ab aqua, vel à lapide, aut alia creatura, unde non videtur, quomodo dicantur potius ab igne comburi, quàm ab aqua; si hujusmodi qualitas dolorifera producat obedientialiter ab aqua divinitus elevata ad productionem talis effectus. Nam contra est, quia licet hujusmodi qualitas dolorifera possit divinitus etiam ab aqua produci, convenientius fuit, quòd produceretur ab

igne, tum quia sic idem est instrumentum à Deo assumptum ad cruciandos spiritus, & ad crucianda corpora damnatorum; tum etiam quia cum ignis maxime omnium comburendo cruciet corpora, majorem habet proportionem, & analogiam cum effectu consimili in spiritibus producendo; & idcirco effectus hic ab igne productus potius dicitur combustio, quam frigefactio, ut exprimaturs ingens acerbitas doloris ab igne causati.

IV. Circa locum pœnalem Dæmonum, certum est, omnes post diem judicii ad Infernum detrudendos; dicitur enim 2. Petri 2. *Deus Angelis peccantibus non pepercit, sed rudentibus Inferni detractos in tartarum tradidit cruciandos, in judicium reservari.* Interim nonnulli ex Dæmonibus nobiscum degunt ad hominum exercitationem, ut constat tum ex Dæmone, qui Evam tentavit, tum ex 1. Petri 5. ubi habetur: *Diabolus tanquam leo rugiens, circuit quarens quem devoret;* tum etiam ex Apost. ad Ephesios 2. ubi Dæmon dicitur esse *Princeps potestatis aeris hujus,* & cap. 6. ubi dicitur: *Non est nobis colluctatio adversus carnem, & sanguinem, sed adversus Principes, & potestates, adversus Mundi rectores tenebrarum harum.* Quod pariter docent Aug. Bonav. & alii apud Suarium docentem, Dæmones ex præscripto Luciferi juxta divinam permissionem, aliquando ex hoc aëre ad Inferos migrare, aliquando ex Inferis ad hunc aërem redire; Utrobique tamen ex communi Patrum, & Doctorum calculo etiam pœnâ sensûs debitâ cruciantur, nedum pœnâ damni essentiali. Et communiter etiam docent, unumquemque hominum suum habere Dæmonem tentatorem; sicut quilibet suum habet Angelum tutelarem. Quicquid sit, num Dæmones in hoc aëre degentes crucientur ab igne tartareo, per hoc quod ignis iste agat in distans; an aliter?

V. Inferni demum carcerem esse interræ sinu circa centrum, est communis sensus; congruit enim damnatis locus

locus infimus, & ab Empyreo remotissimus. Quanta sit ejus capacitas, ne probabiliter quidem potest ex Scripturis, Conciliis, aut Patribus colligi, cum ignotus sit omnibus Judicii dies, atque adeo Mundi perduratio. Hoc tantum hypothetice asseri potest, quod cum degant in toto terrarum Orbe juxta communem sententiam ad mille milliones hominum, si ex his ad quinquaginta milliones quotannis damnarentur, & Orbis, qui hactenus ad sex annorum millia duravit, perduraturus sit ad decem millia annorum, damnati essent ad quinquaginta millia millionum. Quod si deinde unicuique corpori damnatorum tribuatur spatium unius passus cubicum, sufficeret corporibus omnibus istorum quingentorum millium millionum damnatorum spatium cubicum octo milliariorum; Siquidem octo milliaria cubica spatii continent quingenta & duodecim millia millionum passuum cubicorum. Hic autem locus cum sit in centro terræ, distabit à terræ superficie ad ter mille, & quingenta milliaria; cum juxta communio rem sententiã Orbis terraquei circumferentia sit ad viginti & unum millia milliariorum. Atque hæc dixisse sit satis de Angelis, qui inter creaturas beatificabiles primum occupant locum; pergimus nunc considerare actus, quibus creatura rationalis, ac præsertim homo assequi potest suam beatitudinem.

DISPUTATIO VI.

De Actibus Humanis, in quantum voluntariis & liberis.

Consideratâ jam beatitudine, ac præcipuo subjecto beatificabili, aggredimur cum D. Thom. tractationem de humanis actibus, quibus beatitudo à nobis comparatur. De iis in hac disputatione agendum, in quantum sunt voluntarii, & liberi; In sequenti verò in quantum sunt honesti, aut inhonesti, seu præditi bonitate, aut malitiâ morali. Querimus itaque primo, quid sit

280 *Pars II. Disp. VI. De Actibus Humanis. &c.*
voluntarium, Quomodo metus, concupiscentia, & ignorantia causent involuntarium? Deinde quid importet libertas? An ea sit actibus essentialis? Num sit possibilis pura omissio libera? Num detur in statu naturæ lapsæ libertas indifferentiæ? Denique quando, circa quæ objecta, & quomodo libertas exerceatur?

Q U Æ S T I O I.

Quid sit Voluntarium, & involuntarium, Violentum, & Coactum?

I. **V**oluntarium largè sumptum prout confunditur cum spontaneo, ex Philosopho 3. Ethic. i. est, *Quod procedit ex principio cognoscente singula*, seu quod procedit ab intrinseco cum cognitione: pressius verò sumptum est, *quod procedit ab intrinseco cum cognitione finis perfectæ*, seu quod movet se ad agendum propter finem. Ità communiter cum D. Thom. q. 6. a. 1.

Hinc sequitur 1. Quòd operationibus brutorum competat solùm ratio voluntarii latè sumpti, hoc est spontanei; cum bruta tantùm imperfectè, & materialiter cognoscant finem, seu bonum, & ad illud moveantur sine formali cognitione finis, quatenus finis est, & sine cognitione proportionis mediorum ad finem: Ratio verò voluntarii strictè sumpti solùm convenit naturæ intellectuali, sive liberè se moveat ad finem, sive necessariò; Deus enim licèt necessariò se ipsum amet, adhuc voluntariè amat, & non coctè; motus etiam primò primi voluntarii sunt, licèt non liberi, sicut etiam amor beatificus.

Sequitur 2. Quòd intellectus, quanvis ex cognitione præmissarum moveat se ad assensum conclusionis, non proinde dicatur agere voluntariè. Ratio est, quia ad operationem voluntariam requiritur; quòd agens, quia cognoscit finem actûs, moveat se ad agendum propter talem finem; intellectus autem non movetur ad illationem, quia cognoscit finem illationis, sed solùm, quia cognoscit præ-

præmissas; ergo non agit voluntariè, dum infert conclusionem, sed solum naturaliter: contra verò si voluntas imperet assensum conclusionis ex cognitione bonitatis, quæ est in illatione, dicitur voluntariè huiusmodi assensum imperare, quia agit propter finem.

Sequitur 3. Differre voluntarium à voluto, ut advertit Cajet. 2. 2. qu. 154. art. 5. quia volitum comparatur ad voluntatem, tanquam objectum ad suam potentiam; voluntarium verò, tanquam effectus ad suam causam; proinde solus actus voluntatis, vel ommissio actus dicuntur voluntaria, licet possint etiam esse volita actu reflexo.

II. Ex definitione voluntarii constat, quid sit violentum coactum, & involuntarium, seu invitum. Est enim Violentum ex Philosopho 3. Eth. 1. *Quod procedit ab extrinseco, nullam vim conferente passo*; hoc est, ut advertit Scotus, *passo resistente positivè*. Si tamen quod fit, contranitente passo, sit contra appetitum naturalem, dicitur absolute violentum; sic motus sursum dicitur violentus lapidi, quia procedit ab extrinseco, resistente lapide per appetitum naturalem, quo fertur naturaliter deorsum. Si verò passum resistat per appetitum elicitum, dicitur Coactum, seu contra actum efficacem appetitus, & Involuntarium. Quare magis latè patet Violentum, quàm Coactum; cum hoc competat solum agentibus cognoscitivis, quæ ab extrinseco moventur cum resistantia appetitus elicti. Involuntarium tamen, quod dicitur per respectum ad appetitum elicitum, potest dupliciter sumi: Primò positivè, seu contrariè pro eo, quod est contra actum efficacem appetitus, atque adeò idem est, ac coactum; Secundò privativè pro eo, quod non est juxta actum appetitus; Sic ignorantia concomitans dicitur reddere actum involuntarium privativè, hoc est non voluntarium. Et sanè ad rationem voluntarii duo requiruntur, & quòd procedat ab intrinseco, & quòd sit à cognoscente, ergo dupliciter actus potest esse involuntarius, videlicet tam si procedat ab

extrinseco determinante, & fiat coacte; puta si quis apprehendens manum Petri, cogat illum, ut gladio interficiat hostem; quàm si procedat ex ignorantia, puta si quis occidat hominem invincibiliter putatum feram.

III. Dubitatur hic primo. Num voluntarium liberum perfectius sit necessarium? Ad quod notandum, Actum voluntarium posse esse necessarium primo ex perfectione cognitionis, ut beati necessitantur ad Dei amorem ex ejus visione; Secundo ex cognitionis imperfectione, ut accidit in actibus infantum, amentium, ebriorum, brutorum; Tercio ex determinatione ab extrinseco contra naturalem voluntatis inclinationem, ut si voluntas physicè à Deo prædeterminetur ad actum: Hoc posito.

Dicendum 1. Si necessitas in actibus voluntariis oriatur ex perfectione cognitionis, præstat actus voluntatis necessarius actui libero; proinde præstat amor Dei beatificus amorì libero orto ex cognitione Dei abstractiva.

PROB. Quia voluntarium est, quod procedit ab intrinseco cum cognitione finis; ergo tunc voluntarium est, perfectius in ratione voluntarii, quando procedit cum majori inclinatione voluntatis, seu magis ab intrinseco, & cum cognitione perfectiori; atqui quando actus voluntatis est necessarius ex perfectione cognitionis, tunc habetur utrumque videlicet perfectior cognitio, & major inclinatio voluntatis in objectum, cum necessario ab eo trahatur voluntas; ergo quando actus voluntatis est necessarius ratione cognitionis perfectioris, tunc præstat libero.

Dicendum 2. Si necessitas in actu voluntario oriatur ex cognitionis imperfectione ut in actibus infantum, brutorum, &c. aut ex determinatione ab extrinseco, ut in actibus voluntatis physicè prædeterminatis à Deo, tunc præstat actus liber actui necessario in ratione voluntarii.

PROB. Quia si oriatur necessitas ex cognitionis imperfectione, jam aliquod constitutivum voluntarii, nempe

cog-

cognitio, est imperfectius; ergo ratio ipsa voluntarii necessarii in tali casu est imperfectior voluntario libero. Si verò necessitas oriatur ab extrinseca prædeterminatione, eo ipso actus est minus ab intrinseco, & consequenter minus perfectus in ratione voluntarii, quod essentialiter debet esse ab intrinseco.

Hinc sequitur, voluntarium necessarium esse quidem ex genere perfectius libero, quia perfectissimus actus voluntatis necessarius, qualis est amor beatificus, est perfectior quovis actu libero, sed non esse perfectius ex toto genere; cum actus liberi sint perfectiores actibus voluntatis necessariis, quando necessitas oritur aut ex prædeterminatione, aut ex cognitionis imperfectione, ut in actibus indeliberatis primo primis, in actibus ebriorum &c.

IV. Dubitatur ulterius; An possit voluntas in suis actibus violentiam, seu coactionem pati? Et difficultas procedere potest tam de actibus voluntatis elicitis, quam de imperatis.

Dico 1. Implicat in terminis actum voluntatis elicatum esse simpliciter violentum, seu coactum.

PROB. Quia esse violentum, seu coactum fert esse ab extrinseco contra inclinationem voluntatis; esse verò actum elicatum fert esse ab intrinseco; ergo esse elicatum, & esse violentum, seu coactum pugnant inter se. Secunda pars antecedentis patet; actus enim elicatus à voluntate est vitalis; de ratione autem actus vitalis est esse à principio intrinseco; ergo actus elicatus est ab intrinseco. Adde, quod voluntas fertur in bonum tanquam in centrum impetu innato, & refugit à malo, tanquam ab opposito; ergo omnis actus voluntatis illicitus, sive feratur in bonum per prosecutionem, sive in malum per fugam, est juxta voluntatis inclinationem; violentum verò essentialiter est contra inclinationem naturalem; ergo pugnat in terminis, actum voluntatis esse elicatum, & esse violentum, seu coactum.

V. OBJIC. 1. Si Deus infundat voluntati Petri actum, quo velit v. gr. semetipsum interficere, hic actus voluntatis

tatis esset elicitus, & verificaret definitionem violenti esset enim ab extrinseco contra naturalem inclinationem passivi; ergo potest actus esse elicitus simul, & violentus.

Resp. 1. Negando suppositum: Implicat enim, actum esse vitalem, & à Deo ita infundi, ut non influat in illum ullatenus principium vitale; cum actus vitalis essentialiter sit motus ab intrinseco; Secundò, etiam dato, quòd esset vitalis hic actus à Deo infusus, non per hoc dici potest violentus, & contra inclinationem voluntatis: ratio est, quia actus voluntatis essentialiter vel est prosecutio boni, vel fuga à malo & ad utrumque naturaliter voluntas inclinatur; ergo si infundatur à Deo in voluntate Petri actus quo velit semetipsum occidere, debet illi representari occisio tanquam bona, ut per actum prosecutivum tendat in illam; atqui si representatur ut bona, eo ipso naturali impetu voluntas in illam inclinatur; ergo actus non est cum resistantia voluntatis, quod requiritur ad rationem violenti.

VI. OBJIC. 2. Dolor in damnatis est actus elicitus simul, & coactus; coguntur enim à Deo, & à miseria ad dolorem quo carere vellent; ergo potest actus voluntatis esse coactus.

Resp. Dolorem damnatorum esse actum vitalem, & consequenter ab intrinseco, conferente vim, non resistente voluntate, à qua procedit; ergo non est coactus. Deus cogit damnatos ad dolendum causaliter; quatenus causat miseriam, qua positâ, consurgit ab intrinseco dolor Unde habes, nullam actionem posse esse principio activo violentam; quia ad rationem violenti spectat, quòd passum nullam omninò vim conferat, immò positivè resistat; principium autem activum confert vim ad actionem; ergo nulla actio est violentia principio suo activo.

VII. Dico 2. Quamvis actus elicti non possint esse coacti; potest tamen voluntas cogi ad carentiam actuum elicitorum.

PROB.

PROB. Ponamus, quòd voluntas velit aliquod bonum amare, & Deus impediatur hunc actum, suspendendo suum concursum, jam carentia amoris in tali casu esset ab intrinseco, renitente voluntate, seu contra ejus inclinationem; ergo esset violenta; sicut enim violenter dicitur pes impediri ab ambulatione, si imperante voluntate ad ambulationem pes ab extrinseco inhibeatur; ita in casu.

Dico 3. Voluntas pati potest coactionem quoad actus imperatos aliarum potentiarum.

Patet; nam si ab extrinseco v. gr. impediatur manus, ne moveatur juxta voluntatis imperium, dicitur voluntas quoad hunc actum manui imperatum pati violentiam; ergo eodem modo si quis nolit alium occidere, & ab extrinseco manus ejus apprehendatur ad alium occidendum, talis occisio erit coacta, & simpliciter involuntaria.

Dico ultimò; potest voluntas violentiam pati quoad omissionem alicujus qualitatis perfectivæ, puta habitus virtutis, & quoad infusionem alicujus qualitatis noxiæ, & oppositæ naturali exigentiæ voluntatis.

PROB. Nam cum exigit voluntas, v. gr. conservationem habitus boni acquisiti, si divinitus destruat hujusmodi habitus, & producat habitus oppositus, voluntas pateretur à Deo violentiam; licet non strictè dictam, ut communius docent in Philosophia; nam sicut non patitur violentiam strictè dictam aqua v. gr. quando in bonum naturæ universalis ascendit ad replendum vacuum, quia magis inclinatur ad bonum commune, quàm ad privatum; ita cum quælibet creatura magis inclinetur ad exequendam Numinis voluntatem, in qua habetur bonum maximum, & universalissimum. quàm ad bonum proprium; quando ex Divina voluntate habet creatura, quod opponitur inclinationi propriæ respicienti bonum privatum, non dicitur pati violentiam strictè dictam. Quod diximus de amissione qualitatis perfectivæ, dicendum pariter de infusione qualitatis noxiæ, ut esset v. gr. habitus vitiosus.

VIII. Dubitatur ultimò. Utrum dari possit voluntarium sine quovis actu; Et sensus questionis propositæ ab Angelico hic *quest. 6. art. 3.* non est. Utrum dari possit pura ommissio voluntaria? sed est, Utrum possit effectus aliquis dici voluntarius illi, qui nullatenus influit in talem effectum? v. g. Utrum submersio navis dici possit voluntaria nauclero, vel Angelo, per hoc præcisè, quòd non impediunt submersionem, cum possint: quare quæstio re verâ procedit in hoc sensu, ut colligitur ex verbis Angelici *loc. cit.* Utrum possit dari voluntarium absque ullo actu exteriori, etiamsi repugnet pura ommissio libera? Ubi notandum, dupliciter posse aliquid dici voluntarium: primò directè, & per influxum positivum, ut sunt actus à voluntate elicit, vel imperati; secundò indirectè, vel per hoc, quòd voluntas velit effectum in causa, vel per hoc, quòd non impediat effectum, cum possit, ac debeat: Hoc posito.

Dico 1. Voluntarium sine omni actu voluntatis haberi potest, & de facto habetur, quoties aliquis vult ommissionem, ad quam per se sequitur aliquis effectus; v. g. quia per se ad ommissionem sumptionis cibi sequitur fames, & mors, satis est velle ommittere comestionem, ut dicatur mors esse indirectè, & interpretativè voluntaria absque omni actu voluntatis, seu absque positivo influxu voluntatis in mortem; atque adeo absque actu voluntatis externo, repugnante puram ommissionem liberam.

PROB. Quia universim, qui vult causam per se sive positivam, sive privativam, dicitur saltem interpretativè velle etiam effectum inde consequentem; ergo omittens v. g. sumere cibum prævidendo mortem inde secuturam, vult consequenter indirectè, & interpretativè ipsam mortem, atque adeo mors est voluntaria absque omni actu.

IX. Dico 2. Voluntarius citra omnem actum dicitur non solum effectus, qui per se sequitur ad aliquam ommissionem, ut diximus in prima Conclusionè; sed etiam effectus,

fectus, qui ad aliquam omissionem sequitur per accidens; dummodo tamen omittens non solum possit, sed etiam debeat talem effectum impedire; V. gr. submersio navis, quæ per accidens sequitur ex omissione auxilii præstiti [quandoquidem etiam non præstito auxilio posset non mergi] dicitur voluntaria Naclero, qui tenetur submersionem impedire; non verò Angelo, qui non tenetur, quamvis possit. Ità Suar. Vasq. ex D. Tho. *loc. cit.* contra Amic., Arriag.

PROB. Quia circumscriptâ eâ obligatione, nulla est connexio talis effectus cum omissione, ratione cuius possit in morali æstimatione effectus imputari omittenti, & dici voluntarius; ergo requiritur obligatio impediendi effectum per accidens, ut possit dici voluntarius omittenti.

Confirm. Ideò peccata creaturarum non dicuntur Deo voluntaria, ne indirectè quidem, quia neque per se sequuntur ex eo, quòd Deus omittat ea efficaciter impedire, neque tenetur Deus impedire; unde non dicuntur Deo voluntaria Philosophicè tamquam effectus per se, neque Theologicè, seu imputabiliter; ergo requiritur obligatio impediendi effectum per accidens, ut possit dici voluntarius omittenti.

Nèque dicas, peccata à Deo voluntariè permitti, atque adeò dici posse voluntaria Deo indirectè, si minus intentivè, saltem permissivè; ergo seclusâ obligatione impediendi effectum per accidens, adhuc dici potest voluntarius omittenti.

Nam contra est, quia effectum esse permissivè voluntarium, non est esse voluntariū omittenti illum impedire, nisi in sensu improprio, & minus usitato; quia in rigore, esse permissivè voluntarium est voluntariam esse ejus permissionem; in quo sensu dicitur voluntariè mori, qui negligit adhibere utilia remedia, ad quæ non tenetur; & in eodem sensu dicuntur Martyres voluntariè subire martyrium, quatenus non fugiunt, cum possint; & sic

sic Christus Dominus apud D. Thom. 3. p. qu. 48. art. 1. dicitur causa suæ passionis. Ubi vides, quæstionem hanc, ut notat Platelius, habere multum de voce, quia Adversarii solum volunt, effectum per accidens, quando non abest obligatio impediendi illum, esse voluntariè permissum, quod revera importat, voluntariam esse ejus permissionem, non verò esse voluntarium effectum; cum sola permissio effectus, non verò effectus permissus, habeat dependentiam à voluntate.

X. OBJIC. 1. Illud est voluntarium, quod dependet à voluntate, seu quod procedit ab intrinseco cum cognitione finis; atqui effectus per accidens procedens ex omissione, seclusâ obligatione impediendi, habet dependentiam à voluntate; ergo etiam seclusâ hac obligatione est voluntarius omissi, Probatum minor: Quicquid non esset, nisi voluntas omitteret, habet dependentiam à voluntate, seu habet indigentiam certi exercitii libertatis, ad hoc ut sit, sed effectus per accidens cum omissione connexus non haberet esse, nisi voluntas omitteret actum; ergo dependet à voluntate, etiam seclusâ obligatione impediendi illum.

Resp. Nego minorem; submersio navis v. gr. quæ per accidens vi tempestatis sequitur, ex omissione auxilii præstiti sive à Nauclero, seu ab Angelo, relatè ad Nauclerum dicitur voluntaria, non relatè ad Angelum, qui non tenetur opem ferre. Ratio est, quia positâ obligatione in Nauclero, in morali æstimatione illi imputatur, & ideo moraliter dependet submersio à voluntate Naucleri, cum vi omissionis liberæ ab eo positæ censeatur moraliter causari. Quare ad probationem minoris, concessâ majore nego minorem; falsum enim est, quod submersio non esset, nisi Angelus liberè omitteret auxilium præstare: Nam fingamus, Angelum non existere, adhuc submersio esset vi tempestatis, quin daretur tunc ommissio libera Angeli; ergo submersio non potest dici effectus à voluntate

luntate Angeli dependens, & illi voluntarius; est tamen voluntarius Nauclero, & ab ejus libera omissione dependens non quidem physicè, sed moraliter; quia positâ obligatione in Nauclero impediendi submersionem, illi tribuitur moralis æstimatione submersio, quamvis ea non pendeat physicè à voluntate Naucleri.

XI. OBJIC. 2. Effectus, puta submersio navis, sequitur per accidens ex omissione auxilii præstiti ab Angelo, qui non tenetur opem ferre; ergo talis ommissio libera est causa per accidens submersionis; ergo submersio causatur ab exercitio libero voluntatis Angelicæ, & consequenter est voluntaria Angelo, licet non teneatur illam impedire.

Confirm. Seclusâ obligatione succurrendi in Angelo, habetur connexio effectûs, puta submersionis, cum omissione auxilii, tanquam cum aliquo naturâ priori, & sine quô non esset; ergo habetur connexio dependentiæ tanquam à causa influente indirectè, & negativè, quod sufficit ad rationem voluntarii.

Resp. Submersionem esse effectum per accidens, non importare esse effectum absolute, quia causa per accidens non est absolute, & in rigore causa; ad rationem enim causæ essentialiter spectat, quod per accidens consequitur ad omissionem liberam Angeli, cum non sit revera effectus talis omissionis, non potest denominari physicè voluntaria Angelo, utpote quæ physicè non dependet, ne mediata quidem, à voluntate Angeli; nec potest dici voluntaria moraliter, seu Theologicè, cum non præsupponatur in Angelo obligatio illam impediendi.

Ad confirm. *Distinguo antecedens*: Inter submersionem, & omissionem habetur connexio in genere non impediens, *concedo*, in genere causantis aliquo modo submersionem, prout requiritur, ut ea dicatur in rigore voluntaria, *nego Antecedens, & Consequentiam*.

Q U Æ S T I O II.

*An metus, Concupiscentia, & Ignorantia
causent involuntarium?*

I. **P**AUCIS perstringemus quæ fusè Theologi hæc in re docent. Et primò circa metum sciendum, causam metus aliquando esse voluntariam, aliquando involuntariam; nam v.gr. qui ex metu Judicis legem observat, vult dari Judices, qui metum causant; contrà verò qui projicit merces ob metum naufragii, non vult tempestatem, quæ est causa metûs; unde in primo casu est voluntaria causa metûs, in secundo involuntaria. Præterea metus ipse nunquam est involuntarius directè, etiam si causa metûs sit involuntaria; cum enim metus sit actus voluntatis, eo ipso habet rationem voluntarii; esto reflexè possit quis metum nolle.

II. Dico nunc 1. Quæ fiunt ex metu, sunt mixta ex voluntario, & involuntario. Ita communiter cum D. Th. prima secundæ, *qu. 6. art. 6.* & Philosopho 3. Eth. 1.

PROB. Qui v.g. projicit merces ob metum naufragii, vult merces projicere; ergo talis projectio facta ex metu est voluntaria: ex altera parte odit tanquam malam mercium projectionem, illamque nollet, secluso periculo naufragii; ergo est etiam involuntaria, & consequenter mixta ex voluntario, & involuntario.

III. Dico 2. Quæ fiunt ex metu, sunt magis voluntaria, quàm involuntaria; unde dicuntur voluntaria simpliciter, involuntaria secundùm quid; Ita etiam communiter.

PROB. Quæ absolutè volumus, & solùm conditionatè nolumus sub hypothesi, quæ non datur, sunt magis voluntaria, quàm involuntaria; imò sunt simpliciter voluntaria, & secundùm quid involuntaria; atqui quæ fiunt ex metu, ut est projectio mercium absolutè volumus, & nolumus tantùm pro hypothesi, quòd non esset periculum

lum naufragii; ergo sunt simpliciter voluntaria, & secundum quid involuntaria.

IV. OBJIC. 1. contra primam conclusionem: quæ fiunt ex metu, non fiunt spontè, sed invitè; ergo sunt simpliciter involuntaria. Prob. consequentia; quia quæ invitè facimus, nolentes facimus; sed quæ facimus nolentes sunt involuntaria; ergo quæ fiunt ex metu sunt involuntaria.

Confirm. Quæ violenter facimus, sunt involuntaria, quia facimus illa nolentes; sed quæ facimus ex metu, etiam facimus nolentes; ergo sunt etiam involuntaria.

Resp. *Nego Consequentiam*; ad probationem *Nego majorem*. Qui projicit merces ob metum, eas volens projicit, non nolens; quamvis invitè projiciat, & nolens conditionatè, si abesset periculum. Ad confirm. concessâ majori negatur minor; quæ enim facimus ex metu, facimus absolutè volètes, & solùm conditionatè ea nolumus.

V. OBJIC. 2. Contra secundam conclusionem. Qui ob metum gehennæ observat mandata, si nollet observantiam mandatorum in hypothesi, quod non esset gehenna, peccaret, & timor hic non esset laudabilis, & filialis sed servilis, & malus; quandoquidem *Oderunt peccare mali formidine pæna*; ergo quæ fiunt ex metu non sunt involuntaria secundum quid.

Respondent communius 1. Tunc ea, quæ fiunt ex metu, esse involuntaria secundum quid, quando causa metûs est nolita, non verò quando est volita, ut in casu argumenti; seu quando quæ fiunt ex metu, sunt mala, & tanquam mala odio habentur; unde pro hypothesi, quod non esset metus ea nolumus, sicut est projectio mercium ob metum à tempestate incassum. At quando nec causam metûs volumus, nec odio habemus tanquam mala, quæ ex metu fiunt, nec ea nolumus pro hypothesi, quod non daretur causa metûs [ut est observantia præceptorum posita ob metum gehennæ] tunc ea non sunt ullatenus involuntaria. Philosophus autem quando dicit, esse se-

cundum quid involuntaria, quæ fiunt ex metu, loquitur de iis, quæ fiunt ex metu primo modo, & de iis propriè procedit conclusio.

Responderi potest 2. Etiam ea, quæ secundo modo fiunt ex metu, ut est observantia præceptorum ob metum gehennæ, esse secundum quid involuntaria, non quatenus ea nolumus pro hypotheti, quod non detur causa metûs, sed quatenus fiunt cum aliquali displicentia ob difficultates, quas experimur in iis actionibus ob metum positis; unde nollemus eas difficultates experiri.

VI. Ex dictis sequitur 1. Quod qui ob metum mortis legem pro eo casu obligantem violat, verè peccet, nisi metus sit adeò gravis, ut libertatem interimat: ratio est, quia in tali casu transgressio esset voluntaria, ac libera, & contra obligationem; ergo haberet quicquid requiritur ad rationem actionis peccaminosæ.

Sequitur 2. Contractus ob metum initos non esse invalidos ob defectum voluntarii; cum metus non tollat rationem voluntarii simpliciter; quare si quando sunt invalidi, vel irritandi, aliunde id habetur; videlicet, vel ex natura aliquorum contractuum, qui, ut sint validi, requirunt, quod sint plenè voluntarii absque ulla admixtione involuntarii; vel quia continent injustitiam; vel ex lege positiva illos irritante; vel ex aliis capitibus; idemque dicendum de votis.

VII. Citra concupiscentiam, seu actum appetitûs sensitivi dicendum, quod si sit antecedens, seu actum voluntatis antecedit, tunc vel interimat libertatem (ut in actibus primo primis) si ita perturbet intellectum, ut non relinquat objectum proponi voluntati cum indifferentia; vel saltem libertatem minuat, ut in actibus secundo primis, quando scilicet passio, seu actus appetitûs sensitivi non est adeò vehemens, ut omninò libertatem interimat: Si verò concupiscentia sit consequens, seu consequatur actum voluntatis [ut si quis volens bibere excitet in appetitu sensi-

tivo

sitivo desiderium vini, ut hilarius bibat.] tunc minuat libertatem. Ratio est, quia quando rapimur à concupiscentiâ in unam partem, minus liberi sumus ad partem oppositam; quamvis autem concupiscentia consequens minuat libertatem, auget tamen rationem voluntarii sumptâ pro eo quod procedit à principio intrinseco cognoscente; quia actus voluntatis procedens ab intrinseco fertur majori impetu in objectum concupiscentiâ impellente; unde fit, quod sentiamus in membris legem repugnantem legi mentis, ut loquitur Apost. quando volumus adversus concupiscentiam contrahere.

VIII. Denique circa ignorantiam paucis perstringo, quæ maximè sunt scitu digna, & necessaria. Triplex datur ignorantia pertinens ad voluntarium, antecedens, seu invincibilis; consequens, seu vincibilis; & concomitans, quæ potest tum esse vincibilis, tum invincibilis. Ignorantia antecedens, quæ antecedit opus tanquam ejus causa per accidens, seu tanquam removens prohibens, habetur quoties actus ex ignorantia factus non fieret, si abesset scientia, ut cum quis occidit hominem invincibiliter putatum feram, quem non occideret, si sciret. Ignorantia consequens consequitur actum aliquem voluntatis nolentis eam repellere; & ideo dicitur vincibilis: hæc autem vel est affectata, ut cum quis directè vult ignorare suam obligationem, puta inquirere, an qui occiditur, sit homo, ut possit liberius jacere sagittam juxta illud Job. 21. *Scientiam viarum tuarum nolumus*; vel est crassa, seu supina, ut cum quis nullam, aut fere nullam diligentiam adhibet ad veritatem assequendam; vel est non crassa, & generico nomine dicta Vincibilis, quando scilicet quis adhibet quidem diligentiam aliquam ad illam repellendam, sed non quanta requiritur. Ignorantia concomitans non est causa operis, adeoque non est antecedens; neq; consequitur ad actum ullum voluntatis, ideoque non est consequens, sed comitatur actum;

& habetur quando quis v. g. occidit inimicum, siue vincibiliter, seu invincibiliter putatum feram, eo tamen animo, ut si sciret ibi esse inimicum, adhuc occideret. His explicatis.

IX. Dico 1. Ignorantia antecedens, seu invincibilis causat simpliciter involuntarium secundum omnes circumstantias ignoratas. Ità D. Tho. & communissimè.

PROB. Quia quando opus, quod ponitur non solum ponitur à voluntate citra cognitionem objecti, sed etiam ponitur contra inclinationem voluntatis, tunc habetur involuntarium simpliciter; atqui occisio hominis v. g. si fiat ex ignorantia antecedente, non solum ponitur citra cognitionem, quod qui occiditur, est homo, sed etiam ponitur cum repugnantia, siue actuali, siue habituali voluntatis; quæ certè occisionem non poneret, si adverteret ibi esse hominem; ergo ignorantia *Antecedens* causat simpliciter involuntarium secundum id, quod ignoratur.

Hinc sequitur; huiusmodi ignorantiam excusare à peccato, & à pœnis peccatorum nempe à censuris, irregularitate, onere restitutionis &c. quia tamen inadvertentia, seu oblivio, est quædam ignorantia actualis (non secus ac ignorantia est quædam inadvertentia habitualis) ideo quod dicitur de ignorantia invincibili, dicendum etiam de inadvertentia, seu oblivione invincibili, siue ea sit juris, siue facti. Quare non incurrit v. g. excommunicationem latam in percussorem Clerici, tam qui invincibiliter ignorat seu non advertit, dari tale jus comminans censuram in percussorem Clerici, quæ dicitur ignorantia juris; quam qui invincibiliter ignorat, hunc, quem percutis, esse Clericum, quæ dicitur ignorantia facti.

X. Dico 2. Ignorantia consequens, seu vincibilis facit voluntarium simpliciter, si non sit causa actûs, seu reddit factum ex hac ignorantia procedentem simpliciter voluntarium; Si verò sit causa actûs; reddit illum involuntarium secundum quid; e. g. si quis occidat hominem vincibiliter

cibiliter putatum feram, ita ut illum occideret, etiam si sciret, ignorantia ista reddit occisionem simpliciter voluntariam; si verò illum non occideret, si sciret, cum non sit causa talis occisionis reddit occisionem secundum quid involuntariam, ac proinde minus peccaminosam.

PROB. Prima pars conclusionis, quia actio, puta occisio, morali iudicio æquè imputatur voluntati sub ea ignorantia vincibili, ac si scienter poneretur; ergo occisio hominis sub illa ignorantia est simpliciter voluntaria. Secunda pars etiam patet, quia quatenus ignorantia ista est vincibilis, ac culpabilis; est simpliciter voluntaria tum secundum se, tum secundum effectum, quem trahit; quatenus verò est causa occisionis, in quantum occisio non fieret, si adverteretur, jam occisio est contraria voluntati sive actualiter, sive habitualiter; sed quod est contrarium voluntati, est involuntarium; ergo occisio ista simpliciter, & in causa est voluntaria, & secundum quid involuntaria.

Sed rogabis, quomodo potest ignorantia esse causa occisionis, quæ non fieret, si adverteretur? Resp. esse causam per accidens, tanquam removens prohibens, sicut tenebræ nocturnæ dicuntur esse causa frigoris, quia remouent lucem, qua causatur calor, & tollitur frigus; unde quia absente luce, frigus non impeditur, ideo carentia lucis dicitur causare per accidens frigus: eodem modo ignorantia dicitur esse causa occisionis, quatenus removet scientiam de homine, qui occiditur, quæ posita impediretur occisio; unde cum non detur scientia impeditiva occisionis, dicitur per accidens occisio causari ab ignorantia.

XI. Dico 3. Ignorantia concomitans neque causat voluntarium positivè, neque positivè involuntarium, sed solum negativè voluntarium; quare occisio inimici invisibiliter putati fera, eo animo, quòd si adverteretur, ibi esse inimicum, adhuc occideretur, est tantum negativè voluntaria.

PROB. Quod non sit voluntaria positivè; quia quod non

est cognitum, non est volitum, nec in se voluntarium; ergo quamvis huiusmodi occisio possit esse voluntaria indirectè, & in sua causa per accidens, nempe in ignorantia vincibili, non erit tamen positivè voluntaria ratione ignorantiae concomitantis. Probatur etiam, quòd non sit positivè involuntaria; quia quod non est contra impetum voluntatis, non est positivè involuntarium, sed huiusmodi occisio non est contra impetum voluntatis, cum supponatur voluntas disposita sive actualiter, sive habitualiter ad illum ibi occidendum, etiam si sciret; ergo non est positivè involuntaria; unde remanet, quòd sit voluntaria privativè, seu non voluntaria.

XII. OBJIC. Si ignorantia causaret involuntarium, nullum peccatum esset voluntarium; quod est contra Damascenum *lib. 2. Orthodoxa Fidei*; ubi docet, omne peccatum esse voluntarium. Probatur sequela, quia omne peccatum procedit ab ignorantia: siquidem *Omnis peccans est ignorans*; & Prover. 14. *Errant, qui operantur malum*.

Resp. Solam ignorantiam antecedentem causare involuntarium ex dictis; unde nullum peccatum procedit ex ignorantia antecedente, sed solum ex consequente; quatenus ignoramus ea, quæ scire tenemur; Vel si aliquando procedit peccatum ex ignorantia antecedente, procedit ex illa solum partialiter, quatenus, licet cognoscamus, nos peccare, non cognoscimus tamen perfectè malitiam peccati; si enim huiusmodi malitia penetraretur, nunquam creatura peccaret; & in hoc sensu Scripturæ, Patres cum Philosopho asserunt, peccatum esse ex aliqua ignorantia. In forma *distinguo sequelam*, si omnis ignorantia causaret involuntarium, *concedo*, si aliqua, *nego sequelam*. Ad probationem pariter *distinguo*: omne peccatum procedit ex ignorantia antecedente, *nego*, vel consequente, vel partialiter antecedente, *concedo antecedens, & nego consequentiam*.

QUÆ

QUÆSTIO III.

In quonam consistat libertas Arbitrii?

I. **D**ico 1. Liberum arbitrium bene definitur, *Potentia, quæ positis omnibus requisitis ad agendum, potest agere, & potest non agere.* Ità Suar. lib. 1. cap. 3. Coninch. disp. 2. & communiter Catholici, teste Alvarez disp. 105. de auxiliis.

Constat autem Conclusio ex Trident. sess. 6. c. 5. & can. 4. ubi dicitur, *Liberum arbitrium à Deo motum, & excitatum posse dissentire, si velit.* Hinc D. Thom. 1. p. qu. 83. art. 4. & alii communiter docent, liberum arbitrium esse potentiam dominam suorum actuum, esse vim electivam, potentiam ad utrumlibet, &c.

II. Dico 2. Definitio isthæc, ut sit apta, intelligenda est in sensu compositio; ità scilicet, ut positis omnibus requisitis ad agendum, possit voluntas cum iisdem componere tam actionem, quam non actionem. Ità etiam communiter contra Alvarez, & alios Thomistas apud Coninch. loc. cit. putantes, stare libertatem cum præmotione physica; etenim per Thomistas, in sensu composito præmotionis prærequisitæ ad assensum stat potentia ad non agendum, seu ad dissensum, qui ponatur in sensu diviso ab ea præmotione, quin debeat posse cum præmotione componi dissensus, seu omisso consensu.

PROB. Conclusio, quia Tridentinum loc. laud. dicit, *Posse liberum arbitrium à Deo motum dissentire, si velit*: & sess. 6. cap. 5. explicans concordiam libertatis cum gratia docet, hominem posse abjicere inspirationem Spiritus Sancti; atqui hæc verba Tridentini. *posse dissentire, posse abjicere*, clarè explicant libertatem non stare, nisi juxta sensum compositum à nobis explicatum, non verò juxta sensum compositum Thomisticum; ergo definitio libertatis juxta eum sensum intelligenda est. *Probatur minor*, quia ille dicitur dissentire, qui non consentit excita-

T s

tioni

tionem existenti, non verò excitationi non existenti, atque adeò potest cum excitatione conjungere dissensum, non verò potentiam ad dissensum in sensu diviso. Pariformiter ille dicitur aliquid abjicere, qui rem oblatam respuit, unde in sensu composito inspirationis debet posse conjungi ejus abjectio, seu dissensus. Hinc D. Thom. quodlibeto 1. art. 1. ad 2. hæc habet. *Propter hoc, quod vis rationalis se habet ad opposita, ideo sic Deus movet mentem humanam ad bonum, quod tamen potest huic motioni resistere.* ergo ex D. Thom. voluntas dicitur libera, eò quod possit resistere motioni Divinæ, quod fert posse componere cum Divina motione negationem consensûs. Aliter si negatio consensûs esset, quando non datur motio, non diceretur voluntas illi resistere, sic non dicitur quis resistere virtuti tractivæ, si non detur actu vis tractiva, cui obluetur.

Confir. Si satis esset ad libertatem, quod in sensu composito prædeterminationis ad assensum stare possit solum potentia ad ponendum dissensum in sensu diviso à prædeterminatione, sequeretur, quod etiam gratia Calvinistica salvaret libertatem; nec ea à locutionibus Tridentini configeretur, nunquam enim Hæretici negârunt, quod cum inspiratione Divina determinante ad assensum stet potentia ad dissensum ponendum in sensu diviso à tali inspiratione, seu quod non possimus in sensu diviso à Gratia dissentire Deo vocanti; quis enim adeò hebes, ut non videat actum bonum; ac supernaturalem poni non posse, non præsuppositâ Divinâ excitatione supernaturali? Quare non videntur aptè satisfacere Thomistæ dicendo, locutiones Tridentini, & D. Thom. intelligendas esse de potentia resistendi materialiter, hoc est de potentia simpliciter non ponendi in sensu diviso actum, ad quem movet excitation, non de potentia resistendi formaliter, id est conjungendi non actum cum excitatione ad actum; nam si voluntas non potest omittere actum, seu pone-

re dissensum in sensu composito excitationis, in nullo bono sensu dicitur resistere excitationi.

Ratio à priori est; quia ad perfectam libertatem indifferentiæ (quam in natura lapia dari, infra ostendemus contra Jansenium, & Bajum, qui solum admittunt libertatem à coactione) requiritur potentia proxima, & expedita ad utramque partem contradictionis, atqui ad hoc ut habeatur potentia expedita, debet intelligi cum omnibus prærequisitis ad agendum, quæ non sunt in nostra potestate; ita ut cum iis possit componere tam actum, quam non actum; aliter omnes actus nostri necessarii dici possent liberi, ut patet consideranti; ergo ad libertatem indifferentiæ requiritur, ut potentia, politis omnibus requisitis ad agendum, possit agere, vel non agere in sensu composito, non in sensu diviso.

III. OBJIC. 1. Plura sunt prærequisita ad agendum ex parte voluntatis, quæ tamen non possunt conjungi cum omissione actûs, nec tamen obstant libertati; ergo falsum est, quod potentia libera debeat posse componere cum omnibus requisitis tam agere, quam non agere. Antecedens probatur primò, quia ut voluntas possit ponere actum liberum, puta amorem, requiritur concursus, seu decretum Dei de concurrendo ad amorem. Secundò requiritur efficax imperium intellectûs. Tertiò determinatio voluntatis, quâ ipsa se determinet ad agendum. Quartò prædefinitio actuum bonorum. Quintò gratia Dei efficax: quæ omnia ita prærequiruntur ad actionem, ut non possint cum non actione componi, nec libertati officiant; ergo.

IV. Resp. nego antecedens. Ad probationem dico ad primûm: In potentia libera non prærequiri ex parte actûs primi concursum determinatum ad actum, sed concursum indifferentem ad utrumlibet, & decretum de exhibendo hoc concursu indifferenti; quæ omnia sunt compossibilia cum non actione: Concursus verò Dei determinatus in actu secundo ad amorem v. g. non prærequiritur ad amorem, sed identificatur cum ipsa actione, quæ proce-

procedit amor (& probabilius cum eodem amore , si hic non procedat per actionem distinctam) unde licet sit impossibile cum non actione , non obstat libertati.

V. Ad secundum. Imperium intellectus, quo voluntas determinetur ad actum liberum, non prærequiritur ad omnes actus liberos voluntatis; & quando illud datur , si in potestate voluntatis est applicare intellectum ad ponendum huiusmodi imperium, non verò ad eliciendum actum imperatum, tunc datur libertas in voluntate solum ad determinandum intellectum ad producendum imperium, quin detur libertas immediata ad actum imperatum; si verò (ut nonnulli putant) sit in potestate voluntatis tam determinare intellectum ad imperium, quam seipsam ad actum, tunc habetur libertas immediata etiam ad actum, sed imperium non erit prærequisitum; quod hic supponendum est.

VI. Ad tertium. Voluntas determinatur ad agendum in actu secundo per ipsam actionem, quæ, ut diximus, probabilius identificatur cum ipso actu; unde licet determinatio voluntatis sit impossibile cum non actu, non spectat tamen ad prærequisita ex parte actus primi. Et quamvis hoc ipsum doceant Thomistæ Recentiores de præmotione physica, quòd scilicet se teneat ex parte actus secundi; non verò ex parte actus primi; sicut per nos ipsa actio, & determinatio voluntatis, quæ seipsam determinat: At in sententia Thomistarum omnium, siue dicatur prædeterminatio se tenere ex parte actus primi, siue ex parte actus secundi (quod in casu erit quæstio de voce) inconcussum est, quòd deficiente prædeterminatione, actus liber prodire non possit ex defectu alicujus prærequisiti, non secus ac in nostra sententia sine concursu indifferenti Dei: ideo enim à Thomistis voluntas dicitur à Deo prædeterminari, non verò determinari, quia in priori ad determinationem voluntatis dari debet ista prædeterminatio, tanquam prærequisitum; ergo ut stet libertas cum

cum hac prædeterminatione prærequilita, deberet cum illa esse compossibilis tam actio, quam non actio, sicut est compossibilis per nos cum concursu indifferenti.

Neque dicant Thomistæ, non officere libertati præmotionem esse prærequiritam ad actum, & esse impossibilem cum non actu, quia ex August. *Deus magis continet in se voluntates nostras, quam ipsi nostras*; unde si determinatio ad actum liberum proveniens à voluntate non officit libertati, quamvis sit impossibile cum non actu, quia ab ipsamet voluntate procedit, neque officiet libertati prædeterminatio, quæ procedit à Deo continente in se perfectiori modo voluntates nostras: Præsertim quia Deus est primum ens, prima causa, primus motor; unde sicut ad esse creaturæ prærequiritur esse Dei, ita ad actionem, & motum creaturæ prærequiritur actio, & motio Dei.

Nam contra est, quia si ad determinationem liberam creaturæ prærequireretur prædeterminatio Dei, eo ipso potentia libera creata sub hoc prærequisito non posset componi cum non actu: ergo ex dictis non esset libera. Verum quidem est, Deum continere voluntates nostras in se ipso perfectiori modo, quam sint in nobis, sed hoc solum facit, quod possit Deus ineluctabiliter à nostra voluntate actum extorquere, vel necessarium, prædeterminando ad illum, vel liberum, exhibendo auxilium indifferens prævisum efficax; non tamen facit, quod possit actum liberum extorquere prædeterminando ad illum: sicut non potest è contra actum necessarium extorquere præbendo omnia principia indifferentia. Quod verò Deus sit primum ens, prima causa, sequitur solum, quod causa secunda pendeat à Deo tum in essendo, tum in operando, quatenus operationem ponere non potest, nisi præhabeat à Deo esse, & sibi præofferatur concursus ad agendum; at non proinde Deus debet ad actum liberum prædeterminare; nam etiam si voluntas se determine t, & eligat

eligat amorem præ odio, & in hoc sensu creatura sit primum determinans, seu primum eligens, non per hoc creatura erit primum operans; cum non operetur, nec se determinet per operationem, nisi ratione virtutis à Deo acceptæ ad operandum, ac se determinandum.

Confirm. Hæc omnia, quia quamvis à Thomistis dicatur prædeterminatio se habere perinde ac actio distincta ab actu libero, & ideo se tenere ex parte actûs secundi, at si actio, quâ ponitur actus, non sit in manu voluntatis, nec actus dicitur esse in manu voluntatis, seu liber; quis enim dixerit, Petrum v. g. liberè sedere, si ab alto determinetur ad sedendum? ergo cum prædeterminatio ad actum non sit in manu voluntatis, actus prædeterminatus non erit liber.

VII. Ad quartum: præfinitio actûs boni, si antecedat scientiam mediam, in mea sententia libertatem violabit, quamvis nonnulli Recentiores id negent, quia scilicet hujusmodi prædefinitio, quamvis sit impossibilis cum non actu, & antecedat actum, non est tamen prærequisita ad illum; unde non se tenet ex parte actûs primi proximi, sed remoti. Verùm quicquid sit de hac sententia, de qua in tractatu de gratia, dicimus, prædefinitionem consequentem ad scientiam mediam nullatenus libertatem violare, quia eo ipso, quod consequitur scientiam mediam de actu, consequitur ipsum actum, quem supponit prævisum per talem scientiam conditionatam, hoc est sub hypothese, quod detur tale auxilium. Quare quando Deus vult, seu prædefinit sub eo auxilio præviso efficaci actum, tunc actus adæquatè procedit ab eo auxilio indifferenti, non verò à prædefinitione, quæ nec est causa actûs, nisi mediata, nec est prærequisita ad illum; unde libertati non obstat; sicut nec obstat libertati actûs ejus præscientia. Hinc sicuti si peccatum Antichristi v. gr. ab æterno à Deo prævisum non poneretur, non falsificaretur Dei præscientia, sed talis præscientia non præfuisset;

itā si non poneretur actus prædefinitus, non frustraretur prædefinitio, sed ea non præfuisset. Et quamvis sola præfinitio videatur causare actum præfinitum, non verò præscientia actum præscitum; non per hoc prædefinitio consequens scientiam mediam libertatem violat; quia Deus præfiniendo actum, solum vult ponere auxilium indifferens ex intentione actus inde secuturi; itā ut præfinitio Divina nullatenus influat immediatē in actum; cum hic prodeat adæquatē ab auxilio indifferenti, perinde ac si Deus cæco modo illud contulisset; nec ullo pacto modum operandi voluntatis immutat per prædefinitionem, ut docent Suar., Granad., Ruiz; Amic., Arriag. contra Vasquez, Alarcon, Errice; quod etiam in de Gratia examinandum.

VII. Ad ultimum, Gratia efficax in actu primo, quæ prærequiritur ad operationem liberam voluntatis creatæ, sumpta materialiter, & specificativè itā antecedit actum liberum, ut possit etiam cum non actu componi; at sumpta formaliter, & reduplicativè, seu prout conditionatè prævisa effectum habitura, non antecedit actum, nec est prærequisita, sed potius ad actum consequitur, quem supponit prævisum, & conditionatè futurum; unde libertati non officit. Etenim gratia efficax in quantum efficax in actu primo præter auxilium indifferens, importat etiam prævisionem actus futuri conditionatè, si detur illud auxilium, & sub hac ratione est impossibilis cum non actu sine læsione libertatis: Sicut enim voluntas v.g. amans specificativè sumpta potest odisse, secus verò sumpta reduplicativè, seu prout importat potentiam liberam simul cum amore, quin per hoc amor officiat libertati; itā gratia efficax specificativè sumpta potest componi cum dissensu, non verò sumpta reduplicativè, prout importans auxilium simul cum prævisione per scientiam mediam, quod esset conjungendum cum consensu, si daretur, quin per hoc gratia efficax opponatur libertati; quan-

quandoquidem prævisio actûs, per quam gratia efficax formaliter sumpta constituitur, non antecedit, sed supponit ipsum actum liberum, & ad illum consequitur; quod fusiùs in de Gratia *disp.* 3. ubi directè prædeterminatio Bagneziana impugnabitur, & ostendetur, gratiam efficacem in actu primo constitui per ipsam entitatem gratiæ, seu auxilii in differentis, & per futuritionem conditionatam consensûs, seu per scientiam medianam de illo; gratiam verò efficacem in actu secundo constitui per auxilium in differentis simul cum ipso consensu, seu cum cooperatione voluntatis liberè se determinantis ad consensum, exhibito à Deo concursu indifferenti.

IX. OBJIC. 2. Gratia sanctificans ità est prærequisita ad meritum de condigno, ut non possit componi cum demerito, quin tamen hujusmodi impossibilitas obstat libertati; ergo ad libertatem non requiritur, quòd omnia prærequisita ad actum componi possint cum non actu.

Confirm. Quia Prædestinatio est prærequisita ad salutem, & est impossibilis cum damnatione, nec tollit libertatem ad salutem procurandam; ergo ut prius.

Resp. Gratiam sanctificantem non esse prærequisitam ad actum de condigno meritorium specificativè sumptum, sed esse requisitam ad actum meritorium reduplicativè; sub qua ratione talis actus non est nobis liber, cum non sit liberum nobis efficere, quòd actus noster sit meritorius de condigno; ad hoc enim requiritur Gratia, quam habere non possumus, nisi ex Divina benignitate, ac liberalitate; & in præsentī providentia solùm mediata illa est libera nobis in causa, videlicet in contritione, aut in susceptione Sacramenti.

Ad confirm. Prædestinatio (non secùs ac prædefinitio consequens scientiam medianam) cum fiat dependenter à prævisione meritorum, est in potestate prædestinati; quia non est prærequisita ex parte libertatis, nec influit in ope-

ra

ra meritoria, nili dependenter ab auxiliis indifferentibus. Quare sicut potest prædestinatus non ponere operationes meritorias liberas, ad quas consequitur prædefinitio consequens, & prædestinatio, ita potest impedire indirectè huiusmodi prædefinitioem, & suam prædestinationem: Ad eum modum quo Antichristus potens non peccare, potest indirectè impedire præscientiam peccati, & suam Reprobationem. Verum quidem est, quòd nemo salvabitur, qui non sit ab æterno prædestinatus; at hinc non sequitur, quòd prædestinatio sit prærequisita ex parte libertatis, ita ut influat in opera meritoria, cum solum prærequiratur ex perfectione Divinæ voluntatis, & providentiæ, ut dicemus in de Gratia *disp. 2. qu. 2.* ostendendo contra nonnullos Recentiores, quòd in omni providentia requiratur prædefinitio actûs boni consequens ad scientiam mediam: cæterum sicut nemo damnabitur, quin præfuerit ab æterno præscientia suorum delictorum; nec tamen hæc præscientia officit libertati voluntatis creatæ; quia non prærequiritur ex parte libertatis, ut influat in actus malos, sed prærequiritur ex perfectione intellectûs Divini; ita nemo salvabitur, quin fuerit ab æterno prædestinatus; neque officit libertati talis prædestinatio.

Q U Æ S T I O IV.

Utrum libertas sit actui intrinseca, & essentialis, an accidentalis, & extrinseca?

I. **E** Sse extrinsecam, & accidentalem actui, docent Vasq. in 1. 2. *disp. 34. cap. 3.* Salas, Ovied. Arriag. *disp. 8. de anima sect. 4.* Esse verò accidentalem actui, sed essentialem actioni, docet Lincæus, & videtur consentire Suar. in 1. 2. *tract. 2. disp. 1. num. 21.* Demum esse actui essentialem, docet Hurta. *disp. 15. de anima sect. 2.* Maur., Espar., Pallav., Reques., & alii Recentiores; Actus tamen externos non esse essentialiter liberos, docent communissimè; nam actus externus, v.g. mentiendi,

tiendi seu blasphemia idem omnino intrinsece invariatus, potest imperari ab infano per voluntatem necessariam & ab ea denominari actus necessarius, & potest deinde imperari ex deliberatione ab homine utente ratione, & sic denominari liber. Utrum autem pariformiter idem actus internus prodire possit tum à potentia volitiva libera seu prædita omnibus requisitis ad agendum, vel non agendum, ut sunt iudicium indifferens, & concursus Dei paratus ad utramque partem, & sic denominari liber; tum à potentia volitiva determinata ad unum, & sic denominari per denominationem partim intrinsecam, identificatam cum actu, & partim extrinsecam identificatam cum potentia, actus necessarius? his est apud Doctores. Qui docent, libertatem esse actui intrinsecam, & essentialem, dicunt, in actu procedente à potentia libera dari tendentiam quamdam specialem, quæ non reperitur in actu necessario, sicuti datur specialis tendentia in actu desiderii, quæ non habetur in actu gaudii; & specialis tendentia in actu scientifico; quæ non datur in actu opinativo. Qui vero docent, libertatem esse actui accidentalem, docent, eundem actum posse à libero evadere necessarium, & è contra per meram variationem potentie modò indifferents ad utramque partem, modò determinatæ ad unam; Sicuti quia actui de objecto contingenti veritas est accidentalis, & per denominationem partim intrinsecam, partim extrinsecam potest idem actus iudicativus, v. gr. Petrus sedet, non solum esse aut verus, si Petrus sedeat, aut falsus, si non sedeat; sed etiam potest juxta multorum sententiam aliquando mutari de vero in falsum.

II. Dico equidem, libertatem cuiusvis actui libero esse essentialem, unde nequit actus transire de libero in necessarium; aut è converso.

Explicatur conclusio exemplo actus desiderii: Hic actus ita essentialiter est desiderii, ut non possit evadere actus gaudii per meram variationem extrinsecam objecti, quod

quòd de absente fiat præsens; quia scilicet vitalis illa tendentia, quæ est in actu desiderii relatè ad bonum absens, est illi intrinseca, & essentialis, atque adeò omnino diversa à tendentia, quæ est in actu gaudii relatè ad bonum præsens. Eodem pacto dicimus, actum liberum esse essentialiter liberum, nec posse evadere necessarium per meram varietatem extrinsecam aut iudicii indifferentis, aut concursus Dei parati ad utramque partem; quia scilicet vitalis illa tendentia, quæ est in actu libero repudiante partem oppositam, est pariter intrinseca, & essentialis; Et sicut desiderium non est sola prosecutio objecti, quandoquidem in hoc convenit cum gaudio; sed est pariter quidam motus animi tendentis in bonum absens, per quem intrinsecè à gaudio discriminatur: ita dicimus, actum liberum, ex. gr. amorem temperantiæ, non esse solum prosecutionem temperantiæ, in qua convenit cum amore necessario ejusdem boni, sed etiam esse talem tendentiam in bonum temperantiæ, ut simul respiciat bonum delectabile oppositum intemperantiæ, repudiando illud; & per hujusmodi tendentiam intrinsecè discriminari ab amore temperantiæ necessario, & esse pugnacem, & contentiosum.

PROB. conclusio sufficienter explicata, quia exercitium libertatis, seu libertas in actu secundo, est prælatio, seu præelectio unius boni, puta temperantiæ præ altero impossibili, puta præ bono delectabili opposito intemperantiæ, quod postponitur, ac repudiatur; atqui hæc prælatio, & præelectio est essentialiter intrinseca actui libero; ergo libertas in actu secundo est actui intrinseca, & essentialis. Major est certa. Minor probatur, quia in actu libero præferente unum bonum alteri oppositum, habetur diversus modus tendendi (experientiâ etiam teste) ac in actu necessario; per actum enim necessarium voluntas rapitur à bono ineluctabiliter; per actum verò liberum voluntas veluti hinc inde abripitur, &

tantum vi suâ determinatur ad amplexum unius boni, & repudium alterius; quod repudium ideo dici solet virtuale, quia non est odium formale, sed virtuale alterius boni repræsentati ut mali, ratione impossibilitatis cum priori bono; Est tamen huiusmodi repudium quædam formalis resistantia, & contrantenitia allicientia quæ habetur à bono, quod repudiatur. Porro hæc resistantia cum victoria voluntatis explicatur per particulam, *Quamvis*; nam voluntas liberè amans v. gr. temperantiam, veluti dicit, *Prosequor temperantiam, quamvis alliciar etiam à bono delectabili intemperantia, quod nolo prosequi.* Quod ulterius explicari potest exemplo materiali; licet enim si quis ex. gr. indutus ferro trahatur hinc inde à magnete resistibiliter, & velit in alteram partem se movere, certè experitur in motu quandam vitalem resistantiam virtuti magneticæ in partem adversam attrahenti, quam non experiretur, si solum à magnete traheretur versùs illam partem, ad quam movetur; ità si quis hinc inde alliciat à duobus bonis impossibilibus, dum vult prosequi bonum A, experitur pugnam, ac resistantiam quandam voluntatis allicientia boni B, quam pugnam non experiretur, si tantum à bono A per actum necessarium traheretur. Breviter: prælatio, & præelectio unius partis cum renitentia, & repudio alterius est actui libero essentialis; non secùs ac resistantia vitalis virtuti magneticæ; ergo libertas est actui essentialis.

III. Confirm. Conclusio duplici paritate; & primò quidem scientiæ, & opinionis; nam actus scientiæ, & actus opinionis relatè ad idem objectum, non discriminantur solum extrinsecè, quia scilicet actus scientiæ præsupponit cognitionem claram, & opinio obscuram; sed etiam intrinsecè, etiam si sit uterque actus ex eodem motivo diversimodè cognito; cum scientia sit prosecutio veri firma, opinio verò trepida saltem virtualiter, unde est amplexus unius partis cum resistantia, & contranitentia alteri

teri parti, trahenti in partem oppositam; ergo etiam actus liber discriminatur à necessario per tendentias diversas explicatas. Ubi advertis, quòd sicut actus opinativus essentialiter, & intrinsecè differt à scientifico, non solum si dicat trepidationem actualem, sed etiam si habeat radicalem; quia tendentia illa in objectum negativè firma, est quædam exercita resistentia parti oppositæ, & explicatur à logicis per particulam *Quamvis*, quia opinans veluti dicit, Adhæreo huic objecto, quamvis etiam in alteram partem incliner, ut proinde verfer in periculo errandi: ita actus liber essentialiter differt à necessario, non solum si repudiet formaliter actu fugæ bonum impossibile, sed etiam si repudiet virtualiter, quia repudium virtuale fert quædam resistentiam allicientiæ boni oppositi, quæ pariter explicatur per ly, *Quamvis* incliner in alteram partem.

Secundò confirmatur paritate adductâ desiderii, & gaudii importantium tendentias in idem objectum essentialiter diversas. Certè si bonum absens, quod desideratur, evadat præsens, non posset idem actus desiderii invariatus evadere gaudium per solam variationem extrinsecam absentia in præsentiam; ergo si bonum temperantiæ ametur amore libero sub iudicio indifferenti, non potest eodem actu amari necessario, per hoc præcisè, quòd varietur extrinsecè iudicium indifferens, nec amor Dei liber potest invariatus prædire à visione beatifica, & denominari necessarius. *Prob. consequentia*, Ideo primum, quia in desiderio est quidam motus proprius desiderii exigens essentialiter absentiam objecti, quamvis absentia nullatenus influat in actum, unde variatâ absentia, tollitur ille motus proprius desiderii, & succedit novus actu, qui sit gaudium, atqui eodem pacto in actu libero habetur non solum prosecutio objecti A, sed quædam resistentia objecto B impossibili, quod repudiatur; quæ reperiri non potest in voluntate, quando non est libera ad utramque

procedit amor (& probabilius cum eodem amore , si hic non procedat per actionem distinctam) unde licet sit impossibile cum non actione , non obstat libertati.

V. Ad secundum. Imperium intellectus, quo voluntas determinetur ad actum liberum, non praequiritur ad omnes actus liberos voluntatis; & quando illud datur , si in potestate voluntatis est applicare intellectum ad ponendum huiusmodi imperium, non verò ad eliciendum actum imperatum, tunc datur libertas in voluntate solum ad determinandum intellectum ad producendum imperium, quin detur libertas immediata ad actum imperatum; si verò (ut nonnulli putant) sit in potestate voluntatis tam determinare intellectum ad imperium, quam seipsam ad actum, tunc habetur libertas immediata etiam ad actum, sed imperium non erit praequisitum; quod hic supponendum est.

VI. Ad tertium. Voluntas determinatur ad agendum in actu secundo per ipsam actionem, quæ, ut diximus, probabilius identificatur cum ipso actu; unde licet determinatio voluntatis sit impossibile cum non actu, non spectat tamen ad praequisita ex parte actus primi. Et quamvis hoc ipsum doceant Thomistæ Recentiores de præmotione physica, quòd scilicet se teneat ex parte actus secundi; non verò ex parte actus primi; sicut per nos ipsa actio, & determinatio voluntatis, quæ seipsam determinat: At in sententia Thomistarum omnium, siue dicatur prædeterminatio se tenere ex parte actus primi, siue ex parte actus secundi (quod in casu erit quæstio de voce) inconcussum est, quòd deficiente prædeterminatione, actus liber prodire non possit ex defectu alicujus praequisiti, non secus ac in nostra sententia sine concursu indifferenti Dei: ideo enim à Thomistis voluntas dicitur à Deo prædeterminari, non verò determinari, quia in priori ad determinationem voluntatis dari debet ista prædeterminatio, tanquam praequisitum; ergo ut stet libertas cum

cum hac prædeterminatione prærequilita, deberet cum illa esse composibilis tam actio, quam non actio, sicut est composibilis per nos cum concursu indifferenti.

Neque dicant Thomistæ, non officere libertati præmotionem esse prærequiritam ad actum, & esse impossibilem cum non actu, quia ex August. *Deus magis continet in se voluntates nostras, quam ipsi nostras*; unde si determinatio ad actum liberum proveniens à voluntate non officit libertati, quamvis sit impossibile cum non actu, quia ab ipsamet voluntate procedit, neque officiet libertati prædeterminatio, quæ procedit à Deo continente in se perfectiori modo voluntates nostras: Præsertim quia Deus est primum ens, prima causa, primus motor; unde sicut ad esse creaturæ prærequiritur esse Dei, ita ad actionem, & motum creaturæ prærequiritur actio, & motio Dei.

Nam contra est, quia si ad determinationem liberam creaturæ prærequireretur prædeterminatio Dei, eo ipso potentia libera creata sub hoc præ requisito non posset componi cum non actu: ergo ex dictis non esset libera. Verum quidem est, Deum continere voluntates nostras in se ipso perfectiori modo, quam sint in nobis, sed hoc solum facit, quod possit Deus ineluctabiliter à nostra voluntate actum extorquere, vel necessarium, prædeterminando ad illum, vel liberum, exhibendo auxilium indifferens prævisum efficax; non tamen facit, quod possit actum liberum extorquere prædeterminando ad illum: sicut non potest è contra actum necessarium extorquere præbendo omnia comprincipia indifferentia. Quod verò Deus sit primum ens, prima causa, sequitur solum, quod causa secunda pendeat à Deo tum in essendo, tum in operando, quatenus operationem ponere non potest, nisi præhabeat à Deo esse, & sibi præofferatur concursus ad agendum; at non proinde Deus debet ad actum liberum prædeterminare; nam etiam si voluntas se determinet, & eligit

eligat amorem præ odio, & in hoc sensu creatura sit primum determinans, seu primum eligens, non per hoc creatura erit primum operans; cum non operetur, nec se determinet per operationem, nisi ratione virtutis à Deo acceptæ ad operandum, ac se determinandum.

Confirm. Hæc omnia, quia quamvis à Thomistis dicatur prædeterminatio se habere perinde ac actio distincta ab actu libero, & ideo se tenere ex parte actus secundi, at si actio, quæ ponitur actus, non sit in manu voluntatis, nec actus dicitur esse in manu voluntatis, seu liber; quis enim dixerit, Petrum v. g. liberè sedere, si ab alio determinetur ad sedendum? ergo cum prædeterminatio ad actum non sit in manu voluntatis, actus prædeterminatus non erit liber.

VII. Ad quartam: præfinitio actus boni, si antecedit scientiam mediam, in mea sententia libertatem violabit, quamvis nonnulli Recentiores id negent, quia scilicet huiusmodi prædefinitio, quamvis sit impossibilis cum non actu, & antecedit actum, non est tamen prærequisita ad illum; unde non se tenet ex parte actus primi proximi, sed remoti. Verum quicquid sit de hac sententia, de qua in tractatu de gratia, dicimus, prædefinitionem consequentem ad scientiam mediam nullatenus libertatem violare, quia eo ipso, quod consequitur scientiam mediam de actu, consequitur ipsum actum, quem supponit prævisum per talem scientiam conditionatam, hoc est sub hypothese, quod detur tale auxilium. Quare quando Deus vult, seu prædefinit sub eo auxilio præviso efficaci actum, tunc actus adæquatè procedit ab eo auxilio indifferenti, non verò à prædefinitione, quæ nec est causa actus, nisi mediata, nec est prærequisita ad illum; unde libertati non obstat; sicut nec obstat libertati actus ejus præscientia. Hinc sicut si peccatum Antichristi v. gr. ab æterno à Deo prævisum non poneretur, non falsificaretur Dei præscientia, sed talis præscientia non præfuisset;

ita

itā si non poneretur actus prædefinitus, non frustraretur prædefinitio, sed ea non præfuisset. Et quamvis sola præfinitio videatur causare actum præfinitum, non verò præfinitia actum præscitum; non per hoc prædefinitio consequens scientiam mediam libertatem violat; quia Deus præfiniendo actum, solum vult ponere auxilium indifferens ex intentione actus inde secuturi; itā ut præfinitio Divina nullatenus influat immediate in actum; cum hic prodeat adæquatè ab auxilio indifferenti; perinde ac si Deus cæco modo illud contulisset; nec ullo pacto modum operandi voluntatis immutat per prædefinitionem, ut docent Suar., Granad., Ruiz; Amic., Arriag. contra Vasquez, Alarcon, Errice; quod etiam in de Gratia examinandum.

VII. Ad ultimum, Gratia efficax in actu primo, quæ prærequiritur ad operationem liberam voluntatis creatæ, sumpta materialiter, & specificativè itā antecedit actum liberum, ut possit etiam cum non actu componi; at sumpta formaliter, & reduplicativè, seu prout conditionatè prævisa effectum habitura, non antecedit actum, nec est prærequisita, sed potius ad actum consequitur, quem supponit prævisum, & conditionatè futurum; unde libertati non officit. Etenim gratia efficax in quantum efficax in actu primo præter auxilium indifferens, importat etiam prævisionem actus futuri conditionatè, si detur illud auxilium, & sub hac ratione est impossibilis cum non actu sine læsione libertatis: Sicut enim voluntas v.g. amans specificativè sumpta potest odisse, secus verò sumpta reduplicativè, seu prout importat potentiam liberam simul cum amore, quin per hoc amor officiat libertati; itā gratia efficax specificativè sumpta potest componi cum dissensu, non verò sumpta reduplicativè, prout importans auxilium simul cum prævisione per scientiam mediam, quod esset conjungendum cum consensu, si daretur, quin per hoc gratia efficax opponatur libertati; quan-

quandoquidem prævisio actûs, per quam gratia efficax formaliter sumpta constituitur, non antecedit, sed supponit ipsum actum liberum, & ad illum consequitur; quod fusiùs in de Gratia *disp.* 3. ubi directè prædeterminatio Bagneziana impugnabitur, & ostendetur, gratiam efficacem in actu primo constitui per ipsam entitatem gratiæ, seu auxilii in differentis, & per futuritionem conditionatam consensûs, seu per scientiam medianam de illo; gratiam verò efficacem in actu secundo constitui per auxilium indifferens simul cum ipso consensu, seu cum cooperatione voluntatis liberè se determinantis ad consensum, exhibitò à Deo concursu indifferenti.

IX. OBJIC. 2. Gratia sanctificans ità est prærequisita ad meritum de condigno, ut non possit componi cum demerito, quin tamen hujusmodi impossibilitas obstat libertati; ergo ad libertatem non requiritur, quòd omnia prærequisita ad actum componi possint cum non actu.

Confirm. Quia Prædestinatio est prærequisita ad salutem, & est impossibilis cum damnatione, nec tollit libertatem ad salutem procurandam; ergo ut prius.

Resp. Gratiam sanctificantem non esse prærequisitam ad actum de condigno meritorium specificativè sumptum, sed esse requisitam ad actum meritorium reduplicativè; sub qua ratione talis actus non est nobis liber, cum non sit liberum nobis efficere, quòd actus noster sit meritorius de condigno; ad hoc enim requiritur Gratia, quam habere non possumus, nisi ex Divina benignitate, ac liberalitate; & in præsentì providentia solùm mediata illa est libera nobis in causa, videlicet in contritione, aut in susceptione Sacramenti.

Ad confirm. Prædestinatio (non secùs ac prædefinitio consequens scientiam medianam) cum fiat dependenter à prævisione meritorum, est in potestate prædestinati; quia non est prærequisita ex parte libertatis, nec influit in opera

ra meritoria, nisi dependenter ab auxiliis indifferentibus. Quare sicut potest prædestinatus non ponere operationes meritorias liberas, ad quas consequitur prædefinitio consequens, & prædestinatio, ita potest impedire indirectè huiusmodi prædefinitioem, & suam prædestinationem: Ad eum modum quo Antichristus potens non peccare, potest indirectè impedire præscientiam peccati, & suam Reprobationem. Verum quidem est, quòd nemo salvabitur, qui non sit ab æterno prædestinatus; at hinc non sequitur, quòd prædestinatio sit prærequisita ex parte libertatis, ita ut influat in opera meritoria, cum solum prærequiratur ex perfectione Divinæ voluntatis, & providentiæ, ut dicemus in de Gratia *disp. 2. qu. 2.* ostendendo contra nonnullos Recentiores, quòd in omni providentia requiratur prædefinitio actūs boni consequens ad scientiam mediam: cæterum sicut nemo damnabitur, quin præfuerit ab æterno præscientia suorum delictorum; nec tamen hæc præscientia officit libertati voluntatis creatæ; quia non prærequiritur ex parte libertatis, ut influat in actus malos, sed prærequiritur ex perfectione intellectūs Divini; ita nemo salvabitur, quin fuerit ab æterno prædestinatus; neque officit libertati talis prædestinatio.

Q U Æ S T I O IV.

Utrum libertas sit actui intrinseca, & essentialis, an accidentalis, & extrinseca?

I. **E** Sse extrinsecam, & accidentalem actui, docent Vasq. in 1. 2. *disp. 34. cap. 3.* Salas, Ovied. Arriag. *disp. 8. de anima sect. 4.* Esse verò accidentalem actui, sed essentialem actioni, docet Lincæus, & videtur consentire Suar. in 1. 2. *tract. 2. disp. 1. num. 21.* Deum esse actui essentialem, docet Hurta. *disp. 15. de anima sect. 2.* Maur., Espar., Pallav., Reques., & alii Recentiores; Actus tamen externos non esse essentialiter liberos, docent communissimè; nam actus externus, v.g. men-

Pars II.

V

tiendi,

tiendi seu blasphemia di, idem omnino intrinsece invariatus, potest imperari ab infano per volitionem necessariam & ab ea denominari actus necessarius, & potest deinde imperari ex deliberatione ab homine utente ratione, & sic denominari liber. Utrum autem pariformiter idem actus internus prodire possit tum à potentia volitiva libera seu prædita omnibus requisitis ad agendum, vel non agendum, ut sunt iudicium indifferens, & concursus Dei paratus ad utramque partem, & sic denominari liber; tum à potentia volitiva determinata ad unum, & sic denominari per denominationem partim intrinsecam, identificatam cum actu, & partim extrinsecam identificatam cum potentia, actus necessarius? lis est apud Doctores. Qui docent, libertatem esse actui intrinsecam, & essentialem, dicunt, in actu procedente à potentia libera dari tendentiam quamdam specialem, quæ non reperitur in actu necessario, sicuti datur specialis tendentia in actu desiderii, quæ non habetur in actu gaudii; & specialis tendentia in actu scientifico; quæ non datur in actu opinativo. Qui verò docent, libertatem esse actui accidentalem, docent, eundem actum posse à libero evadere necessarium, & è contra per meram variationem potentia modò indifferentis ad utramque partem, modò determinatæ ad unam; Sicuti quia actui de objecto contingenti veritas est accidentalis, & per denominationem partim intrinsecam, partim extrinsecam potest idem actus iudicativus, v. gr. Petrus sedet, non solum esse aut verus, si Petrus sedeat, aut falsus, si non sedeat; sed etiam potest juxta multorum sententiam aliquando mutari de vero in falsum.

II. Dico equidem, libertatem cuiusvis actui libero esse essentialem, unde nequit actus transire de libero in necessarium; aut è converso.

Explicatur conclusio exemplo actus desiderii: Hic actus ita essentialiter est desiderii, ut non possit evadere actus gaudii per meram variationem extrinsecam objecti, quod

quòd de absente fiat præsens; quia scilicet vitalis illa tendentia, quæ est in actu desiderii relatè ad bonum absens, est illi intrinseca, & essentialis, atque adeò omnino diversa à tendentia, quæ est in actu gaudii relatè ad bonum præsens. Eodem pacto dicimus, actum liberum esse essentialiter liberum, nec posse evadere necessarium per meram varietatem extrinsecam aut judicii indifferentis, aut concursus Dei parati ad utramque partem; quia scilicet vitalis illa tendentia, quæ est in actu libero repudiante partem oppositam, est pariter intrinseca, & essentialis; Et sicut desiderium non est sola prosecutio objecti, quandoquidem in hoc convenit cum gaudio; sed est pariter quidam motus animi tendentis in bonum absens, per quem intrinsecè à gaudio discriminatur: ità dicimus, actum liberum, ex.gr. amorem temperantiæ, non esse solum prosecutionem temperantiæ, in qua convenit cum amore necessario ejusdem boni, sed etiam esse talem tendentiam in bonum temperantiæ, ut simul respiciat bonum delectabile oppositum intemperantiæ, repudiando illud; & per hujusmodi tendentiam intrinsecè discriminari ab amore temperantiæ necessario, & esse pugnacem, & contentiosum.

PROB. conclusio sufficienter explicata, quia exercitium libertatis, seu libertas in actu secundo, est prælatio, seu præelectio unius boni, puta temperantiæ præ altero impossibili, puta præ bono delectabili opposito intemperantiæ, quod postponitur, ac repudiatur; atqui hæc prælatio, & præelectio est essentialiter intrinseca actui libero; ergo libertas in actu secundo est actui intrinseca, & essentialis. Major est certa. Minor probatur, quia in actu libero præferente unum bonum alteri oppositum, habetur diversus modus tendendi (experientiâ etiam teste) ac in actu necessario; per actum enim necessarium voluntas rapitur à bono ineluctabiliter; per actum verò liberum voluntas veluti hinc inde abripitur, &

tantum vi suâ determinatur ad amplexum unius boni, & repudium alterius; quod repudium ideo dici solet virtuale, quia non est odium formale, sed virtuale alterius boni repræsentati ut mali, ratione impossibilitatis cum priori bono; Est tamen huiusmodi repudium quædam formalis resistantia, & contrantenitia allicientia quæ habetur à bono, quod repudiatur. Porro hæc resistantia cum victoria voluntatis explicatur per particulam, *Quamvis*; nam voluntas liberè amans v. gr. temperantiam, veluti dicit, *Prosequor temperantiam, quamvis alliciar etiam à bono delectabili intemperantia, quod nolo prosequi.* Quod ulterius explicari potest exemplo materiali; licet enim si quis ex. gr. indutus ferro trahatur hinc inde à magnete resistibiliter, & velit in alteram partem se movere, certè experitur in motu quandam vitalem resistantiam virtuti magneticæ in partem adversam attrahenti, quam non experiretur, si solum à magnete traheretur versùs illam partem, ad quam movetur; ità si quis hinc inde alliciat à duobus bonis impossibilibus, dum vult prosequi bonum A, experitur pugnam, ac resistantiam quandam voluntatis allicientia boni B, quam pugnam non experiretur, si tantum à bono A per actum necessarium traheretur. Breviter: prælatio, & præelectio unius partis cum renitentia, & repudio alterius est actui libero essentialis; non secùs ac resistantia vitalis virtuti magneticæ; ergo libertas est actui essentialis.

III. Confirm. Conclusio duplici paritate; & primò quidem scientiæ, & opinionis; nam actus scientiæ, & actus opinionis relatè ad idem objectum, non discriminantur solum extrinsecè, quia scilicet actus scientiæ præsupponit cognitionem claram, & opinio obscuram; sed etiam intrinsecè, etiam si sit uterque actus ex eodem motivo diversimodè cognito; cum scientia sit prosecutio veri firma, opinio verò trepida saltem virtualiter, unde est amplexus unius partis cum resistantia, & contranitentia alteri

teri parti, trahenti in partem oppositam; ergo etiam actus liber discriminatur à necessario per tendentias diversas explicatas. Ubi advertis, quòd sicut actus opinativus essentialiter, & intrinsecè differt à scientifico, non solum si dicat trepidationem actualem, sed etiam si habeat radicalem; quia tendentia illa in objectum negativè firma, est quaedam exercita resistentia parti oppositæ, & explicatur à logicis per particulam *Quamvis*, quia opinans veluti dicit, Adhæreo huic objecto, quamvis etiam in alteram partem inclinet, ut proinde verset in periculo errandi: ita actus liber essentialiter differt à necessario, non solum si repudiet formaliter actu fugæ bonum impossibile, sed etiam si repudiet virtualiter, quia repudium virtuale fert quamdā resistentiam allicientia boni oppositi, quæ pariter explicatur per *ly*, Quamvis inclinet in alteram partem.

Secundò confirmatur paritate adductā desiderii, & gaudii importantium tendentias in idem objectum essentialiter diversas. Certè si bonum absens, quod desideratur, evadat præsens, non posset idem actus desiderii invariatus evadere gaudium per solam variationem extrinsecam absentia in præsentiam; ergo si bonum temperantiæ ametur amore libero sub iudicio indifferenti, non potest eodem actu amari necessario, per hoc præcisè, quòd varietur extrinsecè iudicium indifferens, nec amor Dei liber potest invariatus prædire à visione beatifica, & denominari necessarius. *Prob. consequentia*, Ideo primum, quia in desiderio est quidam motus proprius desiderii exigens essentialiter absentiam objecti, quamvis absentia nullatenus influat in actum, unde variatā absentia, tollitur ille motus proprius desiderii, & succedit novus actu, qui sit gaudium, atqui eodem pacto in actu libero habetur non solum prosecutio objecti A, sed quaedam resistentia objecto B impossibili, quod repudiatur; quæ reperiri non potest in voluntate, quando non est libera ad utramque

partem, siue libertas deficiat ex defectu iudicii indifferen-
 tus, siue ex defectu concursus Divini parati ad utrum-
 que, siue aliunde; ergo si actus è libero transcat in neces-
 sarium, variari debet entitativè, & intrinsecè.

IV. OBJIC. 1. Actus externus potest transire de libe-
 ro in necessarium, de non malo in malum, non enim a-
 ctio externa blasphemandi entitativè est diversa, si fiat ne-
 cessariò à dormiente, ac si fiat liberè à vigilante: ergo
 etiam actus internus potest invariatus mutari de libero in
 necessarium; & consequenter libertas non est intrinseca
 actui. *Prob. consequentia* primò, quia potest v. g. idem
 actus internus, quo quis per motum primò primum, a-
 deoque non liberum vult ulcisci, perseverare post perfe-
 ctam deliberationem. Secundò, quia potest amor liber
 pro instanti A positus conservari à Deo pro instanti B ne-
 cessariò, si scilicet deneget Deus concursum ad omissionem.
 Et ratio à priori est, quia potentia libera ad amo-
 rem est simul potentia ad odium, si sit libera libertate
 contrarietatis, & est potentia ad omissionem amoris,
 si sit libera libertate contradictionis, potentia autem,
 quæ simul est ad amorem, vel odium, non influit in a-
 morem, quatenus est potentia ad odium, sed quatenus
 est potentia ad amorem; ergo si pro secundo instanti in-
 fluat necessariò in amorem, poterit in eundem amorem
 influere, in quem pro primo instanti influebat liberè, seu
 cum potentia ad odium; sicuti potentia intellectiva, quæ
 est ad assensum, & dissensum pro instanti A, potest per
 imperium voluntatis in eodem primo instanti A pone-
 re assensum liberum; & deinde pro secundo instanti B po-
 test influere in eundem assensum, etiam si pro secundo in-
 stanti careat potentiâ ad dissensum, unde pro primo in-
 stanti intelligitur assentiri liberè, & præferre assensum
 dissensui; pro secundo verò intelligitur assentiri neces-
 sariò.

Confirm. In tantum prælatio, quæ exercetur per a-
 ctum

ctum liberum, dicitur importare tendentiam quandam, & essentialē actui libero, in quantum voluntas præferendo unum bonum alteri, putà bonum honestum temperantiæ bono delectabili intemperantiæ, resistit allicientiæ, quam habet à delectabilitate intemperantiæ; atqui resistentia isthæc non debet esse aliquid intrinsicè actui libero, ergo. *Probatur minor*, quia bene intelligitur voluntas resistere huic allicientiæ per hoc, quod illi non succumbat, & solum prosequatur bonum temperantiæ eodem actu, quo illud prosequeretur sine concursu Dei parato ad amorem intemperantiæ; ergo huiusmodi resistentia non est modus intrinsicè actui libero. Explicatur hoc tum paritate lapidis, qui dicitur resistere impellenti per hoc præcisè, quod non sinat se moveri; tum paritate caloris introducti in p̄līm, qui non est diversus, si in passō reperiatur frigus, cui debeat resistere, ac si non reperiatur, quamvis enim calor difficilius introducatur in passum frigidum ob resistentiam frigoris, at idem omnino calor introducitur, sive habeatur resistentia, sive non; ergo idem omninò amor temperantiæ habetur, sive voluntas liberè amet resistendo allicientiæ, quam habet à bono intemperantiæ, sive amet illam necessariò, & absque resistentia.

Resp. concesso antecedente, nego consequentiam. Disparitas est, quia actus externus habet eundem modum tendendi, sive imperetur ab actu libero, sive à necessario, sive ab actu interno bono, sive à malo; sicut idem v. gr. est calor productus, sive producat libere à Deo, sive producat necessario ab igne: contra verò actus internus liber habet modum tendendi diversum à necessario; cum debeat resistere motivis, & inclinationi in oppositum. Ad primam probationem, *nego assumptum*: actus vindictæ primò primus ex defectu advertentiæ, vel ex passione impediēte exercitium libertatis, non

potest invariatus liberè continuari, quia quatenus liber, est essentialiter contentiosus, & pugnax, persecutivus unius boni, & reiectivus alterius, quod non competit actui necessario. Ad secundam: amor liber non potest naturaliter conservari à Deo sine concursu parato ad utramque partem; sicut nequit conservari desiderium sine absentia objecti, nec actus opinativus cum cognitione clara: quòd si divinitus aliter conserventur, retinent proprium modum tendendi, ut explicavimus *disp. 1. q. 7. de actu vitali*, si divinitus ponatur in lapide, & non sit ab intrinseco juxta essentialiam ejus exigentiam.

Ad rationem à priori, *concessa majori, distingo minorem*: potentia libera ad amorem non influit ad amorem liberum, quatenus est potentia ad odium, sed solum quatenus est potentia ad amorè; ita tamen, ut essentialiter prærequirat potentiam ad odium, si sit libera libertate contrarietatis, *concedo*, ita ut potentiam ad odium in principio influxivo non prærequirat, *nego minorem, & consequentiam*. Amor liber præsupponere debet potentiam ad odium, non ut principium influens ad amorem, sed ut id, cujus inclinatio vincenda est per ipsum amorem; sicut absentia in objecto desiderii non requiritur, ut principium influens in desiderium, sed ut prærequisitum ad hoc, ut habeatur motus ille animi afflictivus proprius desiderantis. Sic etiam ad actum opinativum affirmantem, v. gr. Petrum sedere, requiritur potentia ad dissensum, non ut principium influens ad assensum, sed solum ut assensus opinativus habeat rationem repudii intentionalis relatè ad motiva inclinantia ad dissensum. Eodem modo in actu ingratitudinis præsупponi debet beneficium, non ut influat, sed ut prærequisitum necessarium ad hoc, ut actus ingratitudinis sit malus, & dissonus. Et universim potest impedimentum essentialiter prærequiri, non ut principium influens, sed velut materia, in quam actus exerceat suam victoriam.

Quod

Quod patet in sustentatione ponderis, ad quam gravitas; & impulsus non influit, sed solum prærequiritur tamquam hostis, qui per sustentationem vincatur; Idemque habetur, quando plura media ad eundem finem tendunt, & eligitur unum præ aliis; tunc enim in electionem solum influit medium illud, quod eligitur, alia verò media requiruntur, ut electio habeat vim repudii, & dicatur libera; eo pacto, quo quando in balance sunt pondera inæqualia, motus deorsum unius lancis causatur solum à pondere majore, quod in ea continetur; sed ut motus sit in tanto gradu velocitatis, & non majori, requiritur in altera lance pondus minus, cui obluetur.

Ad confirm. *nego minorem*; ad probationem *nego*, posse eodem modo inclinari ad amorem temperantiæ voluntatem, quando est indifferens, ac quando est determinata. Ad paritatem de lapide: resistentia quæ est à gravitate lapidis, est omnibò diversa ab illa, quæ est à potentia vitali; nam qui v. gr. sustentat pondus, resistendo illi vitaliter, debet vitaliter operari, ne succumbat oneri; ergo etiam voluntas eligens bonum A, debet vitaliter operari, ne trahatur à bono B; quando enim non habetur vis ab ipsa natura ad resistendum, debet resistentia causari per operationem vitalem, & ideò qui sustentat pondus, causat impulsu, quo resistat; atqui voluntas, quando est libera, cum habeat æquilibrem inclinationem ad utramque partem, non habet de se vim resistitivam: ergo debet actu positivo illam sibi comparare; voluntas enim proposito bono, inclinatur in illud magis, quam lapis in centrum; ergo sicut lapis debet vi impediri, ne feratur in centrum, ita voluntas vi, & actu positivo coerceri debet, ne feratur in bonum, quod repudiat: Sicut brachium v. gr. quod ratione suæ gravitatis tendit in centrum, non satis est, quòd mere negativè huic inclinationi resistat, sed debet actu positivo resistere, ne decidat.

Hinc est, quod in voluntate dentur habitus solum in ordine ad actus liberos, non in ordine ad necessarios; quia scilicet relatè ad actus liberos adjuvari debet voluntas ab habitu, non quidem ut prosequatur bonum; quod amplectitur, quia ad id natura sua determinatur; sed ut cum minori difficultate resistat inclinationi ad bonum, quod repudiat.

Ad paritatem de calore; sicut calor non habet diversum modum tendendi, siue procedat à potentia potente etiam producere frigus, siue non; ita non habet diversum modum tendendi, siue expellat frigus, siue non. Et ratio à priori est, quia calor natura sua est determinatus ad expellendum frigus, sine indifferentia ad expulsionem liberam, vel necessariam: contra verò voluntas est indifferens ad repudiandam inclinationem, & allicientiam boni oppositi, vel liberè, vel necessario; non secus ac intellectus est indifferens ad repudiandum per imperium voluntatis liberè, & ad repudiandum absque imperio voluntatis necessario motiva ad dissensum; cum possit objecto assentiri vel actu opinativo, mediata libero, vel actu scientifico necessario; ergo sicut paritas de calore non probat eundem esse intrinsecè actum opinativum, & scientificum; ita nec probat, posse eundem esse actum liberum necessarium cum sola variatione actui extrinseca.

V. OBJIC. 2. ex doctrina D. Thomæ. Bonum, & malum in voluntate se habent sicut verum, & falsum in intellectu; sed actus intellectus denominatur verus per denominationem partim intrinsecam cum ipso actu identificatam, & partim extrinsecam identificatam cum objecto; ergo etiam denominatio liberi, ac boni moraliter in actu voluntatis est partim intrinseca identificata cum actu, partim extrinseca identificata siue cum iudicio indifferenti, à quo actus denominatur liber, siue cum iudicio de conformitate cum prima regula honestatis, à quo denominatur bonus moraliter; atque adeò sicut potest actus
intelle-

intellectus esse contingenter verus, & mutari de vero in falsum, ita potest actus voluntatis esse contingenter liber, & bonus moraliter.

Confirm. 1. Quia actus liber, puta misericordiae, potest invariatus efficaciter pro secundo instanti imperari, v. gr. à charitate, in quo casu amitteret libertatem; ergo libertas est illi accidentalis.

Confirm. 2. Quia ipsa potentia libera est contingenter libera, & potest de libera transire in necessariam, si tollatur iudicium indifferens, vel concursus Dei paratus ad utrumque; ergo etiam actus liber erit liber contingenter.

Resp. Paritatem D. Th. inter intellectum & voluntatē consistere in hoc, quòd sicut intellectus habet operationes veras, & falsas, ita voluntas bonas, & malas; quamvis diversimodè tendat intellectus in verum, & voluntas in bonum, quare sicut ex hac paritate non evincitur, quòd sicut voluntas est formaliter libera relatè ad bonum, intellectus pariter sit formaliter liber relatè ad verum; ita nec infertur, quòd si quis actus intellectus sit verus per denominationem extrinsecam ab objecto, etiam actus aliquis voluntatis possit esse bonus, vel liber per extrinsecam denominationem. Imò si paritas teneret, deberet libertas, & bonitas identificari inadæquatè cum objecto, sicut identificatur veritas, quòd nemo dixerit.

Ad primam confirmationem: si supponamus, actus voluntatis imperatos esse formaliter, & immediatè liberos, falsum est, quòd in casu adducto actus imperatus amitteret libertatem; si verò supponamus cum communiori, carere libertate immediata, negandum, quòd remaneat invariatus actus ille misericordiae, quando imperatur; sicut actus amoris Dei liber promanans à fide non remanet invariatus, si succedat visio beatifica, nec motus primo primi, si succedat advertentia.

Ad secundam confirmationem, *Nego Consequentiam*,

ex

ex hoc, quod potentia viliva v.g. compleri possit prius ad videndum album, deinde ad nigrum, quis dixerit, visionem albi posse evadere visionem nigri? ergo ex hoc, quod voluntas compleri possit à Deo prius per concursum determinatum, deinde per indifferentem, aut vice-versa, non sequitur, quod actus voluntatis necessarius possit evadere liber, aut è contra; quia scilicet repudium explicatum, & resistentia propria actus liberi est huic intrinseca, & essentialis.

VI. OBJIC. Ultimò: sequeretur ex hac sententia, posse dari peccatum intrinsecè supernaturale, & connexum cum auxilio gratiæ supernaturali; sequela non potest admitti: quis enim dixerit, ad peccatum requiri gratiam per Christum, & gratiam ordinari ad peccatum? ergo nec id, unde sequitur. Probatür sequela, quia voluntas, quæ munita illustratione, & inspiratione Spiritûs Sancti supernaturali peccat liberè, non posset peccatum hoc ponere, quin intrinseca sua tendentia repudiet motiva in oppositum; ergo non posset dari peccatum hoc sine auxilio gratiæ supernaturali; atque adeò cum hoc auxilio peccatum esset essentialiter connexum.

Resp. Non repugnare peccatum essentialiter connexum cum auxilio gratiæ supernaturali, dummodo auxilium supernaturale non veniat ut principium influens, sed solum ut terminus, seu ut objectum, relatè ad peccatum. Nam si quis præditus auxilio supernaturali ad bene operandum habeat divinam revelationem de tali auxilio sibi præstito, & deinde aut discredat huic revelationi, aut auxilium illud contemnat; certè peccatum hoc sive infidelitatis, sive contemptûs; essentialiter supponit revelationem, quæ cum sit essentialiter vera, essentialiter supponit auxilium supernaturale; atque adeò peccatum hoc essentialiter connectitur cum auxilio supernaturali, quin pròinde dici possit peccatum supernaturale, cum non indigeat gratiâ supernaturali ad hoc, ut in ipsum influat, sed solum

lūm ea requiratur ut objectum, & terminus revelationis cui discreditor. Præterea qui Deum odit in quantum auctorem supernaturalitatis, eo ipso peccat peccato essentialiter connexo cum supernaturalitate, tamquam objecto, à quo specificatur; ergo si in casu nostro peccatum essentialiter connectatur cum auxilio supernaturali, quod se habeat solum, ut terminus repudii, non per hoc peccatum dicetur supernaturale, aut repugnans. Adde, quod peccatum hoc neque posset dici connexum cum auxilio supernaturali; quandoquidem ad libertatem peccandi satis est, quod hoc peccatum connectatur cum potentia physica ponendi actum supernaturalem, ad quem influat auxilium supernaturale, quin tale auxilium aut sit virtus influxiva, aut objectum, aut ut terminus repudii relatè ad peccatum, ut hinc supponendum ex tractatu de Gratia; quando enim actus liber intrinsecā suā tendentiā repudiat motiva in oppositum, non est necesse, quod repudiet auxilium supernaturale, aut habitum supernaturalem, à quibus physicè deberet causari actus supernaturalis, qui omittitur.

VII. Ex dictis sequitur 1. quod sicut actus vitalis essentialiter est motus ab intrinseco, & actus voluntarius essentialiter procedit à principio intrinseco cognoscente, ita actus liber essentialiter profluit à principio intrinseco cognoscente, & indifferente; atque adeo sicuti, si supponatur, quod actus vitalis possit esse divinitus contra suam connaturalem exigentiam in principio vitæ, sed non à principio vitæ, ut esset in lapide, non denominaret lapidem viventem, seu principium vitaliter operans; & sicuti, si actus voluntarius sit in voluntate non cognoscente non denominat illam voluntariè operantem; ita si divinitus actus liber sit in voluntate non indifferente, nec denominabit illam liberè operantem.

VIII. Sequitur 2. Quod actus externus liber à necessario differat solum penes actionem diversam terminatam
ad

ad diversum principium; actus vero internus liber differt à necessario non solum penes actionem diversam, ut putat Suárez, sed etiam penes ipsum actum, etiam in hypotheti, quod profluat per actionem distinctam; non sicut opinio, & scientia, desiderium, & gaudium, ob tendentias essentialiter diversas, & sicut opinio v.g. magis infirma, aut obscura essentialiter differt ab opinione minus infirma, vel obscura, ita actus magis liber essentialiter differt ab actu minus libero; quia sicut opinio magis obscura debilius amplectitur verum; ita actus magis liber cum majori resistantia, ac nisi amplectitur bonum; quamvis vi suæ libertatis voluntas possit intensius amare objectum, ad quod est magis libera.

IX. Sequitur 3. resistantiam, & nisum voluntatis liberè operantis esse aliquid positivum in actu. Quod ex eo etiam explicari potest, quia ex Scoto magis voluntas fertur in bonum representatum, quam potentia inclinatur per habitum ad ponendum actum, immo magis, quam lapis inclinatur, ac feratur ad centrum; atqui experientia constat, quod potentia adversus habitum debeat positivo nisu obluetari, & lapis positivo conatu potest à centro divelli; ergo à fortiori voluntas erga bonum, quod repudiat, dum liberè operatur, debet positivè resistere.

X. Sequitur 4. divisionem actus voluntatis in liberum, & necessarium esse divisionem generis in species, sicut est divisio animalis in rationale & irrationale; non vero subjecti in accidentia, ut dividitur homo in album, & nigrum. Illa divisio dicitur esse subjecti in accidentia, per quam idem subjectum invariantum suscipit denominationes accidentales diversas; & quia in sententia Adversariorum idem actus voluntatis invariantus potest denominari modò liber, modò necessarius, ideo in ea sententia divisio actuum voluntatis in liberos, & necessarios est divisio subjecti in accidentia; quando autem non potest idem subjectum suscipere denominationes oppositas: sicut

sicut non potest idem animal modò esse rationale, modò irrationale, tunc divisio est generis in species, quod habetur in casu juxta nostram sententiam.

XI. Sequitur ultimò, quòd sicut libertas, ità bonitas, vel malitia moralis est actui essentialis, & intrinseca, adeò ut nequeat actus bonus, & honestus evadere malus, aut inhonestus, aut è contra: quòd disputatione sequenti fufius ostendemur. Et ratio breviter est, quia actus honestus debet esse amplexus, & prosecutio objecti, in quantum propositi amabilis per dictamen rationis; actus vero inhonestus ex modo tendendi intrinseco est talis prosecutio boni delectabilis, ut resistat prohibitioni, & acceptet inhonestatem; ergo sicuti nequit actus liber evadere necessarius ob resistantiam, quam habet intrinsecam inclinationi in partem oppositam; ità nequit actus inhonestus exuere inhonestatem ob resistantiam intrinsecam prohibitioni, seu allicientiae, & inclinationi in alteram partem, quæ ratione prohibitionis retrahit à prosecutione boni delectabilis, quare licet operans inhonestè non amplectatur bonum delectabile, quia est inhonestum, cum nemo intendens in malum operetur; at prosequitur bonum delectabile actu libero resistendo prohibitioni, quæ resistantia pariter explicatur per particulam *Quamvis*, qui enim operatur inhonestè, veluti dicit: Volo v. gr. ebrietatem, quamvis cognoscam esse prohibitam, atque adeo inhonestam; qui profecto actus, cessante notitia prohibitionis, perseverare non potest, ut patet. Unde fit, actum inhonestum non esse formalem contemptum legis, nisi quando quis vellet objectum malum, quia est prohibitum; at quando vult illud, quod est prohibitum, non quia est prohibitum, tunc habetur contemptus legis solum virtualis, quia peccans vult malum, quamvis cognoscat lege vetari, non quia vetatur à lege.

Q U Æ S T I O V.

An sit possibilis pura ommissio libertas?

I. **C**ertum est, dari posse tum omissionem actûs necessariam, ut in dormiente, tum omissionem liberam non puram, fundatam scilicet in actu aliquo positivo; ut cum quis positivè vult non comedere; tunc enim in volitione non comedendi fundatur ommissio volitionis comedendi. Hæc autem ommissio non pura fundari potest primò in actu contrario, ut in exemplo adducto. Secundo in actu, quo quis reflexè vult ipsam omissionem ut cum quis actu positivo vult omittere volitionem comedendi, quamvis non habeat actum contrarium, quo dicat, Nolo comedere. Tertiò in actu, quo quis vult non ipsam omissionem, sed causam omissionis, vel occasionem ex qua prævidetur necessariò secutura ommissio; ut cum quis vult ire venatum, prævidens inde secuturam omissionem volendi audire sacrum.

Dubitatur itaque solum, Num sit possibilis libera ommissio pura, quâ quis v. gr. emitit quemcunque actum voluntatis, potens illum exercere; unde in ea omissione habeatur exercitium libertatis merè negativum, non positivum? *Suar. disp. 19. Metaph. sect. 4. & prima secundæ, tra. 5. disp. 3. Salas, Conick. Marat. Tanner Oviéd. Art. disp. 8. de Anima, sec. 6.* docent, esse possibilem, ità ut ea sit tantum naturalis, si non advertatur ad regulam honestatis (v. g. si quis purè omittat velle ambulare non advertens, num ambulatio sit licita, an illicita) sit verò moralis, si ad regulam honestatis advertatur (v. gr. si quis advertens ambulationem præcipi, purè omittat velle ambulare) Negant verò possibilem Vasq. prima secundæ *disp. 92. cap. 2. Cajet. Caprè. Maur., Hainol. Esparza, & alii*; quod videtur docere D. Th: prima secundæ, *quæ. 71. art. 2. ubi habet: Si verò in peccato ommissio-*

*omissionis intelligantur etiam cause, & occasiones omit-
tendi sic necesse est, in peccato omissionis aliquem actum
esse.*

II. Dico equidem cum hac secunda sententia, puram omissionem liberam repugnare.

PROB. Primò: voluntas libera, & indifferens ad amandum, vel non amandum bonum A, vel ad amandum A præ B, eo ipso si non amat A, debet resistere inclinationi, quam natura sua habet ad prosequendum suum objectum; sed resistantia, & conatus hic haberi nequit sine actu positivo; ergo non potest voluntas liberè omittere sine actu positivo. Major constat. Minor sequitur ex dictis quæstione præcedenti; tum quia si voluntas, ut loquitur Scotus, magis inclinatur in bonum, quam potentia inclinetur per habitum ad ponendum actum, imò magis, quam lapis ad centrum; cum objectum voluntatis sit præstantissimum; sicut nequit potentia affecta habitu, præsertim intenso, huic habitui resistere sine conatu positivo, nec potest lapis, aut brachium impediri; ne descendat, sine positiva resistantia; ita nequit voluntas proposito duplici bono impossibili, utriq; resistere, & neutrum amare sine positiva contranitentia; atq; adeò citra actum positivum: Tum etiam quia ideò dantur habitus in voluntate solum relatè ad actus liberos, non verò relatè ad actus necessarios, ut potentia cum minori difficultate activè resistat inclinationi ad alteram partem; ergo multò magis haberi debet resistantia activa [atque adeò actus positivus] in voluntate, si hæc utrique bono impossibili resistat, neutrum directè amando, sed prosequendo carentiam molestiæ, & difficultatum, quas experiretur, si alterutrum bonum directè amaret: Tum demum, quia nisi resistantia esset positiva, requirerentur aliquando vires supernaturales seu gratia per Christum præcisè ad non operandum; quando scilicet quis pure omittens non succumberet gravi ten-

tationi relatè ad quam gratia per Christum requiritur, non succumbamus.

III. PROB. 2. Conclusio à priori ex Pallav. *disp. 6. de actibus humanis. q. 2.* Repugnat, ut potentia vagetur extra suum specificativum formale, v. g. quòd oculus videat sonum, aut Deum; ergo repugnat, quòd feratur extra finem intrinsecum potentiz, sed voluntas si purè omitteret, vagaretur extra finem intrinsecum potentiz intellectivæ; ergo non potest pure omittere. Antecedens communissime admittitur; consequentia sequitur; ideò enim oculo v. g. repugnat audire sonum, vel audire colorem, quia cum specificativum potentiz visivæ sit coloratum, habet visiva pro fine intrinseco ferri in coloratum, exercitio sibi consentaneo, à quo perficiatur; non est autem consentaneus visivæ, nisi actus, quo videatur coloratum, & ab hoc solum actu perficitur; ergo tam repugnat oculo, & cuivis potentiz ferri extra specificativum formale, quàm ferri extra finem intrinsecum potentiz, qui est perfici per proprios actus. Minor itaq; subsumpta probatur, quia Finis intrinsecus cujuscunque potentiz est perfici per proprios actus, seu per exercitium circa proprium objectum; atqui voluntas si pure omitteret, per tale exercitium non perficeretur; ergo ferretur extra finem intrinsecum potentiz volitivæ. Probatur hæc minor. Quælibet potentia ex fine suo intrinseco perficitur per exercitium proprium circa suum objectum; ergo voluntas ut per exercitiū suum se perficiat, debet attingere objectum, quod est bonum, & malum, illud prosequendo, hoc fugiendo; atqui pure omittendo neq; prosequeretur bonum, neq; fugeret à malo; ergo non perficeretur per exercitiū proprium circa suum objectū.

Neque dicas, exercitium voluntatis proprium non esse purè amare, & odire, sed etiam omittere. Nam contra est, quia recurrit paritas adducta de specificativo formali, & fine intrinseco potentiz; etenim voluntas habet pro specificativo bonum, & malum, non verò quod præscindit à bono

bono, & malo; ergo habet ex fine intrinseco perfici per exercitium suum prosequendo bonum, aut fugiendo malum; non verò neutrum actum eliciendo; quod enim neque prosecutio, neque fuga est, non continetur in fine intrinseco potentiae volitivae: sicut quod neque bonum neque malum est, non continetur intra specificativum formale ejusdem. Et ratio ulterior est, quia potentia numquam perficitur, nisi attingendo proprium objectum, atqui voluntas pure omittendo non attingit bonum, aut malum; nam tunc solum habet in prospectu bonum, aut malum attractum solum per cognitionem, non verò per ullum actum proprium; ergo pure omittendo non perficitur, atque adeò fertur extra finem intrinsecum. Et sanè per exercitium potentiae consurgere debet nova quaedam perfectio, ut dicatur potentia ex fine intrinseco operari; atqui pura omisso non est nova perfectio in voluntate, sed est negatio novae perfectionis; ergo repugnat.

Confirm. 1. Quia omnis actus secundus superaddere debet perfectionem aliquam actui primo, cum omnis potentia creata perficiatur ab actu suo; unde Philosophus dixit, quòd virtus sit *dispositio Perfecti ad optimum*, seu Potentiae ad actum suum, quippe qui est ultimum complementum potentiae; atqui pura omisso nullam perfectionem adderet potentiae liberae; quandoquidem omisso est non ens, atque adeò negatio boni, & perfectionis, & ex altera parte esset exercitium potentiae liberae: ergo repugnat.

Confirm. 2. Quia omnis actus secundus potentiae vitalis perficit potentiam vitalem etiam in brutis, illique superaddit perfectionem positivam; ergo à fortiori, actus secundus potentiae vitalis perfectissimae, videlicet potentiae liberae, ac dominativae; id autem non præstaret pura omisso libera; ergo repugnat.

III. OBJ. 1. Proposito volutati abstractivè quovis bono, etiam summo, potest illud non amare; ergo si proponatur

voluntati bonitas, quæ habetur in collectione omnium actuum voluntatis, potest illam non amare, adeoque potest nolle quemcumque actum; sed si nolit quemcumque actum, eo ipso pure omittit; aliter vellet aliquem actum, quem ponere; ergo potest pure omittere. Neque dici potest, quod in tali casu, actu reflexo nollet quemcumque actum directum. Nam si voluntas deberet actu reflexo nolle quemcumque actum directum, deberet cognoscere talem actum reflexum; aliter ferretur in incognitum; sed si illum cognoscit, eo ipso potest etiam illum nolle; ergo potest simpliciter pure omittere.

Resp. Voluntatem posse non amare etiam ipsum purum bonum abstractive cognitum, dummodo appareat aliqua difficultas, atque adeo aliqua ratio mali in mediis necessariis ad tale bonum, seu felicitatem consequendam; in quo casu omissio amoris erga purum bonum fundaretur in actu odii, seu nolitionis erga difficultates mediorum. Eodem pacto potest voluntas nolle collectionem omnium actuum voluntatis, dummodo appareat ratio aliqua mali vel in ipsis actibus, vel in mediis necessariis ad illos ponendos. Aliter quomodo poterit nolle, & odisse bonum absque ulla ratione mali permixtum? Neque dicas, bonum ipsum infinitum, nempe Deum, non necessitare ad amorem, si abstractive attingatur, etiam si nulla ratio mali appareat neque in ipso Deo, neque in mediis ad ipsum consequendum: unde à fortiori id erit verum de bono finito; qualis est collectio omnium actuum voluntatis. Nam contra est, quia etiam bonum finitum necessitat ad sui amorem, si nulla appareat in eo, aut in mediis ad illum necessariis ratio mali; quod patet tum in actibus primò primis, in quibus voluntas necessitatur ad amandum objectum, quod non apparet mixtum malo. Si quis enim v. gr. a lupa percussus, apprehendit vindictam esse bonam, non advertendo ad ejus malitiam, statim sine libertate ad illam rapitur: Tum paritate aliarum potentiarum quæ habent

bent objectum minus præstans, quàm sit objectum voluntatis, & tamen necessitantur ad illud prosequendum, quando representatur sine mixtione oppositi sicut necessitatur intellectus ad assensum, posito verò evidenter cognito, & oculus ad visionem colorati, &c. Quare si in collectione omnium actuum voluntatis nulla ratio mali elucescat, hæc collectio tanquam objectum representatum ut bonum sine mixtione mali, necessario amabitur amore reflexo; eo modo, quo intellectus potest cognitione reflexâ cognoscere collectionem omnium cognitionum directarum; si verò aliqua ratio mali in collectione actuum voluntatis appareat, poterit voluntas nolle rationem hanc mali, atque adeò actu reflexo poterit liberè nolle quemcumque actum directum. Ad hoc autem, ut ponat voluntas hunc actum reflexum, non est necesse, quòd illum præcognoscat (nisi rursus alio actu reflexo deberet illum velle; aut nolle) ut patet; nam quando cognoscitur purum bonum, voluntas rapitur per amorem quin debeat præcognoscere amorem, quem ponit; licet hunc etiam amorem deberet amore reflexo amare, quia scilicet amando purum bonum, exercitè solum, & non signatè amat amorem ipsum puri boni.

Instabis: repugnat, quod voluntas nolit collectionem omnium actuum, in qua appareat ratio aliqua mali, vel difficultatis, aut laboris, & simul velit exercitè ponere actum reflexum, quo nolit eam collectionem: nam simul nollet omnem actum, & vellet aliquem actum, nempe actum reflexum: quod est velle pugnantia.

Resp Non esse pugnantia nolle signatè quemcumque actum voluntatis, & exercitè velle actum reflexum, quo quis nollet quemcumque actum; sicuti non sunt pugnantia odisse exercitè quodvis odium signatè veniens, aut cognoscere exercitè negationem cuiuscumque cognitionis signate venientis.

IV. OBJEC. 2. Potest representari voluntati ut bona
X ; omissio

omissio amoris, & omissio odii; ergo potest voluntas utramque omissionem amare; atqui non posset amare amore reflexo; ergo deberet utramque prosequi purè omittendo. Probatum minor, quia etiam omissio hujus amoris reflexi posset voluntati representari ut bona ea bonitate, quæ non necessitet ad amorem sui; ergo posset voluntas istam etiam omissionem amare, & velle, & consequenter poterit absque amore reflexo velle omissionem amoris, & odii.

Confirm. 1. Quia potest voluntati proponi, esse bonum neque amare, neque odisse aliquod bonum mixtum malo, in quo casu posset voluntas tale bonum negativè prosequi, purè omittendo.

Confirm. 2. potest homo cognoscere, quòd bonum sit amare amore libero felicitatem, & non cognoscere, quòd bonum sit omittere amorem felicitatis; in quò casu liberè amabit felicitatem, quin posset amore positivo amorem felicitatis omittere, cum non cognoscat ejus bonitatem; ergo posset purè omittere amorem felicitatis; aliter non liberè amaret illam.

Resp. 1. Per instantiam, potest representari ut bona omissio cujuscumque liberi exercitii tam positivi, quam negativi; ergo potest hujusmodi omissio liberè amari, quod implicat in terminis.

Resp. 2. Nego minorem subsumptam. Ad probationem, quamvis omissio etiam talis amoris reflexi possit representari ut bona, & sic alio amore reflexo amari; nequit tamen representari ut bona omissio cujuscumque actûs sive directi, sive reflexi. Quòd ex eo demonstratur, quia quodcumque potest voluntati representari ut bonum, potest amari amore positivo; ergo si posset voluntas apprehendere ut bonam omissionem omnis actûs, posset illam amare amore positivo; quod esset velle pugnancia, videlicet omissionem cujuscumque actûs, & simul actum ipsum, quem ponit. Quare sicut multi docent (quibus tamen

men non scribo) repugnare conscientiam perplexam ; quia habens hujusmodi conscientiam peccaret simul , ut erroneè credit, & non peccaret, quia non posset declinare peccatum; ita repugnat repræsentari ut bonam omissionem cujuscumque actûs, quia voluntas , dum illam actu positivo amat, eo ipso non amaret.

Resp. 3. Transmisso, quod posset quis hallucinari, & repræsentare ut bonam omissionem cujuscumque actûs (sicut multi docent per hallucinationem esse possibilem conscientiam perplexam:) adhuc voluntas deberet actu positivo reflexo omissionem illam amare; quia eo ipso ac liberè voluntas amat bonum A, debet actu positivo resistere allicientiæ boni impossibilis in alteram partem inclinanti, ut ostendimus: Sicut enim quando voluntas liberè cessat ab amando Deo abstractivè cognito, tunc apprehendit molestiam aliquam adhuc in amore Dei, aut in mediis ad illum consequendum, & amando bonum, quod relucet in carentia talis molestiæ , resistit inclinationi , quam habet ad Deum amandum; ita quando voluntas liberè cessaret ab amandis suis actibus, deprehendit in tali objecto aliquam molestiam; & allecta à bonitate, quæ relucet in carentia talis molestiæ, resistit positivæ inclinationi, quam habet ad amandum illud objectum ; unde actu positivo non vult illud amare, quin possit dari pura omisso libera.

Ad primam confirmationem: non potest repræsentari ut bona pura omisso omnium actuum; sicut neque potest repræsentari ut bona in sententia Adversariorum omisso cujuscumque exercitii liberi, sive positivi, sive negativi. Sed hoc transmisso, voluntas in tali casu per actum reflexum amaret omissionem omnis actûs directi , quæ repræsentatur ut bona; si enim est bona; ergo est positivè amabilis; ergo debet posse amari amore reflexo.

Ad secundam confirmationem. Voluntas liberè amabit felicitatem, atque adeo posset omittere talem amorem,

non tamen omissione pura, sed actu, quo diceret, Nolo amare felicitatem ob difficultatem mediorum, vel Nolo media ad felicitatem utpote difficilia; vel diceret, Volo omittere felicitatis amorem. Quare fallum est, quod in tali casu non appareat bona ommissio amoris, posito, quod liberè ametur tale objectum, nempe felicitas; cum impossibile sit, amorem esse liberum, & non versari inter duo bona impossibilia, quorum alterum ametur, alterum positiva resistantia repudietur. Immò etiam dato, quod tantum relatè ad bonum A possit dari amor liber, v. gr. relatè ad Deum abstractivè cognitum, quin reluceat aliud bonum impossibile, non poterit hujusmodi amor liber omitti purè, seu sine positiva resistantia allicientiae talis boni.

VII. OBJ. 3. Datur libertas tum contrarietatis, tum contradictionis, ut omnes fatentur; ergo voluntas non solum potest esse libera relatè ad duo bona impossibilia, ita ut unum amet, alterum odio habeat; sed etiam potest idem bonum finitum amare; vel non amare; ergo potest pure omittere.

Respondet fusè huic argumento Cataneus *disp.* 18. de anima c. 3. n. 19. Breviter dico, libertatem contradictionis haberi per hoc, quod voluntas possit bonum amare, vel non amare, omittendo tamen amorem non pure, sed actu positivo, sive nolendo amorem, sive volendo nolitionem amoris, sive volendo statum, in quo non possit amare, puta volendo somnum; Libertas verò contrarietatis habetur per hoc, quod voluntas possit objectum vel amare, vel odisse. Quare qui liber est ad amandum bonum A, quod est impossibile cum B, liber quidem est ad repudiandum bonum B, sed repudiū, ut diximus quaestione superiore, non est odium, cum odium sit circa malum, & repudiū sit circa bonum, quod allicit, & cui resistitur; propterea qui liber est ad repudiandum Bonum B impossibile, non est formaliter liber libertate contrarietatis, seu ad illud odio habendum: Esto

virtualiter sic liber ad averſandum illud; quia quatenus eſt incompoſſibile cum bono A, quod amatur, poteſt apparere ut malum, & ſic odio haberi.

VI. Hinc ſequitur 1. Libertatem contrarietatis eſſe non poſſe ſine libertate contradiccionis, ut patet; non enim poteſt quis eſſe liber ad amandum, vel odio habendum obiectum, puta temperantiam, quin ſimul liber ſit ad amandam, vel non amandam illam.

Sequitur 2. Libertatem puræ contradiccionis repugnare, ea enim fert libertatem ad amandum, & purè non amandum, adeoque ad purè omittendum, quod oſtendimus implicare.

Sequitur 3. Non dari peccata puræ omissionis, ſed omissionis non puræ; quæ in eo differunt à peccatis commiſſionis, ut notat Eſparza *queſt.* 15. ad tertium; quòd peccata commiſſionis de formali dicant actum prohibi- tum, peccata verò omissionis non puræ de formali dicant omissionem actûs prohibiti, & de materiali actum poſi- tivum, ad quem omiſſio conſequitur.

Sequitur 4. ſemper, dum liberè amatur bonum A, puta temperantiæ, relucere voluntati bonum incompoſſibi- le, puta intemperantiæ, vel ſaltem bonum, quod eſt in carentia amoris temperantiæ ob difficultates, quæ in ea amanda ſuperari debent; & ideo ſemper libertas verſatur inter duo bona incompoſſibilia, quorum alterum amec- tur, alterum repudietur, quatenus bonum eſt; ita tamen ut poſſit idem odio haberi, non quatenus eſt bonum, ſed quatenus habet incompoſſibilitatem cum altero bono, & ſic habet rationem mali.

Sequitur ultimò, quòd licet tranſmittatur, poſſe liber- tatem contradiccionis haberi relatè ad unum tantum bo- num, puta temperantiæ, quin debeat relucere aliud bo- num incompoſſibile, quòd repudietur; adhuc omiſſio li- bera amoris erga tale bonum non poſſit eſſe pura, quia omiſſio amoris debet eſſe cum renitentia voluntatis

erga bonum illud, ad quod inclinatur magis, quam lapis inclinatur ad centrum, resistentia autem isthac debet esse activa, & positiva, ergo non potest haberi hujusmodi omissio amoris sine actu positivo.

VII. Objic. ultimum, qui amat bonum A amore intenso ut quatuor, est liber ad amandum idem objectum amore intenso ut quinque; in quo casu pure omittit quintum gradum amoris, qui non est impossibilis cum amore ut quatuor; ergo sicut potest pure omitti quintus gradus amoris, ita potest simpliciter amor pure omitti.

Resp. In hoc casu non omitti pure quintum gradum amoris, nam juxta communioem sententiam actus vitales sunt indivisibiles, nec intenduntur per additionem gradus ad gradum; unde amor ut quatuor indivisibilis de se est impossibilis cum amore ut quinque; atque adeo exclusio amoris ut quinque fundatur in amore ut quatuor; & ideo non habetur pura omissio: Sicuti, quia in amore inefficaci objecti imbibitur exclusio amoris efficacis, qui amat amore inefficaci, non dicitur pure omittere amorem efficacem. Deinde etiam transmissio, quod actus vitales intenduntur additione gradus ad gradum, & transmissio etiam, quod ultimum complementum intensiois non sit quid heterogeneum impossibile cum ulteriori intensioe (quod nonnulli docent coherentem ad ea, quae dicuntur de subsistentia) dico, quod quando voluntas eligit intentionem actus ut quatuor, potens eligere intentionem ut quinque, tunc ei utraque intensio proponitur eligenda, & liberè unam præ alia eligit actu prælativo unius, & postposito alterius intensiois; unde intensio ut quatuor, in quantum liberè posita, est essentialiter rejectiva, & impossibilis cum intensioe ut quinque, atque adeo non habetur pura omissio quinti gradus amoris.

VIII. Ex dictis sequitur, repugnare etiam Deo omissionem liberam puram, ita scilicet, ut neque velit, neque velit v. g. alterum mundum; ut communius docent cum ipso

ipso Arriaga. 1. p. disp. 29. quest. 3. Albertino in Corollariis Theologicis, Espar. de actibus humanis quest. 25.

Ratio autem non est ex eo, quia actus liber Dei debeat positivè resistere inclinationi in alteram partem, sed quia, si quælibet potentia creata, & imperfecta exigit connaturaliter perfici ab actu suo, à fortiori potentia libera divina carere non poterit suo actu, cum sit potentia infinitè perfecta, atque adeò imbibens formaliter quicquid dicit perfectionem simpliciter simplicem. Verum quidem est, quòd volitio Mundi, in quantum volitio, non dicat perfectionem simpliciter simplicem, quæ scilicet melior sit ipsâ, quàm non ipsa, cum non sit melior volitio, quàm nolitio Mundi, at actus positivus potentiæ liberæ in Deo est perfectio simpliciter simplex, non secùs ac actus secundus potentiæ cognoscitivæ; unde sicut repugnat, Deum carere actuali cognitione relatè ad contingentia, ità repugnat carere actu voluntatis positivo erga eadem; quandoquidem actus secundus ex suo conceptu est perfectio potentiæ, ubi omissio, cum sit non ens, non est bona, nec est perfectio, sed carentia entis, & perfectionis, ergo repugnat, Deum liberè omittere omissione purâ.

Neque dicas cum Platelio tom. 1. num. 153. disparitatem inter intellectum, & voluntatem Divinam esse, quia repugnat Deo ignorantia contingentium, quippe quæ sonat imperfectionem; non repugnat tamen carentia volitionis, vel nolitionis; cum hujusmodi actus neque perfectionem involvant, neque imperfectionem.

Nam contra est, quia sicut cognitio existentiae Mundi, vel cognitio non existentiae potest à Deo abesse, non tamen potest utraque cognitio abesse citra imperfectionem; ità potest à Deo abesse vel volitio Mundi, vel nolitio, non tamen uterque actus citra carentiam perfectionis debitæ voluntati Divinæ, ut explicatur in prima parte,

eo modo, quo potest v. g. personalitas Filii abesse à Patre, non tamen quæcumque personalitas citra imperfectionem.

Neque replicas, majorem esse extensionem libertatis Divina, si posset velle, nolle, & omittere, quàm si posset velle, & nolle, non tamen purè omittere; ergo non est deneganda Deo pura omissio libera. Nam respondetur per instantiam; major est extensio libertatis, si possit Deus omittere etiam amorem sui, vel cognitionem contingentium; aut si possit ab æterno omittere, & in tempore positivè decernere, ut innuit Arriag. *loc. cit.* & Platelius contra se è communissimam. Deinde dicimus, hujusmodi extensionem libertatis esse chymæricam, cùm se extendat ad id, quod infert in Deo imperfectionem.

Confirm. demum ex Esparza, quia Deus necessariò amat positivè se ipsum; ergo etiam positivè amat, quæ necessaria sunt ad sui existentiam; atqui ad hoc, ut Deus existat, necesse est, quòd non existat chymæra; atque adeo, quòd alterutra pars contradictionis existat relatè ad contingentia, v. gr. vel quòd existat Mundus, vel quòd non existat; ergo necessariò Deus debet alterutrum positivè velle; unde repugnat, Deum purè liberè omittere.

Q U Æ S T I O VI.

Utrum etiam in statu Naturæ lapsæ detur libertas indifferentiæ?

I. **D**ico 1. Liberum arbitrium convenit homini etiam in statu Naturæ lapsæ: Est de fide contra Simonem Magum, Luth. Calv., & alios, contra quos fusè, & eruditè disputant Martinon. *disp. 8. Amic. disp. 6.* & alii.

PROB ex Trident. *sess. 6. can. 5.* ubi habet: *Si quis liberum hominis arbitrium post Adæ peccatum extinguit, & amissum esse, dixerit, anathema sit.*

II. Dico 2. libertas, quæ convenit homini etiam pro statu

statu naturæ lapsæ non consistit in libertate à coactione, & violentia, sed in libertate indifferentiæ ad opposita, quæ est libertas à necessitate. Est etiam de fide contra Janſen. Ipreſem, qui admittebat in homine libertatem indifferentiæ ſolùm pro ſtatu naturæ integræ contra Calv., & Luth., non tamen pro ſtatu naturæ lapsæ.

PROB. Quia Pius V., & Greg. XIII. hanc Baji pro-
positionem damnârunt; *Quod voluntariè fit, etſi neces-
ſario fiat, liberè tamen fit*, & Innoc. X. hanc Janſenii
quintam propositionem pariter damnavit; *Ad meren-
dum, vel demerendum in ſtatu naturæ lapsæ non requi-
ritur in homine libertas à necessitate, ſed ſufficit liber-
tas à coactione*. In tantum autem Bajus, & Janſen. puta-
bant, ſufficere libertatem à coactione, quia cenſebant,
impoſſibilem eſſe in ſtatu naturæ lapsæ libertatem à ne-
ceſſitate; ità ut voluntas, poſitis omnibus requiſitis ad a-
gendum, poſſit pro libito agere, vel non agere; hoc au-
tem eſſe falſiſſimum, conſtat primò ex Sacris literis. Nam
prima ad Cor. 7. dicitur; *Non habens neceſſitatem, po-
teſtatem autem habens ſue voluntatis*; & Eccleſ. 31.
Qui potuit transgredi, & non eſt transgreſſus. Secun-
dò ratione, quia libertas per peccatum non eſt deſtructa.
Tertiò ipſa experientia, ut proinde damnata etiam ſit alia
Janſ. propoſitio, quæ habet; *Interiori gratia in ſtatu
naturæ lapsæ nunquam reſiſtitur*. Hinc Aug. lib. 1. Re-
tractationum cap. 7. dicit: *Quis peccat in eo, quod nullo
modo caveri poteſt?* & lib. de natura, & gratia contra
Pelagium cap. 47. *Aut ego non intelligo quid dicam, aut
ipſe; Quomodo enim in poteſtate noſtra eſt videndi poſſi-
bilitas ſi in poteſtate noſtra non eſt videndi neceſſitas?*
& D. Tho. qu. 24. de veritate habet: *Nullus debet pu-
niri, vel premiari pro eo, quod non eſt in ejus poteſtate
facere, vel non facere*: Sed homo juſtè à Deo punitur,
& præmiatur pro ſuis operibus; ergo homo poteſt ope-
rari, & non operari, atque adeò habet libertatem indiffe-
rentiæ.

rentiæ. Quare deliravit Jans. lib. 7. cap. 14. ubi dixit. *Et sanè si non est alia libertas nostra voluntatis, quàm agendi, & non agendi, operatio divina gratiæ diametraliter opponitur philosophicæ libertati, seu indifferentiæ libertatis, quia illam extrahit ab indifferentiâ agendi, eamque determinatè facit agere, & non agere, velle, & non velle.*

Ratio autem, quare ad merendum, vel demerendum non sit satis libertas à coactione, est, quia qui necessitate ductus aliquid operatur, nec est laude dignus, aut præmio, si bene agat, nec vituperio, aut pœnâ, si malè, cum nequeant ad laudem, vel vituperium imputari, quæ in præcurrente necessitate consistunt, ut patet in pueris, & amebus, qui in suis actionibus nec laudantur, nec exprobrantur.

III. Dico ultimò: ad libertatem indifferentiæ non sufficit posse componere omissionem cum ipsa voluntate, sed requiritur posse componere omissionem cum voluntate præmunita omnibus prærequisitis ad agendum. Concl. constat ex dictis *quæst. 3.* contra Thomistas.

PROB. Iterum, quia nili haberetur potestas ad componendam omissionem cum voluntate munita omnibus prærequisitis ad agendum, sequeretur, quòd voluntas iis requisitis munita non esset indifferens ad omissionem, sed necessariò poneret actum; ergo careret libertate indifferentiæ, prout condistincta à libertate à coactione.

Confirm. Quia unum ex requisitis ad agendum salutariter, est auxilium divinæ gratiæ; ergo si ad libertatem non requiritur, quòd possint componi cum omissione omnia prærequisita ad agendum, non deberet posse componi omisio cum auxiliis divinæ gratiæ, ergo non deberemus esse liberi ad resistendum divinæ gratiæ, quod est contra Trid. & Scripturas.

Dices cum recentioribus Lovaniensibus: Nisi satis esset ad libertatem sufficientem ad meritum, vel demeritum potentia ad omittendum in sensu diviso à prærequisitis

fitis ad actum, Thomistæ non admitterent libertatem ad meritum, vel demeritum sufficientem, & quam requirit Triden. cùm doceant, actum salutarem prodire à potentia, quæ possit componere omissionem solum in actu diviso à præmotione, quæ est unum ex requisitis ad salutariter operandum: sequela non admittitur, nec potest admitti, cùm vetitum graviter sit sententiam hanc Thomisticam censurare; ergo nec id, unde sequitur.

Resp. Thomistæ admittere quæcumque docet Triden. nec non definitionem libertatis à necessitate communiter traditam, quippe quæ à Scripturis, Conciliis, & Pontificiis definitionibus aperte deducitur, quod tamen Jansenistæ admittentes solum libertatem à coactione, & Hæretici libertatem omnem explodentes, non præstant. Thomistæ etiam præter gratiam intrinsecè efficacem, cum qua nequit componi omisio, admittunt gratiam intrinsecè sufficientem, quâ homo possit agere, licet non agat, quod nec præstant Hæretici; unde non possunt isti se tueri sententiâ istâ Thomisticâ, quæ toto cœlo differt à sententia negante libertatem indifferentiæ; Quicquid sit, utrùm præmotio Thomistica per mediatas consequentias inferat non solum everisionem libertatis indifferentiæ, sed etiam impossibilitatem gratiæ purè sufficientis, quod est alterius instituti per vestigare.

IV. OBJIC. 1. ex Jansenio *lib. 1. de gratia Christi, cap. 35. Illud est in potestate nostra, quod fit, dum volumus*, ut docet Aug. *lib. 2. Retract. cap. 1.* atqui omnis volitio, quæ est libera à coactione, fit, dum volumus, ergo ea est in potestate nostra, atque adeò est simpliciter libera libertate sufficiente ad meritum, vel demeritum.

Confirm. Quia ut actus sit liber, satis est, ut censeatur imputabilis operanti ad laudem, vel vituperium; atqui ad hoc satis est, ut actus sit voluntarius, seu procedat à voluntate, & sit liber à coactione; ergo actus est simpliciter liber, etiamsi careat libertate indifferentiæ. *Prob. minor*

Quia

Quia Psal. 53. dicitur, *Voluntariè sacrificabo tibi*, id est liberè, teste Ambr. 2. de fide cap. 3. & ad Hebr. 10. dicitur, *Voluntariè peccantibus*; peccatum autem sine libertate esse non potest. Damasc. lib. 2. cap. 24. ait, *Quod spontè fit. laudem, & vituperium comitem habet.* Ber. ser. 81. in Cant. *Quod voluntariè fit, etiamsi ex necessitate fiat liberum est*, cui consonat Aug. lib. 1. *Retractat. cap. 15.* ubi dicit, Voluntarium esse animi motum, cogente nullo.

Resp. Dist. maj. Illud est in potestate nostra, quod fit, dum volumus absque necessitate antecedente, & ex propria voluntatis determinatione, *concedo, secùs nego maiorem, & distinctà pariter minorem, nego consequentiam.* Hinc immeritò Jansenius l. 1. cap. 9. tribuit Aug. quòd voluntas humana per peccatum Protoparentis ità in libidinum imperium præcipitaret, ut necessariò sequatur delectationem victricem, hoc est sive terrenam concupiscentiæ ad malum, sive cœlestem à Deo infusam in bonum, prout altera alteram vincit, ità ut si delectatio terrena sit intensa ut sex ver. gr. & cœlestis sit intensa ut quinque, ea debeat prævalere, unde ex necessitate voluntas à delectatione victrice trahatur. Quæ sententia, ut patet, est contra fidem, & libertatis everfiva.

Ad confirm. *nego minorem.* Ad probationem; in locis Bibliorum adductis Voluntarium sumitur pro libero perfecto, seu pro libero non solum à coactione, sed etiam à necessitate, quia, ut notat Suar. disp. 1. sect. 3. n. 25. in homine viatore fere semper voluntarium perfectum (seu quod habetur cum perfectione cognitionis) est liberum à necessitate. Damascenus etiam ibi loquitur de Voluntario perfecto. Bernardus verò loquitur ibi de libero à coactione, non de libero simpliciter: In quo sensu à Scoto, & Scotistis apud Suar. lib. 6. de Trin. cap. 4. productio Spiritus S. dici solet libera, quamvis sit necessaria. Denique Augustinus aptè docet, liberum esse Animi motum

tum cogente nullo, hoc est nullo alio illum determinante præter ipsam voluntatem.

V. OBJIC. 2. Amor beatificus est liber, & affert moralitatem, seu bonitatem moralem, & laudabilitatem imputabilem operanti; & tamen est necessarius; ergo ad perfectam libertatem sufficit libertas à coactione.

Confirm. 1. Quia amor in patria, & amor in via tendunt in idem objectum, sed amor in via est liber, & imputabilis operanti ad laudem, ergo etiam amor in patria; immo à fortiori, cum reddat operantem magis Sanctum, & moraliter bonum, quàm amor in via.

Confirm. 2. Quia si amor in Patria non afferret laudabilitatem operanti, & meritum, careret aliquâ perfectione, quâ non caret amor in via; unde esset minùs perfectus; quod non videtur asserendum.

Resp. Laudabilitatem in actu aliam esse objectivam, quæ consistit in hoc, quòd actus persecutivus alicujus objecti sit consentaneus naturæ rationali, & hujusmodi laudabilitas competit amor in Patria: Alia verò laudabilitas, quæ competit amor in via, est laudabilitas formalis, consistens in hoc, quod actum bonum operans sibi obtineat per jus suæ libertatis, unde operanti liberè tribuatur, & imputetur: Habetur etiam laudabilitas formalis in actu necessario, quando essentialiter exigitur à natura operantis, & ideo ipsi operanti pariter ascribitur, & imputatur, cujusmodi sunt omnes actus Dei necessarii. Quare nego, amorem beatificum ullam aliam laudabilitatem habere præter objectivam; nego etiam, hujusmodi amorem Beato esse imputabilem, nisi in causa, nempe in meritis à se liberè positis in via.

Ad primam confirm. *dist. maj.* Amor in via, & amor in patria tendunt idem objectum eodem modo, *nego*, diverso modo, *conc. maj. min.* *Et nego conseq.* Ad laudabilitatem formalem, & imputabilitatem actus non sufficit tendentia in objectum consonum naturæ rationali, sed

Pars II.

Y

requi-

requiritur etiam, quod procedat aut per jus propriæ libertatis, aut ex essentiali exigentia propriæ naturæ. Sic motus primò primi tendunt in idem objectum, ac actus deliberati, & tamen solum actus deliberati sunt imputabiles ad laudem, vel vituperium, & sunt meritorii, aut demeritorii, quia solum actus deliberati sunt simpliciter liberi.

Ad secundam: quamvis amor in Patria careat aliquâ perfectione, quâ pollet amor in via, non per hoc est minùs perfectus, cum ea compensetur per possessionem hereditatis propriæ filiorum Dei, & per unionem perfectam creaturæ rationalis cum suo ultimo fine. Sic forma non dicitur esse minùs perfecta, quàm materia, quamvis illa sit corruptibilis, & non ista; quia hæc perfectio aliunde compensatur in forma, videlicet per hoc quod sit activa.

VI. OBJIC. 3. Christus D. etiam si sit determinatus ad Deum amandum, & ad obtemperandum præceptis naturalibus, non per hoc in his actibus caret laudabilitate, & imputabilitate formali, atque adeò libertate; & tamen non aliam libertatem habet, quàm à coactione, ergo hæc libertas sufficit ad laudabilitatem & meritum. Antecedens docetur à D. Th. 9. 17 *de ver. ar. 6. & in 3. Sent. qu. 1. dist. 38. ar. 2. ad 5.* ubi hæc habet: *Vel dicendum, quod, etiamsi Christus D. sit determinatus ad unum numero, sicut ad diligendum Deum, quod non facere non potest; tamen ex hoc non amittit libertatem aut rationem laudis, sive meriti quia in illud non coactè, sed spontè tendit, & ita est actus sui dominus.*

Resp. Aliquos putasse, in actibus Christi Domini liberis tantum à coactione fuisse non solum laudabilitatem, qualis est in actibus necessariis Divinis; quia necessitas erat ab intrinseco, videlicet à personalitate Verbi; sed etiam meritum propter inferioritatem humanæ naturæ operantis ad Deum, à quo poterat præmiari; nec putarunt id

id adversari propositioni damnatæ adversus Janſenium, quia in ea dicitur, *Ad merendum satis esse libertatem à coactione in natura lapsa*; natura autem Christi Domini erat integra. Verùm, ut notat Platelius *p. 4. num. 313*: propositio damnata, ubi dicit, *In natura lapsa*, non habet vim restrictivæ, sed ampliativæ; & fit sensus: etiam in statu naturæ lapsæ, nedum in statu naturæ integræ. Quod patet ex ipſo scopo Pontificis damnantis ibi Janſenium, qui dicebat: In statu naturæ integræ fuisse libertatem à necessitate, eamque per peccatum Adami periiſſe, ideóque sufficere libertatem à coactione ad merendum in natura lapsa destituta suis dotibus, quæ libertas non sufficiebat in natura integra. Videtur itaque de fide, quòd neque in natura lapsa, neque in integra sufficiat ad merendum libertas à coactione. Quare ad argumentum *nego antecedens*. Ad auctoritatem D. Th. quæ difficilem habet interpretationem, dico, mentem Angelici aptè explicari *3. p. quæst. 18. art. 4. ad 3.* ubi ait: *Dicendum, quòd voluntas Christi Domini, licet sit determinata ad bonum, non tamen est determinata ad hoc vel illud bonum, & ideo pertinet ad Christum eligere per liberum arbitrium confirmatum in bono.* Sic ad amandum Deum liber erat libertate indifferentiæ relatè ad hunc, vel illum gradum amoris, & ad obtemperandum præceptis naturalibus liber erat, vel ad actum in tali, vel tali intentione, vel ex hoc, aut illo motivo, & ratione talis libertatis poterat mereri; quod explicant etiam ultima Verba textûs adducti, ut notat Platelius *loc. laudato*, dicit enim Angelicus; *Et ita est actus sui dominus*, atque adeò omninò liber; & quamvis dicat, quòd Christus D. sit actus sui dominus; *quamvis sit determinatus ad unum numero; sicut ad diligendum Deum*, non est sensus, quòd sit determinatus ad unum numero actum, sed ad unum numero præceptum, ut patet ex contextu.

VII, OBJ. ultimò: potest aliquis in pœnam peccati præ-

teriti obligari ad non faciendum aliquid, ad quod necessitatur; sicut damnati obligantur ad non blasphemandum, & odio habendum Deum, ad quod necessitantur; ergo in pœnam peccati originalis potest homo in natura lapsa obligari ad non peccandum, & propter peccatum puniri, quamvis ad illud necessitetur; ergo ad demerendum sufficit libertas à coactione.

Resp. Nego antecedens : Damnati solum moraliter necessitantur ad odio habendum Deum, ut docent communius, & ideo obligantur ad non odio habendum. Quod si velis, ad id necessitari physicè, dicas, obligari non posse ad cessandum ab odio, cum nemo obligetur ad impossibile, unde est, quod damnati nec contrahant novum demeritum, nec propter peccata in inferno commissa puniantur. Adde, per baptismum omnino deleri originale; ex Tridentino enim *sess. 5. can. 5. Nihil est damnationis iis, qui verè consecuti sunt cum Christo per baptismum in mortem*; ergo non potest in pœnam originalis per baptismum deleri remanere necessitas ad peccandum, & ad merendam damnationem æternam.

VIII. Hæc de Jansenismo satis sit delibasse, qui plura velit, consulat Trutinam Theologicam Thesium damnatarum, ubi quinque famosæ illæ Jansenii theses enucleantur: Consulat etiam Annatum, de Champæ, ac præsertim Platelium de Gratia *cap. 6. nu. 485.* ubi breviter recenset primò errores Pelagii dicentis, Gratiam dari ex meritis; nec dari gratiam internam supernaturalem, sive actualem, sive habitualem: Electionem, vel reprobationem puerorum fieri ex meritis conditionatè prævisis &c. Secundò errores Semipelagianorum dicentium: Initium salutis esse ex nobis per volitionem credendi, & piè vivendi, solis liberi arbitrii viribus elicitam, & per orationem, & petitionem auxilii ad id necessarij purè naturalem: Item, gratiam non esse necessariam ad incipiendum, sed ad perseverandum &c. Tertiò errores Lutheri, & Calvini dicent-

centium, Liberum arbitrium in natura lapsa esse extinctum; Hominem ex necessitate, non liberè agi, vel à concupiscentia ad peccatum, vel à gratia ad bonum; atque adeò necessariò succumbere delectationi victrici. Quarta errores Baji, & Jansenii, præsertim in quinque propositionibus ab Innocentio X. damnatis, quarum prima est.

1. Aliqua Dei præcepta hominibus iustis volentibus, & conantibus secundum præsentem, quas habent, vires, sunt impossibilia, deest quoque illis gratia, quâ possibilia fiant.
2. Interiori gratiæ in statu naturæ lapsæ nunquam resistitur.
3. Ad merendum, vel demerendum in statu naturæ lapsæ sufficit libertas à coactione.
4. Semipelagiani erant hæretici in hoc, quòd velent gratiam ad actus salutes requisitam talem esse, cui possit voluntas resistere, vel obtemperare.
5. Semipelagianum est dicere, Christum pro omnibus omnino hominibus mortuum esse, ac sanguinem fudisse.

Denique adduntur Jansenistarum cavillationes dicentium, has Jansenii propositiones non esse damnatas ab Innoc. X. in sensu, quo illas Auctor admisit: Contra quos tanquam filios impietatis Alex. VII. suo decreto an. 1664. definivit, eas in sensu à Jansenio intento fuisse damnatas.

Q U Æ S T I O VII.

Utrum voluntas libertatem actualem exerceat pro instanti, quo operatur, an pro sequenti?

1. **D**Ocent Nominales cum Magistro Sententiarum apud Arriag. hinc *disp. 6. sect. 4.* & Amic. *disp. 6. sect. 5.* voluntatem non exercere libertatem suam

pro instanti, quo ponit actum, sed pro sequenti, pro quo potest liberè vel in actu continuare, vel ab actu cessare. Probant primò, quia libertas est potentia ad actus oppositos, sed pro instanti, quo voluntas ponit v. gr. actum amoris, non potest etiam ponere odium, vel negationem amoris; ergo non potest pro eo instanti libertatem exercere.

Secundò: quia, sicut non datur potentia ad præteritum, ita postquam voluntas in instanti A produxit actum, non potest illum non produxisse, ergo non potest in eo instanti illum non producere; aliter efficere posset, quod non sit id, quod est; quod est impossibile; quia quod est, dum est, necessariò est, atqui quod necessariò est, non potest non esse; ergo quod est, dum est, non potest non esse.

Tertiò, quia liberum arbitrium est circa ea, de quibus est consultatio, atqui solùm de futuris, non de præteritis, aut præsentibus, est consultatio; ergo solùm relatè ad futura est libertas. Quare sicuti pro instanti A, quo Deus v. gr. producit Angelum, est liber ad illum destruendum, non tamen pro eodem instanti A, quia simul esset, & non esset Angelus pro eo instanti, sed pro sequenti; ita voluntas pro instanti A, quo ponit amorem, est quidem libera ad ponendum odium, non tamen pro eodem instanti, sed pro sequenti.

II. Dico tamen cum communi apud Suar. in *Metaphysica disp. 19. sect. 9.* Libertatem nullatenus esse circa futura, quatenus talia, sed solùm circa præsentia; unde voluntas libertatem exercet pro instanti, quo operatur, non pro sequenti.

PROB. I. Quia Deus ab æterno libertatem exercuit, decernendo v. gr. Mundi creationem; quin prius fuerit libertas, & deinde exercitium libertatis, seu decretum liberum de Mundo condendo; ergo etiam voluntas creata libertatem actualem exercet pro quando operatur: atque adeò libertas non est circa futura.

PROB.

PROB. 2. à priori. Tunc voluntas liberè agit, seu libertatem exercet, quindò ità agit, ut pro eodem instanti possit non agere, non quidem conjunctim, sed divisim; atqui voluntas, quando amat, v. gr. ità amat, ut possit non amare in sensu diviso, ergo dum agit, libèrètem exercet pro eodem instanti, non pro sequenti. Neque dicas, quòd pro eodem instanti esset voluntas simul determinata, & indifferens. Nam bene potest intelligi, quòd voluntas pro primo signo naturæ præscindat ab actû, & negatione actûs, in quo consistit indifferentia, & pro secundo signo naturæ intelligatur cum actû potius, quàm cum non actû, aut è contra, & sic esse determinata; Sicuti dicimus in physicis, quòd in instanti, quo habetur mutatio, & lignum v. gr. transit in ignem, pro primo signo naturæ habeatur præcisio ab utraque forma substantiali; quatenus neutra intelligitur, non verò neutra sit; pro secundo signo naturæ intelligatur forma ignis exclusivè formæ ligni.

PROB. 3. ab absurdo, quia si in instanti, quo peccator elicit perfectam contritionem, non liberè operaretur, sequeretur, quòd si in mediàtè post illud instans decederet, damnaretur propter peccatum non liberè retractatum. Similiter, si in instanti quo quis peccaret, non liberè peccaret, sequeretur, quòd si post illud decederet, non damnaretur, cum peccatum præteritum, utpote non liberum, non fuerit imputabile, quæ tamen nemo dixerit. Adde, secundum Gabrielem, & Okam cum aliis Nominabilibus apud Amic. docuisse, Angelum potuisse mereri, atque adeò liberè operari pro primo instanti suæ creationis; & communiter dicimus, Christum Dominum etiam in primo instanti nos liberè amasse, & pro nobis meruisse.

IV. Ad primam rationem in contrarium *distinguo majorem*, libertas est potentia ad actus oppositos divisim, *concedo*; conjunctim *nego majorem*, & *distinctè pariter minore*, nego consequentiam.

V. Ad 2. transmissio, quod non detur potentia ad præteritum, potest tamen dari de præsentī potentia ad actum, qui ponitur, putā ad amorem, & ad actum oppositum, qui, si poneretur, impediret existentiam amoris de facto positi: Unde non habetur simultas actuum, nec potentia simultatis, sed solum simultas potentia ad actus oppositos. In forma *negō consequentiam*. Ad probationem, *distinguo*, quod est, dum est, necessariò est, necessitate consequente, & ex suppositione, *concedo*, necessitate antecedente, & nullā factā suppositione, *negō*. Hinc non infertur, non posse non esse id, quod est, dum actu est; sed solum infertur, non posse dum est, esse simul, & non esse, seu habere potentiam simultatis, non simultatem potentia.

VI. Ad 3. esto consultatio sit tantum de futuris; at voluntas, præhabita consultatione, solum de præsentī eligit, & liberè operatur. Adde, consultationem posse etiam esse de præsentī, non ex suppositione, quod sit electio, sed in priori natura; itā ut intellectus prius cognoscat, & iudicet, num bonum A sit præstantius, & eligibilius, quā B; & deinde pro secundo signo naturæ detur voluntas eligens A præ B. Ad id, quod additur, dicendum, quod sicut Deus potest pro eodem instanti A, quo ponit Angelum, illum non ponere, non tamen destruere, nisi pro instanti sequenti; itā potest voluntas pro eodem instanti A, quo ponit amorem, illum non ponere; in quo consistit libertas, & simultas potentia; quamvis non possit pro eodem instanti, quo primo ponit amorem, illum destruere.

Q U Æ S T I O VIII.

An possit Voluntas eligere bonum minus, relicto maiori etiam efficacius proposito?

- I. **N**onnulli apud Vasquez 1. 2. disp. 128. docuerunt, non posse voluntatem eligere nisi bonum quod

quod ab intellectu proponitur esse majus. Ipse Vasquez docet, posse quidem voluntatem eligere bonum minus, dummodo efficacius, ac vividius ab intellectu proponatur: Quare si ex. gr. proponatur efficacius bonum intemperantiæ, quàm bonum honestum temperantiæ, voluntas non potest amplecti temperantiæ, sed solum potest omittere amplexum intemperantiæ, quia bonum hoc non necessitat ad sui amorem: postquam autem voluntas suspendit amorem intemperantiæ, poterit intellectus determinari ad melius inspiciendum bonum honestum temperantiæ, & vividius illud repræsentare, unde voluntas possit illud positivè amare. Hæc tamen sententia, ut ut ingeniosa, communiter rejicitur. Nam si voluntas in hoc casu potest suspendere amorem intemperantiæ, quamvis inefficaciùs proponatur bonitas, quæ est in suspensione amoris intemperantiæ, quàm ipsum bonum intemperantiæ, poterit etiam amare bonum honestum temperantiæ, quamvis inefficaciùs proponatur, quàm bonum temperantiæ. Præterquam quod hæc sententia supponit possibilem puram omissionem liberam, quam nos rejecimus.

Bellar. *lib. 5. de Gratia c. 8.* putat, voluntatem non posse eligere, nisi quod intellectus dicat per ultimum judicium practicum, omnibus pensatis, esse faciendum. Sed communiter etiam rejicitur; tum quia peccans deberet habere judicium practicum, quod sit peccandum; unde non peccaret, dum peccat; tum etiam, quia si datur in voluntate libertas ad judicandum hîc, & nunc, quod non sit peccandum, eo ipso poterit etiam dari libertas immediata ad non peccandum; quod si prior illa libertas non datur, jam voluntas nullatenus esset libera.

II. Dico itaque 1. Ad electionem liberam non requiritur judicium ultimum practicum, à quo voluntas determinetur. Conclusio constat ex modo dictis contra Bellarminum.

III. Dico 2. Neque requiritur ad electionem liberam, quod bonum amplectendum efficacius proponatur ab

intellectu; sed potest eligi etiam quod inefficaciùs proponitur, & ad quod ex vi propositionis voluntas minùs inclinatur. Ità communiter contra Vasquium loco laudato.

PROB. Tum quia, si voluntas est libera, ut bonum A efficacius proponatur quàm B, erit etiam immediatè libera ad amandum bonum A inefficaciùs propositum, quàm B; tum etiam quia si quando proponitur bonum A intemperantiæ v. gr. efficacius, potest suspendere amorem [ut docet Vasq. ne omninò interimatur libertas] quamvis suspensio a moris inefficaciùs proponatur, poteri etiam tunc amare bonum B, v. gr. temperantiæ, quamvis proponatur inefficaciùs.

IV. Dico 3. Potest voluntas, propositis eadem efficacitate duobus bonis omninò æqualibus, unum præ altero eligere. Idè etiam communiter cum Suar. contra Vasq.

PROB. Si voluntati proponatur solum bonum A sine B, est libera ad illud amandum, vel non amandum; ergo etiam si A proponatur si nūl cum B; quandoquidem confortium hoc neque addit, neque tollit bonitatem ab A; unde remanet in voluntate eadem libertas ad illud amandum ergo potest etiam illud liberè præeligere.

Confirm. 1. Quia de facto Deus inter duo individua omninò æqualia liber est ad amandum, & creandum A præ B; ergo potest etiam sic præeligere creatura. Nec facit ad rem quòd Deus non moveatur ab objecto creato, ut moveatur creatura; Nam satis est, quòd neque Deus, neque creatura possit amare, nisi quòd repræsentatur ut bonum, ad hoc, ut paritas evincat intentum.

Confirm. 2. Quia aliter potentia libera non haberet libertatem immediatam, sed solum mediatam, juxta sententiam Vasquii, quatenus posset suspendere amorē erga bonum B, & attentius advertere ad bonitatem, quæ est in A; unde vividius repræsentato ipso A, posset illud præeligere; quod tamen & gratis dicitur, & positivè impugnatum est in secunda conclusione.

V. Ne.

V. Neque dicas, voluntatem esse potentiam rationalem, atque adeò debere reddere rationem talis præelectionis; quæ non videtur ex parte objecti aptè assignari, si utrumque bonum æquale æqualiter proponeretur.

Nam bene explicatur, quomodo voluntas rationabiliter procedat in casu, dicendo, in tantum eligere A præ B (præsertim si bona sint impossibilia) in quantum in utroque bono reperit bonitatem sufficientem, sed non necessitantem ad amorem; & cum nolit, siue non possit, quando bona sunt impossibilia, utrumque simul amare, mavult amare unum, quàm neutrum: Sicuti Deus mavult ponere mundum A, quàm B rationabiliter, ratione fundata in objecto, quod capax est amoris Dei, non tamen necessitans ad illum. Et ratio à priori est, quia ad hoc, ut voluntas libera procedat liberè, debet quidem ab objecto moveri, sed non determinari ab illo, cum nequeat determinari ab extrinseco; in casu autem ab utroque bono sufficienter moveretur in actu primo, determinaretur tamen à seipsa ad amandum A præ B; unde liberè, & rationabiliter procederet.

Neque replices, debere rationem reddi non solum amoris terminati ad bonum A, quæ est ipsa bonitas objecti non necessitans, sed etiam præelectionis A relatè ad B; ad quod non satis est dicere, quòd in A sit bonitas non necessitans, & quòd voluntas sit libera; nam debet ex parte objecti reddi ratio hujus prælationis; aliter voluntas posset amare malum, & reddere rationem hujus actus, dicendo, quia est libera.

Nam contra est, quia sufficiens ratio redditur præelectionis & prælationis, tū quia ex parte objecti datur bonitas, tum quia ex parte voluntatis datur libertas ad hanc bonitatem amandam, non illam: primum caput se tenet ex parte objecti, cum nequeat amari malum; secundum se tenet ex parte potentiæ liberæ, quæ ratione libertatis suæ potest aptè in casu dicere: *Stat pro ratione volun-*

voluntas; ut quando Deus eligit A præ B. Unde non sequitur, quòd ratione libertatis possit voluntas amare malũ.

VI. Dico ultimò: potest voluntas eligere bonum minùs præ majori, etiam si sint ejusdem rationis; etiam si inefficaciùs, & minùs vivide repræsentetur bonum minus. Conclusio est etiam communis contra Vasq. hìc *cap. 30.* & sequitur ex dictis.

Et sane quòd possit præligi bonum minus præ majori si sint diversæ rationis, constat experientiã; qui enim peccat, eligit bonum delectabile, quod est minus, præ honesto, quod est majus. Et ratio à priori est, quia utrumque bonum potest voluntatem movere, & neutrum necessitat. Quæ ratio probat etiam, quòd possit præligi bonum minùs, etiam si sit ejusdem rationis cum majori, putà potest libere conferri eleẽ nosyna minor, non collatã majori ut potest bonum A amari amore intenso ut unum, non intenso ut duo. Hæc etiam ratio probat, quòd si bonum minus inefficaciùs repræsentetur, quàm majus, adhuc possit illud præligi; putà si bonum delectabile intemperantiæ inefficaciùs, ac minùs vivide repræsentetur, quàm bonum honestum jejunii, potest quis peccare peccato intemperantiæ, hanc eligendo præ jejunio; nam etiam in hoc casu recurrit eadem ratio; quod scilicet utrumque objectum potest movere voluntatem ad amorem, & neutrum necessitat. Quod etiam confirmatur ex dictis in tertia conclusione.

VII. OBJIC. I. Quicquid eligit voluntas, eligit ex amore boni; atqui ex amore boni non potest præligere bonum minus; sicuti nequit avarus ex amore pecuniæ præligere decem aureos, relictis centum aureis; nec potest quis ex amore sanitatis eligere pharmacum minus utile præ utiliori; ergo non potest voluntas in prospectu, & conflictu majoris boni, eligere bonum minus.

Confirm. Quia minus bonum comparatum cum majori, habet rationem mali; voluntas autem non potest amplecti

plecti malum: ergo nec minus bonum in conflictu majoris. Antecedens patet à contrario; nam minus malum comparatum cum majori habet rationem boni; Unde qui volenti v. gr. occidere Petrum, dat consilium, ut si determinatus est ad occidendum, potius det illi alapam, dat consilium bonum exigens à Petro gratiarum actionem.

Resp. concessa majori, nego minorem. Ad exempla, quæ adducuntur, *Distinguo antecedens*: avarus non potest præfigere decem aureos, quando potest habere centum, si trahatur ex amore pecuniæ efficacissimo, seu ex amore ditescendi quàm maximè potest, *concedo*, si trahatur ex amore pecuniæ non efficacissimo, *Nego Antecedens*. Idemque dicas de alio exemplo; sicut enim potest quis liberè pecuniam amare, vel non amare, ita potest liberè amare illam amore efficacissimo ad ditescendum quàm maximè, & non amare illam hoc amore, quando ex hoc amore efficacissimo trahitur ad amandam pecuniam; certè nequit eligere minorem præ majori, secùs verò si amat ditescere, non tamen ditescere quàm maximè: Pariter voluntas potest liberè amare, & non amare bonum ex intentione assequendi aliquod bonum; & potest illud amare ex intentione assequendi bonum omne, quod potest; si ex hac secunda intentione amplectatur bonum, debet eligere bonum majus; & debet amare illud amore intensissimo, si velit assequi meliori modo, quo potest; secùs verò, si velit tantùm amare bonum in particulari ex intentione assequendi aliquod bonum; Potest autem voluntas liberè ex utraque intentione moveri; quamvis enim à natura sit determinata ad bonum in quantum bonum, at libera est ad amandum bonum mixtum malo, & ad amandum hoc, vel illo amore.

Ad confirm. Licèt bonum minus in quantum minus habeat rationem mali, non per hoc à voluntate amatur in quantum minus reduplicativè; sicut bonum honestum licèt repræsentetur ut malum, in quantum est exclusivè boni

boni delectabilis; atà voluntate non amatur in quantum malum. Quare retorqueo paritatem: peccaret, & prævum daret consilium, qui volenti occidere Petrum, diceret, Da illi alapam, intendendo alapam in quantum damnificativam, non in quantum minùs damnificativam, quàm sit mors; ergo bene operatur, & bonum prosequitur, qui eligit bonum minus, in quantum bonum est, non in quantum minus, quod haberetur in casu.

VIII. OBJ. 2. Si præligens bonum minus præ majori amaret illud solùm in quantum Bonum absolutè, & non in quantum minus, & comparativè ad majus, sequeretur, quod posset quis licitè præligere bonum minus; cùm semper virtuosè ametur bonum: Sequela autem est falsa; nam qui præfert caduca æternis, & bonum delectabile honesto, peccat; ergo non amatur in casu bonum, in quantum bonum absolutè, sed in quantum est bonum minus; adeoque in quantum habet carentiam boni majoris, sub qua ratione est malum.

Resp. Quòd licèt virtuosè possit aliquando eligi bonum minus, relicto majori, v. gr. eligendo matrimonium relicto cœlibatu, & erogando stipem ut duo, non erogata ut quatuor, ac eliciendo actum intensum ut duo, non elicitum intensum ut quatuor; at non semper est juxta dictamen prudentiæ, nec semper honestum, ac virtuosum est eligere bonum minus; & ideo peccant, & imprudenter operantur qui præferunt bonum jucundum bono honesto. Quare regula prudentiæ, & dictamen rationis aliquando dictant, meliùs quidem esse eligere bonum majus, v. gr. cœlibatum præ matrimonio, quin tamen peccet, & contra virtutem operetur, qui præfert hujusmodi bonum minus; aliquando verò distant, teneri nos ad eligendum bonum majus, & peccare qui præligit minus, ut si quis eligat jucundum præ honesto; & in hoc tantùm casu imprudenter operaretur, qui præligeret bonum minus.

QUÆ.

Q U Æ S T I O IX.

An Voluntas possit liberè amare malum, ut malum?

I. **C**ommunissimè Doctores cum Angel. 1. 2. *quæst.* 8. *art.* 1. ut notat Vasq. 1. 2. *disp.* 31. docuerunt olim, non posse voluntatem amare malum, ut malum, nec odisse bonum, ut bonum. Scotus etiam idem docet in 4. *dist.* 49. *quæst.* 12. Quamvis in 1. *dist.* 1. *quæst.* 4. dixerit, hoc non probari efficaciter. Nominales tamen cum Okam in 3. *quæst.* 13. *ad* 3. absolutè docent, non repugnare.

Dico equidem I. Repugnat, voluntatem prosequi malum sub pura ratione mali, & fugere à bono, in quantum bonum est. I. à communiter contra Nominales, quos in hac re manifestè desipuissè, dicit Vasq. *loc. cit. cap.* 2.

PROB. 1. Auctoritate Aug. *lib.* 2. *Confess. cap.* 4. ubi ostendit, quemcunque etiam in peccato, quod committit aliquam rationem boni prosequi: Et in Enchiridio c. 86. habet: *Beati esse volumus, & miseri esse non solum nolumus, sed neque velle possumus.*

PROB. 2. Ratione D. Thoma Quia amor, & appetitus sunt quædam inclinatio appetentis in objectum; atqui inclinatio essentialiter est ad aliquid conveniens, & proportionatum appetenti; & solum bonum est conveniens, & proportionatum voluntati; ergo amor, & appetitus solum ferri possunt in bonum. Et eadem ratione, odium est fuga ab aliquo disconveniente, & improporcionado fugienti; solum autem malum est huiusmodi; ergo odium fertur solum in malum.

II. Dico 2. Bonum, quod prosequimur, non est necessè, quod sit in se bonum, satis est, quòd bonum appareat. Ita communiter cum Angelico, & Philosopho 2. physico-
rum 3. 1. ubi docet, quòd finis vel est bonum, vel apparens bonum.

PROB.

PROB. In hoc differunt appetitus innatus, & elicitus quòd ille sequitur formam naturalem, per quam id, quod appetitur, verè competit appetenti, ex. gr. grave, quod est appetitus naturalis centri, sequitur formam terræ, cui bonum est esse in centro; at appetitus elicitus, sive sensitivus, sive rationalis sequitur formam apprehensam, seu cognitionem, per quam aliquid apprehenditur ut bonum, & conveniens appetenti; ergo ad hoc, ut voluntas per amorem prosequatur bonum, satis est, quod apprehendat objectum ut bonum, & conveniens amanti; esto reapse non ita sit.

III. OBJIC. 1. Qui odit inimicum, vult illi malum in quantum malum ei est, ex D. Thom. hìc *qu. 29. art. 2.* ergo possumus prosequi malum, ut malum.

Confirm. Damnati odio habent Deum, quem cognoscunt purum, & summum bonum; ergo possumus odisse bonum sub ratione boni.

Resp. Qui vult malum inimico, ita vult illud in quantum malum inimico, ut simul velit illud in quantum bonum sibi, quia apprehenditur malum inimici esse bonum proprium, ut advertit Vasq. hìc *c. 3.* Hinc potest etiam aliquis velle aliquod malum sibi in quantum malum est, puta jejuniū, dummodo apprehendatur, idem esse sub alia ratione bonum, nimirum relatè ad animæ salutem. Immo etiam potest quis velle malum sibi, in quantum bonum alteri, ut si quis velit potius gehennam subire, quàm peccatum; in quo casu gehenna ut excludens peccatum, apprehenditur bona Deo, quamvis revera sit etiam bona, seu minùs mala eligenti illam præ peccato, quia peccatum est pejus gehennâ.

Ad confirm. Damnati odio habent Deum in quantum punitorem, & inimicum, atque adeò in quantum malum ipsis damnatis, & consequenter odium damnatorum non fertur in bonum quàm bonum. Quare *distinguo anteced.* damnati odio habent Deum, quem cognoscunt purum bo-

bonum intrinsecè, *concedo*; extrinsecè, & relatè ad ipsos damnatos relatè ad quos causat malum pœnæ, quamvis cum summa bonitate, & rectitudine, *nego antecedens, & Consequentiam.*

IV. OBJIC. 2. Potentia est ad opposita, v. gr. visiva potest videre album, & nigrum; ergo voluntas potest velle bonum, & malum; aperte enim Philosophus 9. metaph. 3. dicit potentias rationales esse oppositorum, ut medicina non solum potest sanitatem efficere, sed etiam ægritudinem.

Confirm. Quia aliquando appetimus negationes, putà tenebras, taciturnitatem &c. negatio autem est purum malum; ergo ut prius.

Resp. concedendo, potentias rationales esse ad opposita, putà ad bonum, & malum; sed ità ut tendant ad bonum actu prosecutivo, ad malum aversivo; sicut intellectus tendit ad verum per affirmationem, ad falsum per negationem: possunt itaque potentia rationales tendere ad utrumque objectum oppositum, sed sub ea ratione, sub qua continentur sub ratione proprii objecti, ut sibi convenientis.

Ad confirm. Negationes etiam appetimus sub aliqua ratione boni, quatenus apprehenditur, quòd sit bonum carere tali objecto; sic carere defatigatione apprehenditur ut bonum propter quietem consequentem: Unde Philosophus 1. Eth. 5. dixit, quòd carere malo habeat aliquam rationem boni.

Q U Æ S T I O X.

Num dari possit actus puræ fugæ erga malum:

I. **C**ertum est, voluntatem sumptam pro tota appetitiva potentia rationali, habere tam actus prosecutivos, putà desiderii, amoris, gaudii, quàm aversativos, putà odii, fugæ, tristitiæ &c. quod ipsa experientia

Pars II.

Z

com-

comperitum est; longè enim aliter afficimur per amorem, ac per odium; amor est dulcis, ac suavis, odium verò rigidum, & asperum; gaudium dilatat cor, tristitia constringit, &c.

Difficultas solum est, Utrum voluntas per odium ita aversetur malum, ut simul necessario prosequatur bonum oppositum; unde ex amore boni aversetur malum, an verò possit per se tendere ad malum absque ullo affectu erga bonum? Quòd voluntas possit per se tendere in bonum absque respectu ad malum, nemo negat; quia bonum per se habet sufficientem rationem amabilitatis. Quòd verò possit avertere malum absq; respectu ad bonum, negant non pauci apud Lugo de Pœnit. *disp. 1. sect. 1.* & apud Salas in *1. 2. tract. 9. disp. 3. sec. 2.* putantes, nec intellectum posse purè dissentire absque ullo assensu in verum oppositum, nec voluntatem posse purè odire malum absq; prosecutione boni oppositi; quia scilicet nec intellectus potest tendere, nisi in suum objectum, quod est verum, nec voluntas, nisi in suum, quod est bonum.

II. Censeo equidem cum communiori, voluntatem posse per se ferri in malum, atque adeò possibilem esse actum puræ fugæ, qui præcisè moveatur à malo ad illud averfandum; non secus ac possibilis est in omnium sententia actus puræ prosecutionis, qui præcisè moveatur à bono; ut colligitur ex D. Th. *quæst. 29. art. 1.*

PROB. Non minùs malum habet ratione sui, unde displiceat, & expellat, quàm bonum habeat ratione sui amabilitatem, unde trahat, & alliciat; ergo sicut potest voluntas per se ferri in bonum per actum puræ prosecutionis, ita per se in malum per actum puræ fugæ.

Confirm. Experientiâ, quia diversimodè se habet voluntas, dum amat, ac dum odit, cum amor sit dulcis, & placeat; odium verò asperum, & displiceat; unde odium v. gr. tenebrarum non potest dici ullo pacto, quòd sit formaliter amor lucis, sed tantùm virtualiter; in hoc scilicet sensu,

sensu; quod voluntas ex odio tenebrarum determinari facile possit ad amorem lucis.

III. OBJIC. I. Objectum voluntatis est bonum ; ergo non potest voluntas operari, nisi circa bonum; ergo etiam quando odit malum, debet prosequi bonum oppositum, & ex ejus amore determinari ad fugam mali.

Confirm. Quia actus intellectus judicativus semper est affirmatio veri, etiam dum negat falsum; ergo pariter quilibet actus voluntatis est prosecutio boni, etiamsi aversetur malum. *Antecedens* probatur, quia dum intellectus negat existere tenebras, indivisibiliter affirmat existere lucem; & dum negat, hominem esse lapidem, movetur ad id negandum à distinctione inter hæc extrema, quam non negat, sed affirmat; sicut enim amor attingit motivum amandi; quandoquidem propter quod unumquodque tale, & illud magis; ita actus judicativus attingit motivum judicandi, ergo qui negat hominem esse lapidem, attingit motivum, quod est distinctio inter hominem, & lapidem, & attingit actu judicativo: non secus amor attingendo motivum amandi, attingit illud actu prosecutivo ex eodem principio: Propter quod unumquodque tale, & illud magis. Non potest autem intellectus attingere illud motivum actu judicativo negante eam distinctionem; ergo affirmante, & consequenter actus intellectus judicativus, etiam dum negat falsum, est affirmativus veri oppositi falso; quod etiam dicendum proportionaliter de actu voluntatis, qui proinde nequit esse puræ fugæ.

Respond. Voluntatem habere pro objecto non solum bonum, sed etiam malum, quamvis illud prosequendo, hoc averfando; ut constat tum experientiâ, tum ex D. Thom. qu. 8. art. 1. ubi habet. *Eadem est potentia oppositorum, ut visio est albi, & nigri, tactus calidi, & frigidi, potentia motiva ad sursum, & deorsum &c.* sed non eodem modo se habet ad utrumque; voluntas igitur se habet ad bonum, & malum; ad bonum

quidem appetendo ad malum averſando. Quare circa bonum in quantum tale verſatur voluntas ſolum in quantum proſecutiva, non verò adæquatè accepta, cum etiam verſari poſſit circa malum averſativè. In forma *Distinguo Antecedens*: objectum voluntatis adæquatè ſumptæ eſt ſolum bonum, *nego antecedens*, voluntatis in quantum proſecutivæ, *concedo antecedens*, & *nego Conſequentiam*.

Ad confir. varii varia. Equidem cum Martinonio dico, pariformiter diſcurrendum de intellectu, ac de voluntate; unde ſicut in voluntate dari poteſt actus puræ fugæ; ita in intellectu dari poteſt pura negatio falſi, quæ nullatenus ſit affirmatio veri; ſeu dari poteſt purus diſſenſus, qui nullatenus includat formalem aſſenſum: eo modo, quo dari poteſt purus aſſenſus, qui nullatenus includat formalem diſſenſum quare ex iſdem extremis ritè cognitis poteſt intellectus moveri tam ad actum purè affirmativum, quo dicat; Dantur tenebræ, ſeu datur negatio lucis. Datur diſtinctio inter lapidem, & hominem &c. quàm ad actum purè negativum, quo dicat, Non datur lux, Non datur identitas inter hominem, & lapidem. Principium Illud, *Propter quod* &c. non probat, quòd ſi propter motivum repræſentatum exercetur iudicium negativum de identitate inter hominem, & lapidem, exerceri etiam debeat iudicium de diſtinctione inter hominem, & lapidem, quæ eſt motivum illius iudicii; præſertim quia ſi deberet exerceri iudicium, deberet exerceri iudicium negativum relatè ad hoc motivum; quod repugnat. Quare ſicut bonum amatur, quia cognoscitur, reduplicando cognitionem, tanquam conditionem, non tanquam objectum amoris; unde non valet dicere bonum amatur propter cognitionem; ergo magis amatur ipſa cognitio: ita licet negetur lapis de homine propter motivum impoſſibilitatis, & diſtinctionis, quod repræſentatur, non inferitur, quod feratur iudicium de ipſa diſtinctione; quia repræſentatio diſtinctio-

inctionis, seu impossibilitatis, est tantum conditio
requisita vel ad iudicandum affirmativè de distinctione,
dicendo, Datur distinctio inter hominem, & lapidem, vel
ad iudicandum negativè inter hæc extrema, dicendo, Non
datur identitas inter hominem, & lapidem, seu homo non
est lapis. Concludamus, quod quamvis videantur verbo,
tenus differre istæ duæ propositiones, Datur distinctio in-
ter hominem, & lapidem, seu homo distinguitur à lapide,
& Non datur identitas inter hominem, & lapidem, seu
homo non identificatur cum lapide; possunt tamen esse
duo actus interni diversi, quorum alter affirmativè fera-
tur in distinctionem, & impossibilitatem hominis cum
lapide, alter feratur negativè in identitatem: Sicuti quam-
vis videatur verbo tenus afferre isti duo actus voluntatis,
Nolo ambulationem, & volo non ambulare, possunt ta-
men esse duo actus diversi; alter averfativus ambulationi-
s, alter prosecutivus negationis ambulationis; in quo-
cumque consistat hæc negatio, sive in ente abusivo, sive
in positivo impossibili &c.

IV. OBJIC. 2. Omnis actus voluntatis est propter finem
ultimum, qui est quoddam bonum, quod est prius volitum
quam cætera & propter quod cætera bona amantur; ergo
fuga à malo est simul prosecutio finis ultimi.

Confirm. 1. Quia qui odit malum, odit ex amore for-
mali, aut virtuali quo quisque diligit seipsum, aut illum,
cui non vult illud malum; ergo ut supra.

Confirm. 2. Quia malum ex Augustino est privatio
boni debiti; ergo nolle malum est nolle privationem talis
boni, sed nolle privationem boni est velle bonum: ergo
nolitio mali est formaliter volitio illius boni, cujus caren-
tia est malum.

Resp. Actum voluntatis non aliter esse propter ulti-
mum finem, nisi quatenus quælibet volitio, alicujus boni,
aut nolitio alicujus mali attingit partem aliquam beatitu-
dinis,

dinis, quæ est cumulus omnium bonorum, & remotio omnium malorum; non verò, quia quoties quis amat bonum particulare, illud ordinat ad summum bonum, seu ultimum finem; etenim sine consideratione summi boni potest quis prosequi bonum parziale, & nolle malum turpe, ac molestum, ratione sui. Quare distincto sic *antecedente nego Consequentiam.*

Ad primam confirmationem. Quamvis sæpe odium mali stet cum amore illius, cui malum nolumus; potest tamen etiam dari odium mali in abstracto, puta superbiæ, doloris &c. absque ulla prosecutione ejus, cui malum hoc nolumus, sed præcisè propter turpitudinem, aut molestiam talis mali. Deinde dato, quòd nolimus v. g. dolores ægro; at non proinde ægrum formaliter amamus, quia possumus ægro nolle malum, quin velimus formaliter, seu actu prosecutivo bonum oppositum: sicuti possumus, ut diximus, actu negativo dicere, Non dantur tenebræ, quin formaliter dicamus actu positivo, dari lucem.

Ad secundam i. dici potest, quòd malum consistat quidem in privatione boni debiti, sed non semper in pura privatione, cum possit dari aliquod malum, quod sit malum positivum, & non pura privatio boni, ut est dolor, cruciatus, infamia positiva &c. sed transmissio antecedente, & primâ consequentiâ, *Nego minorem* subsumptam, ut constat ex hætenus dictis. Et sanè experientia compertum est, posse aliquem vehementius affici circa unum oppositum quàm circa aliud. V. gr. magis quis odio habet ignominiam, quàm prosequatur sui nominis gloriam; ergo univèrsim odisse malum non est formaliter amare bonum oppositum.

Q U Æ S T I O XI.

Utrum ad amandum liberè objectum prærequiratur iudicium de ejus Bonitate?

I. SUFFICERE apprehensionem bonitatis ad amandum bonum, absque ullo actu judicativo, docent Vasq. 1. 2. disp. 44. c. 2. Oviedus contr. 8. de Anima pun. 4. Maurus, & alii : qui pariformiter docent; posse dari fugam à malo absque iudicio de ejus malitia.

II. Certe equidem, meram apprehensionem bonitatis absque iudicio de tali bonitate non sufficere ad objectum liberè amandum. Idemque dicendum de actu fugæ. Ità. Suar. lib. 7. de Angelis c. 10. Cajet. Pallav. & alii apud Salas primâ secundæ qu. 1. §. 5. sect. 2.

PROB. Ità se habet voluntas ad amplexum boni, ut intellectus ad assensum Conclusionis; atqui intellectus ad conclusionem non movetur ex prævia apprehensione præmissarum; nisi enim iudicet illas esse veras, suspendit assensum Conclusionis; ergo neque voluntas amplexabitur objectum, nisi iudicetur illud esse bonum. Ratio utriusque est, quia nec actus conclusionalis, nec voluntatis debet temerè poni; sed citra motivum prudens temerè ponerentur; ergo requirunt motivum prudens: atqui motivum prudens requisitum non est sola apprehensio objecti, sed actus judicativus; ergo neque actus conclusionalis neque actus voluntatis haberi possunt sine prævio actu judicativo. Minor subsumpta probatur primò auct. D. Th. qui in 2. dist. 24. qu. 2. art. 1. ex Philosopho 2. de anima tex. 154. hæc habet: *Ea que solum apprehenduntur, non contristant neque delectant; quæ ratione is qui merè apprehendit, se habet sicuti qui fertur ad quendam periculam, ex cuius visione non movetur ad passionem aliquam timoris, vel displicentia eorum, quæ intuetur, nisi iudicet, re ita se habere; imò si cernat terribilia depicta,*

non contristatur, nisi praeceat aliquod iudicium. Secundo probatur ratione, quia reddere rationem ; ob quam aliquid fit, est facere aliquid, quia motivum iudicatur esse tale; v. g. qui ambulat ex motivo sanitatis, vult ambulare, non quia cognoscit tantum, sed quia iudicat sanitatem esse bonam. Apprehensio trahit solum iudicium immediatum, non vero actum illativum, qui dicitur iudicium mediatum, nec actum voluntatis; quia actus illativus, & voluntatis cum sint actus rationales, niti debent iudicio praevio.

Confirm. Quia communissime docent contra Oviedum *loc. cit.* voluntatem ex sola apprehensione finis non posse tendere per actum efficacem in electionem, & executionem mediorum, quia voluntas esset imprudens, & irrationabilis circa hanc electionem, nisi posset reddere rationem illius per affirmationem bonitatis repraesentatae in fine, ergo neque poterit voluntas per simplicem complacentiam, aut per amorem ferri in objectum repraesentatum bonum, nisi iudicetur esse bonum, quia pariter esset irrationabilis talis complacentia, si non posset illius reddi motivum, seu ratio per iudicium de bonitate objecti: eo modo, quo est irrationabilis conclusio, si non possit ejus ratio reddi per iudicium de veritate praemissarum.

III. OBJIC. I. ex Ovied. Rusticus delectatur de dignitate regia, quam solum apprehendit; ergo potest actus voluntatis immediate consequi ad apprehensionem boni, sicut potest iudicium immediatum immediate consequi ad apprehensionem motivi.

Confirm. Si quis eligeret medium ad finem, de quo dubitaret, an sit bonum, operaretur quidem imprudenter, sed tamen operaretur, ergo possibilis est actus voluntatis, licet imprudens, & irrationabilis, post solam apprehensionem finis boni.

Resp. Rusticum non delectari ex sola apprehensione dignitatis regiae, sed ex iudicio, quod ea dignitas sit bona, vel

vel sibi, vel amico, qui censetur alter ego. Judicium immediatum potest consequi ad solam apprehensionem motivi, quia aliter abiremus in infinitum in judiciis ante judicia, at judicium mediatum, seu conclusionale, & actus voluntatis præsupponere debent judicium de motivo, ut sint rationabiles, & possit reddi ratio actûs.

Ad confirm. Electio medii in tali casu non solum esset imprudens, sed etiam impossibilis. Dicitur operari imprudenter, si quis v. gr. eligat bonum delectabile præ honesto, temporale præ æterno, at operari absque ullo motivo est impossibile. In casu adducto voluntas operaretur sine motivo, quia antequam judicet finem esse bonum, eligeret medium ex amore talis finis; ergo non posset operari.


IV. OBJIC. 2. ex Vasquez prima secundæ *disp. 44. cap. 2.* Appetitus sensitivus movetur à sola apprehensione boni sensibilis convenientis, vel mali disconvenientis, ergo etiam appetitus rationalis: Præsertim, quia magis potens est ad movendam voluntatem bonum intelligibile, quàm ad movendum appetitum sensitivum bonum sensibile apprehensum per Æstimatoriam. Et D. Th. prima secundæ *qu. 9. art. 1.* ad secundum docet, utrumque appetitum in hoc pariformiter moveri.

Resp. Pallavicinum *disp. 6. de actibus humanis quest. 2. art. 2. negare antecedens*, putat enim, quòd appetitus sensitivus non moveatur ex sola apprehensione objecti convenientis, sed quòd requiratur judicium aliquod imperfectum proprium Æstimatoriæ, quo judicetur objectum esse conveniens, sicuti intuitio objecti non est sola repræsentatio illius, sed est etiam quoddam judicium de ejus existentia, cum per intuitionem certificemur de objecto. Verùm *transmisso antecedente, nego consequentiam*. Disparitas est illa ipsa, quâ negatur brutis quodvis judicium, quia scilicet natura determinavit bruta ad prosecutionem objecti convenientis, præcisè per apprehen-

sionem illorum; ac non determinavit homines ad prosecutionem sui boni absque prævio iudicio de bonitate, ne irrationabiliter, ac temere operentur. Hinc in hominibus quousque datur cognitio certificans, atque adeò iudicium certum de bonitate objecti, non datur necessitas ad amplexum boni apprehensi; quando verò illud iudicium præcedit (ut contingit in motibus primò primis, quando repræsentatur voluntati purum bonum) tunc non datur libertas ad prosecutionem talis boni, & ideo in hominibus requiritur præter apprehensionem boni, etiam iudicium ad voluntatem determinandam, seu libere illam movendam.

DISPUTATIO VII.

De Actibus Humanis, in quantum Honestis , & Moralibus.

- I.  Consideratis humanis actibus in quantum voluntariis, & liberis , reliquum est, ut de iis disceptemus in quantum bonis ,

aut malis moraliter, seu in quantum honestis, quod est ultimum prædicatum, ratione cujus creatura rationalis per suos actus dirigitur in finem suum. Ratio, cur dicantur Morales, est, quia ex D. Isidoro *lib. 5. cap. 3. Mos est consuetudo vetustate firmata*; consueverunt autem homines actibus suis honestè, vel inhonestè operari, & idcirco honestas, & inhonestas actuum humanorum dici solet Moralitas. Porro honestas in actibus est id, ratione cujus actus conformantur cum prima regula honestatis, quæ est Lex æterna, seu Voluntas Dei, manifestata nobis per dictamen rationis; unde actus dicitur honestus, seu moraliter bonus, qui licitus est, & voluntati Divinæ conformis, inhonestus verò, qui est illicitus, & difformis,

II. Hinc sequitur 1. Bonum morale convenire cum bono physico in hoc, quòd utrumque sit conveniens sub-
jecto ,

jecto; at differunt, quia bonum physicum convenit sub-
jecto spectato secundum suum esse naturale; bonum ve-
rò morale convenit subjecto spectato secundum confor-
mitatem, quam debet habere cum Divina voluntate. Idem
que dicas proportionaliter de malo physico, & demorali.

Sequitur 2. Posse actionem aliquam esse malam physi-
cè, & bonam moraliter, ut flagellatio, jejunium, &c. quia
quod disconveniens est naturæ humanæ secundum se spe-
ctatæ, est malum physicè; quia tamen est conforme Divi-
næ voluntati, est bonum moraliter: & è converso propter
eandem rationem comestio carnis ex. gr. die Veneris est
bona physicè, & mala moraliter, cum discordet à prima
regula honestatis.

Sequitur 3. Regulam honestatis aliam esse mediatam &
objectivam, nempe, Voluntatem Divinam, & legem æter-
nam; aliam verò immediatam formalem, & intimativam
legis æternæ, nempe dictamen rationis. Unde stultis cla-
mantibus; *Quis ostendet nobis bona?* respondet Propheta
ps. 4. *Signatum est super nos lumen vultus tui, Domine.*

Sequitur 4. moralitatem, seu honestatem nihil aliud ex
parte objecti importare, quam ipsam entitatem actûs vo-
luntatis, in quantum conformis præscripto rationis; sicut
actio inhonestæ importat actum voluntatis ultimo ratio-
nis dictamini difformem. Proinde moralitas immediatè, &
per se primò convenit actibus voluntatis, & secundariò
per denominationem ab illis convenit actibus aliarum po-
tentiarû, qui à voluntate imperantur; unde dum quis vult
v.g. stipitem erogare, dicitur moraliter, & honeste opera-
ri, ita tamen ut honestas primariò competat actui interno
voluntatis, & per denominationem ab illo competat et-
iam actioni externæ.

Sequitur 5. Solam naturam rationalem esse agens mo-
rale, cum illa solum possit advertere, num actio aliqua sit
licita, an illicita. Quando tamen ad id non advertit, ut
accidit in infantibus, dormientibus, &c. tunc natura

rationalis non dicitur operari moraliter; unde quando quis v. gr. expuit, non advertens ad regulam honestatis, neque honestè, neque inhonestè operatur. Actio voluntatis necessaria dictamini rationis consona, ut est amor beatificus, est honestissima, atque adeò moralis moralitate tamen objectivâ, & largè dictâ; etenim actionem formaliter, ac præse moralè illam solùm communiter vocamus, quæ libera est, imputabilis ad laudem, vel probrium, nec non ad meritum præmii, vel pœnæ: Et de hac in præsenti agendum.

Inquirendum itaque 1. Utrùm regula objectiva actionum moralium sit lex æterna, an verò ipsa natura rationalis? Secundò: Utrùm honestas, & inhonestas, seu bonitas, & malitia moralis, sit essentialis, & intrinseca actui? unde descendit resolutio illius questionis, An possit idem actus transire de bono in malum, & è contrâ? Tertiò: An sit possibilis actus moralis indifferens in specie, vel in individuo; hoc est, neque bonus, neque malus moraliter, etiam si liber è positus, & cum advertentia ad regulam honestatis, à qua nec prohibeatur, nec præcipiatur? Denique de actibus imperatis, & externis inquirendum, Num propriam habeant sive libertatem, sive bonitatem, aut malitiam moralem?

Q U Æ S T I O . I.

Utrùm Prima Regula Actionum Moralium sit lex æterna Dei, an verò Natura Rationalis?

III. **I**lla dicitur prima regula objectiva actionum moralium, per cujus conformitatem actiones dicuntur bonæ moraliter, seu honestæ, & per difformitatem moraliter malæ, & inhonestæ. Vasq. 1. 2. *disp.* 58. *cap.* 2. & *disp.* 97. *cap.* 3. docet, Primam regulam moralitatis esse naturam rationalem, illasque actiones esse honestas,

nestas, quæ congruunt naturæ rationali quæ tali, ut sunt colere Deum, honorare Parentes &c. Communiùs tamen cum Bonav. Palav. Mau., Espar. de actibus humanis, *quest. 20.* docent, esse Legem Dei, seu Divinam voluntatem. Quod etiam docuit Angel. *1. 2. quest. 19. art. 4.* ubi duplicem agnoscit regulam voluntatis humanæ, ex qua ejus bonitas mensuretur, alteram immediatam, quæ est ratio humana, seu dictamen rationis, alteram remotam, quæ est ratio æterna, seu Divina Voluntas. Quare si quis v. gr. ex conscientia erronea pejeret, putando ad id teneri ad salvandam vitam Innocentis, perjurium esset moraliter bonum, utpote conforme huic duplici regulæ à D. Th. assignatæ, alii propinquæ, & homogeneæ, quæ est dictamen ultimum rationis promulgativum Divinæ legis, alii remotæ, quæ est prima regula moralitatis, & hæc est lex æterna; quæ quamvis directè vetet perjurium illud tamen reflexè præcipit, quando ex conscientia erronea putat aliquis ad illud teneri. Sunt aliæ minùs celebres de prima regula honestatis opiniones apud Vasq. *disp. 58. cap. 1.*

IV. Dico equidem cum secunda sententia, Primam regulam objectivam moralitatis esse legem Dei æternam, ità ut actio eatenus sit moraliter bona, aut mala quatenus illi conformatur, vel difformatur; Naturam verò rationalem non esse regulam honestatis, ut opinatur Vasq. nec regulativam actionum, sed esse regulabilem à lege æterna.

PROB. 1. Auctoritate Apostoli dicentis ad Rom. 4. *Ubi non est lex, nec prævaricatio, & cap. 7. Peccatum non cognovi, nisi per legem;* quasi dicat, malitiam moralem peccati non haberi nisi per oppositionem cum lege æterna; unde Aug. *lib. 2. contra Faustum* definit peccatum quòd sit *Dictum, factum, concupitum contra legem æternam.*

PROB. 2. ratione. Illa est prima regula moralitatis, seu actionum moralium, quæ proponitur à conscientia, seu

ab ultimo rationis dictamine, ut regulans actiones morales, atqui hæc est lex æterna, non verò natura rationalis, quæ à conscientia proponitur solum ut regulabilis, non ut regulativa; ergo prima regula objectiva moralitatis est lex æterna. *Major conceditur. Prob. min.* quia conscientia, seu dictamen rationis proponit tanquam regulam actionum humanarum aliquid obligans ad has potius actiones, quàm illas ponendas; atqui solum lex Divina obligat naturam rationalem: non verò natura rationalis obligat seipsam; ergo prima regula regulans est lex Divina, & natura humana est solum regulabilis ab illa. Hæc minor patet, quia quod potest obligare in conscientia naturam rationalem, debet esse aliquid superius ipsâ naturâ rationali: atqui natura rationalis non est superior seipsâ; & lex Divina est ita superior naturæ rationali, ut solum illa possit obligare in conscientia naturam rationalem; nam cum creatura rationalis non debeat peccare, seu contra conscientiam operari, quibuscumque creaturis ad id impellentibus, ac suadentibus perfectioribus; & perfectioribus in infinitum, sequitur, quod solum lex divina, quæ est superior quibusvis creaturis, obligare possit in conscientia naturam rationalem.

Confir. ex illa propositione proscripta ab Alex. VIII. quâ admittebatur possibile peccatum purè philosophicum, quod esset quidem contra naturam rationalem, non tamen esset peccatum Theologicum, seu offensâ Dei, dissolvens amicitiam cum Deo, ac trahens reatum pœnæ æternæ per hoc præcisè, quod peccans adverteret quidem, quod peccatum esset disconveniens naturæ rationali, non verò quod esset contra Deum, quia peccans aut ignoraret aut tunc non cogitaret de Deo. In tantum hæc propositio damnatur, quia eo ipso ac quis advertit, actionem aliquam esse graviter dissonam naturæ rationali, advertit etiam graviter obligari ad illam non ponendam, & quia obligatio ista esse non potest, nisi à lege æterna, eo ipso tunc cognoscitur

noscitur Deus sub conceptu legis æternæ obligantis; unde peccatum non est purè philosophicum, sed est etiam offensæ Dei, & consequenter Theologicum, ac pœnâ æternâ dignum, ergo prima regula moralitatis obligans nos in conscientia non est natura rationalis, sed lex Divina.

V. Hinc habes primò, non aptè ab aliquibus dici, primam regulam honestatis esse dictamen conscientiæ; hoc enim, ut ostendimus, non obligat, nisi ut quo; lex verò æterna, quæ per dictamen conscientiæ promulgatur, obligat ut quod, & regulat actiones humanas. Adde, quod admittentes, rectam rationem, seu dictamen conscientiæ esse primam regulam moralitatis, committunt circulum; dicendo, rectam rationem esse illam, quæ facit voluntatem rectam, & operationes bonas: nam, si quæras, quare appetitus est rectus, & operatio hæc, v. g. honorandi parentes, est moraliter bona? respondent, quia sic dictat recta ratio: Si deinde quæras, quare ratio hæc est recta? respondent, quia facit appetitum rectum, & operationem bonam: ecce circulum vitiosum.

Habes secundò, neque subsistere opinionem nonnullorum Thomistarum apud Vasq. dicentium, Regulam honestatis esse iudicium prudentum, atque adeo operationem esse moraliter bonam, rectam, & studiosam, quia vir prudens iudicat esse honestam. Nam in hoc etiam casu committitur circulus; interroganti enim: Quare operatio est honesta? responderetur, quia talis iudicatur apud prudentes; & si rursus quæras: Quare iudicatur esse honesta apud prudentes? responderetur, quia in se est honesta, ecce circulum.

Habes tertio, neque subsistere opinionem dicentium, primam regulam honestatis esse syllogismum practicum in quo ex maiori universali, & minori particulari inferatur rectitudo, studiositas, & honestas operationis; dicendo v. g. Honestum est honorare parentes, Sortes est meus parens: ergo honestum est mihi honorare Sortem. Nam recurrit difficultas; unde constat veritas illius maioris

ris

ris universalis; præterquam quòd dictamen conscientiae non semper utitur syllogismo.

Habes quartò, neque esse veram sententiam Vasq., putanis, regulam moralitatis esse ipsam naturam rationalem: quia natura rationalis à regula honestatis obligatur; ità ut non solùm exigit laudem, sed etiam præmium, si bene operetur, conformiter ad finem ultimum suum, nec solùm exigit vituperium, sed etiam pœnam, si operetur difformiter; ergo regula moralitatis est quid superius ipsis creaturis rationalibus; quandoquidem solus superior potest obligare, præmiare, ac punire. Præterea quando dicit Vasq. operationem esse rectam, si sit conformis naturæ rationali quâ tali, vel sumit naturam rationalem in actu primo, quatenus potentem judicare, v. g. parentum honorationem esse conformem naturæ rationali; vel sumit naturam rationalem in actu secundo, prout id actu dictantem: utroque modo petitur principium; ergo hæc sententia non subsistit. *Probatur minor*; quia operatio honorandi parentes dicitur esse recta, quia conformis dictamini naturæ rationalis, & dictamen naturæ rationalis dicitur esse rectum, quia dictat operationes rectas, & moraliter bonas, qualis est honoratio parentum; ergo petitur principium. Quare à primo ad ultimum illæ operationes sunt bonæ moraliter, & honestæ, quæ conformes sunt ultimo fini naturæ rationalis, & ad illum naturam rationalem perducunt: hujusmodi sunt operationes conformes voluntati Divinæ: Sicut in Deo operationes moraliter bonæ, honestæ, ac laudabiles dicuntur, quæ sunt conformes fini ipsius Dei, ut est amor sui met: Et è converso operationes inhonestæ, & moraliter malæ sunt, quæ à fine ultimo naturam rationalem retrahunt, hujusmodi sunt operationes diffformes voluntati divinæ; cum peccatum ex D. Thom. 1. 2. q. 19. dicatur per deviationem ab ordine ad finem.

Habes demum, quòd licet regula moralitatis sit divina

voluntas, & conformitas ad finem ultimum naturæ rationalis, tam relatè ad operationes morales, ac rectas Dei, quàm creaturæ rationalis, illud tamen interest inter operationes morales Dei, & creaturæ, quòd Deus, si conformiter ad finem suum operetur, meretur laudem, sed non præmium, cum non habeat quid superius, à quo possit præmiari, & si per impossibile operaretur difformiter, dignus esset vituperatione, pœnam tamen exigeret simul, & non exigeret: exigeret, nam eo ipso, quòd peccaret, non esset Deus, atque adeo superiorem haberet, à quo posset puniri, non exigeret verò, quia non haberet superiorem; Contra verò creatura rationalis operando conformiter, aut difformiter ad finem suum, meretur etiam præmium, aut pœnam. Præterea Deus, quia non habet finem ultimum à se distinctum, quando operatur honestè, hoc est conformiter ad proprium finem, & juxta exigentiam, quam habet à propria natura, non obligatur rigorosè à regula honestatis, sed phycicè, imò & metaphysicè necessitatur à se ipso: Contra verò creatura rationalis rigorosè obligatur à sua regula honestatis, nempe à lege æterna per dictamen conscientiae manifestata.

VI. OBJIC. primò. Lex æterna Dei prohibens v. gr. furtum non constituit, sed supponit harum actionum inhonestatem, ergo malè dicitur, quòd inhonestas habeatur formaliter per difformitatem cum lege æterna: Consequentia sequitur, quia si constitueretur inhonestas operationum per hujusmodi difformitatem, lex æterna constitueret ipsam inhonestatem, tanquam terminus difformitatis, eo pacto, quo terminus inæqualitatis constituit inæqualitatem. Antecedens itaque probatur. Nam furtum ideo à lege æterna prohibetur, quia est moraliter malum, & disconveniens naturæ rationali, ergo antecedenter ad legem, habetur malitia moralis per disconvenientiam cum natura rationali.

Resp. disting. ant. Lex æterna supponit inhonestatem

Pars II.

A a

in

in furto tantum fundamentaliter, & incomplete, *concedo*, formaliter, & complete, *nego antecedens*, & *consequentiam*. Ad probationem antecedentis, *distinguo*: ideo prohibetur furtum, quia antecedenter ad prohibitionem est malum moraliter exigitive, & incomplete, *concedo*; formaliter, & complete, *nego antecedens*, & *distinguo eodem modo consequens*. Quare lex æterna supponit in odio Dei exigentiam ut prohibeatur (quam solent appellare prohibenditatem) hæc autem exigentia non est malitia moralis completa, & formalis, quia actus non intelligitur formaliter inhonestus, & devians ab ordine ad finem ultimum, nisi per hoc, quod sit contrarius legi prohibenti, juxta illud Apostoli: *Peccatum non cognovi, nisi per legem*; nisi enim prohiberetur furtum, non esset dignum poenâ æternâ; unde nec deviare à fine; quia quoties non habetur transgressio legis, non habetur demeritum poenæ. Verum quia furtum ex se exigit essentialiter prohiberi, ideo ratione sui habet solum incompletam, & radicalem inhonestatem identificatam cum ipsa prohibenditate; formalem verò, & completam habet ab ipsa actuali prohibitionem.

VII. Quod si quæras, in quo fundetur ista essentialis exigentia in odio Dei, e.g. ut prohibeatur. *Resp.* immediate & formaliter fundari in propria ipsius natura, quæ secundum se præsefert imperfectionem, radicaliter verò, & ultimate in natura divina, quæ utpote perfectissima, exigit prohibere odium Dei, & per denominationem ab hac exigentia activa denominatur extrinsece odium Dei passive exigens prohiberi; Ad eum modum, quo quia Deus exigit cognoscere creaturas, creaturæ dicuntur essentialiter exigere, ut cognoscantur à Deo per denominationem extrinsecam ab exigentia intellectus divini. Sic etiam dicimus idcirco posse poni hominem v.g. non verò chymærâ, quia Omnipotentia utpote perfectissima exigit posse ponere quodcumque ex suo conceptu præsefert perfectionem, ut
est

est homo, non verò, quod præfert imperfectionem, ut est chymæra; & ideo in Metaphysicis diximus, causalem à priori, quare chymæra non possit à Deo poni, esse, quia Omnipotentia est perfectissima, & chymæra non est effectus procedens à potentia perfectissima; tenet enim à priori; ideo chymæra non potest poni, quia Omnipotentia utpote perfectissima, non potest illam ponere, à posteriori autem cognoscimus, Deum, posse ponere hominem, non verò chymæram, quia homo ex suo conceptu præfert perfectionem, non verò chymæra. Unde hæc causalis: Ideo Deus non potest ponere chymæram, quia est imperfecta, est causalis à posteriori, perinde ac si dicatur, ideo datur ignis, quia datur fumus. Pariformiter nunc dicimus, causalem à priori, cur Deus nequeat præcipere odium Dei imò exigit illud prohibere, esse, quia voluntas divina est perfectissima, & odium Dei de se sonat imperfectionem indignam, quam Deus velit, & præcipiat: hanc verò causalem: Ideo Deus non potest præcipere odium Dei, quia est imperfectum, esse causalem à posteriori; & consequenter exigentia in odio Dei, ut prohibeatur, ultimè fundatur in natura, & volitione Dei perfectissima, quæ exigit illud prohibere, & per denominationem ab hac exigentia divina dicitur odium Dei habere exigentiam passivam, ut prohibeatur. Quod autem in Deo sit exigentia prohibendi odium, non verò amorem Dei, cognoscimus à posteriori inspicendo naturam odii, & amoris; illud quippe præfert imperfectionem, hic perfectionem; sicuti quod non possit Omnipotentia producere chymæram, possit verò hominem, dignoscimus à posteriori ab ipsa natura chymæra, & hominis.

VIII. OBJIC. 2. Si Regula moralitatis esset lex æterna, omnis actio moraliter mala, & inhonesta, ideo esset formaliter inhonesta, quia est prohibita, ac proinde universim omnia essent mala, quia prohibita, nec daretur aliquid prohibitum, quia malum. Sequela est absurda: omnes enim docent, multa esse mala, quia prohibita, ut

est comestio carnis die Veneris; multa verò esse prohibita quia mala, ut est mendacium, odium Dei, &c. ergo antecedenter ad prohibitionem actio est moraliter mala, & inhonesta per solam difformitatem naturæ rationali.

Resp. Omnia esse mala moraliter, & inhonesta formaliter, & completè ratione prohibitionis : quando autem communiter dicitur, alia esse mala, quia prohibita, alia prohibita, quia mala; sensus est, alia esse solum formaliter mala, quia prohibita, quin tamen essentialiter exigant prohiberi, ut est comestio carnis; alia verò esse prohibita, quia mala fundamentaliter, & incompletè, seu quia essentialiter exigunt prohiberi, ut est mendacium. Unde malitia moralis fundamentaliter habetur ab ipsa natura aliquarum operationum, quæ exigunt prohiberi, quamvis per denominationem extrinsecam ab exigentia activa, quam habet Deus prohibendi illas; malitia verò formaliter, & completè moralis semper habetur per ipsam prohibitionem Dei æternam.

IX. Ubi advertet, comestionem, v. g. carnis non esse moraliter malam, præcisè quia prohibetur à Pontifice, sed quia quando prohibetur à Pontifice, prohibetur etiam à lege æterna Dei, & polygamia v. g. quæ olim permittebatur, & nunc à Deo immediate prohibetur contingenter, ita ut posset non prohiberi, est mala moraliter completè per ipsam Dei prohibitionem : & idem dicas de odio Dei, quod exigit essentialiter prohiberi. Quod si per impossibile odium Dei non prohiberetur, per locum intrinsecum sequeretur, quod non esset completè moraliter malum, quia non deviaret hominem ab ultimo fine, quamvis ex altera parte per locum extrinsecum sequeretur, quod esset etiam completè malum moraliter, cum necessariò exigit prohiberi; unde utraque pars contradictionis sequeretur, Quod debent adversarii dicere in quacunque sententia, si fiant hypotheses impossibiles.

X. OBJIC. ultimò: quamvis Deus non possit præcipere
odium

odium sui v. g. at non necessitatur necessitate quoad exercitium illud prohibere; atqui si non prohiberet, adhuc esset moraliter malum completè, & fugiendum, ergo malitia moralis non habetur completè per legem æternam prohibentem. Major probatur, quia Deus non necessitatur ab objecto creato; quare sicut liberè amat creaturam punit peccatorem, &c. ità liberè prohibet peccatum libertate saltem exercitii, si minùs specificationis.

Resp primò, *nego majorem*, sicut enim intellectus divinus necessitatur necessitate exercitii ad cognoscenda objecta creata, quia actu cognoscere est perfectio simpliciter simplex; ità pariter necessitatur divina voluntas ad odio habendum & prohibendum peccatum, quia pariter est perfectio simpliciter simplex actu illud odisse, & prohibere. Verum quidem est, non esse perfectionem simpliciter simplicem in voluntate divina actu amare creaturam amore efficaci, quo determinetur ad illam ponendam, cum hoc derogat Aseitati; & ideo ex suo conceptu non est magis perfectus Deus, si amet, ac ponat, quàm si non amet creaturas. Contra verò sicut ex suo conceptu intellectus divinus concipitur magis perfectus, si actu cognoscat creaturas, ità voluntas divina concipitur magis perfecta, si actu odio habeat, & prohibeat peccatum. Et disparitas ulterior est, quia nulla creatura est bonum maximum, quæ possit necessitare Deum ad amorem sui; at peccatum est malum ex sua ratione maximum, quatenus est incompenabile per quodvis bonum creatum; & ideo tenetur Deus illud odisse, & prohibere. Adde, multos apud Lumbier de volitione Dei *num. 221.* docere, quod Deus necessitetur necessitate exercitii ad amorem complacentiæ erga creaturas possibiles; quod docuit D. Th. *1. p. quæst. 37 art. 2.* ubi dixit: *Sicut Pater dicit se, & omnem creaturam Verbo, quod genuit, ità diligit se, & omnem creaturam Spiritu Sancto*, cum autem necessario dicat Verbo creaturam omnem, ità necessario diligit

creaturas omnes, in quantum possibiles, amore scilicet complacentiæ, idque consonat iis, quæ diximus *disp. superiori, quest. 5.* negando possibilem in Deo puram omissionem liberam.

Resp. secundo, *transmisiss majorē, nego minorem*, si Deus non prohiberet actu odium sui, illud non esset contra obligationem proveniente a lege æterna, & per dictamen conscientiæ promulgatam; Unde non esset moraliter malum completè, & formaliter deviando ab ordine ad ultimum finem, sed solum incompletè, exigitivè, & fundamentaliter. Quare dictamen conscientiæ tunc dictaret, odium Dei esse quidem malum, non tamen ex obligatione fugiendum, atque adeo non completè malum; proinde qui Deum odisset in ea hypothesi, non esset dignus vituperio, & pœnâ formaliter, sed solum radicaliter, cum non sit dignus vituperio, & pœnâ, qui non operatur contra obligationem; esto nec esset dignus laude, cum laus non oriatur ex quacunque operatione elicitâ, absque obligatione, putâ ex actu indifferenti, licet vituperium haberi non possit, nisi ex operatione contra obligationem.

Q U Æ S T I O II.

Utrum honestas, & inhonestas sit essentialis, & intrinseca actibus Moralibus

I. **T** Res sunt hac in re opiniones, Prima Scoti, Bonav., Vasq. 1. 2. *disp. 55. cap. 2.* pro qua citatur etiam Cajet. 1. 2. *qu. 19. art. 1.* docentium, actus morales esse accidentaliter honestos, aut inhonestos; unde fit, posse eundem actum transire de bono in malum, & è contra; v. gr. jejunium ex amore temperantiæ, si accedat prohibitio, evadit malum, & recedente prohibitione, est bonum. Secunda quarundam Thomistarum apud eundem Vasq. putantium, solum actus honestos esse essentialiter honestos, cum debeant amare honestatem ex motivo honestatis; actus verò malos non esse essentialiter inhonestos, & malos; Nam qui v. gr. ambulat contra pro-

prohibitione n, ponit actum malum, etiam si non ponat ambulationem ex motivo inhonestatis, seu quia est prohibita; cum sit satis ad malitiam contrahendam, si ponatur ambulatio, quæ apparet prohibita; recedente verò prohibitione, ambulatio definit esse mala; unde non est mala essentialiter. Tertia sententia Capreoli, Suar. *disp.* 8. de actibus humanis, *sect.* 3. Espar. Mauri docet, non solum actus bonos esse essentialiter bonos; eo quod debeant ferri in objectum honestum ex motivo honestatis, sed etiam malos esse essentialiter malos; quamvis non debeant tendere in objectum inhonestum ex motivo inhonestatis, sed quia debent repudiare honestatem, & ex intrinseca tendentia reniti motivo honestati, allicienti voluntatem ad sui amplexum. Sicut enim actus liber persecutivus v. gr. intemperantiæ debet amplecti unum bonum, nempe delectabile intemperantiæ, repudiando aliud bonum impossibile, puta temperantiæ, contrariando illi intrinsecæ tendentiæ, quin debeat aut bonum temperantiæ odisse, aut prosequi intemperantiam ex hoc motivo, quod opponatur bono honesto temperantiæ, juxta dicta *qu.* 4. disputationis antecedentis, cum de libertate intrinseca actui; ita actus malus, quo quis vult ambulationem prohibitam, prosequitur ambulationem, quæ sub prohibitione apparet inhonesta intrinsecè, contrariando, & repudiando bonum honestum, quod relucet in omissione ambulationis; quin debeat aut honestatem hanc formaliter odisse, aut ambulationem prohibitam prosequi ex motivo inhonestatis, seu quia est prohibita, & cum formali contemptu legis: Quam sententiam, loquendo de actibus internis, existimo veriores. Sit itaque

II. Prima conclusio. Actus voluntatis honestus est essentialiter, & intrinsecè bonus, & honestus: ut proinde nullus actus honestus possit honestatem exuere.

PROB. Ad hoc, ut actus sit honestus, non solum debet prosequi objectum, quod, spectatis omnibus, sit honestum,

& conforme legi æternæ sive præcipienti, sive consulenti, sive permittenti, sed etiam debet illud prosequi ex hoc motivo, quia est honestum, & conforme legi Divinæ, atqui actus attingens honestatem ex motivo honestatis est essentialiter honestus, nec potest honestatem exuere, cum non possit exuere tendentiam illam sibi intrinsecam, ut patet; ergo actus honestus est essentialiter honestus. Minor est certa: Major communiter admittitur à Philosophis moralibus, & Theologis cum D. Thom. 1. 2. *quæst.* 19. *ar.* 7. *ad* 3. contra Medinam apud Coninck *disp.* 3. *d.* 4. Ex Philosopho enim 2. *Eth.* 4. ut notat Scotus apud Vasq. 1. 2. *dis.* 12. *c.* 2. tria requiruntur, ut actio sit studiosa. Primò quod fiat ex scientia. Secundò, quod fiat ex electione, & liberè. Terriò, quod fiat propter ipsum, hoc est ex amore honestatis, ac proinde qui v. g. rededit, quod debet, sed non ex amore justitiæ, facit quidem justum, sed non justè. Ratio à priori est, quia, ut notat D. Dionys. de Divinis Nominibus *cap.* 4. *Bonum ex integra causa, malum ex singulis defectibus*; ergo ut actus sit bonus, non solum debet bonitatem prosequi, sed etiam ex motivo honestati, seu non solum debet velle objectum quod non apparet prohibitum, sed debet etiam illud ex hoc motivo velle, quia est conforme legi Divinæ, saltem permittenti: Sicut in logicis cum Philosopho dicimus actum scientiæ utpote perfectum, non solum debere assentiri objecto necessario, sed etiam debere exercitè reflexè dicere, quod non possit res aliter se habere.

Confirm. ex Coninck, quia aliter si velles sublevare miseriam pauperis, ut tibi deinde inserviat, & non ex motivo honestatis, adhuc poneres actum honestum, quod nemo dixerit, etenim quamvis actio illa sit permixta à lege Divina, si tamen non fiat ex hoc motivo, quod sit conformis legi Divinæ, erit actio indifferens, non honesta.

III. Objic. ex Medina. Si quis velit amare Deum, & non ex motivo, quod hoc sit conforme legi Divinæ id præ-

præcipienti, adhuc ponit actum honestum, & bonum; ergo, ut ponatur actus bonus, satis est, quod ponatur actus de se honestus, & legi Divinæ conformis, quin debeat poni ex motivo honestatis.

Confirm. 1. Quia aliàs rustici ferè nunquam elicerent actus honestos, cum non reflectant super actuum honestate.

Confir. 2. Quia actus est inhonestus præcisè per hoc, quod appareat inhonestus, & difformis legi Divinæ, etiam si non ponatur ex motivo inhonestatis, & quia prohibetur, adeoque cum contemptu formali legis; ergo etiam actus honestus erit honestus præcisè, quia apparet conformis legi Divinæ illum saltem permittenti, etiam si non ponatur ex amore honestatis.

Resp. 1. Aliud est ponere actum honestum, aliud ponere actum honestè; sicut ex Phil. 2. Eth. 4. apud Vasquez *loc. cit.* aliud est operari justum, aliud operari justè: operari honestè fert operari ex motivo honestatis, ut operari justè est operari ex motivo justitiæ; proinde ad hoc, ut quis operetur honestè, non satis est, quod ponat actum de se honestum, nisi illum ponat ex motivo honestatis, quia bonum ex integra causa. In forma *Distinguo Antec* amans Deum, & non ex motivo honestatis, ponit actum honestum honestè, *negò* honestum, sed ità ut non operetur honestè, *conc. antec. negò Consequentiam*.

Resp. Tamen 2. Cum Coninck, objecta aliquarum virtutum esse honesta essentialiter, ità ut non possint male appeti, ut sunt objecta virtutum Theologicalium; & ad prosecutionem horum objectorum non requiritur, quod ex motivo honestatis ponantur, cum habeant de se honestatem; alia verò objecta virtutum non sunt essentialiter honesta, cum possint & bene, & male appeti. v. gr. adæquatio juris alieni, quod est objectum justitiæ, potest appeti ex fine malo, putà ut inducatur creditor ad peccatum; hinc relate ad hæc tantum objecta, ut actus sit honestus poni de-

bet ex motivo honestatis propter rationes adductas. In forma transmissio antecedente, *Distinguo consequens*: ut ponatur actus bonus essentialiter honestus, non debet poni ex motivo honestatis, transmitto *consequentiam*, non essentialiter honestus, *nego Consequentiam*.

Ad primam confirmationem; quamvis Rustici non advertant signatè ad motivum actû, boni, at exercitè ex motivo honestatis operantur: Si enim interroges Rusticum, quare solvis debitum? Respondet, quia sic satisfacit obligationi, & legi naturali, & sic decet virum probum.

Ad secundam confirmationem disparitas est, quia malum ex singulis defectibus, bonum ex integra causa; unde multò minùs requiritur, ut actus sit inhonestus, quàm honestus.

IV. Secunda conclusio. Actus voluntatis mali, & inhonesti sunt etiam essentialiter inhonesti, ità ut nequeant inhonestatem exuere.

PROB. Actus inhonestus ex sua essentiali, & intrinseca tendentia resistit obligationi, quam dictamen conscientiae proponit, seu resistit bono honesto, quod relucet in omissione actûs prohibiti, in obedientia scilicet legi prohibenti actum; atqui actus ex sua intrinseca tendentia resistens obligationi est essentialiter inhonestus; ergo universim actus inhonestus est essentialiter inhonestus. Minor est certa; inhonestas enim in hoc consistit, quòd habeatur difformitas cum lege æternæ; actus autem essentialiter, & intrinsecè resistens obligationi est essentialiter difformis legi æternæ, & consequenter actus essentialiter, & ex intrinseca tendentia resistens obligationi, est essentialiter inhonestus. Major, in qua difficultas, probatur iisdem prorsus rationibus, quibus ostendimus, actum liberum esse essentialiter liberum, atque ità prosequi bonum A, ut ex intrinseca sua tendentia resistat bono B impossibile, veluti dicendo, Volo bonum A, quamvis inclinet etiam ad B, quod repudio. Probatur inquam major, quia
qui

qui inhonestè operatur, liberè operatur, prosequendo ob-
jectum prohibitum delectabile, & præferendo illud bono
honesto; sed qui liberè operatur prosequendo bonum A,
& præferendo illud bono B, ex essentiali tendentia resistit
positivè bono B; ergo qui inhonestè operatur prosequen-
do bonum prohibitum, præferendo illud bono honesto,
ex intrinseca tendentia actûs resistit bono honesto, seu
obligationi, & veluti dicit, Volo bonum delectabile pro-
hibitum, quatenus inclinet ad bonum honestum relucens
in obediendo legi.

Quod autem huiusmodi resistentia sit positiva, non
negativa, constat ex dictis, cum de libertate actui intrinse-
ca; præsertim quia habitus in voluntate non dantur ad
hoc, ut adjuvent ad bonum prosequendum, quia ad id vo-
luntas naturâ suâ determinatur; sed ad hoc, ut possit cum
minori conatu voluntas superare difficultatem, quam pa-
titur resistendo allicientie in oppositum, ergo resistentia
est positiva, utpote quæ indiget habitu, à quo causetur. Et
ratio à priori est, quia omnis resistentia adversus inclina-
tionem naturalem est resistentia positiva; v. gr. brachium
dum resistit gravitati, ne descendat deorsum, debet resiste-
re positivè; aliter inclinatio gravitatis ad descensum pone-
ret actum secundum suum, ergo cum voluntas magis in-
clinetur ad bonum, quàm grave ad centrum, dum resistit
bono honesto prosequendo bonum delectabile prohibi-
tum, debet positivè resistere per conatum intrinsecum a-
ctui; eo modo, quo actus opinionis intrinsecè resistit mo-
tivo in contrarium: & consequenter inhonestas est actui
essentialis, & intrinseca.

V. Hinc habes 1. Actus inhonestos aliquando esse in-
honestos ex hoc, quòd prosequantur objectum prohibi-
tum, quia prohibitum, & cum formali contemptu legis
prohibentis, & in hoc casu non dubitatur, inhonestatè esse
essentialem; aliquando verò inhonestos, quia prosequun-
tur objectum, quod apparet prohibitum, licet non quia

pro-

prohibitum; & in hoc casu dicimus, in honestatem esse essentialem ratione prælationis liberæ boni delectabilis bono honesto, contranitando positivè obligationi, & allicientiz, quam habet voluntas ad prosequendam honestatem, quæ habetur in obediendo legi.

Habes 2. Divisionem actuum voluntatis in honestos & inhonestos esse divisionem generis in species, seu subiecti in accidentia, ut explicavimus, cum de libertate actui intrinseca.

Habes 3. Actum indifferentem in individuo, de quo dicemus quæstione sequenti esse pariter essentialiter indifferentem, nec posse evadere aut honestum, aut inhonestum. Si enim actus honesti, & inhonesti sunt essentialiter tales, semper sunt tales; ergo non possunt prius esse indifferentes, & deinde evadere honesti, aut inhonesti; Quare volitio ambulationis v. gr. quæ apparet permixta & non prohibita, si fiat ex motivo honestatis, seu ex motivo, quod sit conformis voluntati Divinæ illam permittenti, est actus essentialiter honestus ex essentiali tendentia in honestatem; Quod si eadem ambulatio appareat prohibita, volitio illius resistens obligationi ex intrinseca tendentia actû; est essentialiter inhonesta; Denique si ambulatio non appareat prohibita, nec ponatur ex motivo honestatis, nec appareat obligatio, quod debeat poni ex motivo honestatis, tunc volitio ambulationis est actus moralis essentialiter indifferens in individuo; moralis quidem, quatenus advertit ad legem permittentem; indifferens verò, quia nec prosequitur honestatem ex motivo honestatis, nec resistit ulli obligationi.

Habes 4. Actiones externas denominativè liberas posse successivè esse honestas, aut inhonestas, aut indifferentes; atque adeò posse honestatem exuere, & inhonestatem. Nam si quis v. gr. jejundet ex motivo temperantiæ, & deinde jejundet ex motivo vanæ gloriæ, aut quando jejunium liberetur; actio ista externa jejunandi transit de bona in

in malum moraliter; & si fiat ex motivo indifferenti, erit indifferens, dummodo non appareat prohibita. Ratio est, quia actio externa non habet essentialē illam tendentiam in objectum, quam habet actus internus; ergo sicut potest transire de libera in non liberam, & è contrà, ut suprà diximus, ità etiam de honesta in inhonestam, & è contrà.

VI. OBJIC. 1. Si quis eliciat actum internum v, gr. religionis essentialiter bonum, & deinde advertat præcipi sibi à Deo, ne ampliùs perseveret in eodem actu, peccaret profectò, si in eo perseveraret; ergo actus ille de bono in malum transiret, atque adeò honestas non est actui essentialis, nec iphonestas.

Confirm. Quia potest idem actus amoris Dei, qui fit, à viatore, esse meritorius, & si fiat à beato, non esse meritorius: Pariter idem peccatum, quod in viatore est demeritorium novæ pœnæ, non est tale in damnatis; ergo sicuti potest idem actus transire de meritorio in non meritorium, poterit etiam de bono in non bonum.

Resp. 1. Per instantiam. Si quis eliciat actum perfectissimum amoris Dei, & deinde advertat præcipi sibi à Deo, ne ampliùs perseveret in eodem actu, peccaret, si perseveraret; ergo potest actus perfectissimus amoris Dei transire in actum peccaminosum; quod est impossibile: Idem dicas, si elicienti actum fidei supernaturalem præcipiatur, ne perseveret in eo actu; etenim si perseveraret, deberet ille actus fidei esse simul supernaturalis, & esse peccatum, cum tamen repugnet peccatum supernaturale. Admittit quidem Ripal. *disp.* 47. *nu.* 17. posse aliquem actum esse simul bonum, & venialiter malum; ut si quis eodem actu velit vitare peccatum mortale ad vitandam inimicitiam cum Deo, & simul nolit vitare mendacium leve ad conservandam amicitiam cum homine; in quo casu actus hic cæteroqui honestus, quatenus vult vitare mortale ad declinandam Divinam inimicitiam, esset

set etiam venialiter peccaminosus, quatenus non vult vitare mendacium. Nihilominus communiter cum Platelro hic docent, actum supernaturalem ne venialiter quidem posse esse malum, quia malitia quantumvis legis non potest competere actui in substantia ordinis supernaturalis, & aliquo pacto divini: Immo docent etiam quamplures, ut dicemus in ultima quaestione, actum supernaturalem non posse efficaciter imperari ab actu venialiter malo, quia actus supernaturalis debet praecedere immediate ex illustratione, & inspiratione supernaturali; aliter peccatum veniale esset initium salutis, & sic initium salutis esset ex nobis juxta delirium Semipelagianorum. Sed quicquid sit de hac doctrina, quam discutimus loco laudato.

Resp. 2. Quod in casu adducto, qui adverteret praecipii sibi à Deo, ne amplius perseveret in eodem actu religionis, si vellet perseverare, non perseveraret in eodem numero actu, nam prius eliciebatur ex motivo religionis, & simul ex motivo honestatis, seu quia est conformis legi Divinae; deinde post praceptum non posset ex motivo honestatis elici, cum appareat legi Divinae difformis.

Ad confirm. *Nego consequentiam.* Disparitas est manifesta, quia ad hoc, ut actus sit meritorius, non sufficit quod prosequatur honestum quàm honestum, sed etiam debet esse à Viatore; sicuti etiam ut sit demeritorius: quare mutato statu viatoris cessat ratio meriti, aut demeriti: at ut cesset honestas, vel inhonestas, debet cessare intrinseca tendentia actus.

VII. OBJIC. 2. Ex Cajet. p. 2. q. 19. Si malitia, & inhonestas non esset actus accidentalis, quando quis committit actum peccaminosum contra duplicem virtutem, puta furando rem sacram, talis actus esset in duplici specie malitiae moralis essentialiter; hoc autem repugnat, non secus ac hircoceruus, qui sit in duplici specie physica: ergo malitia est actui accidentalis; adeo ut sicut idem subjectum potest suscipere denominationes justus, & sapientis, quia
istae

istæ denominationes reponunt subjectum in duplici specie accidentali; ita potest idem actus, qui sit contra justitiam, & contra religionem, ut furtum rei sacræ, esse tantum accidentaliter in duplici specie malitiæ moralis.

Confirm. Quia si actus inhonestus ex sua intrinseca tendentia resisteret prohibitioni, & præcepto, eo ipso quilibet actus inhonestus esset contemptus formalis præcepti; quod nemo dixerit; nam si peccatum veniale esset contemptus formalis præcepti, eo ipso esset mortale, non veniale.

Resp. Distinguo majorem: idem numero actus esset in duplici specie subalterna, concedo; atoma, nego majorem & distinctâ pariter minore, nego Consequentiam: Sicut homo, qui est animal rationale, est in duplici specie physica subalterna, nimirum animalis, & intellectualis, cum utraque species sit subalterna, seu genus ad diversas species inferiores; Est tamen in una specie physica atoma; Et amor v.g. Dei supernaturalis, qui est tam in specie subalterna amoris Dei, quam in specie subalterna qualitatis supernaturalis, est in una specie atoma physica; Ita furtum rei sacræ est in duplici specie morali subalterna, nimirum furti, & sacrilegii, sed in una tantum specie morali atoma, nimirum furti sacrilegi; idemque dicas de actu, qui simul esset v.gr. obedientiæ, & religionis, quando quis vult ex. gr. jejunare, ut satisfaciat simul præcepto, & voto.

Ad confirm. Nego sequelam. Ad formalem contemptum legis non solum spectat transgredi legem obligantem, sed etiam id efficere, parvi ducendo explicitè, & signatè ipsam legem; atqui potest homo legem transgredi actu reluctante obligationi, & honestati obedientiæ, quin signatè parvipendat legem; Sicut potest quis negare Petro id; quod petit, quamvis non parvipendat ejus petitionem; ergo non omnis transgressio legis debet esse formalis contemptus illius. Et sanè Naboth negando Achab Re-

gi vineam, non parvi faciebat petitionem Regis, inò magni faciebat, ità ut displiceret, illam interponi, quamvis noluerit annuere, & vineam denegarit, solùm exerce, & virtualiter parvi pendendo ejus petitionem: Idem prorsus dicas de lege obligante ex. gr. ad jejunium, quæ potest magni fieri, & violari.

Q U Æ S T I O III.

Utrum sit possibilis actus Moralis indifferens in Specie, vel in Individuo.

I. **D**icitur actus moralis indifferens in specie, qui ex objecto suo, præscindendo à circumstantiis, potest esse vel bonus, si præcipiatur, vel malus si prohibeatur, secundum se tamen neque præceptus est, neque prohibitus, sed solùm permissus; ut est ex. gr. ambulatio per pomarium, aspectus agri vernantis &c. Dicitur verò actus indifferens in individuo, qui non solùm ex objecto, sed etiam spectatis omnibus circumstantiis neque sit bonus, neque malus, neque præceptus, neque prohibitus, sed solùm permissus, ut est ex. gr. ambulare hìc, & nunc per pomarium, quando intellectus advertit ad legem æternam, & voluntatem Dei, à qua nec appareat præcipi, aut suaderi, nec vetari, sed solùm permitti. Non est dubium, quòd si hic idem actus permissus à lege æterna fiat ex hoc motivo, quia legi æternæ permittenti est conformis, eo ipso sit actus moraliter bonus, cum prosequatur quod est conformè legi æternæ ex motivo conformitatis, in quo consistit honestas actûs: At si ponatur hìc actus permissus, sed non ex hoc motivo, tunc dicitur esse actus moralis indifferens in individuo; dummodo hoc ipsum non prohibeatur à Deo, nimirum ponere actum permissum, & non ex motivo honestatis, nam si vera sit opinio dicentium, dari legem uaturalem non ponendi

nendi actum permissum, v. gr. ambulationem, quin ponatur ex motivo honestatis, tunc actus iste, qui secundum speciem, & ex objecto est indifferens, consideratus in individuo erit malus moraliter, utpote non positus ex motivo honestatis, prout debet poni ex dictamine legis naturalis.

II. Prima itaque sententia Scoti, & Gabrielis docet, actus ex objecto; & secundum speciem non posse esse indifferentes, sed esse vel bonos moraliter, si sint conformes rationi, vel malos, si diffformes; contra verò consideratos in individuo, spectatis omnibus circumstantiis, posse esse indifferentes, & purè permissos. Quare juxta sententiam Scoti, si quis reddat v. gr. quod debet, exercet actum ex objecto suo conformem rationi, & bonum moraliter secundum speciem suam; at in individuo talis actus est moraliter indifferens; neque enim est malus, cum non sit contra legem æternam, neque bonus, seu honestus, cum non ponatur ex amore honestatis; quamvis enim reddendo, quod debetur, ponatur justum, non ponitur tamen justè.

Secunda sententia opposita D. Thom. 1. 2. *quest.* 18. *art.* 9. & aliorum cum Suar. de actibus humanis *tract.* 3. *disp.* 9. Pallav. Espar., Granad., Mauro, *quest.* 28. docet, posse actus esse moraliter indifferentes ex objecto, & secundum speciem, non tamen in individuo; Sicut natura humana secundum se dicitur indifferens ad hanc, vel illam individuationem, non tamen prout est à parte rei; & sicut natura v. gr. animalis est indifferens ad hanc, vel illam differentiam specificam, quatenus natura animalis est, non tamen à parte rei. Quare juxta D. Thomam, & Suarium, tollere festucam v. g. est actus secundum se indifferens ex objecto suo, & secundum speciem, quamvis talis actus spectatus sub his circumstantiis hinc, & nunc non sit indifferens, sed sit vel bonus moraliter, si fiat ex

& conforme legi æternæ siue præcipienti, siue consulenti, siue permittenti, sed etiam debet illud prosequi ex hoc motivo, quia est honestum, & conforme legi Divinæ, atqui actus attingens honestatem ex motivo honestatis est essentialiter honestus, nec potest honestatem exuere, cum non possit exuere tendentiam illam sibi intrinsecam, ut patet; ergo actus honestus est essentialiter honestus. Minor est certa: Major communiter admittitur à Philosophis moralibus, & Theologis cum D. Thom. 1. 2. q. 19. ar. 7. ad 3. contra Medinam apud Coninck *disp.* 3. d. 4. Ex Philosopho enim 2. *Eth.* 4. ut notat Scotus apud Vasq. 1. 2. *dis.* 12. c. 2. tria requiruntur, ut actio sit studiosa. Primò quod fiat ex scientia. Secundò, quod fiat ex electione, & liberè. Tertiò, quod fiat propter ipsum, hoc est ex amore honestatis, ac proinde qui v. g. reddit, quod debet, sed non ex amore justitiæ, facit quidem justum, sed non justè. Ratio à priori est, quia, ut notat D. Dionys. de Divinis Nominibus *cap.* 4. *Bonum ex integra causa, malum ex singulis defectibus*; ergo ut actus sit bonus, non solum debet bonitatem prosequi, sed etiam ex motivo honestati, seu non solum debet velle objectum quod non apparet prohibitum, sed debet etiam illud ex hoc motivo velle, quia est conforme legi Divinæ, saltem permittenti: Sicut in logicis cum Philosopho dicimus actum scientiæ utpote perfectum, non solum debere assentiri objecto necessario, sed etiam debere exercitè reflexè dicere, quod non possit res aliter se habere.

Confirm. ex Coninck, quia aliter si velles sublevare miseriam pauperis, ut tibi deinde inserviat, & non ex motivo honestatis, adhuc poneres actum honestum, quod nemo dixerit, etenim quamvis actio illa sit permixta à lege Divina, si tamen non fiat ex hoc motivo, quod sit conformis legi Divinæ, erit actio indifferens, non honesta.

III. Objic. ex Medina. Si quis velit amare Deum, & non ex motivo, quod hoc sit conforme legi Divinæ id præ-

præcipienti, adhuc ponit actum honestum, & bonum; ergo, ut ponatur actus bonus, satis est, quod ponatur actus de se honestus, & legi Divinæ conformis, quin debeat poni ex motivo honestatis.

Confirm. 1. Quia alias rustici ferè nunquam elicerent actus honestos, cum non reflectant super actuum honestate.

Confir. 2. Quia actus est inhonestus præcisè per hoc, quod appareat inhonestus, & difformis legi Divinæ, etiam si non ponatur ex motivo inhonestatis, & quia prohibetur, adeoque cum contemptu formali legis; ergo etiam actus honestus erit honestus præcisè, quia apparet conformis legi Divinæ illum saltem permittenti, etiam si non ponatur ex amore honestatis.

Resp. 1. Aliud estè ponere actum honestum, aliud ponere actum honestè; sicut ex Phil. 2. Eth. 4. apud Vasquez *loc. cit.* aliud est operari justum, aliud operari justè: operari honestè fert operari ex motivo honestatis, ut operari justè est operari ex motivo justitiæ; proinde ad hoc, ut quis operetur honestè, non satis est, quod ponatur actum de se honestum, nisi illum ponat ex motivo honestatis, quia bonum ex integra causa. In forma *Distinguo Antec* amans Deum, & non ex motivo honestatis, ponit actum honestum honestè, *nego*; honestum, sed ita ut non operetur honestè, *conc. antec. nego Consequentiam.*

Resp. Tamen 2. Cum Coninck, objecta aliquarum virtutum esse honesta essentialiter, ita ut non possint male appeti, ut sunt objecta virtutum Theologalium; & ad prosecutionem horum objectorum non requiritur, quod ex motivo honestatis ponantur, cum habeant de se honestatem; alia verò objecta virtutum non sunt essentialiter honesta, cum possint & bene, & male appeti. gr. adæquatio juris alieni, quod est objectum justitiæ, potest appeti ex fine malo, puta ut inducatur creditor ad peccatum; hinc relatè ad hæc tantum objecta, ut actus sit honestus poni de-

bet ex motivo honestatis propter rationes adductas. In forma transmissio antecedente, *Distinguo consequens*: ut ponatur actus bonus essentialiter honestus, non debet poni ex motivo honestatis, transmitto *consequentiam*, non essentialiter honestus, *nego Consequentiam*.

Ad primam confirmationem; quamvis Rustici non advertant signatè ad motivum actû boni, at exercitè ex motivo honestatis operantur: Si enim interroges Rusticum, quare solvis debitum? Respondet, quia sic satisfit obligationi, & legi naturali, & sic decet virum probum.

Ad secundam confirmationem disparitas est, quia malum ex singulis defectibus, bonum ex integra causa; unde multò minùs requiritur, ut actus sit inhonestus, quàm honestus.

IV. Secunda conclusio. Actus voluntatis mali, & inhonesti sunt etiam essentialiter inhonesti, ità ut nequeant inhonestatem exuere.

PROB. Actus inhonestus ex sua essentiali, & intrinseca tendentia resistit obligationi, quam dictamen conscientiae proponit, seu resistit bono honesto, quod relucet in omissione actûs prohibiti, in obedientia scilicet legi prohibenti actum; atqui actus ex sua intrinseca tendentia resistens obligationi est essentialiter inhonestus; ergo universim actus inhonestus est essentialiter inhonestus. Minor est certa; inhonestas enim in hoc consistit, quòd habeatur difformitas cum lege æternæ; actus autem essentialiter, & intrinsecè resistens obligationi est essentialiter difformis legi æternæ, & consequenter actus essentialiter, & ex intrinseca tendentia resistens obligationi, est essentialiter inhonestus. Major, in qua difficultas, probatur iisdem prorsus rationibus, quibus ostendimus, actum liberum esse essentialiter liberum, atque ità prosequi bonum A, ut ex intrinseca sua tendentia resistat bono B impossibile, veluti dicendo, Volo bonum A, quamvis inclinet etiam ad B, quod repudio. Probatur inquam major, quia
qui

qui inhonestè operatur, liberè operatur, prosequendo ob-
jectum prohibitum delectabile, & præferendo illud bono
honesto; sed qui liberè operatur prosequendo bonum A,
& præferendo illud bono B, ex essentiali tendentia resistit
positivè bono B; ergo qui inhonestè operatur prosequen-
do bonum prohibitum, præferendo illud bono honesto,
ex intrinseca tendentia actûs resistit bono honesto, seu
obligationi, & veluti dicit, Volo bonum delectabile pro-
hibitum, quamvis inclinet ad bonum honestum relucens
in obediendo legi.

Quod autem huiusmodi resistentia sit positiva, non
negativa, constat ex dictis, cum de libertate actui intrinse-
ca; præsertim quia habitus in voluntate non dantur ad
hoc, ut adjuvent ad bonum prosequendum, quia ad id vo-
luntas naturâ suâ determinatur; sed ad hoc, ut possit cum
minori conatu voluntas superare difficultatem, quam pa-
titur resistendo allicientie in oppositum, ergo resistentia
est positiva, utpote quæ indiget habitu, à quo causetur. Et
ratio à priori est, quia omnis resistentia adversus inclina-
tionem naturalem est resistentia positiva; v. gr. brachium
dum resistit gravitati, ne descendat deorsum, debet resiste-
re positivè; aliter inclinatio gravitatis ad descensum pone-
ret actum secundum suum, ergo cum voluntas magis in-
clinetur ad bonum, quàm grave ad centrum, dum resistit
bono honesto prosequendo bonum delectabile prohibi-
tum, debet positivè resistere per conatum intrinsecum a-
ctui; eo modo, quo actus opinionis intrinsecè resistit mo-
tivo in contrarium: & consequenter inhonestas est actui
essentialis, & intrinseca.

V. Hinc habes I. Actus inhonestos aliquando esse in-
honestos ex hoc, quòd prosequantur objectum prohibi-
tum, quia prohibitum, & cum formali contemptu legis
prohibentis, & in hoc casu non dubitatur, inhonestatè esse
essentialem; aliquando verò inhonestos, quia prosequun-
tur objectum, quod apparet prohibitum, licet non quia
pro-

prohibitum; & in hoc casu dicimus, inhonestatem esse essentialem ratione prælationis liberæ boni delectabilis bono honesto, contrariando positivè obligationi, & allicientia, quam habet voluntas ad prosequendam honestatem, quæ habetur in obediendo legi.

Habes 2. Divisionem actuum voluntatis in honestos & inhonestos esse divisionem generis in species, seu subiecti in accidentia, ut explicavimus, cum de libertate actui intrinseca.

Habes 3. Actum indifferentem in individuo, de quo dicemus quæstione sequenti esse pariter essentialiter indifferentem, nec posse evadere aut honestum, aut inhonestum. Si enim actus honesti, & inhonesti sunt essentialiter tales, semper sunt tales; ergo non possunt prius esse indifferentes, & deinde evadere honesti, aut inhonesti; Quare volitio ambulationis v. gr. quæ apparet permixta & non prohibita, si fiat ex motivo honestatis, seu ex motivo, quod sit conformis voluntati Divinæ illam permittenti, est actus essentialiter honestus ex essentiali tendentia in honestatem; Quod si eadem ambulatio appareat prohibita, volitio illius resistens obligationi ex intrinseca tendentia actûs, est essentialiter inhonesta; Denique si ambulatio non appareat prohibita, nec ponatur ex motivo honestatis, nec appareat obligatio, quod debeat poni ex motivo honestatis, tunc volitio ambulationis est actus moralis essentialiter indifferens in individuo; moralis quidem, quatenus advertit ad legem permittentem; indifferens verò, quia nec prosequitur honestatem ex motivo honestatis, nec resistit ulli obligationi.

Habes 4. Actiones externas denominativè liberas posse successivè esse honestas, aut inhonestas, aut indifferentes; atque adeò posse honestatem exuere, & inhonestatem. Nana si quis v. gr. jejuset ex motivo temperantiæ, & deinde jejuset ex motivo vanæ gloriæ, aut quando jejunium prohibetur; actio ista externa jejunandi transit de bona in

in malum moraliter; & si fiat ex motivo indifferenti, erit indifferens, dummodo non appareat prohibita. Ratio est, quia actio externa non habet essentialem illam tendentiam in objectum, quam habet actus internus; ergo sicut potest transire de libera in non liberam, & è contrà, ut suprà diximus, ità etiam de honesta in inhonestam, & è contrà.

VI. OBJIC. 1. Si quis eliciat actum internum v, gr. religionis essentialiter bonum, & deinde advertat præcipi sibi à Deo, ne amplius perseveret in eodem actu, peccaret profectò, si in eo perseveraret; ergo actus ille de bono in malum transiret, atque adeò honestas non est actui essentialis, nec inhonestas.

Confirm. Quia potest idem actus amoris Dei, qui fit, à viatore, esse meritorius, & si fiat à beato, non esse meritorius: Pariter idem peccatum, quod in viatore est demeritorium novæ pœnæ, non est tale in damnatis; ergo sicut potest idem actus transire de meritorio in non meritorium, poterit etiam de bono in non bonum.

Resp. 1. Per instantiam. Si quis eliciat actum perfectissimum amoris Dei, & deinde advertat præcipi sibi à Deo, ne amplius perseveret in eodem actu, peccaret, si perseveraret; ergo potest actus perfectissimus amoris Dei transire in actum peccaminosum; quod est impossibile: Idem dicas, si elicienti actum fidei supernaturalem præcipiatur, ne perseveret in eo actu; etenim si perseveraret, deberet ille actus fidei esse simul supernaturalis, & esse peccatum, cum tamen repugnet peccatum supernaturale. Admittit quidem Ripal. *disp.* 47. *nu.* 17. posse aliquem actum esse simul bonum, & venialiter malum; ut si quis eodem actu velit vitare peccatum mortale ad vitandam inimicitiam cum Deo, & simul nolit vitare mendacium leve ad conservandam amicitiam cum homine; in quo casu actus hic cæteroqui honestus, quatenus vult vitare mortale ad declinandam Divinam inimicitiam, esset

set etiam venialiter peccaminosus, quatenus non vult vitare mendacium. Nihilominus communiter cum Platelro hic docent, actum supernaturalem ne venialiter quidem posse esse malum, quia malitia quantumvis legis non potest competere actui in substantia ordinis supernaturalis, & aliquo pacto divini: Immo docent etiam quamplures, ut dicemus in ultima quaestione, actum supernaturalem non posse efficaciter imperari ab actu venialiter malo, quia actus supernaturalis debet præcedere immediate ex illustratione, & inspiratione supernaturali; aliter peccatum veniale esset initium salutis, & sic initium salutis esset ex nobis juxta delirium Semipelagianorum. Sed quicquid sit de hac doctrina, quam discutimus loco laudato.

Resp. 2. Quod in casu adducto, qui adverteret præcipi sibi à Deo, ne amplius perseveret in eodem actu religionis, si vellet perseverare, non perseveraret in eodem numero actu, nam prius eliciebatur ex motivo religionis, & simul ex motivo honestatis, seu quia est conformis legi Divinæ; deinde post præceptum non posset ex motivo honestatis elici, cum appareat legi Divinæ difformis.

Ad confirm. *Nego consequentiam.* Disparitas est manifesta, quia ad hoc, ut actus sit meritorius, non sufficit quod prosequatur honestum quia honestum, sed etiam debet esse à Viatore; sicut etiam ut sit demeritorius: quare mutato statu viatoris cessat ratio meriti, aut demeriti: at ut cesset honestas, vel inhonestas, debet cessare intrinseca tendentia actus.

VII. OBJIC. 2. Ex Cajet. *p. 2. q. 19.* Si malitia, & inhonestas non esset actus accidentalis, quando quis committit actum peccaminosum contra duplicem virtutem, puta furando rem sacram, talis actus esset in duplici specie malitiæ moralis essentialiter; hoc autem repugnat, non secus ac hircoceruus, qui sit in duplici specie physica: ergo malitia est actui accidentalis; adeo ut sicut idem subjectum potest suscipere denominationes justus, & sapientis, quia
istæ

istæ denominationes reponunt subjectum in duplici specie accidentali; ita potest idem actus, qui sit contra justitiam, & contra religionem, ut furtum rei sacræ, esse tantum accidentaliter in duplici specie malitiæ moralis.

Confirm. Quia si actus inhonestus ex sua intrinseca tendentia resisteret prohibitioni, & præcepto, eo ipso quilibet actus inhonestus esset contemptus formalis præcepti; quod nemo dixerit; nam si peccatum veniale esset contemptus formalis præcepti, eo ipso esset mortale, non veniale.

Resp. Distinguo majorem: idem numero actus esset in duplici specie subalterna, concedo; atoma, nego majorem & distinctâ pariter minore, nego Consequentiam: Sicut homo, qui est animal rationale, est in duplici specie physica subalterna, nimirum animalis, & intellectualis, cum utraque species sit subalterna, seu genus ad diversas species inferiores; Est tamen in una specie physica atoma; Et amor v.g. Dei supernaturalis, qui est tam in specie subalterna amoris Dei, quam in specie subalterna qualitatis supernaturalis, est in una specie atoma physica; Ita furtum rei sacræ est in duplici specie morali subalterna, nimirum furti, & sacrilegii, sed in una tantum specie morali atoma, nimirum furti sacrilegi; idemque dicas de actu, qui simul esset v.gr. obedientiæ, & religionis, quando quis vult ex. gr. jejunare, ut satisfaciat simul præcepto, & voto.

Ad confirm. Nego sequelam. Ad formalem contemptum legis non solum spectat transgredi legem obligantem, sed etiam id efficere, parvi ducendo explicitè, & signatè ipsam legem; atqui potest homo legem transgredi actu reluctante obligationi, & honestati obedientiæ, quin signatè parvipendat legem; Sicut potest quis negare Petro id; quod petit, quamvis non parvipendat ejus petitionem; ergo non omnis transgressio legis debet esse formalis contemptus illius. Et sanè Naboth negando Achab Re-

nendi actum permissum, v. gr. ambulationem, quin ponatur ex motivo honestatis, tunc actus iste, qui secundum speciem, & ex objecto est indifferens, consideratus in individuo erit malus moraliter, utpote non positus ex motivo honestatis, prout debet poni ex dictamine legis naturalis.

II. Prima itaque sententia Scoti, & Gabrielis docet, actus ex objecto; & secundum speciem non posse esse indifferentes, sed esse vel bonos moraliter, si sint conformes rationi, vel malos, si diffformes; contra verò consideratos in individuo, spectatis omnibus circumstantiis, posse esse indifferentes, & purè permisos. Quare juxta sententiam Scoti, si quis reddat v. gr. quod debet, exercet actum ex objecto suo conformem rationi, & bonum moraliter secundum speciem suam; at in individuo talis actus est moraliter indifferens; neque enim est malus, cum non sit contra legem æternam, neque bonus, seu honestus, cum non ponatur ex amore honestatis; quamvis enim reddendo, quod debetur, ponatur justum, non ponitur tamen justè.

Secunda sententia opposita D. Thom. 1. 2. *quest.* 18. *art.* 9. & aliorum cum Suar. de actibus humanis *tract.* 3. *disp.* 9. Pallav. Espar., Granad., Mauro, *quest.* 28. docet, posse actus esse moraliter indifferentes ex objecto, & secundum speciem, non tamen in individuo; Sicut natura humana secundum se dicitur indifferens ad hanc, vel illam individuationem, non tamen prout est à parte rei; & sicut natura v. gr. animalis est indifferens ad hanc, vel illam differentiam specificam, quatenus natura animalis est, non tamen à parte rei. Quare juxta D. Thomam, & Suarium, tollere festucam v. g. est actus secundum se indifferens ex objecto suo, & secundum speciem, quamvis talis actus spectatus sub his circumstantiis hìc, & nunc non sit indifferens, sed sit vel bonus moraliter, si fiat ex

hoc motivo, quòd sit conformis dictamini rationis, & legi æternæ permittenti, ità ut aliter non fieret; vel sit moraliter malus, si non fiat ex hoc motivo; quia cum teneamur dirigere actus nostros ad debitum finem, si non dirigamus, eo ipso peccamus, & inhonestè operamur.

Tertia sententia communior inter Recentiores cùm A-
lenfi, Bonav., Vasq. parte 2., *quæst.* 52., *cap.* 2. Mar-
tinonio *disp.* 13. *sect.* 10. docet, dari posse actus morali-
ter indifferentes tum in specie, tum in individuo. Et sanè,
quòd saltem per accidens, videlicet ex opinione probabi-
li, aut errore dari possit actus indifferens in individuo, vi-
detur negari non posse ab Auctoribus secundæ sententiæ,
qui quamvis velint, omnem actum deliberatum, qui
non fiat ex amore honestatis, seu quia conformis legi æ-
ternæ saltem permittenti, esse malum moraliter, cò quòd
caret ordine ad debitum finem, videlicet ad bonum alicu-
jus virtutis, & sit contra obligationem naturalem dirigen-
di omnia ad finem virtutis. At si quis ex opinione proba-
bili sententiæ oppositæ, aut saltem ex errore putet, non
dari hanc obligationem, & tollat v. gr. festucam adver-
tendo, quòd id permittatur à lege æterna, quin tollat il-
lam ex hoc motivo, quòd hæc actio sit conformis legi
permittenti, tunc ponet actum indifferentem in individuo,
Non enim potest hic actus esse malus; quia cùm ex con-
scientia probabili, vel erronea appareat, non dari obliga-
tionem dirigendi omnes actus nostros positivè ad finem
virtutis, actus ille non erit contra dictamen conscientiæ,
atque adeò non erit malus moraliter; neque erit morali-
ter indifferens, non solum in specie sed etiam in individuo.
His præactis.

III. Dico 1. Contra primam sententiam: dantur actus,
qui secundum speciem suam, & ex objecto neque hone-
sti sunt, neque inhonesti, sed indifferentes moraliter, qua-
tenus eorum objectum est moraliter indifferens.

PROB. Illud dicitur objectum honestum, quòd est con-
forme

forme legi præcipienti, aut suadenti, ut colere Deum, servare castitatem; illud verò inhonestum, quod per legem æternam prohibetur; ut furari; atqui datur objectum, quod neque præcipitur, aut suadetur, neque prohibetur, sed purè permittitur, ut ambulare per pomarium, fricare barbam &c. ergo datur objectum secundum se indifferentes; & consequenter dantur actus secundum speciem suam, seu præcisè ex objecto moraliter indifferentes.

Confirm. Eo ipso, quod aliquod objectum suadetur, ut servare castitatem, ejus ommissio neque præcipitur neque prohibetur, neque suadetur, ut patet; sed objectum, quod neque præcipitur, neque prohibetur, neque suadetur, non potest esse honestum, aut inhonestum, sed est indifferentes; ergo eo ipso, quod datur objectum, quod secundum se suadetur, datur consequenter objectum (nempe ejus ommissio) quod secundum se est indifferentes; ita ut actio deliberata ad hanc ommissionem terminata sit moraliter indifferentes secundum speciem suam, seu præcisè ex objecto voluto.

Neque dicas, objectum honestum esse etiam illud, quod est conforme legi permittenti; ommissio autem castitatis, quando ea omititur per Matrimonium, est conformis legi permittenti, ergo ejus objectum non est indifferentes, sed honestum.

Nam contra est, quia ex Philosopho 2. Eth. 4. apud Scotum, sicut ad honestatem actus non satis est prosecutio objecti non prohibiti, sed requiritur, ut id fiat ex amore honestatis; ita ad honestatem objecti non satis est, quod merè non prohibeatur, sed requiritur etiam, quod sit conforme rationi, & legi æternæ aut præcipienti, aut suadenti; & consequenter objectum purè permissum non dicitur honestum, sed indifferentes. Quod ex eo patet, quia in tantum per Scotum actus potest esse moraliter

indifferens in individuo, spectatis omnibus circumstantiis, quia in individuo spectatus potest nec apparere prohibitus, nec præceptus, sed purè permissus; ergo sicut actus non dicitur honestus, sed indifferens, si sit purè permissus; ità objectum si sit de se conforme legi purè permittenti, non erit honestum, sed indifferens; indifferentia tamen præcisiua, non positiua, sicut homo dicitur indifferens ad Petreïtatem, & Pauleïtatem, non positivè, sed præcisiue.

IV. Dico 2. Probabile est, dari posse actum moralem indifferentem in individuo, non solùm per accidens, & ex opinione probabili, seu saltem ex errore, quòd non detur obligatio referendi signatè omnes actiones nostras ad finem virtutis, & operandi semper ex amore honestatis; sed etiam per se; ità ut huiusmodi obligatio probabiliter non detur.

Quod possit per accidens dari actus moralis indifferens in individuo modo explicato, videtur manifestum; nam si quis ex errore putet, non prohiberi mendacium ad salvandam vitam innocentis, certè mentiendo non peccabit formaliter, sed solùm materialiter ratione conscientiae erroneae; ergo pariter si quis putet ex opinione probabili (aut si velis etiam ex errore) quòd tollere festucam, accedere ad ignem, non referendo hanc actionem in finem virtutis, non sit malum, hic neque peccabit tollendo sic festucam &c. atque adeò talis actio in individuo, seu spectatis omnibus circumstantiis, non erit inhonesta; neque hic operabitur honestè, cum non ponat talem actionem ex amore honestatis; ergo ponet actum moralem indifferentem in individuo.

Quod verò probabiliter possit etiam per se dari actus moralis indifferens in individuo, probatur. Potest dari huiusmodi actus, si revera non detur obligatio referendi omnes actus nostros ad finem virtutis, seu honestatis, hoc est ponendo illos præcisè, quia conformes sunt legi æternæ

nae saltem permittenti, & non prohibenti, ita ut aliter non fierent: atqui revera huiusmodi obligatio probabiliter non datur; ergo probabiliter dari potest per se actus moralis indifferens in individuo. Major constat. Nam si non detur ea obligatio, qui v. gr. accedit ad ignem, præcisè ut calefiat advertendo, quòd id per legem æternam non prohibeatur, nec præcipiatur, eo ipso poneret actum moralem, qui neque honestus sit, neque inhonestus, sed indifferens. Minor itaque probatur; quia si daretur huiusmodi obligatio, ea deberet esse lumine naturæ nota, & indubitata; atqui talis obligatio non est huiusmodi: Plurimi enim Patres, & Doctores negant, illam dari cum Hieronymo, Nazianz., Scoto, Bonav., Vasq., ex quorum opinione saltem sequitur, quòd ea obligatio sit dubia: Quod si dubia sit, eo ipso non datur. Siquidem ex regula juris; In dubio melior est conditio possidentis: in casu autem nostro est in possessione libertas operandi, quæ proinde per hanc legem dubiam non debet coarctari. Apertè autem huius sententiæ astipulari videtur D. Hieron. ep. 89. ubi hæc habet: *Bonum est continentia; malum est luxuria; inter utrumque indifferens ambulare* &c. *sive enim feceris, sive non feceris, nec justitiam habebis, nec injustitiam*; quod etiam docent Greg., & alii Patres apud Vasq.

Confirm. Quia si qua ratione probaretur, debere hominem operari semper ex motivo honestatis, probaretur indivisim, debere semper operari ex motivo Charitatis; sed hoc non admittitur; præsertim quia damnata est ab Alex. VIII. propositio illa dicens: *Omnis deliberata actio humana est Dei dilectio; vel Mundi*; Si Dei, Charitas Patris est, si Mundi, concupiscentia carnis, hoc est, mala est; ergo non datur obligatio operandi semper ex motivo honestatis. Probatur sequela: In tantum non debet homo Dei amicus semper operari ex motivo perfectissimo Charitatis, [seu quia actio pla-

placet Deo summè bono , & dilecto) quia tale onus gratis imponitur , & ratio dicat , non malè operari amicum Dei, etsi non operetur ex motivo perfectissimo charitatis ; atqui ratio pariter dicat , hominem non malè operari, etsi non operetur ex motivo honestatis , quando operatur ex motivo permissso, putà si ambulet per pomarium , ex eo quòd hoc sit utile sanitati, quamvis non ex hoc motivo , quòd talis ambulatio non sit illicita; ergo utrobique par ratio. Certè non minùs homo quàm homo ordinatur ad Deum, tanquam ad primam regulam morum , quàm amicus Dei qua talis ordinatur ad Deum , ut primum bonum , & summè amabilem : Atqui Dei amicus non dicitur male semper operari , quoties non operatur ex motivo perfectissimo , quòd placeat Deo summe dilecto ; ergo neque dicetur homo semper male operari, quoties non operatur ex motivo honestatis, seu ex hoc motivo , quòd actio non sit illicita , sed conformis primæ regulæ morum: Satis enim est, quod non appareat illicita, quin requiratur, quod quatenus talis ametur , ut actio non sit mala moraliter.

V. OBJE. I. Ex Esparza putante , ne per accidens quidem evenire posse, quod actus aliquis sit moraliter indifferens in individuo : In tantum posset esse per accidens indifferens talis actus, in quantum aliquis aut probabiliter putaret, aut non adverteret, adesse obligationem ponendi operationem permissam ex amore honestatis , seu ex hoc motivo , quod sit licita , aliter non positurus : atqui hujusmodi inadvertentia , & error non est practice possibilis; ergo ne per accidens quidem est possibilis actus moralis indifferens in individuo. Minor probatur : sicut practice non est possibile, aliquem operantem humano modo invincibiliter ignorare , se esse hominem ratione præditum , ità nec potest invincibiliter ignorare, se debere operari humano modo, & rationabiliter, seu conformiter

conformer ad primam regulam honestatis, quæ fert operari ex motivo ipsius honestatis.

Confirm. Quia quamvis speculativè loquendo videatur possibilis actus, in quo conscientia sit perplexa, & iudicet tam peccare hominem, si omittat ver. gr. sacrum ad assistendum ægroto; quàm si audiat sacrum, & non assistat ægroto, at practice non est possibilis huiusmodi actus, quia ex una parte iste peccaret; nam ex Apost. *Quod non est ex fide, peccatum est*, seu quod non est ex credulitate, quod non sit peccatum: ex altera parte non peccaret, quia nemo peccat omittendo, quod non potest non omittere; in casu autem adducto non potest homo non omittere aut auditionem sacri, aut assistentiam ægroto; unde non peccaret, si alterutrum omitteret, ergo neque practice erit possibilis casus, quo humano modo operetur, & non advertat ad obligationem operandi humano modo, & conformiter ad rationem, quia simul adverteret ad regulam honestatis, quatenus humano modo operaretur, & simul non adverteret, quia non adverteret ad obligationem conformandi se primæ regulæ honestatis.

Resp. Nego minorem. Ad probationem dico cum Vasquio *cap. 7.* hominem operari rationabiliter, seu conformiter ad rationem per hoc, quod advertendo ad dictamen conscientiæ, & ad regulam rationis, nihil ponat rectæ rationi contrarium; operari enim positive ex amore honestatis est quidem bonum, & laudabile, sed ejus omisso non est rectæ rationi contraria; cum id non præcipiatur, sed solum suadeatur à recta ratione: sicut nec præcipitur, sed solum suadetur operari semper ex fine perfectissimo charitatis. Quare concedimus, operantem humano modo advertere ad regulam honestatis, & ad obligationem, quam fert ea regula, & dictamen conscientiæ; negamus tamen, regulam honestatis obligare ad operandum semper ex motivo honestatis; sicut non obligat ad ope-

randum semper ex motivo Charitatis, sed solum obligat, ne quid ponatur difforme tali regulæ. Adde, quod etiam si detur hæc obligatio operandi semper ex motivo honestatis; at non videtur, quare non possit invincibiliter ignorari, ut potest e.g. ignorari obligatio ad non mentiendum; quod satis esset, ut detur per accidens actus moralis indifferens in individuo,

Ad confirm. *Omissio antecedente, nego suppositum consequentis*; videlicet obligationem ortam ex regula honestatis, ad quam homo advertit, quando humano modo operatur, esse, quod positivè se conformet tali regulæ operando ex amore honestatis, cum satis sit, si se non difformet; Aliter recurrit, quod si ea obligatio assumatur ab Adversariis, non posset impugnari qui diceret, dari naturalem obligationem operandi ex fine perfectissimo, & propter Deum etiam summè dilectum; cum tamen certum sit, non omnes Virtutes Deum attingere.

OBJ. 2. Ex Mauro *qua. 28.* Actus moralis carens debito ordine ad finem suum, & ad suam regulam est illicitus, & peccaminosus, ut patet; sed qui v. g. accederet ad ignem advertens ad conscientie dictamen, & ad regulam honestatis, & cognoscendo, quod id permittatur, vellet accedere præcise ex motivo commoditatis, non honestatis, eo ipso poneret actum, qui careret ordine debito ad suum finem; ergo poneret actum moraliter malum. *Prob. min.* Nam operatio eo ipso ac non ordinatur positive ad primam regulam honestatis, caret ordine debito ad talem regulam, & ad finem morum, seu actionum moralium; sed quoties non fit ex motivo honestatis, tunc non ordinatur positive ad talem regulam; ergo caret ordine debito ad talem finem. Major hæc, quod scilicet ordo positivus ad primam regulam sit debitus, prob. primò ex Aug. qui *lib. 2. de peccatorum meritis, & remissione c. 18.* hæc habet. *Voluntas mirum si possit in medio quodam consistere, ut nec bona, nec mala sit; aut enim justum diligimus*

ligimus, & bona est; & si magis, magis bona, si minus, minus bona, aut si omnino non diligimus, non bona est. Quis verò dubitet dicere, voluntatem nullo modo justitiam diligentem non modò esse malam, sed pessimam voluntatem? Quibus verbis Augustinus docet esse indubitabile, quòd actus non elicitus ex amore honestatis non solum sit malus, sed pessimus. Secundò probatur ex axioma D. Dion. *Bonum ex integra causa, malum ex singulis defectibus*; ergo actus, qui non est ex amore honestatis, cum careat hoc ordine, ratione cuius actus est bonus, eo ipso non est bonus, sed malus. Tertiò quia actui artificiali debetur ordo positivus ad finem artis, unde peccat contra regulam artis, qui ponit actum tali regulæ difformem, ergo etiam actui morali debetur ordo positivus ad finem moralem. Quartò, artifex, qui ponit opus inutile ad finem artis, peccat contra artem; v.g. si Sutor conficiat calceum inceptum ad calceandum; ergo etiam agens morale, si ponat actum moralem inutilem ad finem, ad quem agentia moralia ordinantur, ponit actum malum, & peccat contra moralitatem. Quintò quia omnis actus moralis otiosus est peccatum, ut constat ex illo Christi Domini Mat. 12. *Dico autem vobis, quia omne verbum otiosum, quod locuti fuerint homines, reddent rationem de eo in die iudicii*; ubi Interpretes Sacri communiter docent, omnes actus otiosos esse peccata; actus autem indifferens est otiosus; quia otiosum est, quod est inutile ad finem; actus autem moralis, qui non est bonus, est omnino inutilis ad finem moralitatis, seu honestatis; ergo omnis actus, qui putatur indifferens, est malus moraliter. Hinc Greg. Hom. 6. in Evang. loquens de verbo otioso dicit otiosum esse. *Quod aut honestate rectitudinis aut ratione justa utilitatis caret*. Bernardus, *Quod nullam habet rationabilem causam*: Origenes, *Quod neque boni, neque mali aliquid agit*, & Basilius, *Quod ad propositum in domino usum non facit*.

Resp. Actum moralem sufficienter ordinari ad primam regulam honestatis per hoc, quod consultâ primâ regulâ, & viso, quod illi non difformetur, actus ille ponatur, quamvis non ponatur ex illo motivo, quod non difformetur, sed ex motivo permissô, putâ propter commoditatem. Quare ordo debitus ad primam regulam moralitatis non consistit, quod ponatur actus ex motivo honestatis, sed quod ponatur post consultam primam regulam, cui appareat non difformari.

In forma *nego minorem*; ad probationem *nego majorem*; Ad primam hujus probationem Augustinus loquitur de eo, qui nullo modo, hoc est, nunquâ n justitiam diligit; aliter quomodo posset dicere Augustinus, voluntatem hanc non solum esse malam, sed pessimam. Alii putant, Augustinum esse in opposita sententia, sed Augustino opponi posse D. Hieronymum. laudatum, Nazian. Greg. & alios Patres.

Ad secundam respondet Scotus, actum indifferentem esse malum privativè, non positivè; ad hoc, ut actus sit positivè malus, non satis est, quod careat bono, sed præterea carere debet bono debito; unde si careat bono, v. g. honestatis, quin habeatur debitum habendi illud, erit indifferens ethicè, & moraliter.

Ad tertiam retorquetur paritas; Artifex per hoc præcisè, quod advertens ad regulam artis nihil ponat illis contrarium, non dicitur male, & contra regulas artis operari; ergo neque in casu.

Ad quartam Artifex, qui consultis regulis artis, ponit quod deservire potest ad operationem artis, non operatur contra suas regulas, secus verò, si ponat aliquid, quod iis regulis opponatur, ut esset v. g. calceus ineptus, ergo etiam agens morale neque operatur contra regulas moris, si consultâ primâ regulâ morum, ponat actus indifferentes, quibus natura relaxetur, & vires reficiantur, unde possit adjuvari ad operationes honestas, & illas hilaritè prosequi.

Adde

Adde, retorqueri etiam paritatem; nam artifex non operatur contra regulas artis, quando nihil ponit difforme iis regulis, quamvis non ponat aliquid iis positivè conforme; ergo pariformiter discurre debet de Agente morali.

Ad ultimam variè explicant SS. Patres textum adductum, ut videre est apud Martinonium. Nam primò verbum otiosum ibi significare potest, verbum malum, quibus otiosi occupantur, ut ex versione græca notant Euthymius, Gregorius, Theophil. Secundò potest intelligi de verbis inutilibus, quibus teritur tempus rebus seriis debitum. Tertiò de verbis superfluis & inutilibus ad finem etiam naturalis commoditatis, & recreationis; Nam, ut habet D. Th. secunda secundæ, q. 143. art. 1. peccat, qui non servat mediocritatem in loquendo, & quidem contra virtutem, quam vocat Austeritatis, sive peccet per excessum, quod est vitium loquacitatis, sive per defectum; Ad eum modum quo peccat, qui sine debita mediocritate expendit divitias, sive prodigè, sive avare.

VII. OBJIC. 3. ab Inn. XI. damnata est propositio VIII. dicens: *Comedere, & bibere ad satietatem ob solam voluptatem, non est peccatum, modò non obsit valetudini, quia licitè potest appetitus naturalis suis actibus frui*, nec non propositio IX. quæ habet: *Opus conjugii ob voluptatem exercitum caret culpâ, ac defectu veniali*; ergo operatio, quæ non ordinatur positivè ad primam regulam, sed exercetur ob delectationem naturalem, aut commoditatem non prohibitam, non est actus indifferens sed malus;

Resp. nego conseq. quod damnatur in prima illa propositione, est, quòd vacet culpâ etiam veniali, non quidem comedere, & bibere moderatè, sed ad satietatem, & quidem ob solam voluptatem, sicut enim diximus, quòd excedere moderationem in loquendo, in expendendo divitias, non vacet culpâ loquacitatis, & prodigalitatis; ità excedere mediocritatem debitam in comedendo, & comedere ad satietatem, culpâ non vacat.

In

In altera propositione optime damnatur, quod opus conjugii exercitum ob solam voluptatem non careat culpâ veniali; quia immoderata voluptas detrahit animum à divinis; unde non est primario intendenda, sed solum permittenda, quando per opus conjugii intenditur aut bonum prolis, aut sedare concupiscentiam, aut conjugii morem gerere propter obligationem iustitiæ. Ubi adverte, opus conjugii ob solam voluptatem exerceri non posse citra veniale. Si quis tamen eodem actu utrumque directe intenderet, videlicet primario bonum prolis, secundario voluptatem, probabilius huiusmodi actus, quatenus directe intendens delectationem, non ordinando illam ad finem intrinsecum conjugii, esset actus malus; si verò ad finem debitum ea ordinetur, actus sub hac formalitate est honestus. Utrum autem possit opus conjugii exerceri, & ea delectatio intendi ad vitandum in se periculum incontinentiæ? Negant communius cum Angelico apud Sanch. *lib. 9. disp. 9.* ubi possit aliis mediis non difficilibus incontinentia vitari: sicut etiam communius apud Sanch. *disp. 10.* docent, nec posse exerceri unice propter sanitatem, si detur aliud medium ad talem finem.

Difficultas est apud Cardenas in sua Crysi, Utrum comestio moderata, si fiat ob solam voluptatem, & non propter convenientem sustentationem, sit actus indifferens, an verò malus. Videtur enim inordinatè se gerere, qui non ordinat delectationem ad operationem, sed operationem ad delectationem contra finem naturæ.

Equidem concedo, quod non vacet culpâ veniali comedere moderatè ob solam delectationem, ut cum communiori opinatur Cardenas; esto vacet culpâ veniali vel le animum relaxare, v. g. ambulando per pomarium, olfaciendo florem, audiendo musicam &c. Et ratio disparitatis est, quia voluptas, quæ percipitur in his actibus, ad id instituta est à natura, ut animum relaxet; contra verò voluptas, quæ percipitur comedendo, aut bibendo, instituta

tuta est à natura, ut per comestionem consulemus conservationi individui; sicut voluptas in Venereis instituta est, ut consulemus conservationi speciei, & ideo nequit ea voluptas, quæ percipitur in cibo etiam moderato intendi propter se.

Dubitari posset, an citra culpam venialem in comestione moderata possit utrumque simul intendi, videlicet sustentatio naturæ, & delectatio, illam intendendo primariò, hanc verò secundariò? Ad quod videtur etiam dicendum, quòd si voluptas in moderata comestione intendatur directè (etiam secundariò) actus sit malus. Ratio est, quia videtur voluptas ordinari debere ad sustentationem vitæ congruam, juxta finem naturæ; unde citra veniale amari non potest, nisi quatenus utilis ad talem finem. Et ratio ulterior est, quia appetitus naturalis debet suis actibus uti, non frui; ut colligitur ex propositione damnata: hoc est amari debet delectatio ut medium, non ut finis; atque adeò non debet ultimè intendi, sed ordinari ad finem à natura intentum. Dico tamen, quòd comestio moderata possit esse actus moralis indifferens, quamvis voluptas, quæ in ea percipitur, intendatur propter congruam sustentationem. Ratio est, quia potest aliquando comestio moderata esse tantum permessa, quin præcipiatur, aut suadeatur; ut accidit, quando suaderetur jejunium, juxta explicata in prima conclusione; Atqui si quis in hoc casu velit moderatè comedere, & voluptatem percipere in ordine ad sustentationem, quæ apparet permessa, in tali casu moderata comestio neque est moraliter bona, cum non ponatur ex amore honestatis, seu quia præcipitur, aut suaderetur à Deo, cum supponamus suaderi jejunium; Neque est mala, quia non est contra obligationem; ergo erit actus moralis indifferens in individuo: delectatio enim in tali casu non intenditur ut finis, sed ut medium ad sustentationem, permissam, ac proinde appetitus naturalis non fruitur, sed utitur actibus suis. Sed hac de re fu-

fusiùs in expositione istarum Thesium ab Inn. XI confirmarum.

VIII. OBJIC. ult. Creatura rationalis, quando liberè operatur; operari debet rationabiliter, & juxta dictamen rationis; atqui rationis dictamen fert debere operari altiori modo, quàm operentur belluæ; ergo si belluæ operantur propter bonum delectabile, homo operari debet propter bonum honestum, ergo actus tendens in objectum permissum, & non ex fine honestatis, non est indifferens, sed malus.

Confirm. 1. Quia ambulans v. g. ex motivo commoditatis, contempto motivo honestatis, malè operatur, ergo non indifferenter.

Confirm. 2. Qui consultâ lege æternâ videt, ambulationem non prohiberi, vel illam ponit, quia non est prohibita, & operatur honestè, vel illam ponit nihil morando, prohibita ne sit, an non, & operatur inhonestè; ergo non potest operari indifferenter.

Resp. Hominem altiori modo supra belluas operari, etiàm quando ponit operationem moralem indifferentem, quia tunc operatur, consultâ priùs regulâ morum, determinatus non ponere actionem, quæ appareat prohibita, quamvis non semper operetur ex hoc motivo.

Ad primam confirm. qui ambulat ex fine commoditatis, & non ex fine honestatis, non dicitur contemnere honestatem; sicuti qui operatur, & non ex motivo charitatis, non dicitur contemnere charitatem, atque adeò non operatur inhonestè.

Ad secundam. Qui negant cum D. Th. possibilem actum indifferentem, dicunt, tunc actum esse honestum, quando prosequitur objectum ex motivo honestatis, cum positiva directione ad finem honestum: quod non videtur haberi, quando quis ponit ambulationem, quia non est prohibita, cum hoc non importet dirigere illam positivè ad finem honestum. Sed transmissio, quòd si sic intendatur

datur, sit honesta; Dico tamen primò, posse intendi operationem, quæ apparet non esse prohibita, quin intendatur, quia non est prohibita, & in tali casu actus est indifferens. Secundò dico, quòd etiamsi intendatur, quia non est prohibita, adhuc potest esse indifferens, & non honesta, quia dupliciter potest poni ambulatio, si non est prohibita; primo quidem, quia ly *quia* importet affectum voluntatis erga obedientiam legi æternæ, & honestatem, ita ut nullatenus velit recedere ab obedientia debita, & à conformitate cum dictamine rationis, & qui sic operatur, honestè operatur, cùm prosequatur honestatem. Secundo ly *Quia* non est prohibita, potest importare non affectum ullum voluntatis, sed meram remotionem impedimenti, quod haberetur in ponenda ambulatione, si adesset prohibitio, & qui hoc pacto operatur, non operatur honeste, sed indifferenter, nec virtualiter dicit, se non ambulaturum, si adesset impedimentum morale prohibitionis; neque ex vi voluntatis præsentis potest argui, quid esset factururus, si impeditio prohibitionis proponeretur. Quare dico, ambulationem esse indifferentem, tam si ponatur ambulatio, quæ non apparet prohibita ob finem commoditatis permittæ, tam si ponatur, quia non apparet prohibita in hoc secundo sensu explicato: esset verò inhonesta, si poneretur, sive ea sit prohibita, sive non, quia sic poneretur cum contemptu prohibitionis.

Q U Æ S T I O IV.

Utrum actus Imperati, & Externi habeant specialem bonitatem, & malitiam moralem, Meritum, ac Demeritum?

I. **P**rima difficultas enodanda est, Utrum actus imperans sit intellectus, an voluntatis. Secunda, An adimat libertatem actui imperato? Tertia, Utrum actus imperatus, quando caret libertate formali[nec non actus externus, qui semper est necessarius] habeat specialem boni-

bonitatem, aut malitiam moralem? Quarta, an habeant speciale meritum, aut demeritum?

II. Circa primam dicendum cum D. Th. 1. 2. *qu. 11. ar. 1.* Amic. *disp. 11.* & aliis, Imperare formaliter esse actum intellectus, præsupposito tamen actu voluntatis. Ad cuius intelligentiam advertit Angelicus, quod tam voluntas soleat velle actus intellectus, quam intellectus soleat ratiocinari de actibus voluntatis, propterea aliquando actus voluntatis præcedit, & inducit aliquem actum intellectus; aliquando è contra, unde fit, virtutem prioris actus aliquando remanere in secundo, & vi prioris poni, atque adeò sæpè actum voluntatis determinare potentiam intellectivam, & sæpè vice versâ actum intellectus determinare potentiam volitivam. Imperare autem essentialiter est actus intellectus ordinantis eum, cui aliquid imperat, intimando illi, quid agendum sit, ac veluti dicendo, Hoc tibi faciendum est, vel fac hoc. Uterque autem hic actus est intellectus, & juxta communio rem sententiam spectat ad primam operationem [ut Petitio, Consilium, Suasio, Admiratio, &c.] quia tamen hujusmodi actus non habentur in intellectu, nisi ex priori actu voluntatis determinante intellectum ad illos, ideo dicit Angelicus, imperium esse actum intellectus, præsupposito actu voluntatis.

Hinc fit 1. quod ratio, seu intellectus moveat voluntatem ad agendum, determinando illam, seu impellendo, ac inclinando in virtute prioris actus voluntatis, à quo determinatus fuit intellectus ad ponendum actum imperantem; quia scilicet secundum agens movet in virtute prioris. Fit 2. non posse ad quemcunque actum voluntatis præcedere hujusmodi imperium, quia sic in actibus voluntatis abiremus in infinitum. Fit 3. quod licet actus dicatur imperans, re tamen verâ voluntas imperat sibi per actum intellectus, sicut imperat aliis potentiis subditis, actus autem intellectus, qui dicitur imperium, est instru-

instrumentum, quo utitur ad imperandum voluntas, quæ est causa principalis. Fit 4. actus imperantes dici voluntarios, & liberos, non ratione imperii, sed ratione actus voluntatis præsuppositi, determinantis intellectum ad actum imperii.

III. Circa 2. Utrum actus imperatus sit formaliter liber? Lugo *disp. 15. de Pœnit. sect. 9.* Reques. *lib. 12. sect. 5.* & alii putant, esse necessarium, ut sunt actus externi. Suar. verò *lib. 2. c. 12.* Coninck *disp. 2. dub. 2.* & alii docent, esse formaliter liberum: idemque asserunt de actu electivo unici medii positâ intentione finis. Verius dicendum, quod sicut potest intentio finis aliquando esse efficax, & sic determinare, ac necessitare ad electionem unici medii; aliquando esse inefficax, & sic relinquere libertatem formalem in electione unici medii: ita actus imperans potest aliquando esse efficax, & sic determinare ad actum imperatum; aliquando esse inefficax, ac debilis virtutis; unde voluntas, quamvis ab eo aliquantulum inclinetur ad actum imperatum, est tamen libera ad hunc omittendum; præsertim si actus imperatus non sit ponendus in eodem instanti, sed in posterum; in quo casu actus imperatus est formaliter liber. Ita Ripal. *dis. 65.* Martinonius & alii.

IV. Circa tertiam, Utrum actus externi, nec non imperati, quando non sunt formaliter liberi, habeant specialem bonitatem, aut malitiam moralem condistinctam à bonitate, aut malitiâ morali actus interni imperantis? Dicendum cum Scoto, Salas, Coninck, Vasquez, & aliis, apud Martinonium *disp. 13 sect. 3.* in actibus externis reperiri quidem novam quandam bonitatem, aut malitiam moralem condistinctam ab ea, quæ est in actibus internis, à quibus procedunt; ea tamen bonitas, aut malitia, quæ superadditur, dicenda est potius materialis, & objectiva, quàm formalis, & perfecta; in actibus verò voluntatis imperatis habetur nova bonitas, aut malitia formalis condi-

stincta ab ea, quæ est in actibus imperantibus, ea tamen non est usquequaque perfecta, si actus imperati non sint liberi.

PROB. I. pars de actibus externis, quod superaddant aliquam bonitatem, vel malitiam moralem. Univerſim actus dicitur bonus, vel malus moraliter per hoc, quod sit conformis, vel difformis regulæ honestatis, atqui etiam actus externi, v. g. erogatio eleëmofynæ, genu-flexio, jejunium, qui imperantur ab actibus internis bonis, sunt conformes regulæ honestatis; ergo etiam actus externi habent suam bonitatem moralem, quam superaddunt actibus internis.

PROB. deinde, quod illa bonitas non sit formalis, & perfecta, sed objectiva, & materialis, quatenus sunt objectum, ac materia actûs interni, cui formaliter competit moralitas, seu prosecutio boni honesti, vel turpis. Ratio est, quia in actibus externis non habetur formalis hæc prosecutio, aut fuga boni honesti, vel turpis; ergo in iis non habetur formalis, & perfecta bonitas, aut malitia moralis. Ex quo descendit probatio tertiæ partis conclusionis, quod actus voluntatis imperati, etiam si non sint liberi, habeant suam bonitatem specialem formalem; etenim quamvis non sint liberi, adhuc sunt formalis prosecutio boni honesti, sicut amor beatificus, quamvis sit necessarius, qui proinde non caret suâ formali bonitate morali. Denique solum in actibus voluntatis imperatis liberis habetur bonitas formalis usquequaque perfecta, quia habetur in iis libera subordinatio naturæ rationalis ad regulam honestatis, ratione cujus actus non solum est bonus, sed etiam meritorius, quod non competit actibus imperatis necessariis, ut mox dicemus.

V. Circa quartâ, sicut actus externi, nec non voluntatis imperati, quando sunt necessarii, ita superaddant novâ bonitatem vel malitiam moralem, saltem materiale, & imperfectam, ut addant etiam novum meritum supra meritum actûs interni, à quo imperantur. Di-

Dicendum I. cum communiori contra Scotum quodlibeto 18. apud Martinon. *disp.* 14. *sect.* 13. per se loquendo de actibus externis, nec non de internis imperatis necessariis, non superaddi ab iis novum meritum, aut demeritum ultra meritum, ac demeritum actuum imperantium formaliter liberorum.

PROB. Fundamentum meriti est libertas à necessitate, adeo ut libertas ipsa, si sit solum à coactione, non sufficiat ad meritum, aut demeritum, ut constat ex tertia propositione damnata adversus Jansenium; atqui actiones exteriores, [idemque dicas de actibus internis imperatis necessariis] non habent propriam libertatem formalem, sed denominantur liberæ à libertate propria actûs interni; ergo non habent proprium meritum, aut demeritum distinctum à merito, aut demerito actûs interni, à quo imperantur. Major patet, quia sola actio interior est formalis amor objecti consentaneus naturæ rationalis, & libere resistitivus inclinationi in contrarium; ergo sola actio interior est meritoria, cum sola libertas sit fundamentum meriti.

Confirm. Quia communiter Patres docent, volitionem apud Deum reputari pro facto; & sensus est, voluntatem æquè mereri, si ve actui interiori addatur, si ve non addatur actus externus ob impedimentum extrinsecum, ergo actus exterior per se loquendo non addit novum meritum. Antecedens constat etiam ex Scripturis, nam Genes. 22. de Abraham dicitur: *Quia fecisti rem hanc, & non percisti*, &c. cum tamen solummodo voluerit filium suum Isaac immolare, non imolaverit: similiter Apostoli Matth. 2. dicuntur reliquisse omnia, cum tamen nonnisi scissum rete reliquerint; quia scilicet, ut loquitur D. Greg. *In hac re affectum debemus potius pensare, quam censum*. Proinde vidua illa quæ nonnisi duo minuta erogaverat, supra divites commendata est à Christo Domino dicente Mar. 12. *Vidua hæc pauper plus omnibus misit, qui miserunt in gazophylacium.*

Confirm. 2. Quia cæteroqui possent homines privare nos merito supernaturali, cum possint impedire, ne ponamus opus externum, puta peregrinationem, si huic responderet meritum speciale. Sequela est absurda; ergo ut prius.

Dicendum 2. Quamvis per se loquendo non minùs mereatur, aut demereatur Petrus, qui solum ponit operationem internam bonam, aut malam, quàm Paulus, qui ponit internam simul, & externam, nihilominus occasionaliter, & per accidens magis meretur Paulus, qui operationi internæ superaddit externam, v. g. peregrinationem quàm Petrus, qui illam non superaddit, ut diximus in de Jussileo. qu. 7. art. ult.

PROB. Quia in executione operationis externæ confurgit sæpè occasio aut iterandi actus internos, aut ponendi illos intensiores, ac diuturniores, ad superandam difficultatem, quæ facile occurrit in executione operis, atqui actus interni iterati, aut magis intensi, ac diuturni magis merentur, aut demerentur; ergo occasionaliter, & per accidens majus meritum, aut demeritum habetur in eo, qui actui interno superaddit externum.

Confirm. Quia duplex à Deo confertur gratia facienti, una verò volenti facere, ut notat August. ser. 2. de verbis Apost. c. 10. dicens: *Non sufficit, ut velis, adjuvandus es, ut bene velis, & impleas quod velis*; ergo ad ponendam operationem externam, sicut requiritur speciale auxilium, ita requiritur specialis actus internus voluntatis ad superandam specialem difficultatem, ergo in executione operis per accidens, & occasionaliter crescit meritum, ratione hujus novi actus interni requisiti.

Hinc fit, meritum in eo, qui vult subire martyrium, & in eo, qui subit, non esse æquale, licet per accidens: Sicut nec est æquale meritum in eo, qui vult v. gr. infinitam eleemosynam elargiri, aut infinitas audire Missas, ac in eo, qui elargitur, aut audit. Ratio est, quia in executione operis major difficultas superatur, & sic perfectior actus

actus internus requiritur, ac proinde solum per accidens meritum est majus. Quod si æquales omnino essent actus interni in eo, qui subit, ac in eo, qui non subit martyrium meritorium ex opere operantis esset omnino idem in utroque; quamvis Aureola martyrii solum conferatur ei, qui martyrium subit, quia ea confertur ex opere operato simul cum ingenti augmento gratiæ præter illud, quod confertur ex operatione operantis, seu ratione actus interni meritorii.

Utrum autem afflictiones externæ voluntariæ augeant supra affectus internos satisfactionem pro pœna? Videtur afficiendum cum Ripal. *disp. 98. sect. 5.* & Lugo *disp. 24. de Pœn. sect. 4.* quia ad satisfaciendum non requiritur illa formalis libertas, quæ requiritur ad merendum, & hoc ideo quia æquitas postulat, ut reus qui passionem externam subiit, non iterum deinde puniatur: contra verò non debet haberi nova præmii exigentia, nisi de novo ponatur actus liber obsequiosus, & gratus præmianti.

VI. OBJIC. 1. Contra primam conclusionem ex Scoto. Crescit meritum actus interni per hoc, quod sit major gratia in operante, ergo meritum potest crescere per aliquod, quod non sit formaliter liberum; ergo potest etiam crescere ratione actus externi, utpote habentis suam specialem bonitatem moralem, quamvis non sit formaliter liber.

Resp Concesso antecedente, distinguo primum consequens: potest crescere meritum, per aliquid, quod non sit formaliter liberum, si se teneat ex parte operantis, *concedo*, si se teneat ex parte operis, ut est actus externus, *nego primam, & secundam consequentiam*. Actus, qui non est formaliter liber, non est meritorius: at major dignitas personæ operantis reddit meritum majus.

VII. OBJIC. 2. In Decalogo prohibentur tam operationes internæ, v. gr. concupiscere rem alienam, quàm externæ, nempe furtum, ergo etiam operationes exter-

næ sunt contra legem Divinam, atque adeo peccata, ergo etiam habent speciale demeritum. Et sanè Augustinus definiendo peccatum dicit, esse *dictum, factum, concupitum contra legem aternam Dei*; ut proinde non solum ratio peccati competat actibus internis, sed etiam externis

Confirm. In Confessione tenemur aperire præter actus internos, etiam operationes externas peccaminosas; ergo operatio externa est peccatum superadditum peccato interno; ergo habet speciale demeritum.

Resp. In Decalogo prohiberi etiam operationes externas, quia etiam istæ sunt dissonæ naturæ rationali, atque adeo habent suam malitiam moralem, licet materialem; habent proinde etiam rationem peccati, non formaliter, sed completivè, quatenus scilicet peccatum internum complent, in quo sensu actibus externis competit ratio peccati juxta definitionem Augustini: hinc non habent speciale demeritum, cum non sint formaliter peccata, seu transgressiones divinæ legis, eò quòd careant formali libertate.

Ad confirm. satis est, quòd actiones externæ habeant rationem peccati denominativè per denominationem extrinsecam ab actu interno peccaminoso, ad hoc, ut rationabiliter præcipiatur earum confessio, id enim per se conducit ad melius cognoscendum peccatum internum, & ad satisfactionem ac poenitentiam injungendam; Præsertim quia operationes externæ, licet non habeant specialem culpam formalem, ac demeritum, habet tamen per accidens, & occasionaliter.

VIII. OBJIC. 3. Si quis in ultimo instanti vitæ eliceret actum contritionis perfectæ, efficaciter imperatum ex metu gehennæ, vel justificaretur, vel non, neutrum dici potest; ergo: Si enim justificaretur, ergo quamvis contritio sit efficaciter imperata, & consequenter necessaria, adhuc est meritoria, cum de congruo mereatur gratiam, ad quam ultimò disponitur, atque adeo falsum est, quòd

quòd actus carens libertate formali, immediatâ, careat proprio merito: Si dicas, quòd non justificaretur, ergo posset quis post contritionem perfectam damnari, quod non videtur dicendum.

Respondent alii aliter apud Platelium *num. 99*. Aliqui ad vitandam difficultatem negant dari ultimum vitæ instans. Sed contra; quia satis est, quòd detur ultimum vitæ momentum, quo possit homo operari: Alii cum Vasq. docent, contritionem formaliter justificare, ac proinde in casu non esse meritoriam gratiæ justificantis, sed esse ipsam formam justificantem. Hoc tamen communius negatur. Alii putant, non congruere divinæ Providentiæ conferre gratiam ad actum virtutis nobilissimæ pro iis circumstantiis, quibus non potest prodesse; unde negant casum, sed immeritò. Aliqui verius docent cum Lugo, & Arriaga, huiusmodi contritionem ut conjunctam cum actu bono supernaturali, à quo imperatur, sufficere ad justificationem, etiamsi non sit formaliter libera, quia facit unum moraliter cum actu supernaturali bono: Quòd si imperaretur ab actu naturali, aut leviter malo, non sufficeret ad justificationem, quia careret tum intrinsecè, tum extrinsecè bonitate morali perfectâ, atque adeo merito sufficienti ad impetrandam justificationem.

Q U Æ S T I O V.

Utrum possit actus bonus supernaturalis imperari ab actu malo?

I. **S**upponimus hîc ex dicendis in prima disputatione de Justitia & Jure, posse actum virtutis superioris imperari ab actu virtutis inferioris; v. gr. ex desiderio obunendi finem virtutis Pœnitentiæ, putâ pacem cum Deo, potest imperari actus Charitatis, qui repræsentatur medium necessarium ad talem finem obtinendum. Querimus nunc breviter, Utrum possit actus virtutis supernaturalis imperari etiam ab actu saltem leviter

malo, ut proinde actus supernaturalis sit intrinsecè bonus, ac meritorius, extrinsecè verò sit malus [atque adeò naturalis] & demeritorius, per hoc scilicet quòd imperetur ab actu illo venialiter malo, seu ex fine pravo? v. gr. Utrum possit ex fine malo vanæ gloriæ imperari attritio supernaturalis constitutiva Sacramenti Pœnitentiæ; quando scilicet quis veller confiteri ob vanam gloriam.

II. *Resp.* affirmativè cum Lugo *disp.* 10. de fide, *sect.* 5. Ripal. *dis.* 30. contra Hurtad. *disp.* 40. *sect.* 3. & Requies. *disp.* 14. *sect.* 4. Dummodo tamen actus imperatus retineat suam formalem libertatem intrinsecam, vel quia actus imperans non est adeò efficax, ut adimat libertatem actus imperati, vel quia non determinat ad actum imperatum pro eodem instanti: Secus verò si actus imperatus careat libertate formali. Conclusio fusiùs explicabitur, & ostendetur in tractatu de Fide *disp.* 3. *qn.* 2. *art.* 2. ubi quæremus; Num possit voluntas credend esse intrinsecè supernaturalis, & meritoria, & extrinsecè mala, ac demeritoria per hoc, quòd imperetur ab actu malo, si minùs graviter, saltem leviter peccaminoso? Interim pro temporis angustiiis nonnulla hic delibabimus.

Probatum itaque prima pars Conclusionis, quia eo ipso ac actus imperatus retinet suam formalem libertatem, habet ab objecto honesto intrinsecam bonitatem moralem, quæ nullatenus minuitur ab actu imperante malo ordinante illum ad finem malum, ut notat Angel. *qn.* 2. de malo *art.* 4. ergo potest actus imperatus, si sit formaliter liber, esse bonus ac meritorius intrinsecè, malus verò ac demeritorius extrinsecè, seu potest extrinsecè vitari. Confirm. quia eadem actio externa si fiat ex duplici fine, altero bono, altero pravo, poterit esse simul bona, & mala extrinsecè; ergo actus internus intrinsecè liber, ac bonus, si fiat ex fine pravo, poterit esse bonus intrinsecè, malus extrinsecè.

Secunda pars conclusionis constat ex dictis *qn.* antecedenti

cedenti; quia si actus imperatus internus caret libertate formali (ut carent actus externi) caret etiam propria bonitate, vel malitia morali, ergo si imperetur ab actu malo, erit solum malus extrinsecè; si ab actu bono, erit solum bonus moraliter extrinsecè.

III. OBJIC. 1. Non potest actus inferior imperare superiorem, nec actus appetitus sensitivi intellectiones, nec actus naturalis supernaturales; ergo nequit attritio constitutiva sacramenti, & intrinsecè meritoria imperari ex fine pravo vanæ gloriæ, & esse extrinsecè mala, ac demeritoria.

Confirm. Si posset actus supernaturalis imperari ab actu malo, initium salutis esset ex nobis juxta hæresim Semipelagianorum; quia, cum actus malus sit ex nobis, & causet actum supernaturalem, qui disponit ad salutem, initium salutis esset ab actu malo, qui non procederet ab auxilio supernaturali, sed ex vicio voluntatis.

Resp. Vocabulum imperandi esse metaphoricum, nec pertinere ad actum imperare, sed ad voluntatem, quæ sibi met imperat actum A per actum B; proinde potest per actum inferiorem naturalem malum imperare, ac determinare se ad actum virtutis superioris supernaturalē, & bonum; quia satis est, quod detur in causa adæquata tota perfectio effectus, non potest autem per actum sensitivum imperare intellectiones, quia appetitus sensitivus non habet sibi subjectam potentiam intellectivam, ut habet appetitus rationalis.

Ad confirm. *nego sequelam*; sicuti si actus supernaturalis imperetur ab actu bono naturali, non dicitur initium salutis haberi ex viribus naturæ, quia actus naturalis imperans non exigit auxilium supernaturale relatè ad actum supernaturalem imperatum; ita pariter si actus supernaturalis imperetur ab actu malo, non diceretur initium salutis haberi ab actu malo, nullatenus exigente auxilium supernaturale relatè ad actum supernaturalem; ab isto autem initium salutis haberetur, eo quod actus duntaxat

supernaturalis est meritorius de congruo, & exigivus novi auxilii supernaturalis relatè ad alios actus supernaturales, quousque gratia sanctificans, & salus obtineatur; ut dicemus in de gratia *disp. I. qu. 7.* ubi explicabimus axioma illud, *Facienti quod in se est Deus non denegat gratiam suam.*

IV. OBJ. 2. Virtus ex Augustin. est *Bona qualitas mentis, qua nemo male utitur*; atqui malè uteremur virtute supernaturali, si actus virtuosus supernaturalis, nempe attritio, eliceretur ex fine pravo, nempe vanæ gloriæ; ergo nequit ex pravo fine imperari; & remanere honesta, etiam si remaneat formaliter libera.

Confirm. Bonum ex integra causa, malum ex singulis defectibus; ergo attritio elicitæ ex fine pravo non potest esse bona, atque adeò nec supernaturalis, & meritoria.

Confirm. 2. Actus exterior est simpliciter malus per hoc præcisè, quod imperatur actu malo; ergo etià attritio.

Resp. In eo sensu virtutem esse, qua nemo malè utitur, quatenus nemo utitur virtute efficiendo actum intrinsecè malum; quamvis uti possit virtute efficiendo actum malum extrinsecè, seu per denominationem ab actu pravo imperante. Et ratio est, quia actus supernaturalis, quatenus est malus extrinsecè, non provenit à virtute supernaturali; sed solum quatenus est intrinsecè bonus. Præterquamquod potest etiam virtus per accidens influere in actum intrinsecè malum, ut dicemus in prima disputatione de Justitia, & Jure.

Ad primam confirmationem, Ad bonitatem intrinsecam requiritur, ut nullus sit defectus intrinsecus; non verò extrinsecus; in casu nostro attritio supernaturalis imperata ab actu pravo haberet bonitatem intrinsecam adæquatam, & solum malitiam extrinsecam.

Ad secundam disparitas constat ex dictis, quia actus exterior, utpote necessarius, nullam habet bonitatem, aut malitiam formalem, quàm per denominationem ab actu
impe-

imperanti: contra verò in casu nostro attritio supponitur habere libertatem intrinsecam, ac proinde habet bonitatem formalem perfectam, atque adeò meritum, etiamsi imperetur ab actu malo, dummodo actus malus imperans non sit graviter peccaminosus; peccatum enim mortale actuale reddit hominem pro eo instanti incapacem cujuscumque meriti relatè ad Deum, quem actu offendit ejus amicitiam contemnendo. Hæc autem omnia, plura fient Deo dante in questione illa secunda laudata disputationis tertiæ de Fide; ubi ostendemus posse quidem voluntatem credendi supernaturalem, ac meritoriam, seu piam affectionem ad fidem, imperari ab actu malo, non tamen ipsum assensum fidei supernaturalis. Et disparitas est, quia cum actus fidei careat libertate formali, caret etiam bonitate morali perfectâ intrinsecâ, (non secus ac actus externi carentes libertate formali carent etiam bonitate morali intrinsecâ) unde si ab actu moraliter malo imperaretur, solùm haberet malitiam moralem extrinsecam, seu per denominationem extrinsecam ab actu malo imperante citra ullam bonitatem moralem intrinsecam; quod repugnat perfectioni actûs supernaturalis: Quæ de causa diximus, quòd si actus voluntatis imperatus careat libertate formali, & sit supernaturalis non possit ab actu malo imperari. Contra verò pia affectio ad fidem, & eadem ratione quilibet actus voluntatis supernaturalis liber ac meritorius poterit ab actu leviter malo imperari, quia quamvis hujusmodi actus esset extrinsecè malus ac demeritorius per denominationem extrinsecam ab actu malo imperante, esset tamen intrinsecè moraliter bonus, ac meritorius; & idcirco potest ex. gr. actus misericordiæ, nec non actus doloris supernaturalis requisitus ad suscipiendum Sacramentum Pœnitentiæ ab actu inanis gloriæ imperari. Verùm hic sit annui hujus pensæ.

(*Sed ob ubi Æternitatis!*)

F I N I S.

L. D. & B. V. sine labe Concepta.

THE-

THESES

PROPUGNATÆ

EX HOC TRACTATU

DE BEATITUDINE,

DE ANGELIS,

E T

DE ACTIBUS HUMANIS.

I.



Oster ultimus finis non est interitus, sed Beatitudo humanis Actibus comparanda; & ut habet August. *lib. 7. de Civ. cap. 1.* non est id, quò homo consumitur, ut non sit, sed quo perficitur, ut sit. Eam de facto dari, natura ipsa proclamat, cum quilibet ad felicitatem anhelet. Tam objectum possidendum ultimò, ac perfectè explens appetitum rationalem, quàm ejus possessio, Beatitudinem constituunt, ac integrant: principalior tamen est Objectiva; quàm formalis Beatitudo; in ea quippe appetitus ultimè quiescit; adeò ut possessio Objecti beatifici propter ipsum Objectum appetatur, non Objectum propter ejus possessionem. Beatitudo formalis non habetur per habitualem conjunctionem cum Objecto Increato, explicatam ab Henrico per intimum illapsum, & circumsessionem Divinitatis in anima; sed consistit adæquatè in sola operatione Creaturæ rationalis, quamvis ea conjunctionem aliquam cum Deo habitualement, saltem connaturaliter, præsupponat.

II. Ad

II. Ad formalem Beatitudinem physicè, & integraliter completam, quæ juxta definitionem Boëtii *lib. 3. de Consolatione*, fert Statum bonorum omnium aggregatione perfectum, spectant non solum Intellectus, & Voluntatis Operationes, sed etiam Potentiarum Sensitivarum: Essentialis tamen Beatitudo metaphysicè considerata, prout importat perfectionem illam, quæ primò, & per se constituit Beatum, unicè consistit in operatione Intellectûs, qua objectum beatificum substantiæ intellectivæ appropriatur, ità ut valeat ex eo omne commodum, ac lucrum propriæ naturæ, ac meritis consentaneum reportare. Ea quippe operatio [quæ in statu elevationis est Dei visio, in statu puræ Naturæ fuisset Dei perfecta cognitio ænigmatica] dum formaliter satiat intellectivam Potentiam, radicat simul reliquarum Potentiarum satietates, easque respicit, tanquam proprietates connaturaliter debitas statui beatifico. Quare amor Dei amicabile, aut ejusdem fruitio, ne in adæquatè quidem constitutionem formalis Beatitudinis ingrediuntur. Præstantiorem proinde putamus esse in Patria Visionem Dei, quàm Amorem beatificum, & Potentiam intellectivam volitivæ præminere.

III. Videns clarè Deum ad ejus amorem fruitivum necessitatur, necessitate etiam quoad exercitium; Potest tamen divinitus eo carere; si scilicet Deus velit ad visionem dumtaxat, non ad amorem concurrere. In quo casu adhuc ratione solius Visionis esset impeccabilis. Quamvis autem divinitus dari possit Dei visio absque amore consequente; Repugnat tamen amorem Dei fruitivum, ac beatificum, in quantum talem, à Visione sejungi; cum nequeat universim amor, ac fruitio ferri in Objectum incognitum; si ve enim cognitio Dei sit mera conditio, si ve veriùs causa efficiens amoris, ejus defectus est omninò insupplebilis, non secus ac influxus viventis in actum vitalem denominantem subiectum vitaliter operans.

IV.

IV. Usque adeò videns clare Deum ad ejusdem dilectionem necessitatur, ut si in eo videret Decretum, quo Deus vellet ipsum Beatitudine privare, ac torquere in æternum, non proinde posset aut Deum odisse, aut ab amore desistere; Quidquid sit, An possit Deus velle innocentem torquere in æternum? Quod mihi sævitiam indignam clementissimo Domino redolere videtur. Addo tamen, quod si transmittatur, posse Deum videnti se decernere pœnas æternas, & ab eo odio haberi, non proinde poterit Deus eidem præcipere odium erga se. Poterit tamen Videnti clare objectum beatificum imponi præceptum, ne Deum diligat amore concupiscentiæ, & probabiliter etiam ne diligat amore amicitiae.

V. Visio Dei, quæ in præsentī providentia est impossibilis cum peccato, per peccatum deperdi non potest; idque ex natura sua, non ex mero extrinseco Dei decreto: potest tamen in alio ordine conjungi tam cum potentia ad peccandum pro eodem instanti in sensu diviso, quam cum potentia ad peccandum pro instanti subsequenti peccato destructivo Visionis. Quinimo divinitus potest etiam cum peccato mortali habituali conjungi; in quo casu Deum videns non esset beatus, sed miserrimus, inspicendo Deum sibi infensum; esto illum amaret, ac de ejusdem felicitate gauderet. Ipsum etiam peccatum mortale actuale potest in alio ordine cum Dei visione conjungi, si hæc in posteriori signo naturæ ad illud infundatur; Naturaliter tamen id contingere non potest, cum Visio Dei connaturaliter exigit actus omnes voluntatis dirigere, atque adeo ad amorem Dei cum peccato actuāli impossibilem necessitare.

VI. Beati de facto non beantur formaliter Intellectione Increata; immo de possibili hoc repugnat, etiam relatè ad humanitatē Christi Domini. Repugnat pariter, nostrā formalem Beatitudinem à solo Deo produci absque effectivo concursu Potentiæ intellectivæ. Beatitudo nostra
super-

supernaturalis de facto est æterna : Beatitudo tamen secundum se, ut præscindens à naturali, vel supernaturali, non solum connaturaliter est perpetua, sed probabilius etiam essentialiter, & certificans beatum de sui perpetuitate; Beatorum quippe vita, si Augustinum audiamus *lib. 10. de Civ. Non erit beata, nisi & securæ*. Cum hoc tamen stat, quod Beatitudini Supernaturali, in quantum supernaturali, non repugnet temporaneitas, quæ scilicet conjungatur cum perpetuitate Beatitudinis naturalis; qui enim ad annum, vel etiam per instans Deum videret, adhuc esset beatus Beatitudine supernaturali, dummodo certus esset, sibi non defuturam naturalem beatitudinem in perpetuum, Secus verò, si eâ securitate careret.

VII. Ità Beatitudo secundum se est essentialiter perpetua, ut tamen quælibet Dei visio sit essentialiter destruibilis, ex eo enim Visio Dei habet rationem Beatitudinis, quod attingat etiam in Deo Decretum de non defutura in perpetuum aliqua cognitione beatificante, quamvis ipsa in individuo esset destruenda. Repugnat autem non solum Creatura, quæcumque illa sit, indestruibilis ex magnitudine suæ perfectionis, sed etiam, & quidem speciali titulo, repugnat Dei visio essentialiter indestruibilis ex connexionione intentionali cum Dei Decreto libero de non destruenda ulla visione in perpetuum, juxta ratiocinationem Cardinalis de Lugo. Nihilominus beata visio tam relatè ad causas secundas, quam etiam relatè ad causam Primam, est naturaliter indestruibilis, adeo ut ejus destructio esset simpliciter supernaturalis, & contra naturæ exigentiam, Beati de facto Deum vident, sicuti est in se, Trinum, & Unum; nihilominus ad Objectum essentielle Beatitudinis nec Personalitates divinæ spectant, nec Attributa, proinde adhuc dicendus esset Beatus, qui Divinam videret Essentiam, non visis Attributis, aut Perfectionibus relativis, quod contingere posse vi cognitionis præcisivæ, huc supponendum est.

VIII. Objectiva Beatitudo coincidens cum fine ultimo Creaturae rationalis usque adeò explere debet appetitum, ut non relinquat illum in potentia ad ulterius bonum assequendum. Quamobrem ea non consistit in divitiis, in honoribus, in Potestate, in Fama, aut Gloria, in Sanitate; in Voluptatibus, aut in ullo alio bono creato, pro ut Philosophi Gentiles delirarunt; immo ne in complexo ipso bonorum Creatorum; sed unicè in bono Increato, Cumulo bonorum omnium. Hujusmodi Objectivam Beatitudinem, nempe Deum existere, quamvis demonstrari non possit in rigore à priori, demonstrari tamen potest non solum à posteriori; sed etiam quasi à priori cum D. Anselmo, ex ipso conceptu Entis Puri, ac Optimi, Cumuli Bonorum omnium, includentis omnem perfectionem, & excludentis omnem defectum.

IX. Hominis appetitus erga beatitudinem est innatus, ex quo ad elicited determinatur; Quidquid homo præter Beatitudinem appetit, propter illam appetit, non quidem formaliter, & expressè, aut virtualiter, aut etiam habitualiter, sed solum interpretativè; quin tamen eateenus dici debeat, omnia nos interpretativè appetere propter Deum, offensiva enim aurium est hujusmodi propositio; quidquid aliqui conentur illam interpretari. Appetitus erga Dei visionem, ac supernaturalem Beatitudinem non est innatus; appetit quidem homo, cognitis effectibus naturalibus, Authorem naturæ clarè cognoscere, sed non appetit appetitu innato illum intueri. Beatitudo sub conceptu Beatitudinis apprehensa ad ejus amorem in hac vita necessitat, etiam necessitate quoad exercitium, nedum quoad specificationem; non secus ac necessitat miseria apprehensa ad odium.

X. Subiectum beatificabile inter Creaturas racionales præstantissimum sunt Angeli, seu Substantiæ completæ omninò immateriales, Signaculum Increatae intelligentiæ, & Divinarum Perfectionum Speculum lucidissimum.

Angeli

Angelos existere, Fides docet contra Sadduceos; ilque non solum conjecturaliter, & valdè probabiliter suadetur ex eorum effectibus, præsertim ex motu Cælorum, ex Magicis incantationibus, ex Energumenis, sed etiam constare videtur certitudine naturali, ratiocinatione ductâ ex pulchritudine: ac perfectione Universi. De facto Angeli sunt incorporei, immò etiam Materiei spiritualis expertes; non videntur tamen repugnare Substantiæ intellectuales ex Materia Spirituali, & forma Angelica compactæ.

XI. Angeli ità sunt de potentia extraordinaria annihilabiles, ut sunt ab intrinseco naturaliter indestruibiles, & non ex mero Dei beneplacito. Non repugnat multiplicabilitas, & diversitas specifica Angelorum, immò de facto datur: Neque repugnat eorundem multiplicabilitas numerica in unaquaque specie, quinimo repugnat universum Species Creaturarum numericè immultiplicabilis, ut & Genus immultiplicabile specificè: & probabilius dicendum, sub unaquaque specie Angelica dari de facto plures Angelos. Cum Angeli neque ubique sint, neque nullibi, indigent ubicatione distinctâ consonâ eorum naturæ; modo scilicet superaddito, quo definitivè locentur toti in toto, & toti in qualibet parte spatii. Non repugnat Angelum intra sphaeram suam existere posse connaturaliter in duobus locis dissitis inadæquatis, instar Angelidivinitus replicati in duobus locis adæquatis. Nec repugnat posse Angelum intra sphaeram suæ activitatis ab extremo ad extremum transire sine medio.

XII. Intellectus Angelicus habuit à Deo congenitas species impressas Objectorum à se distantium, quæ decuit ab initio non ignorare; quæ autem intra sphaeram activitatis propriæ existunt, etiam si materialia sint, probabiliter immediatè citra speciem vicariam complent Intellectum ad eorum cognitionem: Novas etiam species à Deo habent rerum naturalium, quæ de novo consur-

gunt extra sphæram, novæque etiam propriis actibus acquirunt. Plurimæ species tam ex acquisitis, quam ex insulis sunt particulares, plurimæ Universales, repræsentativæ scilicet in actu primo plurium simul objectorum clarè, & distinctè. Universim enim Angeli, quo superiores sunt, eo per species universaliiores intelligunt. Repugnat tamen species impressa, aut expressa universalissima repræsentativa clarè, & distinctè omnium simul possibilium, nec non infinitorum Objectorum sub eadem specie; idque verum est, tam si supponatur repugnantia Collectionis omnium simul possibilium, aut infiniti cathegorematici creati, quam si ab iis præscindatur. Unde fit, cognitionem activam clarè, & distinctè omnium possibilium, aut etiam infinitorum, sive in Deo, sive extra Deum, fore simul, & non fore Omnipotentia comprehendivam.

XIII. Quamvis naturalium rerum Cognitio Angelico intellectui sit debita; futura tamen, quæ à libero arbitrio pendent non nisi conjecturaliter cognosci possunt ab Angelis. Arcana etiam cordium certo, & infallibiliter citra consensum exercentis vim dominativam erga actus suos connaturaliter ab iisdem cognosci nequeunt. Nec solum actus liberi Angelos latent, sed etiam actus intellectus, species, & habitus quibus cognitis actus liberi deprehenderentur: Latent denique, independenter ab debita revelatione; Objecta quoad substantiam supernaturalia, non tamen supernaturalia quoad modum. Angeli quæ evidenter cognoscunt, attingunt simplici intuitu; non componendo, aut dividendo; Secus verò quæ cognoscunt obscure, nempe futura contingentia, arcana cordium, & Objecta supernaturalia. Præterea circa hæc Objecta potest cognitio Angelica esse discursiva, & subesse falsitati, non verò circa Objecta evidenter cognita.

XIV. Angelorum locutio non ritè explicatur per recursum ad signa sensibilia, aut intellectuality; Nec per hoc quod

quod loquens immediatè proprio actu, quem intendit manifestare, causet in intellectu audientis ejus speciem aut impressam, aut expressam; sed formaliter habetur per hoc, quod loquens ordinet; & dirigat proprium conceptum, aut actum voluntatis alteri, cui vult illos, eorumque objectum manifestare: hujusmodi autem ordinatio, seu directio proprii conceptus est quædam reflexa cognitio conceptus directi, qua liberè posita à loquente, statim confurgit in mente Audientis species manifestativa eorum, quæ intendit manifestare. Propterea locutio semper consistit in actu intellectus, etiam cum manifestantur actus voluntatis; requiritur tamen voluntatis imperium tanquam mera conditio, ut posita conceptus directi ordinatione ad alterum, ejusdem species confurgat in mente audientis, etsi longè distantis. Quod si cognitio isthæc reflexa conceptum directum non præsupponeret, loquens mentiretur. Illuminatio, quæ Superiores Angeli communicant inferioribus veritates, aut ex toto, aut ex parte ignotas, fit per conformationem, seu corroborationem merè Objectivam Intellectus audientis, cui proponitur Objectum artificiosè, artificio consentaneo capacitati Intellectus illuminari. Denique repugnat Intellectus Angelicus cum propriis actibus identificatus, Substantia tamen Angelica à potentia intellectiva de facto non distinguitur.

XV. Repugnat Creatura rationalis natura sua impeccabilis, seu ità ad bonum honestum determinata, ut non possit prosequi delectabile in hypothesi turpitudinis, aut difformitatis, cum dictamine rationis indicantis inhonestatem actus, & deviationem à prima regula, quæ est lex æterna. Angeli omnes, ac Dæmones probabilius in primo instanti suæ creationis præditi fuerunt beatitudine naturali propria viæ; esto non propria termini, hoc est cognitione in debito gradu intensa Summi Veri, ac amore Summi Boni, citra impotentiam peccandi, ac securitatem. Habuerunt pariter supernaturalem Beatitudinem;

sed imperfectam, propriam Viatoris elevati, nempe supernaturalem cognitionem abstractivam Dei, ejusque amorem supernaturalem; necnon Gratiam sanctificantem dependentem à propria dispositione, ac merito illius congruo: Donis etiam supernaturalibus usum libertatis antecessentibus fuerunt instructi, & quidem probabilius inæqualiter pro inæqualitate Naturæ. Potuit Angelus non solum metaphysicè, sed etiam physicè, & de potentia ordinaria in primo instanti suæ creationis peccare; non potuit tamen moraliter, positâ vividâ cognitione boni honesti, & ultimi finis, ac solum à visâ apparentiâ boni delectabilis avertentis ab honesto. Quamvis boni Angeli potuissent in eodem instanti esse Viatores simul, & Comprehensores, conjungendo pro eodem instanti cum Visione beata potentiam ad peccandum in sensu diviso; nihilominus probabilius per aliquod breve tempus fuerunt Viatores dumtaxat, ac discursu-risi sunt circa supernaturalia objecta ad plenè deliberandum. Angeli verò mali post brevissimum illud viæ tempus, renuentes Christo Domino se submittere, in Tartarum detrusi, igne etiam cruciantur, per hoc quod obediencialiter hic elevetur ad producendam in Spiritibus qualitatem spiritualem iis dissonam, ac doloriferam, quatenus eundem parit effectum, quem patitur Anima rationalis, quando unita corpori ab igne torquetur.

XVI. Quod est hominibus mors; hoc fuit Angelis lapsus, ut advertit D. Damascenus; proinde post lapsum non fuit illis pœnitentiæ locus, ut neque post mortem hominibus. Obstationis causa non est immobilitas, & inflexibilitas Naturæ Angelicæ, hæc enim potest naturâ suâ mutare factum, & à proposito semel suscepto resilire; idque tam si de novo perpendat eadem motiva, quæ prius non bene perpenderat, quàm si permaneat eadē apparentia motivorum: quamvis autem voluntas Damnatorum, ac damnatorum physicè possit ponere actum moralem

len, bonum, putà dolorem de peccato commisso ex motivo honesto, moraliter tamen ad hujusmodi actus ponendos est impotens ob apprehensionem continuam, ac vehementem poenarum, quas in vindictam peccati patiuntur, & amissionis æternæ felicitatis absque spe illam recuperandi. Actus tamen salutare, seu honestos supernaturales, ne physicè quidem ponere possunt, præcisè quia denegatur iis à Deo auxilium salutare ad resurgendum; Quare obstinatio Dæmonum in malo est potius negativa, consistens in carentia actuum salutarium, quàm positiva consistens in adhesionem ineluctabiliter firma objecto pravo.

XVII. Actus humani, quibus Beatitudinem comparamus, voluntarii debent esse, liberi, atque honesti. Voluntarium, si non confundatur cum Spontaneo, est, quod procedit ab intrinseco ex cognitione finis perfectæ. Voluntarium necessarium præstat libero, si necessitas oriatur ex cognitionis perfectione, secus verò si ex ejus imperfectione, aut ex extrinseca determinatione. Implicat, actum voluntatis elicitorum esse coactum; potest tamen voluntas cogi ad carentiam actuum elicitorum, & coactionem partitum quoad actus imperatos aliarum potentiarum, tum quoad amissionem qualitatis perfectivæ, putà habitus, aut receptionem qualitatis noxiæ. Quæ sunt ex metu, sunt voluntaria simpliciter, involuntaria secundum quid. Ignorantia antecedens, seu invincibilis causat simpliciter involuntarium secundum omnes circumstantias ignoratas. Vincibilis verò, seu consequens reddit actionem simpliciter voluntariam, si non sit illius causa, secus reddit actum secundum quid involuntarium. Concomitans ignorantia actum neque positivè voluntarium reddit, neque positivè involuntarium, sed negativè dumtaxat voluntarium. Concupiscentia antecedens aliquando interimit, aliquando solum minuit libertatem: Consequens verò concupiscentia libertatem etiam minuit, sed augeat voluntarium.

XVIII. *Potentia libera Definitio communiter recepta*, quæ scilicet positis omnibus requisitis ad agendum potest agere, potestque non agere, intelligenda est in sensu composito, ita videlicet, ut positis requisitis ad agendum, possit cum iisdem tam actio, quam non actio componi. Liberum Arbitrium convenit homini etiam in statu naturæ lapsæ, nec solum habetur pro statu naturæ lapsæ libertas à coactione, & violentia, sed etiam libertas indifferentiæ ad opposita, quæ est libertas à necessitate; immo hæc requiritur ad merendum, vel demerendum pro eo statu.

XIX. Libertas actui libero interno essentialis est, & intrinseca, ut proinde nequeat actus de libero transire ad necessarium, aut è contra, vitalis quippe tendentia, quæ est in actu libero repudiens partem oppositam, salvari nequit per meram cognitionem extrinsecam indifferentem, cum sit quædam formalis, & exercita contranitentia allicientiæ, quæ habetur à bono, quod repudiatur. Cum enim voluntas trahatur à bono, quod liberè repudiat, non resistit illi merè negativè, sed per nisum vitalem cum actu identificatum. Actui tamen externo libero accedit libertas, adeò ut possit intrinsecè invariatus è libero evadere necessarius, & è necessario liber. Idemque dicendum de actu interno iniperato, si supponatur cum communiori carere libertate formali, & immediatâ; secùs verò, si supponatur esse formaliter liber. Quare divisio actûs voluntatis in liberum, & necessarium, non est divisio subjecti in accidentia, sed generis in species. Ex quo etiam sequitur, puram omissionem liberam repugnare. Libertas exercetur pro eodem instanti, quo ponitur actus liber, non pro sequenti. Ad electionem liberam non prærequiritur iudicium ultimum practicum, à quo voluntas determinetur; nec requiritur, quòd bonum amplectendum efficacius ab intellectu, & vividius proponatur præ bono, quod repudiatur, Potest siquidem voluntas, duobus

bus bonis omnino æqualibus, & eâdem efficacitate propositis, unum præ alio eligere; & bonum minus præferre majori, etiam si ejusdem rationis sint, & inefficacius, ac minus vivide bonum minus repræsentetur.

XX. Actus moralis est ille, qui subditur regulæ rationis, atque advertentiæ ad bonitatem, vel malitiam Objecti in genere honesti; proinde potest actus aliquis esse physice bonus, & malus moraliter, & è contra. Prima regula objectiva moralitatis est lex æterna Dei, cui si conformetur actio, erit formaliter bona moraliter, si difformetur, mala: Natura verò rationalis non est regula honestatis, nec regulativa actionum, sed regulabilis à lege æterna; Dictamen verò conscientiæ, cum sit veluti præco legem æternam indicens, non est prima regula, nec obligat ut quod, sed solum ut quo. Actus honestus interior est essentialiter honestus, adeo ut non possit honestatem exuere, inhonestus etiam est essentialiter malus moraliter, nec potest evadere moraliter bonus, aut indifferens: unde divisio actuum in honestos, & inhonestos non est divisio subjecti in accidentia, sed generis in species, Actio verò exterior, cum non habeat essentialem illam tendentiam in objectum, quam habet actus internus, potest successive esse bona, vel mala moraliter. Dantur actus secundum speciem, & ex objecto neque honesti, neque inhonesti, sed indifferentes, & probabiliter dari potest actus indifferens etiam in individuo, idque non solum per accidens, ex opinione videlicet probabili, quod non detur obligatio referendi signatè omnes actiones ad finem virtutis, sed etiam per se, quatenus probabile est, non dari hujusmodi obligationem operandi semper ex amore honestatis.



I N D E X

RERUM NOTABILIVM,

Quæ in hac Secunda Parte
DE BEATITUDINE , DE ANGELIS,
ET DE ACTIBUS HUMANIS
Continentur.

*Primus numerus designat Disputationem , Secundus
Questionem , Tertius numerum marginalem.*

A

Actus amoris concupiscentiæ erga Deum non est inordinatus; *sicut* non est inordinatus actus attritionis. 2. 1. 7.

Reperitur hic amor in Beatis, quippe qui non importat imperfectionem positivam , aut negativam , sed præciliivam. ibid.

Actus bonus supernaturalis potest ab actu malo imperari. 7. 5. 1.

Actibus externis competit specialis bonitas, aut malitia condistincta à bonitate, vel malitia actus interni; non tamen novum, ac speciale *meritum*. 7. 4. 4. *Occasiona-*liter autem, & per accidens magis meretur , qui actui interno superaddit , quàm qui non superaddit externum. ibid.

Actus externi per se augent satisfactionem , quamvis per se non augeant meritum. 7. 4. 4.

Actus honestus est essentialiter honestus; sicut inhonestus est etiam inhonestus essentialiter. 7. 2. 2.

Actus imperatus potest esse formaliter liber. 7. 4. 3.

Actus liber est liber essentialiter. 6. 4. 2.

Actus tamen externus , qui solum denominative est liber, potest de libero transire in necessarium. 6. 4. 4.

Actus moralis indifferens in individuo est possibilis.

7. 3. 4.

Amor efficienter causatur à cognitione boni amati.

1. 5. 6.

Angelorum existentia est certa, etiam certitudine naturali. 3. 1. 3. De facto sunt simplices: non repugnat tamen Angelus compositus ex materia spiritali, & for-

I N D E X.

ma Angelica. 3. 2. 3. Sunt naturaliter inannihilabiles. 3. 3. 2. Eorum multiplicitas, ac diversitas specifica datur de facto. 3. 4. 3. Non repugnat eorumdem multiplicitas numerica. 3. 4. 5. Immo repugnat Creatura immultiplicabilis numerice. 3. 5. 3. Probabilius est de facto dari sub unaquaque specie Angelica plures Angelos. 3. 5. 6.

Angelus potest esse modò in majori loco, modò in minori intra propriam sphæram. 3. 6. 2. Moveri potest tam motu continuo, quàm discreto. *ibid.* Potest naturaliter existere in duobus spatiis diffitis intra propriam sphæram. 3. 6. 3. Non tamen in duobus locis sibi adæquatis. *ibid.* Potest denuum ab extremo ad extremum transire sine medio intra sphæram propriam. 3. 6. 5.

Angeli habuerunt à Deo species impressas concreatas; & alias deinde propriis actibus acquirunt. 4. 1. 3. Quo superiores sunt, eo intelligunt per species universaliores. 4. 1. 4. Repugnat tamen species impressa universalissima. 4. 1. 6.

Angelus nunquam cessat à cognitione sui, & à cognitione abstractiva Dei. 4. 3. 1. Non potest naturaliter certò, & infallibiliter cognoscere futura libera, arcana cordium, & objecta quoad substantiam supernaturalia. 4. 2. 2. De iis, quæ evidenter cognoscit, non fert iudicium componendo, aut dividendo; Nec discurrit de iisdem; discurrit verò de iis, quæ non cognoscit evidenter. 4. 3. 2.

Angelica locutio quomodo explicanda sit. 4. 4. 2. Et quomodo Angeli superiores illuminent inferiores. 4. 4. 5.

Angeli in primo instanti suæ creationis quibus donis præditi fuerint. 5. 1. 1. Potuerunt in eo primo instanti non solum metaphysicè, sed etiam physicè peccare, non tamen moraliter. 5. 1. 2. Eorum via fuit brevissima, sed non instantanea. 5. 1. 8.

Angeli Tutelaris munus. 3. 5. 7.

Angelis Superioribus Deus contulit dona præstantiora. 5. 1. 5.

Angelorum potentia intellectiva, & volitiva, necnon eorumdem vis motiva, à propria ipsorum substantia non distinguuntur. 4. 5. 1.

Anima rationalis cur non possit educi è sinu materiæ, & ab ea sustentari? 3. 2. 5.

An

Anxietas vari potest de amissione Beatitudinis, etiam si ea esset naturaliter perpetua, unde non nisi miraculose posset amitti. 1. 8. 5.

Appetitus noster erga Beatitudinem naturalem est innatus, trahens tamen ductu naturæ appetitum elicitum. 2. 4. 1. Quicquid appetit homo, saltem interpretative appetit propter Beatitudinem, non tamen propter Deum. 2. 4. 2.

Arcana cordium cur non cognoscantur ab Angelis naturaliter? 4. 2. 4.

Assensus, & dissensus circa idem objectum non possunt in eodem intellectu componi pro diversis naturæ signis. 1. 6. 6.

B

Beatitudo non consistit in habitu, ne partialiter quidem, sed in actu. 1. 1. 2. Physicè considerata importat statum omnium bonorum aggregatione perfectum; metaphysicè verò sumpta importat primum prædicatum radicans ejus dotes, nempe perfectam possessionem Summi Boni. 1. 1. 4. Ea integratur ex objecto, & actu, sed principaliter ex objecto Beatifico. 1. 1. 8.

Beatitudo formalis consistit in actu potentiae intellectivæ. 1. 2. 2. ita ut ne inadæquatè quidem per actum voluntatis constituatur. 1. 3. 1. Ea nequit haberi per visionem Dei increatam unitam intellectui creato. 1. 7. 1. Neque per visionem creatam à sole Deo productam. 1. 7. 4. Saltem connaturaliter debet esse perpetua. 1. 8. 2. Probabilius tamen est perpetua etiam essentialiter, ita ut attingere debeat suam perpetuitatem. 1. 8. 3.

Beatitudo naturalis est possibilis. 1. 3. 4. Beatitudo verò supernaturalis poterit esse temporanea, si detur certitudo, quod ea desinente, beatitudo naturalis non sit defutura. 1. 8. 6.

Beatitudo essentialis consistere potest in visione solius essentiae Divinae præscindente ab Attributis, & Personaribus. 1. 11. 2.

Beatitudo objectiva coincidit cum ultimo Fine Creaturæ rationalis, & cum Bono continente omnia bona, quod sit aptum per sui possessionem parere statum omnium bonorum aggregatione perfectum. 2. 2. 1.

I N D E X

Ea nequit reponi in bono ullo creato. 2. 2. 5. Apprehensa necessitat ad amorem, etiam quoad exercitium.

2. 4. 4.

Beatitudinis objectivæ existentia demonstrari potest quasi à priori ex conceptu Entis optimi cumuli omnium bonorum. 2. 3. 1.

Beatis imponi potest præceptum, ne Deum diligant tam amore concupiscentiæ, quam amore amicitæ; in quo casu ab ipso objecto Beatifico suspensionem amoris exigente, ad suspendendum amorem necessitarentur.

1. 5. 10.

Bonum attingitur etiam ab intellectu, sed sub ratione veri; non secus ac verum attingitur à voluntate sub ratione boni. 1. 2. 8.

Bonum amari non potest; si solum ejus bonitas apprehendatur, & non etiam judicetur. 6. 10. 2.

C

Christus Dominus est formaliter subsistens, & Sanctus per subsistentiam, & Sanctitatem Increatam non tamen Beatus per Increatam Beatitudinem sibi unitam; sicut nec Immensus, Omnipotens, Æternus.

1. 7. 2.

Non meruit per actus liberos libertate tantum à coactione, quam vis in eadem natura non esset lapsa, sed integra; habuit proinde libertatem à necessitate, seu libertatem indifferentiæ ad mortem præceptam non acceptandam, quamvis esset impeccabilis. 6. 6. 6.

In horto miraculose tristitiam passus est, cum esset Beatus beatitudine essentiali. 1. 6. 11.

Quænam futura, & quænam possibilia clare, & distincte cognoscatur in Verbo actu; quænam vero solum habitu, quatenus potest quamcunque eorum multitudinem ad arbitrium actu cognoscere. 4. 1. 14.

Coactum quid sit? & an possit voluntas coactionem in suis actibus pati? 6. 1. 4.

Cognitio boni causat amorem efficienter. 1. 5. 6.

Concupiscentia quandonam minuat libertatem? 6. 2. 7.

Creatura rationalis naturâ suâ impeccabilis, repugnat.

5. 2. 2.

D

Dæmones, dicti Lemures, & Larvæ, num sint in virtute intelligendi minus perfecti, quam natura intellectiva humana? 3. 2. 4.

Dx.

R E R U M.

Dæmonum peccatum quodnam fuerit? 5. 1. 7. Unde proveniat eorum obstinatio? 5. 3. 2. Possunt physice, quamvis non possint moraliter, ponere actus honestos naturales. 5. 3. 5. In brevissimo illo, quod habuerunt, viæ spatio poterant physice peccatum retractare, ac de eo dolere attritione naturali informi; non tamen poterant vi contritionis supernaturalis à peccato liberari. 5. 3. 8. Quomodo igne corporeo cruciuntur? 5. 4. 2. Num aliqui extra Infernum degant; & quomodo ibi torqueantur? 5. 4. 4.

Damnatorum omnium voluntas potest physice actus honestos naturales ponere, non tamen moraliter. 5. 3. 5.

Delectatio à natura ordinatur ad operationes, non verò istæ ad delectationem. 1. 1. 6. Bruta dumtaxat bona appetunt propter delectationem. 1. 1. 9.

Dona supernaturalia præstantiora Deus de facto contulit Angelis Superioribus pro mensura perfectionum naturalium. 5. 1. 5.

F

Finis quid sit, & quoduplex? 2. 1. 1. finis causalitas est realis, & indistincta à causalitate causæ efficientis orta ex bono alliciente voluntatem. 2. 1. 3. Cur causa finalis, & non causa Idealis constituat novum genus causarum, si utraque reducitur ad genus causæ efficientis? 2. 1. 4.

Finis *Qui* debet saltem ratione distingui à fine *Cui* 2. 1. 8. fini *Qui* principalius competit ratio Finis, quàm Fini *Cui* 2. 1. 5.

In Finibus non est possibilis processus in infinitum; ut nec in causis efficientibus per se subordinatis. 2. 1. 9.

G

Gratia universim naturam imitatur; & solet ei se accommodare, ut proinde Angelis superioribus præstantiora dona supernaturalia sint collata. 5. 1. 5.

H

Honestas actûs in quonam consistat. 7. 1. 1.

Honestatis regula formalis, & immediata est dictamen rationis; mediata vero, & radicalis est lex æterna Dei. 7. 1. 2.

I

Ignis corporeus quomodo cruciet Dæmones incorporeos? 5. 4. 2.

I N D E X

Ignorantia, five fit antecedens, five comitans, five consequens, quando iam causet involuntarium? 6. 2. 8.

Illuminare inferiores est proprium Angelorum Superiorum. 4. 4. 5.

Illapsus Dei in essentias Beatorum quid importat? 1. 1. 7.

Impeccabilitas essentialis nulli Creaturæ rationali competere potest; Sicut nulli Creaturæ competere potest indestruibilitas essentialis. 5. 2. 3.

Imperium est actus intellectus præsupponens actum Voluntatis. 6. 4. 2.

Inferni carcer quantus; & Ubi sit? 5. 4. 5.

Infinium categorematicum repugnat, ut à Deo ponatur. 4. 1. 12.

Intellectus est præstantior voluntate; & Visio Dei præstat Amori Beatifico. 1. 4. 1.

Intellectus Angelicus non distinguitur à Substantia Angeli. 4. 5. 1. Non potest tamen cum propriis actibus identificari. 4. 5. 2.

L

Lemures, & Larvæ num sint in virtute intelligendi inferiores natura intellectiva humana? 3. 2. 4.

Libertas arbitrii in quonam consistat? 6. 3. 1. libertas à coactione non sufficit ad meritum vel demeritum 6. 6. 2. Ipse etiam Christus D. quamvis præditus naturâ integrâ, solum mereri potuit per actus liberos libertate à necessitate, seu indifferentiæ. 6. 6. 6.

Libertas exercetur pro instanti, quo voluntas operatur, non pro sequenti. 6. 7. 1.

Libertas est actui essentialis, & intrinseca. 6. 4. 2. liber actus num præstat actui necessario? 6. 1. 3.

Locutio Angelica quonam pacto habeatur? 4. 4. 2.

M

Malum ut malum amari non potest. 6. 8. 1. Potest voluntas malum aversari per actum puræ fugæ, 6. 9. 2.

Malum quia prohibitum in quo differat à prohibito quia malo. 7. 1. 8.

Materia Spiritualis est possibilis. 3. 2. 3.

Mentiri an, & quomodo possint Angeli? 4. 4. 3. 1.

Metus num, & quando causet involuntarium? 6. 1. 4.

O

Obstinatio Demonum unde proveniat? 5. 3. 2.

Odium Dei cur essentialiter petat prohiberi. 7. 1. 7.

Omissio

Omissio pura libera repugnat. 6. 5.

P.

Peccatum supernaturale num possit aliquatenus dari :
6. 4. 6.

Possibilibus omnium collectio repugnat. 4. 1. 11.

Possessio quid importet per Juritas , quid per Theolo-
gos 2. 1. 2. 3. Quomodo bonum possideatur , & quo-
modo malum ? 1. 2. 7.

Processus in infinitum in causis per se subordinatis, & in
causis finalibus repugnat. 2. 1. 9.

Prædeterminatio ad Dei amorem stare potest cum po-
tentia ad peccandum in sensu di viso, peccato inpedi-
tivo prædeterminationis, ad eum modum quo potest
Dei Visio componi cum potentia ad peccandum pec-
cato inpeditivo Visionis. 1. 6. 7.

S

Species impressæ objectorum requiruntur , ut possit
Angelus cognoscere objecta distantia. 4. 1. 1. Species
impressæ universaliores debentur Angelis Superiori-
bus. 4. 1. 4.

Species impressa universalissima repugnat. 4. 1. 6. Nec-
non species impressa repræsentativa in actu primo
clare , & distinctè infinitorum individuorum.
4. 1. 11.

V

Ubicatio Angelica probabiliter est divisibilis. 3. 6. 2.

Verbum mentis quid sit ? 4. 4. 3.

Vix Angelicæ tempus fuit brevissimum , non tamen in-
stantaneum. 5. 1. 8.

Videns Deum potest Divinitus carere amore fructivo,
non tamen naturaliter. 1. 5. 1. Amor autem fructi-
vus, ne divinitus quidem potest à Dei visione sejungi.
1. 5. 4.

Videns Deum non potest illum odisse , etiam si sciret se
ab eo puniendum esse in æternum. 1. 5. 8. Potest ta-
men , ac debet illum non amare , immo non potest
illum amare , si sibi præcipiatur , quod non amet.
1. 5. 10.

Visio Dei potest ita intellectum illuminare pro toto in-
stanti A , quin tamen dirigat ad omnes actus volun-
tatis , qui pro eo instanti ponuntur. 1. 6. 7. Hinc
potest cum Dei visione componi potentia ad pec-
candum

INDEX RERUM.

candum peccato impeditivè visionis. 1. 6. 4. Necnon peccato visionis destructivo. 1. & 8. Immo componi Divinitus potest cum gravi culpa, tam actuali, quàm habituali. 1. 6. 12. In quo tamen casu videns Deum sibi infensum non esset beatus, sed miserrimus. 1. 6. 11.

Visio Dei præstantior est amore beatifico, 1. 4. 1. Ea est naturaliter indestruibilis. 1. 9. 2. Non tamen Divinitus. 1. 9. 4. Num alicui ex Sanctis concessa fuerit in hac vita Dei visio? 1. 8. 8.

Visio Dei essentialiter indestruibilis ex connexionione cum decreto de nulla visione destruenda, repugnat. 1. 10. 2.

Visio Increata Dei non potest esse nostra formalis Beatitudo. 1. 7. 1. Sicut nec visio creata à solo Deo producta. 1. 7. 4.

Vita in actu secundo debet esse ab intrinseco, quin sufficiat, quòd uniatur actus vitalis subjecto vitali. 1. 7. 5.

Universum de facto est optimum, quatenus in eo sunt omnes gradus, & genera entium. 3. 1. 3.

Voluntarium quid sit, & in quo differat à volito? 6. 1. 1. Quid etiam sit violentum, coactum, & Involuntarium? 6. 1. 2. Num sit perfectior actus voluntatis liber, quàm necessarius? 6. 1. 3.

Voluntarium sine omni actu num sit possibile: 6. 1. 8.

Voluntas num possit coactionem pati in actibus suis? 6. 1. 4. Potest voluntas eligere minus bonum neglecto majori, etiam efficacius proposito. 6. 8. 6.

Voluntas Dæmonum non habet physicam, sed moralem dumtaxat impotentiam ad ponendos actus honestos naturales: Actus tamen supernaturales ne physicè quidem potest ponere. 5. 3. 5.

F I N I S.



